




João: Batista

ingacú he H.



IOANNIS BAPTISTAE
EGNATII VIRI DOCTISSIMI DE
exemplis Illustrium Virorum Venetae ciui-
tatis atque aliarum Gentium.
CVM INDICE RERVM NOTABILIVM.



Cum priuilegijs. 
Venetijs, M D L I I I I.

jo. Alynj' Burtoni Alcani,
Et amicae.

IVlij III. Pont. max. Seuerissimo edicto cautum est,
ne quis libros Ioannis Bapt. Egnatij nunc primum ex-
cufos, vel etiam postea excudendos, intra proximum de-
cennium imprimere, aut impressos vendere audeat, nisi
Vicentij Donini Presbiteri concessu. Et qui temerario
ausu secus fecerit, is & sese Christianorum commercio
statim interdici sciat, & viginti quinque aureis numis in
singulos libros multatum iri. vt in pontificio diplomate
latius explicatum est.

CAutum præterea Illustrissimi Veneti Senatus necnon
Caroli V. Imperatoris maximi priuilegijs, nequis
intra decennium præter eum cui Vincentius doninus
mandarit, hosce libros quoquo modo impressiõni subij-
cere, aut ab alio impressos venales habere audeat. qui au-
tem tantorum principum auctoritatem neglexerit, is se vti
in ipsis diplomatibus continetur multatum cognoscet.

CLARISSIMO VIRO PETRO
FRANCISCO CONTARENO AVVNCULO
INTEGERRIMO, MARCVS MOLINVS CLA-
rissimi Marci Procuratoris Filius. S. P. D.



I QVOD est, charissime auuncule, excolēde hominum
uitę munus à magnis olim uiris, ac sapientibus excogita-
tum, siue diuino beneficio ultrò concessum, quod nos
laudare maxime, in primisq; admirari deceat, illud pro-
fectò, quod nobis ex historia emanauit summum, atque
præcipuum omnium meritò æstimari debet. quandoqui-
dem nihil est in omni hominum uita, unde maiores utilita-
tes & honestiores uoluptates capiamus, quam ex histo-
rię cognitione. Hęc una nimirum nos pueros alit, erudi-
dit, instituit, et ad omnem uirtutem componit. Iuuenes ad
laudatissima, & honestissima quęque exemplis excitat, a turpitudine uitijsq; deter-
ret: etatem quoque nimium sui confidentem, & ad temeritatem procliuem coercet, atq;
nihil supra uires citraq; consilium esse audendum alieno discrimine docet: quod discen-
di genus optimum existimatur. Senes præterea delectat, & illius ætatis tædium rerum
uarietate mirifice leuat. Huius beneficio nullibi gentium peregrinamur. Ecquod quęso
hominum genus tanta uel maris uastitate, uel montium mole a nobis disunctum est, ac
penitus diuisum, quin hęc ad eius notitiam nos quasi in rem præsentem perducatur? Quę
res unquam tanto uetustatis situ oppressa tamq; ab hominum memoria seiuncta, quin his-
toricę beneficio in pristinum lumen, ac splendorem reuocari queat? quamobrem histo-
ricos non modo scriptoribus alijs, sed ipsis etiam legum latoribus, quibus post deos
immortales summi honores semper delati sunt, iure optimo anteferas. nam dum leges
condunt, dum instituta ciuib; præscribunt, dum præcepta rectę uiuendi tradunt, pro-
sunt illi quidem, sed certum unius ciuitatis populum instituunt. Hi autẽ exempla supp-
dunt infinita, quę omnium mortalium animos multo magis, & iuuare & mouere
queant. ut meritò a doctissimis uiris sola historię uitę magistra, temporum testis, lu-
men ueritatis, nuncia uetustatis appelletur. quod una ab ipsius mundi primordio quic-
quid ubique terrarum dictũ, factũ ue memorabile gestum sit, ab iniuria temporum, è te-
nebris obliuionis in lucem, ac hominum memoriã uendicet. Quid quod eius cognitio
cæteris facultatibus non solum est utilissima, uerum etiam longe maxime necessaria. Qua-
lis obsecro futurus orator si historię cognitione careat? quàm aridus, quàm ingratus
multitudini eius oratio, quàm propè modum elinguis uidebitur? Unde orationis copia at-
que uerborum? unde sententiarum ornatus? unde nobis uis illa exemplorum, quę quass-
arietes & bellicas machinas auditorum animis aduocare solemus? Iam ne poetę quid-
dem quorum præcipuę partes sunt delectare, uel etiam docere, tantam uoluptatem al-
laturi uidentur, nisi grandiloquam illam, ac tragicam tubam ab historicis sumpserint.

* 2 Sed

Sed ne in singulis morer. cum longe aliud sit mihi consilium quam historie laudes contem-
nere. quis non uideat certissimis rerum argumentis, historiam ab omnibus esse maxime
expetendam, quod uia ex omnibus apud quamuis barbaram nationem, & incultam ex-
pers calumnie fuerit & Nec ullus adhuc mortalium tam impudens, tam temerarius in-
uentus sit, qui tam aliquo conuicio incesserit. Grammatice quidem a plerisque ut gra-
uis & molesta, ut nugarum, superstitionumque plena uituperatur. Eloquentiam quo-
que ipsam, quam alias dominam, ac principem ciuitatum fecerunt, multi ex doli mali
formula, quod uerborum quibusdam prastigijs iudicibus imponat, ream peregere. quin
& philosophia, ut otiosa, ac plena desidia, & prorsus mortalibus inutilis male au-
dit, atq; uulgo conuitijs proscinditur. ijs adde quod non indoctissimi uiri totum hoc phi-
losophari aut damnauerunt omnino, aut paucis attingendum monuerunt. Sola igitur
supereft historia omnium iudicio semper laudata, omnium suffragijs, uel etiam Palla-
dis (quod alijs) approbata, nullis probis, nullis contumelijs obnoxia. Verum cum
omnes historie ad hominum uitam recte instituendam plurimum faciunt, tum illæ in pri-
mis, quæ exemplis quamplurimis abundant. Siquidem ad commouendos animos uim
multo maiorem habent exempla, quam ipsa uerba. Quoniam ita siue natura siue mori-
bus comparatum est, ut omnes id libentius agant, cuius auctores uiros prastantissimos
fuisse intelligant. Quod nemo (mea quidem sententia) ex antiquis scriptoribus facilius,
abundantiusq; prastabit, quam unus Valerius maximus. is enim omnia quæ in alijs scri-
ptoribus sparsim legebantur exempla in unam congescit. Hunc postea secuti Fulgositus,
& Sabellius doctissimi uiri, aliquot exemplorum libros. Sed non eodem ordine, quo
Valerius, neque pari felicitate ediderunt. post uero omnes, Egnatius uir ob egregiam
eruditionem omni memoria dignus, hanc spartam sibi exornandam accepit: tantumque
in hoc scribendi genere profecit, ut priores omnes multis partibus superauerit. solusq;
uisus sit omne tulisse punctum. Conscripsit itaque nouem libros exemplorum ex Valerij
max. prescripto. sumpsit primum religionis exempla ab ipsis urbis incunabulis. deinde
quæcunque uel nostra uel patrum uel etiam superiore ætate ubique gentium, atque lo-
corum digna relatione gesta sunt, miro animi candore tractauit, ut nihil ad hominum
plausum confectum, nihil in quo eius aut fidem aut diligentiam desideres, inuenias. Sed
ueluti frugalissima apis per amœna omnium tum uetrum, tum recentium scriptorum
præta peruolitans, ex uno quoque quod esset optimam ad tam egregium opus decerpfit,
atque in hos libros tanquam in reconditissimos thesauros coniecit, atque uno mediocri
uolumine ingentes historiæ moles complexus est. In alijs aliaquidem leges præstan-
tium uirorum facta in hoc uno συλλήδων omnia inuenias, & quod in alijs per partes
mireris hic unus præstitit. Utinam tantus uir longissimo æuo dignus, tantum adhuc nixis-
set, quantum emendandis his libris corrigendisq; fuisset satis. nonnulla procul dubio
addidisset, aliqua correxisset, pauca quædam forsitan immutasset. Sed plerunque sinia-
stro quodam fato euenire uideas, ut tam eximij fœtus orbi parentibus exeant. quod il-
le ne sibi accideret summo opere uerebatur, quum sæpissime diceret, iam sibi nihil esse
quod uiueret, nisi ut huic operi extremam manum imponeret. Sed uix potuit diu præui-
sum satorum ictum penitus declinare. quod profecto illi minus dolendum fuit, quum ta-

lem huic operi tutorem testamento assignasset, de cuius fide, atque diligentia nemo ho-
 nus unquam dubitauit. Quo fit ut hominis felicitate maxime admirari soleam, quod non
 in omni uita modo, sed in morte quoque fuerit fortunatissimus. quippe qui uirum, inte-
 gerrima fide, omnique uita probatissimum nominis, ac memorie suæ tutorem, fortuna-
 rum præterea omnium heredem reliquerit. quod sanè felicissimi hominis fuit. Nam so-
 lent homines in conficiendis testamentorum tabulis præcipue solliciti esse, ut diligentes
 et gratos heredes instituant. quod quidem in primis magis ac magis illi prospiciendum
 fuit, qui non fortunas solum (quæ illi profecto perexiguæ) fuerant sed tot animi sui monu-
 menta, memoriam, nomen, omnem denique existimationem delegaret, unius hominis
 fidei comitteret. at illi planè perspecta erat patris mei fides ac diligentia, utpote qui a
 teneris unguiculis (ut dicitur) illum probe nouerat, quem primis literarum rudimentis
 imbuerat, plurimæ postea amicitie cause ultro citroq; intercesserant. nam pater meus
 quantum literis, moribus, optimisque institutis profecisset, id totum Egnatio referebat
 acceptum. ille uero quod tantum et dignitate et opibus esset auctus, patris mei opere,
 ac diligentiæ tribuendum existimabat. Huc præterea accesserat par in utroque studium,
 idem uirtutis ardor, ut facile in illis platonium illud agnouisses ὁμοιον ὁμοίῳ κατὰ ἀ-
 ρετὴν, καὶ ἴσον ἴσῳ. uirum igitur tam amicum, tam fidelem, tam sui similem, magna sua
 felicitate adeptus est, cui potissimum labores suos commendaret. quid in tota uita: quid
 attinet referre, quàm feliciter uixerit? Primum Venetijs natus est, urbe totius orbis
 præclarissima, parentibus tam optimis tanque honestis, ut in eis nihil præter indignita-
 tem fortunæ reprehendas, quam tamen statim sua industria emendauit. Quid memorem
 naturæ felicitatem? Quid eius ingenio ardentius ad discendum, aut fecundius ad inue-
 niendum? Quæ unquam memoria facilior in percipiendo, fidelior in retinendo? si in eo
 laudem eloquentiæ quæras, hæc profecto omnes sunt temporis doctos homines facile ui-
 cit. sin eruditionem, quæ se te quem uel nostra uel patrum ætate habes, tam numeris om-
 nibus absolutum, qui cum Egnatio nostro sit committendus? quis unquam orbicularem
 illam ac planè perfectam eruditionem, quam Greci ἐγκυκλιωδὲς ἐδιδάσκον appellanti, sæ-
 licum imbibit, concoxit, absoluit? Cui mortalium tantarum historiarum cognitio contia-
 git? quis omnium gentium ac populorum ab ipsius orbis primordio, ad nostram usque
 ætatem plura monumenta euoluit? Quis omnes Geographiæ partes feliciter deprehē-
 dit; quem nullus locus, nulla ciuitas, nulla insula, nullus denique terrarum angulus la-
 tuerit? Quis antiquitatis solertior, ac diligentior indagator? Si in eo præterea comi-
 tatem, iocosque desideres, quis amicis iucundior? quis festiuior, si res delectationem po-
 stularet? Siquid forte corrigendum foret, quid illo dexterius? Dii boni quantam mansuetu-
 dine seueritatem correctionis temperabat. nemo propensiori, allacrioriq; animo iuuen-
 tutem instituit. nemo maiori audientium profectu publice professus est. Quem profecto
 uirum si quis rectè expendat, non solum ad decus nostri seculi, uerum etiam ad erigen-
 da Venetæ iuuentutis ingenia, atque ad optimarum artium studia prouebenda summo dei
 opt. max. beneficio huic præclarissimæ urbi genitum datumque fatebitur. postremo ue-
 ro, si omnes eius mores diligenter inspicias. perfectum sanè atque absolutum innocentis-
 simæ uitæ exemplar sese offert. Vniuersa enim eius uita nihil aliud quàm ardentissimam
 religionem,

religionem, Christianamq; pietatem spirat. Poterat omnis Veneta ciuitas in hoc uno, perinde atque in purissimo speculo sese ad omnem pietatem, eruditionemque componere. Merito & illud in hoc mireris, quod quum omnes & animi & corporis vires senectus adimat, omnemque mentis aciem retundat, huic nihil detraxerit, quinimo illud ei contigisse uideas, quod beatissimis uiris accidere solitum afferri Plato, ut tum demum incipiant animo menteque ualere, quum oculorum acies hebetatur aetate. Sed tanti uiri laudibus quæ oratio par inueniri potest & uel quid est quod eius uirtute dignum, aut tibi nouum, aut cuiquam nostræ ciuitatis inauditum afferre possum? Verum hæc non quasi tibi incognita & peregrina scribo, sed quæ tu ut uetera recognoscas. Hæc in præsentia obiter de Egnatij nostri laudibus a me dicta sint. neque enim id fuit consilij, tot egregias hominis dotes, una epistola perstringere. Sed interim illud unum præterire nequeo, homunciones quosdam nefario scelere audaces, in tam singularis, tanque omnium iudicio probati uiri memoriam inuectos: atque male consarcinata epistola, ac uix coherentiam placidos manes uolare fuisse ausos. Ut iam exclamare libet, o mores, o tempora. unde repente tam inopinata atque immania monstrata unde isti tam infesti Calydonesij apri spumoso ore in præclaram omnium uirtutum sylum debachantes? Vniuersamq; optimi ac doctissimi uiri famæ atque existimationis segetem indignè deuastantes. Ergo iterum opus est hercule? iam tertius decimus instat labor? Dij uostram fidem. Sed attende queso quid præclari isti censores damnent. Egnatium parum christianè uixisse, atq; eadem, qua uixerit pietate, defunctum esse. id nimirum quod quenuis hominem Christianum offendere potuisset. Sed qua tandem in urbe hoc leuissimi homines mentiti sunt? nempe in illa, quæ hunc genuit, educauit, atque ad amplissimos honores summo iudicio promouit, ac publicis decretis toties decorauit. o insignem audaciam, o manifestam calumniam. Vides quam libere, quam confidenter pronuntient, quam grauem notam defuncto homini inurant. quid queso reliquum erit Christiano homini si religionem adimas, non solum in cætera uita, sed etiam sub ipsam mortis tempus, quando uel perditissimi homines respiscere solent? Verum ne tam argutum illorum mendacium non careret ratione & ἔκστασι protulerunt. quod etiam, ne præter rerum scientiam, linguarum cognitionem illis deesse putes, græce explicarunt ἀδύνατον ἔστι κακῶς ζῶντα, καὶ κακῶς ἀποθανῆναι, sed præstiterit fortasse hæc illorum dementia misisse. nunc ad institutum. reliquit itaque Egnatius nouem exemplorum libros. Valerium maximum ex professo secutus, in quibus omnigenæ uirtutis exempla a uiris nostræ ciuitatis iam usque ab ipsis urbis primordijs prodita, ac deinceps ad nostra usque tempora recenset. deinde quæ ubique locorum diuersis temporibus digna relatione acciderunt, mira facilitate, breuitate minime obscura, stilo mundo & terso, eloquentia propostæ materie decenti tractat, ut legentes plurimum & delectare & inuare possit. Quos libros pater meus, ne quo tesauo mortales omnes ditari possent, illum pene se continere uideretur: quamprimum typis comittendos curauit. Nos autem quibus hæc prouincia a patre demandata fuit, sedulo ac pro uirili unâ cum præceptore dedimus operam, ut quam emendatissimi prodirent. An id præstiterim nescio, illud certò scio, me plurimum in eo de sudasse. ita erant ab exceptore nescio quo imperito pessime multati, ut sæpe mihi diuinandum fuerit.

Ut ut

Vt ut igitur sunt, eos nomini tuo dicari uolui. multa enim tua uirtute digna exempla leges, uiros tui similes quàm plurimos recognoscēs. Vale auuncule amantissime, Egnatioq; nostro, uel potius iam tuo pacem precare perpetuam.

VENETIIS ex ædibus clarissimi Marci Molini, D. M. Procur.

Die 30. mensis Aprilis

M D LIII.

IOANNES Baptista Egnatius præbyter VENETIIS ortus Egnatia familia, honesta illa quidem sed tenui fortuna. Vir & scientia & religione insignis quadraginta fere annos humaniores literas cum summa totius Italia admiratione publice professus est. adeo uniuersæ Venetæ ciuitati ob singularem eruditionem, ac morum probitatem carus, ut ex Senatus decreto ducentis aureis numis quotiâns iam publico munere defunctus, ac planè emeritus quo ad uixerit donaretur. Omnia præterea eius bona ex edicto decemuiralis consilij publico censu exempta sunt, cuius ille beneficij, & memor & gratus tres amplifsonas patritij sanguinis familias, Molinæ uidelicet, Lauretanæ & Bragadenæ delegit, quas supremis tabulis honoraret. Reliquit inacter multa & præclara ingenij sui monumenta, nouem libros de exemplis Illustrum uiroꝝ, & septuaginta orationes dignas profecto, quæ ab omnibus legantur, quæ etiam fauente deo propediem in lucem prodibunt. Octogenarius Francisco Donato Venet. Duce decessit. 2553. 2. Iulij.

Candido ac cordato Lectori. Nicolaus Stopius.

QVI cupis ex factis clarorum rite virorum
Noscere vita quibus sit moribus instituenda,
Hæc lege, quæ scripsit clarus doctrina Ioannes
Baptista Egnatius, probitatis & integritatis
Exemplat verum, qui clara exempla reliquit
Inter mortales, quibus ætherea itur ad astra:
Amplexanda docens, reprobandis quæ sunt fugienda,
Rectè ut uiuenti maneat sua gloria perpes.
Nil iuuat egregio quod quis sit stemmate natus,
Vel quòd virtutes possit memorare parentum
Magnanimum nisi sit virtute & præditus ipse,
Vertitur at vitio quod laudi credit haberi:
Nobilitas siquidem nihil est virtute relicta
Hanc querit sapiens, acquirit & vsque referuat
Omnibus in rebus comes est fidissima semper
Aequiuale re quisque studet si non superare
Concessum fuerit, nomen sic nomen adauget,
Virtus sola beat, cui cedunt cunctaque parent.
His igitur fruire exemplis pie lector & vsque
Sis memor auctoris, nostri sunt ut memor ipse,
Dum sincerus amor probitatis & inclita virtus
Hos vigili studio persuasit obire labores.

Τέλος.

IOANNIS BAPTISTAE EGNATII
Librorum nouem Capita.

DE RELIGIONE Venetorum	Cap. 1	De <i>Instituta</i>	cap. 5
De neglecta religione	cap. 2	De <i>fide publica</i>	cap. 6
De simulata religione	cap. 3	De <i>uxorum fide erga maritos</i>	cap. 7
De omnibus	cap. 4	De <i>mutatione morum & fortuna</i>	cap. 8
De prodigijs	cap. 5	De <i>sublimitate a statu humili</i>	cap. 9
De miraculis	cap. 6	De <i>varietate casuum</i>	cap. 10
Secundi libri.		Septimi libri.	
De Venetorum institutis	Cap. 1	De <i>felicitate</i>	Cap. 1
De disciplina militari	cap. 2	Sapienter dicta aut facta	cap. 2
De iure triumphandi	cap. 3	Vasè dicta aut facta	cap. 3
De censoria nota	cap. 4	De <i>stratagematis</i>	cap. 4
De maiestate	cap. 5	De <i>repulsijs</i>	cap. 5
Tertij libri.		De <i>necessitate</i>	cap. 6
De indole	Cap. 1	De <i>testamentis quae rescissa sunt</i>	cap. 7
De fortitudine	cap. 2	De <i>testamentis quae rata manserunt</i>	cap. 8
De patientia	cap. 3	Qui <i>aduersus opiniones hominum haeredit</i>	cap. 9
De ijs qui humili loco nati clari euasere	cap. 4	habuerunt	cap. 10
De ijs qui a parentibus clavis degenerauerunt	cap. 5	Rei quibus, ex causis soluti aut damnati sunt	Cap. 1
De fiducia sui.	cap. 6	De <i>primarijs inditijs</i>	cap. 2
De constantia	cap. 7	Quae mulieres literis & eruditione excelluerunt	cap. 3
Quarti libri.		De <i>questionibus</i>	cap. 4
De animi moderatione	Cap. 1	De <i>testibus</i>	cap. 5
De ijs qui ex inimicis inuicli sunt amici- tia et affinitate	cap. 2	Qui quae in alijs vindicarunt ipsi comiserunt	cap. 6
De abstinentia & continentia	cap. 3	De <i>studio & industria</i>	cap. 7
De paupertate	cap. 4	De <i>otio</i>	cap. 8
De verecundia	cap. 5	Quanta uis est eloquentiae	cap. 9
De amore coniugali	cap. 6	Quantum momentum sit in pronuntiatione	cap. 10
De amicitia	cap. 7	Quam magni effectus artium	cap. 11
De liberalitate	cap. 8	Quaedam nulla arte effici possunt	cap. 12
Quinti libri.		Sua quaeque artis autorem & disputa- torem optimum esse	cap. 13
De humanitate	Cap. 1	De <i>senectute</i>	cap. 14
De gratia	cap. 2	De <i>cupidine gloria</i>	cap. 15
De ingratia	cap. 3	Quae cuique magnifica comigerunt	cap. 16
De pietate erga parentes	cap. 4	Nonilibri.	
De pietate erga fratres	cap. 5	De <i>luxuria</i>	Cap. 1
De pietate erga patriam	cap. 6	De <i>crudelitate</i>	cap. 2
De parentum amore & indulgentia in li- beros	cap. 7	De <i>ira & odio</i>	cap. 3
De parentum severitate aduersus libe- ros	cap. 8	De <i>auaritia</i>	cap. 4
De parentum moderatione aduersus susce- ptos liberos	cap. 9	De <i>superbia & impotentia</i>	cap. 5
De parentibus qui obitum filiorum forti animo tulerunt	cap. 10	De <i>perfidia</i>	cap. 6
Sexti libri.		De <i>ui & seditione</i>	cap. 7
De pudicitia	Cap. 1	De <i>temeritate</i>	cap. 8
Quae libere dicta aut facta	cap. 2	Quantum ualeat error	cap. 9
De severitate	cap. 3	De <i>ditione</i>	cap. 10
Graviter dicta aut facta	cap. 4	Dicta improba aut facta	cap. 11
		De <i>cupidine uita</i>	cap. 12

IOANNIS BAPTISTAE EGNATII,
VIRI DOCTISS. DE EXEMPLIS
ILLVSTRIVM VIRORVM VENETAE
CIVITATIS, ATQVE ALIARVM
GENTIVM.

LIBER PRIMVS.

Prologus.



CHRISTIANA pietas hebræorum va-
tum oraculis, & sybillinis vocibus, tan-
to antea prædicta, subinde autorẽ for-
tita deum: qui non sua specie, vni in
primis Iudææ datus est: Sortita mox
gentes, vniuersumque terrarum or-
bẽm, ab indoctis quidem illis, & impe-
ritis (vt vulgo tum videbatur) cæterum & vitæ sanctimo-
nia clavis, miro quodam rerum successu prædicata, marty-
rum sanguine, & interdum nationum cæde comprobata,
miraculorum magnitudine sancita: puritate simplici de
illa rectè viuendi patrum nostrorum norma, vsque aded
omnibus expetita est: vt victrix illa Romanæ vrbis, & tol-
tius subindè orbis: tandẽnque libera intra ducetesiũm,
ex quo caperat, annum caput extulerit. Virtutẽmque
ipsam religionẽmque cum sapientiæ studio coniunctam
comprobarit in primis expetendam. Qua in re exquiren-
da magno, & excellenti ingenio viri, ætatem ferè omnem
antehac frustra consumplerant. vt in tanta rei nouitate,
quantam illi pollicebantur, paupertatẽ nimirum, ac om-
nium humanarum rerum contemptum, mirum sit, aut

sub ipsius initia non oppressam, aut quum latius iam ferperet, gentium mutuo consensu non omnino damnatam, Caterum veritas impugnari quidem, atque obscurari interdum potest: vinci vero, aut opprimi nequaquam potest.

ET SANE quum ipsa pietatis nostrae auspicia iure, ac merito altius à nobis repetita sunt: quando illa, & per quos autores diuersis temporibus caperit, explicare tentabimus. vt post illustrium toto terrarum orbe gentium, & populorum relationem, Venetae urbis incunabula recensendo, subtexam, ac eius in religionem nostram beneficia repetam. Nam quum a uiris christianis, qui Hunnicam illam inundationem, rebus Italiae in primis infestam fugerent, condita ciuitas haec sit, quae fuerint cum ipsius urbis fundamentis pietatis exordia, qui secutis postea aetatibus, ad nostram memoriam progressus referam. vt habeant posteri vnde & orbis, & urbis huius illustria monumenta mirentur. quae ab alijs certè diffusius prodita memoriae sunt, quam vt breuiter ex illorum scriptis cognosci facile possint. Dabunt autem veniam, quicumque haec nostratia legent, si Valerium Max. secuti, Veneta prius exempla, tum reliqui totius orbis praecara dicta, vel facta memorabimus.

DE VENETIS, ET PRIMA

Urbis origine,



ON INDIGNABITUR orbis, vnam sibi in nostra commentatione, urbem præferri, quæ certè nisi, post Romæ excidium, vna extaret, non satis omnino commodè ageretur. quum hæc ipsa ciuitas tot gentes diuersas moribus, institutis, legibus, fide, commercio terrarum, quod in primis exercet, iunxerit. Illa igitur cum ab alijs omnibus in eo distat, quòd à Christianis viris condita, pietatem orthodoxæ fidei semper est integrè complexa, tum quòd prima eius fundamenta à sacræ ædis consecratione caperint. Et sane præter auctorum fidem, qui pro certo hoc tradunt, pium, fasque est credere, urbem, quæ ab exiguis initijs in immensum postea creuerit, non aliud sortiri exordium potuisse, quum, vel Platone teste, nulla ciuitas, aut prospere constitui sine fauore numinis possit, aut constitutâ, feliciter administrari queat.

De diui Iacobi æde.

DVRAT adhuc in oculatissima urbis parte, ad nummularias scilicet mensas, ædes D. Iacobo extructa, vel recenti miraculo maxime memorabilis, quum superioribus annis, quàm hæc ipsi commentaremur, Ignis Riualtinam insulam totam temporis momento, præter hanc vnam ædem, consumpserit. Primi itaque urbis nostræ conditores (quos patavinos fuisse haud ambigam) quum eas quasdam extruxissent, nec adhuc templum alicui numini dicassent, & dicandum tamen in primis ab omnibus constaret, sed interim neque de loco, neque de sumptus ratione convenirent: forte, an dei providentia potius factum est, ut repente ignis ex architecti domo noctu erumpens, continuato incendio quatuor & viginti domos absumpserit, vento, & materia passim disiecta flammæ alentibus, quumque humana ope obsisti non posse videretur, versa in preces multitudo, memorque subinde facta pietatis, quam deo deberet, ædem D. Iacobo inter ipsas incendij crepitantis flammæ vouit; vix enim nuncupatum votum erat, & mox præsens affuit precantibus deus. Ignis enim ille paulo ante minax, eodem momento desedit. Et ædes ex voto D. Iacobo erecta, dicataque. Præsules, qui eam dedicarunt, Seuerianus Patavinus, Hilarius Alpinus, Iocundus Tarvisinus, & Epodion Opiterginus traduntur. Atque adeo diligens vetustas, in hoc vno facto memoriæ mandando fuit, ut diem quoque natalitium urbis prodiderit, octavum, videlicet, Cal. Aprilis.

metoildet

A 2 De auxilio

De auxilio Narseti præstito ad expellendos Italia Gothos.

ET QUANDO vrbs ab his inijs ortum susceperat, non potuit Christianæ pietatis non summopere esse studiosissima quare Narseti in Gothos exercitum difficili admodum, & perplexo itinere Rauennam versus ductanti, non solum ipsi præstò fuere, sed, vt facilius ductus graio Imperatori per æstuarium, & fluuiorum tot ostia esset, nauibus datis, & fluuijs ponte constratis, fecere. Vnde ille facile expeditus, collaudata populi tum primum nascentis industria, & opera, in facti memoriam sacella duo, si res bellicæ ex sententia cederent, vouit, & votis parta victoria, dicauit, alterum Theodoro intra ædem auream subinde comprehensum, alterum cum vestigio vetustatis Geminiano, & Menæ cœlitibus, in aræ marciæ fronte.

De Rauenna à Langobardorum manibus vindicata.

ET NE non semper de religione non optimè mereretur, eadem hæc ciuitas Rauennam Langobardorum armis oppressam, pulso inde Hæxarcho, valida continuo classe, ad vrbs vicinæ liberationem transmissa, facile tenuit, vt pulsus inde hostibus receperint, receptâ Græco principi restituerint, in quo aliquid etiam Pont. Gregorij gratiæ datam videri potest, qui per epistolam, quæ adhuc extat, id à Venetis petierit.

De Narentanis pyratib.

NARENTANI quoque, qui Dalmatiæ littora à Sclauis orti, & latrocinijs infames diù tenuere, quum Venetis multo infestiores essent, quam vt ferri diutius ex ciuitatis dignitate possent, toties bello à Venetis petiti sunt, vt non prius cum his sit bellari desitum, quam inter pacis conditiones (petebant enim illam suplices) id præcipue cautum sit, vt christianam pietatem in primis susciperent. Cætera verò haud maiori studio exacta, nisi vt post hæc à tam nefandis latrocinijs abstinerent, à quibus christiana pietas maxime abhorreat, restitutis interim omnibus, quæ ad eam diem extorsissent.

De classe in Sarracenos ducta.

EX hæc infantis vrbs, ac tum primum nascentis adscripserim, quæ sequuntur vt adultam illam varijs casibus exercuere, sic multo illam mi-

rabiliorem effecerunt, nam quum in sarracenos terram Italiam fœda clade vastantes, classem quadraginta nauium Tradonico principi ducendam comparassent, quæ Theodosio Græco duci iuncta rem gereret, tametsi Venetus acerrime in hostes fidei inuestus dimicarit, tamen à græcis inter primum pugnæ ardorem destitutus, tantam cladem passus est, vt ne vna quidem navis ex tam numerosa classe incolumis euaserit. Non deteruit tamen Venetorum animos tam insignis accepta clades, vt quum primum nūciatum eis esset sarracenos è Creta insula in Adriaticum sinum ad omnemque Italiam deuastandam classe in genti comparata venturos, illi statim ad Gradum occurrerent, atque ibidem inita viriliter pugna, hostes ingenti clade affectos, sic supero mari expulerunt, vt clades accepta non facile animis eorum exciderit. Quæ victoria vel eo lætior fuit, quod Basiliius imperator Vrsūm Particiacum ducem, quo autore res erat gesta, Prothospatarium declarauit, quæ dignitas inter primarias, penes græcos principes habebatur.

De eisdem victis.

Et ne Vngaros, qui urbem aggressi fuerant, memorem, quando illa pugna pro liris, & focis pugnata, videri potest, eosdem verò sarracenos, qui Genuam ceperant, & Barrum obsidebant, quam urbem prius comitatu iuimus, tanta clade superarunt Petri vrscoli ducis auspicijs, vt ab eo tempore nunquam Sarraceni classibus Italiam petere sint ausi.

De classe ingenti in Syriam ducta.

ILLÆ verò maxime memorabilis expeditio, & æterna recordatione conscranda videtur: Galli Principes, & maior Europæ pars ad pontificis urbani ita adhortationem excitati, de recuperandis Hierosolimis, communi omnium sententia, parique alacritate consilium ceperant, & quod plerisque constare video, ad trecenta millia pedum, cætum, equitum, expeditio illa sub signis Gottifredi Bolionij, atq; auspicijs, habuit. Sanè in dicti belli famam secuta ciuitas, ducentarum nauium classem armasse traditur, quæ in Ioniz oram inuecta, Smyrnam, & reliquam oram turcis subiectam, vastauit, cui Henricus Contareus Oliuolensis antistes, & Vitalis Michael ducis filius cum imperio præfuerunt, vt in re tam pia, tamque sacra merito sacerdos præfuisse videri possit.

De eisdem Venetis.

Nec minor, nauium numero, classis illa fuit, quippe quæ octoginta onerarias naues habuerit, quam Dominicus Michael Dux comparauit

in Callisti Pont. gratiam, qui recepta obiter Dalmatia, vastatisque græci imperij vrbibus (oderat enim græcus Imperator Venetum nomen ex professo, quòd rem Christianam tam obnixè iuarent) Sarracenicam classem, quæ Ioppem septingentarum nauium arctissima obsidione premebat, adeò disiecit improuiso insultu, vt ferè maior nauium pars medijs oppressa sit fluctibus, quædam captæ, pauca fuga delapsæ. ex quo & vrbs obsidione leuata, & Tyrus mox oppugnata Venetorum armis, non sine labore recepta, datum inde Venetis vtrobique, vt forum suum sibi haberent, certumque vicum, areamque, priuumque templum perpetuo possiderent: id quod in omnibus, quæ post expugnarentur oppidis Syriæ concessum inuenio, communicatumque sermè cum illis regnum.

Ducta est & Ordolpho saletro Principe classis in Syriâ, & ducta quidem illa, tam felices rerum successus habuit, vt expurgatæ Sydon & beyrus, vetustæ, claræque olim Syriæ vrbes sint, Pharamia quoque ad Nilii ostia posita, clarum tum oppidum, & pollens, non expugnata solum, sed euerfa, abductaque inde, in Sarracenorum inuidiam, mortales omnes, prædaque, quantam urbs illa alioqui opulenta tum dare potuit.

De Othone Friderici Imperatoris filio victo.

FREMANT licet multi, alij verò dum mussent, inuideant, hæc certe ciuitas Alexandrum Pontificem fugitabundum Friderici Aencobarbi insidias, atque ideo intra Cænobium, quod caritatis appellant, latentem, excepit, exceptum nihil Imperatoriam verita maiestatem, dum Pontificiam multò augustiorem tuetur, fouit. Classeque ingenti comparata, quam Cianus Princeps ducet, Othonem Friderici victum maritimo prælio, ad Pontificem duxit, inde mox fracta Imperatoris peruicacia, quum & ille ad Pontificem supplex Venetias in eodem diui Marci auream venisset, pax conciliata, & vtrunque mox abeuntem Cianus Princeps deducens, Imperatorem Rauennam vsque, Pontificem aliquantò ulterius, nauatæ operæ illustria monumenta ab optimo Pontifice retulerit, tubas argenteas, Umbellam, auratamque sellam, puluinum aureum, & vexilla sex versicoloria, Pontificium præterea Imperatoriumque tantum munus, plumbo signandi literas ius.

De Petro Zenò.

Non est consilium, aut receptæ Constantinòpolis Dandolo duce decus, victoriasque tunc partas; aut in Ecelinum, quouis Sarraceno tetriorem arma rogatu Pontificis sumpta: aut diuersis temporibus ingentes pro fidei Christi, sæpe classes instructas perstringere, quando vna Petri Zeni in Morbassanum

Morbassanum Turcarum potentissimum per ea tempora Principem, expeditio iustius explicabitur, qui pontificia, & sociali classe adiutus, domesticæ verò longè paratior victis nauali prælio Turcis, Smyrnaque oppido expugnato, dum sacris de more cum alijs Principibus ex victoria securus operatur, fortiter in templo adhuc agens, cum paucis pugnans, à multitudine oppressus occubuit. ex quo tempore, velut hæreditarium in eam gentem flagrantissimum odium, in Venetòs perpetuò mansit.

De Petro Lauretano.

VERUM Vt hæc tam multa æquis auribus multi legant, & alioqui multa omittimus, quando breuitas à me quæritur. Sed Lauretanæ familiæ decus, & si vellem, tacere non possum. Quis enim non libèter audiat, nisi idem Christiano nòmini sit planè insensus, superato Hellespòto Cal. Iulij à Petro Lauretano, Ludouici Procuratoris filio, ad Callipolim Turcicam classẽ numerosissimam fusam, superatamque esse, nauibus eorũ partim captis, partim depressis, milleque & quingentis ex ea classe captiuis? quam virtutem Iacobi, & Aloisij, & Antonij omnes Imperatorij, & procuratorij, veluti hæreditariam in eam gentem magnis rebus gestis sæpe probarunt.

De bello Othomanico.

HÆC EADEM ciuitas Othomanicum bellum sola fermè sustinuit, Principemque illum plusquam hostilibus odijs fidei nostræ infestum, gentili quadam rabie, & cupiditatis stimulis agitatum, vt Maumethanam sectam toti Europæ inferret, adeò repressit, vt quoad ille cum Venetis bellum habuit (gestum est autem per quatuor & viginti annos) ab Italiæ inuasionẽ abstineret: id quod facile facta pace Hydruntinæ vrbs expugnatio miserabilis ostendit.

Clauserit verò caput hoc ipsum, confirmarique religionis, pietatisque Vehetæ in Christianum nomen præcipuam laudem, si quis animo secum reputet, in hac ipsa ciuitate sexaginta & duo diuorum spectari templa insignia, quas plebanias nominant, virginum vestalium, septem & viginti. Cænobia fratrum (quos dicimus) totidem præclara in primis haberi, ne Oliuolense interim Diuo Petro sacrum numerem, aureamque marciannæ ædem à Iustiniano particiaco duce institutam, quod templum postea intra septingentesimum, & amplius annum, non sine miraculo, admirationeque cunctarum nationum visitur: quum in toto serè orbe, quacunque christiana pietas diffunditur, quaque Maumethana superstitio retinetur, nihil huic simile inuenias. fuerit licet Hierosolimis institutũ templum non exiguæ celebritatis, fuerit Romæ Capitolini Iouis ædes erecta, in hac

in hac noſtrate præter opus ipſum, quod diximus admirandum, reſoſitum eſt D. Marci corpus, ſeptingentis ab hinc annis, ex Alexandria ſcili- ci omine ad nos aduectum, vt qui primus in terra Italia Aquileienſem ſe- dem erexiſſet, rediens ad nos, veluti poſtliminio, religionem, & pietatẽ Venetis perpetuò colendam meritò relinqueret.

EXTERNA.

De Conſtantino magno.

Nunc verò nobis primus in hac religione non occurrat Conſtantine ille magnus, qui ex Gallijs, vnde oriundus erat, aduerſus Maxentiũ vrbi dominantem, Italiam ingreſſus admonitus (vt credere par eſt) oraculo, crucis illi ſignum in aere oſtendente, & per illud ſignum victoriam pollicente, deo plenus, crucem pro aquilis præferens incruentam victoriam Maxentio ipſo Tyberini ex pontis fractura vorticibus abſorto retulit. Vnde ille tanti beneficii non immemor deum ipſum publicè adorandum omnibus præcepit. Araſque & ipſi Deo Opt. Max. & principibus noſtris Petro, & Paulo diuſ erecta, tanto pietatis ardore vt ſatis conſtet, ex templi fundamentis, quod in Lateranenſium parte extruxit, duodecim illum terræ cophinos proprijs humeris exportalle. Tantum ſæpe ſeſe religio, ac Dei cultus hominum pectoribus iucundus, & facilis inſinuat. Idem hic Imperator deſiderentes de fide patres, ex Arii delirio, tanto ſtudio conciliare ſtudit, vt euocatis ex omni Romano Imperio Nicæam Bythinie antiſtitibus, viatico liberaliter omnes proſecutus ſit; paratis etiã vehiculis, quæ eos deducerent. in quo ſanè concilio, quum libellos ad Principem ſacerdotes detuliſſent criminationibus mutuis plenos, Abite, inquit, abite, deus cuius in terris vicem geritis vos diiudicet. Inde veluti ex ſeminario quodã ſeſe mutuo carpendi in noſtro ordine, manſit quaſi hæreditaria execratio.

De Carolo magni pietate.

Non indignabuntur Clodouei Francorum regis manes, ſi Carolum magnum illis hac in parte prætulero: qui & longè maximas pro chriſtiana religione res geſſerit, & primus inter Francorum Principes magni cognomentum retulerit. quum præſertim, & ipſe ſtatim ſumma ſua cum laude conſequatur. Hic igitur Carolus, qui, vt dixi, magni cognomen- tum primus retulit, magnam Europæ partem ſibi obſtrinxit, Aquitanos ad pietatem veri Dei retraxit, Longobardos in Pontificum Romanorum gratiam, gentem inquietam, & Romæ maxime ſemper infeſtam ſuſtulit. Saxones, continuato per triginta annos bello, iugum fidei ſubire coegit. Sarracenos, qui totam Hiſpaniam terram occuparant, intra angulum Bæthicæ redegit. Leonem Pont. per ingiuriã aduerſæ factionis vrbe pul- ſum

sum in Barionæ sedem restituit. cui gratus Pont. Imperatoriam dignitatem Italæ per trecentos & amplius annos intermissam astruxit. in Boemos, Sclauos, & Danos non tam Imperium, quam fidem propagauit. Sarracenos inferum mare, & eius insulas sæpius infestantes, et ipsi vrbi Romæ terribiles ducum opera, & classe sua crebro vicit, vt non tam imperij fines, quàm fidei Christianæ propagandæ studiosior videretur.

De Clodoueo primo Francorum Rege.

VENDICET sibi ipse suis in Gallis Clodoueus huius nominis primus Francorum Rex, auctæ religionis nostræ laudem, qui nec Remigij sanctissimi viri monitis, nec Clotildis vxoris precibus, atque obtestatione adduci vnquam potuit, vt perfidiam, quã à maioribus imbiberat exueret. Cæli prouidentia arbitror factum, vt euidentiore merito fidem semel amplexus genti colèdam perpetuò autor ipse per manus traderet, mox Alemannis congressus, qui galliam ingentibus copijs inuaserant, quũ se ab ijs vinci cerneret, Deus inquit, quem Clotildis vxor colit, si hodie victor ex hostibus redeo, caput hoc meum, ac gentem tibi omnem trado, dicoque Nec defuit precationi tam piæ fœlix euentus. Victi statim hostes terga vertunt, vt duplex orbi miraculum esset, & victos eòs, qui paulo ante victores erant, & Regem Christianum factum, qui ab eo nomine tantũ prius abhorrebat.

De Recaredo Hispaniæ Rege.

IVNGENDA meritò Galliis Hispania est, vel quòd illis contermina, vel quòd miraculo proximæ gentis inuitata videri potest, in qua quũ Goti diu Imperium sub diuersis regibus Ariana labe infectis tenuissent, tandem Recaredi Regis autoritate, & Isidori Ispalensis prædis adortatione, eam Christianæ fidei puritatẽ sunt complexi, quam nec Hermegildus Recaredi patruus, vt desereret, nec patris sui Theonogildi precibus, nec minis adduci potuit, vt quum filii ceruicibus ferrum immanis pater adigeret, bene, inquit, mecum omnino agis pater, siquidem vt regnum hoc abs te iugulatus amittam, æternum illud cum superis pro caduco hoc consequar. Tantos interdum animos futuræ gloriæ spes affert, vt regnum, vitamque, duo mortalibus præcipua bona quis contemnere audeat.

De Britannis.

PRAEPONENDA his omnibus Britannia fuerat, siquidem admodum prima omnium prouinciarum baptismum receperat, Lucio Rege cũ tota fermè gente Pontificis Eleutherij opera, sacris vndis abluto, si in eo

B proposito

proposito per Saxones, & Scotos perseuerare potuisset, qui feri, & immanes populi, ab Arctoa plaga classibus insulam inuadentes, suo sibi post varias expeditiones, & prælia subiecerunt totam Imperio. quo tempore alienata à fide gens, non prius veram pietatem recepit, quàm anno post quadringentesimo, & amplius Gregorii primi Pontificis hortatu, missis eò Augustino, & Melito Anglis fidei orthodoxæ dogma susceperunt.

De Langobardis.

Et quando Gregorii Pont. incidit mentio, non dissimile eius studiū in augenda pietate Christiana non omiserim. Is enim gentis Langobardicæ præliis, & incursionibus assidue vexatus, quæ Italiam ferè omnem gentili quadam immanitate lacerabat, Theodelindæ Reginæ opera, Bauarici sanguinis, & Christianæ pietatis obseruantissimæ sceminæ. quæ Agilulpho Langobardorum Regi nupserrat, tantum præstitit, vt præferocem in primis Regem abiurare perfidiam traditam à maioribus coegerit, inde totam gentem à malorum dæmonum cultu, detestandaque hæresi vendicari. restituit inde omnia Rex Agilulphus, quæ Langobardi prius diuorum templis ademerant, additis insuper donariis.

Idem Pontifex, cum hoc genere præcipue laudis, tum singulari pietate, & eruditione, ne per omnes orbis partes de fide non optime mereretur, Visigothis, qui Hispaniam tenebant, autor fuisse creditur, vt abdicata vt diximus, Arriana hæresi orthodoxam fidem amplecterentur. Hoc studium, hæc veterum Pont. pietas extabat, vt quantum nostra tempora ab hac pietate diuersa abierint facile quiuis existimet.

De Germanis.

Sed quam magnam, & veram laudem primus huius nominis Pontifex, his factis adsecutus est, parem secundus Eugenius, quiritii & ipse vir sanguinis rependit. hic enim Germanos, & eos in primis, qui Rheni ripas incolerent, à dæmonum cultu auertit. misso eò ex vrbe Bonifacio viro sanctissimo, atque eloquentissimo. is vero tantum vitæ sanctitate, & eruditione valuit, vt facile populos eos ad Christi fidem amplectendam animarit. Quibus diligentius eruditus, quum Maguntinis præfesset, præfulis dignitate tantum præstitit, vt ad hæc tempora incertū sit, fortiórne illa gens, an fide clarior existimari debeat.

De eisdem Germanis.

Sed erant ad huc in eadem terra, quæ populis innumerabilibus habitatur,

tatur, patet enim Germania si Agrippæ dimensionem attendas. Rhetiam-
 que ac Noricū cū alpihus includas in longitudinē passuū M D C L X X V I.
 in latitudine verò. C C X L V I I. Erant inquam, qui pertinatius in patrum
 suorum delirio perseverarent, quum Caroli Martelli, & latius Demum
 Caroli Magni auspitiis phrysij, Saxones, Vestasli ad cultum veri Dei re-
 ducti sunt, & cum Saxonibus quidem tanta pertinatia bellatum est, vt vix
 post annos triginta propositum obtinuerit. Vestaslos certè non aliter in
 officio continere demum potuit, quàm vt nouo iudicandi genere, quod
 uetitum à re est appellatum, in eos sæuireceptum est. Scabini enim iu-
 dices, & hi patria lingua sic dicti, prout quemque aut fidem abnegasse,
 aut iurisiurandi immemorem aduerterant, indicta causa vt cumque inqui-
 rentes, supremo laquei supplicio afficiebant. Adeo sæpe terror, plusquàm
 amor in quibusdam ualeat.

De Vngaris, & Boemis.

NON disiunget hæc nostra relatio, quos ius regni sæpe sub eodē prin-
 cipe esse uoluit, uti & nostra quoque tempestate Ladislaus ex Polonia ac-
 citus Vngariam, Boemiamque tenet. Nam vngari, quum diu in falso dæ-
 monum cultu perseverassent, tandem Stephani Regis autoritate, qui ne-
 ptem Henrici Imperatoris uxorem duxerat, Adalberto præfule adiuuan-
 te Christiani sunt facti. Sed & Boemi impium & ipsi dogma à parentibus
 acceptum secuti, aliquanto tamen tardius Ludinelle Reginæ consilium
 complexi nostræ fidei accessere. Vt quantum Vngaris Adalbertus profue-
 rit, non minus Methodius præful à Boemis interim celebretur. Quis cer-
 tè rerum gestarum claritate, & multorum regum sanctitate posset uberius
 celebrari, nisi fidem, aurum nostrorum memoria, hufitarum nefaria
 hæresi poluissent.

De Bulgaris, Sclauis, & Chorbatis.

CATERVM quantum Methodij pietas cōmendatione non caret,
 tanta est, & nescio, an fortasse major Cyrilli gloria, Bulgaris ad Christi
 cultum miraculis & prædicatione tractis. Sed et Sclauī, gens Scythica,
 cuius olim latè opes patuere, uicti acie à Scuiropylo Croatorum Rege, si-
 dem Christianam eius opera sunt amplexi. Hæc fidē antea Chorbati Cō-
 stantij Thessalonicensis admonitu receperant. missoque eodem constan-
 tio ad Stephanum Pont. legato, regnum ipsum prouidus Pontifex opti-
 mis institutis, & legibus ordinauit. quod genti florens ad Belæ regis Vn-
 garorum tempora firmissimum stetit.

De Cæsarea Perfarum Regina.

POTERAM hac succincta exemplorum commemoratione ad religionis nostræ demonstranda incunabula contentus esse, nisi me oriens ipse memorabili fœminæ factio ad se uocaret. Hæc Perfarum Regina, seu Parthorum, ad Constantinum, alij constantem malunt, utcumque Heraclij nepotem, clam marito Constantinopolim ueniens Baptismi lauacro est ad mota, nec prius inde profecta, quàm maritum in sententiam suam traxit. Ille enim pacato agmine cum quadraginta perfarum millibus ad uxorem ueniens, cum omni comitatu sacris undis admotus est. Nomen Reginae Cæsareæ faciunt, qui hæc scribunt. Digna profectò fœmina, cuius nomen, & uirtutem nulla unquam obscureret obliuio.

De neglecta religione Cap. II.

SVBNECTENDA religionis nostræ incunabulis, in eamque multorum benefactis; eiusdem neglectæ deorum immortalium subsecuta ultio, ut omnes intelligant quantum singulis ciuitatibus, ac populis ex pietatis religioso cultu felicitatis accesserit, tantundem, nescio an plus mali his, qui eam neglexerint meritò contigisse. Et quando hæcenus memoranda Venetæ urbis exempla seruata pietatis recensuimus, transeundum est ad eam partem, in qua neglectæ religionis graues perfoluere pœnas, qui eam contempsissent Exordium igitur sumamus à Mauricijs ducibus.

De Ioanne ac Mauricio Ducibus.

NUNC igitur in Veneta gente quàm grauiter Deus uiolatum religionis uinculum ultus sit, Ioannes, & Mauricius Dux indicio fuerint Ioanne Gradenfi antistite contra omne ius fasque ex altissima turri præcipitato, quod immane facinus pia ciuitas paulo post auersata, utrunque dignitate priuatum in exilium egit.

De Petro Candiano quarto Duce Cæso.

PECCARANT Mauricij duces grauissime, atque adeò sceleris sui tam impii pœnas luere, sed non minor in facto, quod sequitur totius ciuitatis culpa, atque post culpam admissam pœna ciuitatem cōsecuta. Hæc Petrum Candianum exegerat Candiani Ducis filium, arrogantiam atque insolens hominis ingenium pertæsa, obstrinxeratque se patri id enixe petenti sanctissimo iureiurādo, & cū tota ciuitate clerus, nūquā passuros, ut
aut

aut patrie, de qua tàm male meritus erat, aut principali dignitati, qua se indignum exhibuerat, restitueret, sed vix pater ex animi ægitudine vita functus erat, quando filius statim audita patris morte, ex Rauennati portu pyriticam in Venetos exercere cœpit, quo tamen tẽpore populus vniuersus, vt sunt leuia vulgi studia duci defuncto filium ab exilio reuocatũ subrogauit. Sed neglecti iurifuradi & ciuitas mox tyrannica ducis administratione, publicoque trecentarum ædiũ, & cum his Diui Marci templi incẽdio, & Petrus suæ in patrẽ, ac patriã temeritatis à ciuibz cũ paruo filio necatus meritas pœnas luerunt, vt et eius cadauer in publico p triduũ sit spectatũ.

De ciuitate à Clemente quinto sacris interdicta.

EVIDENS numinis, & illa quoque vltio, quum ciuitas hæc à Ferrariæ Imperio sibi vindicando, nullo aut terrore, aut Pontificis adhortatio ne deterreri potuit. quod factum, qui tum in Gallijs erat Clemens, huius nominis quintus, adeò indignè tulit, vt anathematis spiculum in omne Venetum nomen indignanter intorserit. Interdicta etiam sacris ciuitate de pontificia dignitate, tam bene semper antea merita, additum etiã ad id, nihil impie facturum, qui Veneti sanguinis hominem in potestate redactum, aut interficeret, aut seruorum loco haberet. Ad hanc Pontificis denunciationem tam grauem secuta est mox rerum Venetarũ grauis direptio. vt Veneti ingenti sua clade, atque miserabili cæde Ferrariæ mœnibus à legato Pontificis repulsi sint. Nec minus his malum, conſternatam ciuitatem atrox illa coniuratio est adorta, graui libertatis amittendæ periculo, de qua suo loco dicemus.

De secundo Sixti Pontificis interdicto.

QVASE fatalis Vrbs Ferrariæ Veneto nomini sit, Sixto etiam Pontifice memoria nostra experti sumus. quo tamen autore iustum antea bellum in Herculem vrbis ducem sumptum erat. Sed (vt hominum ambitio nostræ tempestatis fert) dum iura sua fortiter tueri respub. nititur, ab eodem Pontifice anathematis iaculo, nisi desistat, confoditur. Verũ tametsi publicæ potius dignitatis, quam pontificiæ tunc temporis habenda ratio videbatur, dedimus nihilominus quomodocunque irato pontifici pœnas, principali domo prius igne consumpta, & ingenti pestilentia secuta, nauibusque britannicis magno nostro incommodo direptis.

De Iulij II. Pont. anathemate.

HORRET animus publicæ calamitatis recordatione, quum aut Pont.

Iulij

Iulij plenum maximi periculi propositum, aut vrbis infœlicissimum casum mentem repeto: Ciuitatem mille, & amplius annos de toto orbe terrarum optime meritam, ac pontificiæ dignitatis assertorem senatum, imperium tam latè patens, opes tam firmas, atque orbi ipsi penè pares, copias domesticas locupletissimas in tanta amplitudine gloriæ, in tanta virtutis opinione intra quartam & vigesimam diem repentè concidisse, vt præter stagna, & paludes, de quibus trepidatum interdum sit, nihil ex tanto imperio superfluit. Quis tum non credidit hoc à superis datum pontificiæ in nos indignationi, qui de piorum cetu execratione illa, tam grauis nos excemerat, quæ tamen an intentanda fuerit, ipsi viderint. Certè iracundiæ. cuius pontifex alioqui impotens erat, nos pœnas grauiores, quam parerat dedimus.

De Ludouico duodecimo Francorum Rege.

ADDETVR merito & hoc ipsum ad Veneta exempla, quando veneti vel præcipui adiutores ad vindicandam Pont. iniuriam fuerint. Ludouicus Francorum Rex duodecimus, qui Venetas opes & Imperium tam graui vulnere nuper affixerat, dum irritatum in se Pontificem, aut non timet, aut negligit, nonnè & ipse tertio vix anno exacto Pont. autoritate Venetorum armis Italia expulsus ita est, vt nihil intra annum ex tanto paulo ante imperio in eadem terra possederit.

EXTERNA.

De Constante Constantini filio.

CONSTANS dum Arrium iactat, & trecentorū ac duo de viginti patrum decreta contemnit, in tantum insaniæ incidit, vt romanum Pont. Liberium, Athanasium, Alexandrum, Hylariū piçtauensē, multosque alios nostræ fidei lumina relegarit. plerosque etiam iniecto vitæ metu impio Arrij dogmati subscribere coegerit. Quare & Persicis bellis implicitus, & ciuilibus exercitus, nec relicto etiam successore, quem vellet, quinimmo ex professo eius hoste Iuliano decessit.

De Iuliano.

PAR dementia eiusdem Iuliani Principis, atque maior impietas, ille enim vtrumque Christianæ fidei cultum, superstitione quadam falsò iniecta, ita turbabat, vt in columē eam florentemque vellet; hic abiurata, quam imbiberat, fide, malorum dæmonum cultu mancipatus, ac Capitolinum Iouem, Iunonemque; reginā, orbi iterum deos astruens, dum aduersus persas bellum audacius, quàm cautius ciēt, sagita in incertum missa, primo ætatis flore extinctus est, nec in ipso mortis articulo impietatis suæ non

non memor. Celebris enim vox eius in literas relata, Vicisti Galilee, vicisti. Sic enim Christum appellabat, expertus, licet serò quàm male tuta sit humana vis, quæ irato numini obiicitur.

De Valente.

QUIS crederet post Constantem, aut Iulianum, inuentos esse Principes, qui à vero pietatis cultu aberrarent? & inuenti tamen, nec vnus, altèrue, vt verè ab illo scura dictum sit, bonorum principum nomina, includi in anulo posse. Aded homines naturæ suæ interdum obliuiscuntur. Valens haud dubiè Imperium diuinitus adeptus, dum aliena iura, hoc est pontificia inuadit (erant enim olim fidei discutiendæ, ac in melius informandæ partes antistitum sacriq̃ue ordinis) factus Arrianæ sectæ studiosior quam par erat, vt gothis petentibus, fidei magistros Arrianos miserit, meritas luit vecordiæ suæ pœnas. neque enim multò post, bello ab ijs petitus, acieq̃ue victus, dum fugit intra casam, flammarum vi suffocatus, quas illi iniecerant, vitæ imperijsq̃ue finem sortitus est. Quis non iure ab eisdem Gothis existimet exustum, qui illos omnes æterno ignis supplicio addixerat.

De Phylippo pulcro Francorum Rege.

SED quid aded vetera repeto, quum recentiora, plus fortasse delectent magis etiam moueant? Philippus Francorum Rex cognomento pulcher, iratus Bonifacio octauo, qui certè plus quam Pontificem decuit, inimicitias cum eo exercuit, quod ipsum regno indignum pronunciaffet. Et Alberto, cui pertinaciter antea Regi Romanorum, vt iam loquimur, coronam Imperij denegarat, insupèr & Francorum Regnum astruxerat. Sarra Colunij, & Nogareti Galli equitis opera Pontificem incautum, & nihil tale timentem intra Anagninos muros oppressit. quo facto Flammingerum, vt nunc appellamus, graui bello petitus, & suos ad Curciam cum cæsos ab ijs audiuit, & Parrisiensium seditione fatigatus, magnaq̃ue auaritiæ nota sublati templarijs, & Iudæis e regno pari cupiditate eiectis, regnum nepotibus quidem reliquit, tribus eius liberis alio super alium sine filijs decedentibus, quæ res in primis Gallos ad internicionem cum Angelis bellum excitauit, Philippo Valesio Regnum sibi, & Edoardo Anglo certatim vindicantibus.

De Friderico patre, filio.

ET Philippus vnus propè in ea gente Rex quando cæteri ex professo Reges

Reges à Pontificibus starent, à Pontifice illatam iniuria forsitan vltus iure videri possit, si quis tamen in patriam, in parentes, in Pontificem arma iusta induat. Quid Friderici duo pater & filius Imperator vterque. filius etiam à Pontificibus adiutus, atque etiam fiduciaria tutela subleuatus, quam inquam causam prætexant, quorum alter Alexandro Pontifici, vel potius ipsi Italiæ infestus, non prius arma exiit in Pont. quam victus à Venetis Imperatorium caput Pedit Pontificio calcandum subiecerit. Notum est Pontificis in illum carmen. & tamen sumpta expeditione in perfidos crucis hostes, cui sese obstrinxerat infelicem exitum habuit: vndis Cydni fluminis, in medio rerum gerendarum ardore absortus. Alter patria Tyrocinia militiæ ab infestatione Pontificum auspicatus, quum miseram Italiam factionum duarum infecisset labe, miserabiliter à filio strangulatus interijt sublata mox à Carolo primo Sicilia Rege, omni eius sobole.

De Philippo Mediolanensi Duce.

QVID Vicecomitum familiam? quid Philippum vltimum in ea gente principem aliud afflixit, quam quòd semper illi Pontificibus infesti? Philippus verò ex professo hostis. Eugenium vrbe ciecit, eiectum varijs semper bellis exercuit, & ne ullum non infestandi Pontificis genus intentatum relinqueret; Fœlicem illi Allobrogem Basilienfi cœcilio, quod enixe ille fouit, Pontificem alterum opposuit. nec sceleris tamen absuit iustissima vltio, nam non prius ille obiit, quàm suos suos, fugatosque audiuit. Dignus certè Princeps, qui eo ingenio, atque animi magnitudine, qua Principes omnes sui seculi facile excelluit, diuturnum imperium nepotibus suis saltem relinquere potuisset.

De Ferdinando Neapolitano Rege Arragoniæque familia.

ALIVS fortasse aliam clari aliqui Regis, familiæ certè clarissimæ cladem exitumque dixerit opinari. Ego quidem nullam euidentiore hac una, aut magis similem veri dixerim, quàm quòd Ferdinandus ipse Alphonso patri haud quaquâ similis, nec pium Pontificem ut sibi infestum, quamquâ illi omnia deberet ex fide coluit. Paulum II. odit, ut plerique strangulatum eius opera credant Sixtus exercuit bello illi indicto. Innocentium quidem ad eò uexauit, ut Optimus Pont. arma in illum sumere sit coactus. quæ res, quando & mortales ipsi tantam hominis impietatem auerfarentur, nedum immortalis Deus supremam illi perniciem, ac familiæ perpetuum dedecus peperisse credenda est.

De Florentino.

Nec expers Florentina Ciuitas à simili religionis neglectæ contagio, quanquam illa summo studio & pietatem, & romanorum Antistitum maiestatem semper antea verita sit. tanquam igitur à Grægorio vndecimi legatis iniurijs affecti, qui terram Italiam per ipsius in Gallijs moram administrarēt, bellum tam graue ipsi Pontifici intulerunt, vt quod antea san- do auditum non erat, Italicum Imperium intra paucissimos dies amissum sit, Florentinorum consilio & opera. quæ res quanti populo illi steterit, immensa vis auti (supra enim decies centena millia nummum expensa feruntur) plebis infiniq; seditio, & quasi tyrannis ab ea exercita, nobilitas partim cæsa, partim relegata, sacra vrbi interdicta, ingens lues secuta, & quod omnium grauissimum, ac periculosissimum fuit, bellum à Galeatio contra ciuitatem gestum, indicio sunt.

De Carolo, & Ladislao Neap. Regibus.

Idem pietatis ac Pontificiæ maiestatis neglectus, Carolum Regem Neapolitanum Ladislai patrem afflixit. Idem Ladislao filio non aduersario solum ecclesiæ, sed hosti vitam, & Imperium ademit. Pater ab Vngaris, à quibus ad regnum euocatus fuerat crudeliter necatus, filius veneno sublati, relicta Ioanna sorore, quam nescias impudicitior ne fuerit, an inconstantior. Vnde tot malorū series regno illi deducta, deriuataq; sit.

De Pisanis.

Post Florentini populi relationem Pisæ meritò sequi debuerant, sed auocarunt duo præstantissimi reges, vni ciuitati iure anteponendi. Potens nāque Pisana hæc ciuitas olim, ac clara maritimis rebus, post captos in Friderici gratiam Pontifices, qui ex Gallijs, ad Innocentium Romam nauigabant, vt indicto concilio adessent, nihil vnquam postea feliciter aggressa est, quin potius à Genuensibus petiæ Pisanorum res vno nauali admodum memorabili prælio, nunquam ad pristinam fortunam, opesq; redierunt, donec clade alia super aliam à Florentinis affecti. postquā multiplicem multorum tyrannidem passi sunt, nomen, & Imperium cum libertate penitus amiserunt.

De simulata religione. Cap. III.

Et si nullum publicum Venetis monumentis ab vrbis primordio ex-

rat exemplum, non omittam tamen Val. nostri secutus vestigia, partem hanc, quando saltem intra Venetiæ fines huiusmodi aliquid contigisse videri potest. Macedonius enim aquileiensis antistes cum Honorato Mediolanensi, & Ioâne Rauénate episcopis ausus est capita tria Calcedonensis concilij per se respuere, neque illis omnino assentiri velle. quod tamé Pelagius Romanus Pont. adeò grauitertulit, vt adhuc extet eius literæ ad Narsetem, in Venetiâ tunc agentem scriptæ, quibus Principem virum adhortetur, & moneat, vt in ipsum Macedonium grauitè animaduertat, nec patiens hâc tantam dissimulationem æquo animo ferat. Ecquis non iure Macedonium ipsum accuset, qui Pelagij Pontificis Romani auctoritatem negligeret, aut tot sanctissimorum patrum sententias, quor in Calcedonensi concilio tunc fuerant (sexcenti enim affuerant) dissimulanter vnus arguere vellet.

De ludis Mariarum.

HISTRI, qui annum ab hinc quingentesimû, & amplius Veneti nominis hostes erant acerrimi, februario mense in ædem diuæ Petro dictam, quæ oliuolensis olim dicta, nunc castellana appellatur, clàm pyratibus nauibus superato portu irruentes, Virgines non paucas, quæ in templum conuenerant de veteri morè ciuitatis vt nuberent, abduxerunt, magnaque inde præda ac cæde edita, Caprulas petiere: quos, re statim cognita Petri Candiani Ducis ductu seu magis (vt alijs constare video) Badoarij Principis auspicijs, Veneti, non sine tamen graui certamine oppresserè. omnibus fermè, aut captis, aut ad vnum cæsis. recepta itaque omni præda incolumi, vt memores tanti beneficij sese supremo numini exliberèt, ludos iussu publico, qui Mariarum sunt dicti instituerunt. Erant autem in his ludis Virgines duodecim, omni ornatu instructæ, aderatque illis comes adolescens, sub angeli specie, qui secundo februarij mensis die, magnam vrbs partem lustrarent præcipuo totius ciuitatis plausu, tripudioque. Ea res per trecentos & amplius annos statis solènisque Cærimonijs quàm perseuerasset, tandem genuensis belli tempore sublata penitus est, quòd manifestò deprehensum sit, multa, religionis prætextu, grauissima flagitia ab his committi. mansit tamen inde facti, tam celebris perennis memoria, quòd Dux, Senatusque ipse Diuæ Mariæ Formosæ templum secunda Februarij luce celebri pompa inuisit.

De Fratre Alberto.

NESCIAS an vllum simulatæ religionis exemplum huic vni præferri possit, nisi quis forte, boccatianas fabulas ad hoc ipsum eleuadum huc citet. quû igitur hic Albertus, vnus minoritanæ familiæ, quæ tû Venetijs in summa

summa autoritate erat, recenti adhuc memoria Diui Francisci, tum concionando, alijsque institutis, nomen sibi per amplum parasset, in aures, animumque Elise Quirinæ matronæ nobilis facile peruenit, quæ marito tunc absente britanica negociatione implicito, ad Albertum ipsum statò tempore venit, vt more institutoque nostrati annum confessionis obiret munus. qui conspecta statim matrona, formęque elegãtia mótus, munere tamen in præsentia suo perfunetus, quum in illa quædam laudaret, quædam etiam corrigeret, abi inquit, matrona, fastumque hunc tuum depone, quasi verò cælesti quadam hæc forma, nullam tibi parem duceas. Nec multos moratus diēs, ad eam profectus, amoreque iam flagrans, bonęque spei plenus, ad eam solus ingreditur, tum ad genua illi accidens, nescis, inquit, matrona quàm graui supplicio sim affectus ex quo à me discessisti, cuiusue rei nunciū, ad te felicioris accedam. Si igitur penēs, te arcenum id fore, secretumque polliceberis, magnæ te certè rei, & felicissimæ certiorẽ faciam. Iussu igitur Archangeli Michaelis huc ad te venio, qui te vnã præ cæteris Venetis matronis diligit, noctemque vnã condicit, qua ad te visendam venturus sit, meo tamen hoc ipso vestitu, meoque hoc corpore. quòd quum illa (vt sunt scēminarum in genia) perlibenter accepisset, præscripta aduentus sui die ad eam venit, moxque semel, & iterum in eodem versatus negocio, res prædicatione mulieris ipsius palàm facta est, dataque opera à cognatis, vt Albertus deprehensus graui supplicio afficeretur. Ille vero nudus in subiectum canale præcipientem sese è fenestra dedit, euadensque in incogniti sibi hominis tectum ingressus, mox ab eodem recognita, perque vrbe vulgata, ductus est in marcianam arcem vrsina pelle tectus. sed pari quoque dolo ab omnibus cognitus, contumelijs varijs ab vrbe petitus. Moxque fratrum suorū aduentu subleuatus, carceri perpetuò ab eisdem includitur.

Aliud exemplum.

Non ab re certè fuerit, & hoc ipsum referre, quod patrum nostrorum memoria cōtigisse accepimus. Nempe plerique de populo, eorum videlicet, qui ad Ditu Nicolai, & Raphaelis, & Basilij agerent, noctu frequentissime certum in locum cōueniebant. Vbi religionis prætextu multa nefaria ederent, quod quum diu latuisset, tandem verò Dux, patresque re cognita grauius in eos animaduertere, dedereque operam, ne post hæc mortalium vnus eò accederet, graui indicta pœna si quis id ausus foret.

Aliud exemplum.

Quid verò vetera repetam, quum nostra hac tempestate, magna mortalium vis Lutherianæ factioni sese addixissent, vt nullum iam tota in vr-

be nomen frequentius exaudiretur? Quare Dux ipse, & patres coati, publico decreto triumuiros ex patricio ordine creandos curauere, qui adhibitis secum in consilium sacri ordinis aliquot viris diligentius omnia exploraret, reque planè perspecta, & cognita, grauiter in eos animaduertent, qui in tam nefaria superstitione deprehensi, eam non omnino abiurerent. Vt sanè non possis non vehementius admirari, vnum Germanici sanguinis ex Eremitanæ familia inuentum esse, qui nouum ius, nouumque pietatis cultum inferre auderet. quum tamen ille interim iureiurando neglecto, & religione sese absoluerit, & vxorem duxerit vestalem, liberosque ex ea sustulerit, nullo præterea scelorum flagitiorumque nexu non obnoxius.

De ominibus. Cap. IIII.

HABD sanè res indigna videri possit, huic nostræ pietati vorèque religioni, quæ mox mihi subijcienda sit. id quod latini homines omen appellarunt. Quasi verò & diuinitatis quoddam indicium extaret in hominis oratione, ad res futuras, vel amplectendas, vel reiciendas. tametsi & in rebus quoque ipsis omnia affuisse legas.

Iam primum igitur, si quis hoc attendat, quis non intelligit Venetam urbem hanc ipsam ad pacem omnino fuisse propensissimam seruandam, quum Diui Marci elogium illud animo, menteque euoluat, quod illi semper appositum fuisse, nemo inficias eat, videlicet. *PAX TIBI MARCE EVANGELISTA MEVS*, quo sanè vericulus admoneri possumus, vnam nobis pacem semper amplectendam, rebus omnibus anteponendam, quod maiores nostri constanter ad eam semper retinere, vt nunquam bel-la, nisi inuiti susceperint. eaque ipsa vbi ex dignitate reip. poterant, statim deposuerint, nisi si quando in fidei hostes aliquid gerendum esset, quod ad eam tuendam, amplectendamque spectaret.

Aliud omen.

AN verò non & illud certum, diuinumque omen affuisse dicemus illi, qui euerfa Mathemaucò, quum vniuersa multitudo de transferendis sedibus consilium iniret, alijque Heracleam, alij verò alia loca petenda esse contenderent. quidam in concionem profectus si salui esse vellent Rituum altum concedendum esse instanter assereret. Neque vero solum, quod primus ille locus sub Attilæ tumultum à maioribus nostri infellus esset, sacraque ædis Diuo Iacobo dicatæ fundamenta iacta essent. Sed quod de Riui alti omine non posset non felicissima quæque polliceri, qui sibi statim hoc nomen vindicasse videretur, non tam de altioris situ loci, quàm vt magnitudinem vrbis futuræ declararet.

Aliud

Aliud omen .

CERTUM exploratūque id esse, quod monumentis veterū scriptorū, nostratiumque proditū memoriæ sit nemo sanè dubitarit, Constantino-
polim urbem à nostris olim receptam, quòd classe eò profecti, cum Gal-
lis fœdere iunctis Alexium puerum in Imperium restituerant, quo fœde
trucidato Murziphli cuiusdam obscurissimi hominis opera. quo etiam
mox in fugam conuerso, Venetis Gallisque Imperium illud commune
cessit, quod quum Venetias nunciatum esset, non pauci erant, qui vrbis
Constantinopolitanæ admiratione capti, hanc tantam occasionem augen-
di Vēneti nominis non omittendam contenderent, quod facile fieri pos-
set, si eò Imperij Veneti, ius maiestasque transferretur, id quod quū in-
ter se diutius agitarent, non defuere qui contra differentes, standum esse
asserent, neque urbem hanc auspiciatò conditam, diuoque Marco dica-
tam per tot annos, deferendam esse contenderent. Vnde etiam succlama-
tū à quibusdam esse dicunt, nequaquam consilium probādum esse trās-
ferendę Constantinopolim sedis, quæ cum suo nomine Venetiæ maxime fa-
cere viderentur, quasi huc omnibus mortalibus veniēdum foret, id quod
ab incondita turba conclamatū esset, patribus ipiueris placuit, ut consi-
lium id omne trāsferendę urbis reiicerent. vt nō sibi tantum romana urbs
placere possit, quòd ad Centuriones auditā vocem, quę signiferum ad-
moneret, ut signa sisteret, optimeque ibi manendum esse. Veios sibi
migrandum esse, nequaquam censuerit.

De Marino Phaetro Duce .

Et quoniam Romanæ ciuitatis meminimus, non præteribo Camilli
quidem factū illud, qui post trīcupatū votū, vt si quid aduersi im-
mineret Romanæ ciuitati, id sibi cōtingeret, statim lapsus equo, omen à
Liuiο sibi fuisse dicatur exilij paulò post subeundi, id quod in hac ipsa re-
latione Marinus phæletrus Dux, in locum Clarissimi Principis. Andreæ
Danduli dictus, quum Romæ legatū Venetum apud Pōtificem egisset,
domum reuertens, magno cum totius vrbis gaudio exceptus. Bucentauro-
que (sic enim appellant nauim, qua Dux, patresque cum pompa aliqūd
vehuntur) ad Diui Marci aream subuectus esset, non solito reliquorum
more descendens, medius inter columnas duas, vbi fontes homines su-
premo afficiuntur supplicio, in auream marcianā ardem peruenit, moxq;
inducarium profectus coniurationē de patriæ libertate opprimenda iniit.
quare meritò illi ceruices abscissæ sunt. Ioannesque Gradonicus illi sus-
fectus est. vt omnis ciuitas postea affirmarit, factū illi esse omen futu-
ræ

re calamitatis, quū inter duas marmoreas columnas iter habuerit, qui locus, vt diximus improbis scelestis hominibus puniendis in vrbe nostra præcipue attributus est.

EXTERNAE.

De Clodoueo.

Non est consilium veterum romanorum exempla huiusce rei referre, recentiora igitur tantum attingam. Quis non admiretur Clodouei Francorum Regis factum, qui postquam Christianam pietatem constantissime recepit, bellum aduersus Allaricum Gothorum Regem priusquam moueret, legatos suos Turonos ad Diui Martini misit, qui diligentius obseruarent, quidnam templi sacerdotes canentes primum enunciarent. Ingredientibus igitur illis primum auditum est ex psalmo, carmen illud. Tu domine ad prælium accinxisti me virtutem. quod lætis animis acceptum, statim ad Regem detulerunt. ille verò rei euentum scelericè ex omne sibi pollicitus, maturata expeditione, Allaricum acie sudit, & ipsos Gothos omni Gallia expulit. Ita vt memorabili rei euentu, reliqui etiam Franci commoti ad nostram pietatem amplexandam conuersi sint, vt constantissime retineant.

De Constantino.

Quid illa vox. Constantino aduersus maxentium iter præparanti de cælo obiecta? an non illi, posteritatiq̃ reliquæ omni certissimum scelericium rerum omen dedit? qui in cælum suspiciens, crucisque signum videns, statim audiuit, in hoc signo Constantine vinctes, quare mutata tota militiæ ratione, insignibusq̃ militaribus omnibus cruce insignitis, præclarâ, incruentamq̃ victoriâ consecutus, & Maxentium ipsum oppressit, & recepta vrbe Roma, primus autor fuit, vt Christiana pietas publice susciperetur, quam posteritas omnis suo in primis iudicio, complexa, constantissime in omne æuum vniuerso propagaret orbi.

De Aenea Piccolhomineo.

Nunc igitur recentiora, quæ patrum nostrorum memoria contigere, quæque legentibus multò gratiora fore putem, nunc omittam: quis non illud secum tacitus admiretur, quòd Aenea Piccolhomineo eueuisse proditum est, nam quum romam Cardinalis dictus contenderet longè maxima pars Romani populi summo studio illi occurrens, exclamare cœpit Pontificem illum, non Cardinalem ad se venire. id quod tamē antea Thomas Sarzanensis, qui & ipse pontificatum est adeptus, in diuersorio cum eo forte agens, quò vterque diuerso itinere casu conuenerat, id illi euenturum prædixerat.

De

De Paulo Barbo.

PONTIFICATVM hic adeptus, quum forte Franciscum Rueriũ ex minoritana familia in amplissimum ordinem coaptaret: ego te inquit Franciscẽ in præteritum hac dignitate ornatũ volui, quod te mihi successorem fore nequaquam dubitem; atque vtinam quam vere id dixit, tam lætũ auspiciũ illud fuisset, quippe quum pontificatũ ita præfuerit, vt haud sanè scias, qua parte illum vere laudare possis.

De Diuo Ambrosio.

NON dubito fore aliquos, qui taciti secum quærant, cur duo præstantissima lumina nostræ pietatis postremo retulerim loco, præpostero etiã temporũ ordine; Sed hi secum si cogitent, in instruenda à Romanis Imperatoribus acie, triarios viros fortissimos in extremo agmine collocari solitos, vt laboranti reliquo exercitu opem præcipuam ferrent. Vnde etiam prouerbiũ est, rem ad triarios rediisse. Quin mihi veniam dederint, remque ipsam libentius expenderint. Ambrosius igitur quũ Roma profectus, Mediolanum à Probo dimitteretur: Age inquit, Ambrosi, ita rem omnem curato, vt non iudicẽ te, prætorẽ me mitti putes, sed episcopũ: quod quum postea omnium suffragijs consecutus esset, vt sublato Aukentio episcopus expolceretur, tũ palam animaduersum est Probi ipsius omẽ in Ambrosium rectè dictũ. Et sanè cui non Ambrosij nomen in hunc vsque diem, non ita exauditur vt optimi, & sanctissimi viri memoria ab omnibũ celebretur.

De Diuo Augustino.

SEQUITVR meritò hoc in loco Augustini nomen, qui adolescens adhuc, quum Mediolanum Ambrosij fama motus, peruenisset dubijque animi adhuc penderet in quam potissimum religionis partem illi inclinet animus, quando nec adhuc sacratione aqua lustratus erat, dum hæret animo secum, vocẽ ex proximo loco audire sibi visus est, accipe & lege; quod quum iteratò repeti audisset, volumen, quod proximum erat admoneri à se legi arbitrat (& erant Paulinæ epistolæ) aperto libro incidit in eum locum, vbi Paulus admonet, non in ebrietatibus, neque impudicitijs & contentionibus esse versandum, sed in sermone castitatem induendum animo, quod quum legisset, Monicæ etiam matris consilia secutus statim ad Ambrosium contendit, ab eoque sacra lustratus aqua, nomen Christianæ pietati ita dedit, vt nullus ad hunc diem doctrina & moribus

moribus par Augustino, nec vera pietate clarior inueniri possit, ut ille vnus omnibus etiam antepohi iure optimo debeat.

De prodigijs. Cap. V.

NON abnuerim veteres illos Romanæ Principes vrbis plurimum in obseruandis ijs, quæ latini prodigia appellant esse versatos, qui certè si ea omnia ad diuinam prouidentiam retulissent, multò sanè melius & priuatim sibi & publicè alijs consulissent: nec tantum sibi in Hetrusca disciplina, aut in pontificum, augurumque nunciatis, vel portetorum depulsis, vel vatum prædictionibus, siue apollinis responsis spei reposuissent, ut ad ea aueruncada satis esse humanam opem crediderint, & non in minima quaque re diuinam subesse prouidentiam existimassent. Nos vero institutum nostrum sequentes, verèque pietati & religioni nostræ omnia attribuentes, ea primum persequemur, quæ ad Venetam urbem hac in re spectant, tum ea ordine suo subtexemus, quæ alibi terrarum obtigere.

De aquarum diluuiio.

TANTA igitur Ioannis particiaci Principis ætate, maris cœlique tempestas subitò exorta est, aquarum vis tanta de repente ingruit, ut iam neque in tectorum tabulatis, neque in templorum æditoribus partibus tutò consistere mortales possent, ut si furor ille aquarum diutius debacchatus esset, facile omnia ciuitatis tecta, nedum mortales ea inundatione obrui potuerint.

De duplici incendio.

QUIS non duplex incēdium penè totius vrbis inter prodigia vel maxima retulerit? Nam Ordelapho faletro Principe, trecētesimo post ferè annò inundationis superius commemoratæ, satis constat ex Henrici Zeni ædibus ad apostolorum sanum exorto igne urbem ferè omnem deuastatam: nam transgressus ignis ille canalem vrbis magnum. Casiani primū ædem, tum matris domini, inde Diuo Augustino sacram & Diuo Stephano minori cum reliquis insularum ædificijs & tectis corripuit, mox etiam septuagesimo post die improvīsò ignem ex Zanchanis ædibus excitatum, diui Laurentij ædem primum, tum sæueri & scolasticæ deuastasse, auream quoque macianam ædem, quæ Diuo Basso tum iuncta fuerat, mox Gemini niani, & Menæ, Mosis etiam, reliquarumque deinceps insularum ædes ad sexdecim numero, ita planè euertisse ut nihil penè superfuerit. Si cui verò minus credibile videatur, quod nostratia monumenta omnia constantissime de tanta vrbis vastitate prodidere; is secum cogitet urbem ferè

rè totam ligneis ædibus & tectis tum fuisse constructam facileque alente materia, igni prostratam, quare ita factum, vt cotis lateribus ædes inde primum sunt inceptæ fieri, quæ res ad nostram vsque ætatem deducta, in tantam iam magnitudinem peruenierit, vt non possit non omnibus, huic primum aduentantibus vrbis huiusce tam augusta facies non admirationi, vel potius stupori esse.

De Mathemaucò vrbe.

Et nequid deesset mali, quod tantæ vrbi nō imminere videretur Mathemaucus quoque ipsa terremotu primum, tum incendio tota vastata, sic demum consumpta est, vt accedente maris æstu vndarum magnitudine oppressa eius ruinæ vestigia adhuc quieto mari spectentur.

De coruorum prodigio.

Es t insula sapientia sic appellata ad peloponnesum è regione Methones vrbis posita, portu celebris, in quem Nicolaus Pisanus rei maritimæ Imperator sese cum vniuersa trium & triginta lōgarum nauium classe receperat, Genuensem hostem paulo ante à se in fugam versum, memorabilique clade affectum, nunquam tantum ausurum ratus, vt ad se propius accederet, sed (vt sunt Ligurum ingenia in ultionem propensiora) magno sanè animo, noctu vigilijs oppressis, quæ portus hostium obseruabant, in reliquam classem, adeo præceps, improuisusque ruit, vt & Nicolaum ipsum cum quinque millibus captiuis, nullo penè periculo inde Aurius Genuensis Imperator abduxerat, quàm cladem, vt nostri annales constanter referunt, coruorum vis ingens in cœlo pugnantium prænuñciasse creditur, qui suo sanguine venetam classem resperferunt. ad quod prodigium, accessit, remigem vnum in mare lapsum dum in alteram triremem transire parat, à marina beluâ statim deuoratum.

Aliud prodigium.

Ecqvis non illa inter prodigia maxime memoranda duxerit, quæ Andrea Dandolo duce omnium clarissimo contingere. Is enim & singulari eloquentia & doctrina supra temporum eorum conditionem præstans, res venetas duplici conscripsit stilo summa diligentia, & cura, Hic igitur principatu suo primo Annonæ caritate, quæ antea creperat Gradonico Principe, laborauit ingenti. hanc luem, quæ in scythicis oris ortum primum acceperat, tam grauiter defæuisse constat, vt vix tertia patriciorum & reliquorum ciuium pars superfuerit. Sed enim & terremotu eo grauio-

re quo diuturnior fuit, ita laboratum est, ut plerique sacræ turres vastatæ sint, ea vero quæ ad basilij sanum est, à media sui parte pœnitentia conuulsa, ut quæ superior pars in suam sedem redierit, inflexa tunc, in hodiernam usque diem duret quæ sanè omnia haud dubie Marini fuletri principatû portendisse creduntur, qui patriæ libertatem opprimendam susceperat, ut ipse vnus tyrannide eam sibi vindicaret.

Aliud prodigium.

NON possum non & illud prodigium, quod ætate nostra iusigne accidit, non repetere. nam bello Gallico quod cum Ludouico Gallorû Rege quadraginta ab hinc annos infœliciter gessimus, satis constat, nauigiû nostrum supra Clodiam nulla maiori vi maris, aut cœli statim esse sumersum, in quo magna pecuniæ uis inerat, quæ ad conducendum ex piceno militem publico nomine mittebatur, ut infœliciter suscipi à nobis bellum significaret.

EXTERNÆ.

De Diuo Martino Turonensi episcopo.

VINDICAVERIT sibi merito principem locum inter externæ prodigia, quod Diuo Martino Turonensi episcopo accidit. quis enim nō illi fauerit, qui tantam sanctitatem in omni vitæ parte retulerit, ut vulgus quoque ipsum martinalia ingenti lætitia celebret. ille igitur dum litatorio sacro operaretur, hostiamque ipsam sacram offerret, repentina ingens flamma sic eum circûfulsit, ut horrorem primum astantibus incusserit, mox verò comprobato dei iudicio summam hominis pietatem declararit.

De Diuo Ambrosio.

NON minorem Diuo Ambrosio mediolanensi Episcopo eadem flamma opinionem summæ sanctitatis astruxerit, cui domi sedenti, quartumque & quadagesimum Psalmum interpretanti flamma ex ore eius ingens erupit. argumentum nimirum Diuini cuiusdam studij, & ardentis cuiusdam amoris in sacrarum literarum interpretatione. id quod nemini mirû aut incredibile videri possit, à puero compertum est apes in eius ore examina condidisse, inuitumque postea illum & reluctantem in summû præsulem à Mediolanensibus delectum, tantaque autoritate floruisse, ut & Maxentij Arriani furorem episcopi vnus ipse contuderit, Theodosij Imperatoris maiestatem sic reprefferit, ut ille æquissimo animo tulisse dicatur sese à templi foribus repulsum, nec postmodum recipiendum, nisi abrogata antiquatæque, quam tulisset in Christianos homines, lege.

De prodigijs, quæ Langobardorum aduentum ostenderunt.

AGGEBATVR annus Christianæ salutis quingentesimus sexagesimus octauus, quum in cælo Itali homines spectauere frequētius simulacra armatorum hominum, quæ inter se concurrerent ignemque emitterent, unde sanguis de eodem cælo passim flueret; quod quum sæpius accessisset, dubitantibus nostris graue aliquod periculum terræ Italiæ imminere, ecce nunciatur Langobardorum aduentus, qui ab extremis Germaniæ finibus ingenti agmine profecti, iam nostræ grauissimi imminerent Ausonix. siquidem per ducentos & quatuor annos, sic terram Italiam afflixere, tantisque calamitatibus inuoluere, vt necessarius in primis fuerit Caroli magni Francorum Regis aduentus, qui tantam pestem vnus sustulor, vt tamen in hunc vsque diem Langobardi nomen extingui minime potuerit.

De mirabili prodigio.

NON discedet ab eodem cælo institutæ orationis nostræ stilus, siquidem pro certo literis proditum est, anno trecentesimo supra millesimum, quartodecimo Cal. Mart. in terra Italia crucem in luna visam fuisse, sequenti mox die treis soles apparuisse, qui ternis orbibus circūflexi, Iridis tacitam quandam speciem præberent. quæ certe res totius Italiæ statum immutandum esse declararet. id quod in ipsa Italia planè ita accidit, vt si quis monumenta eorum, quæ secuta sunt, temporum nostratia legat, facile intelligat diuina prouidentia factum, quæ tacita nos admoneret, vt ab omni rerū nouitate caueremus. Sed quo nam modo insaniam nostrorum hominum compefcas, qui ipsum quoque Cælum, tantarum rerum autorem, tamque certarum contennant.

De prodigijs, quæ desinenti Caroli magni stirpe apparuerunt.

DETVR & hoc postremum à nobis Caroli magni stirpi. quæ decedente Arnulpho, quū nihil regiæ eius stirpis virilis superesset, extinta est. quum Vgonem Capitiū Regij alioqui spiritus, Gallia Regem admisisset, immortalis Dei prouidentia significandum hoc omnibus mortalibus, testandumque esse curauit nouo prodigij genere, quum primum frumento, mox ingenti aquarum vi, postremo vero aliquot dies pisciculis etiam pluerit.

De miraculis. Cap. VI.

NON nescio mirum hoc, incredibileque visum iri, quod in hac me-
 raculorum relatione recens allaturus sum: sed dabunt hanc veniam, quicū
 que hæc nostratia legent, si ex tanto diuinorum miraculorū acervo, quæ
 à primordio nostræ pietatis ad hunc vsque diem occurrerint, hoc nouum,
 atque omnibus seculis inauditum, primum retulerim. quis enim nesciat,
 si modo nostræ pietatis præcepta animo ausit, um à primordio mūdi Mo-
 scos libros legit, cœlum hoc ipsum, Cœlique hæc ipsam faciẽ, quæ tan-
 to ornatu tãque insigni circūflexu cūcta ambiat, Dei ipsius opus esse, quod
 per tot annorum millia in hunc vsque diem cōstantissimo ordine fulgeat,
 inter suprema miracula præcipuaque referendum esse? Nam quum rudis
 illa informisq̃ materies, vno velut in nexu contineretur omnis, nec suus
 certusq̃ locus & ordo singulis esset, primum lucem à tenebris Diuina
 numine seiunctam esse scimus, cui nox suo certo gradu succederet, ex quo
 multo gratius iucundiusq̃ lumen illud orbi illucesceret. Mox non sine
 miraculo, volucres in aere exortas, inde suum terræ datum cultum: ma-
 riq̃ natantia contributa omnia, sed & terre, præter reliqua animantia,
 vnum attributum esse hominem, cui e rubenti limo edito Adami nomen
 impositum sit: e cuius latere prodierit & fœmina vt duo hæc tam mirabi-
 li opere efficta, reliquis omnibus præesset animantibus. Sed nec referre
 hæc ipsa in præsentia, nec quæ postea cōtigere in numera, aut consilij, aut
 animi est. nihilo etiã magis ea repetere, quæ certa explorataq̃ ab Christi
 aduentu ad nostram ætatem haud sanè vana fidẽ à doctis, optimisq̃ viris
 memoriæ prodita sunt, quæ magno haud dubiè, librorum numero com-
 plectenda mihi forent. Age verò quando à Venetis rebus hac in parte au-
 spicium mihi, quod institui, sumendum est. Cui non quæso pro ingenti
 miraculo occurrat Venetæ vrbs situs, qui iam ab hinc millesimū, & cen-
 tesimum annum, & amplius sub Attilæ Hūnorum Regis in Italiam adue-
 tum incoatus, non mari solum indiq̃ alluitur, sed medijs in aquis con-
 stitutus non aliter adiri, inuisiq̃ possit, nisi lembis, alijsq̃ nauigijs
 huc subuectus appellas. vrbs autem ipsa cum ambitum præferat, vt in cir-
 culum, orbemq̃ ferè posita ædificiorum quãdam magnitudinem & ce-
 lebritatem, non sine admiratione ac potius stupore singulis huc pri-
 mum aduentatibus obiiciat. quid quòd canali magno, veluti quodã mean-
 dro vniuersa inter se disuncta est? qui euoluentes vndique riuos in seip-
 sum recipiat, quorum assiduo cursu, fluxuq̃ totius partes vrbs insula-
 rum in modum colerentur, nisi marmoreis, latericijsq̃ pontibus super-
 iectis riuip ipsi adiungerentur. quid memorem totam circumfluentẽ aqua-
 rum molem, senis singulis horis ita immutari, ut hic ubi altos paulò ante
 enauigasses

enauigasset fluctus, uada tibi statim occurrat? et mox mutata rerum facie. cuncta aquis compleantur? nec uerò illud minus mirabile, quod proximum mare, quod nobis tributum pro menibus uideri potest, quamuis grauibz iactetur in proxima littora fluctibus, vrbi tamen nostræ minime obsit. Sunt præterea & stagna amplissima ab ipso mari euoluta, quæ varias, ac multiplices piscationes alant, e quibus commodus in primis nostræ ciuitati victus addit. omitto templorum, ædiumque sacrarum copiam quæq; publicè & priuatim spectatu dignissima occurrât ædificia omitto marcianam aream, atque alias in tota vrbe innumeras. Quid si auream Diui Marci ædem inuisas? Quid si fori ducarijque amplitudinem spectes? ciuiumque innumeram multitudinem? viasque ipsas, & calēs tam frequentes, præsertim eam, quæ ad Riualtinam vrbis partem ducit, vt sæpe explicare te inde nequeas concursantium turba. illud etiam non parum admirationis, afferat; si turrim marcianam intueare, quæ medijs aquis posita sua crassitudine & altitudine miraculi instar, campani æris sonitu, noctu interdiuque tibi obstrepat, firma stabilisque tot annos permaneat.

Aliud miraculum.

SEQUITUR & illud quod præcipui miraculi locum sibi vendicet, nā si gentium omnium, ac populorum ab orbis primordio, ad nostram usque ætatem monumenta uoluas, siue assyrios, siue medos & persas mihi obicias, vel ut Italica, Græca, & alia externa repetam, quis vnquam meminit vnā fuisse ciuitatem, quæ hac præcipue dote excelsuerit, omnibusque alijs Imperijs & rebuspub. vnā cunctis præstiterit. nam quum millesimū & centesimū ab hinc annum & amplius iacta sint in Riualtina vrbis parte fundamenta, quis nescit eam per tot annorum orbis, in hunc usque diem sua libertate frui? eamque variis & sanctissimis institutis sic ornatam, instructamque tametsi variante inter se insularum ambitu, quas Veneti cole rent, Ducem primum Paulinum Heracliensem populi totius & multitudinis consensu dictum esse memoriæ proditum est. à quo vno ad præsentem etatē, qua Frāsciscus Donatus Princeps longè clarissimus hodie uiget, septem & octuaginta numerentur Duces. in quibus creandis tametsi varia in hunc diem ratio inita est, vt suo à nobis explicabitur loco. paucis tamen ducibus sub urbis ipsius initium male habitis à populo & uno tantū, ducentesimo ab hinc ferè annum publico consensu damnatō Respub. in offenso consistat gradu. Celebrant igitur græci suas Athenas, & Beotias, Thebas, quarum illæ Themistoclis & Meliadiis ductu, hæc uero Epaminundæ, & Pelopidæ tantum breui admodum tempore, rerum sunt potitæ. Celebrant suā lacedæmona, quæ Lycurgi regis consilio principatum omnium uarietates complexa, uix sexagesimum floruit sui iuris annū. Nam

de Cretēsi rep. aut de Cartaginēse nihil est, quod in præsentiā dicam, illa enim semper male audijt, hæc uariis iactata factionibus, tandem à Romanis triplici bello uicta solo est æquata. quòd si quisquam mihi obiecerit quingentos Romanæ reipub. annos, quibus post reges expulsos, ad D. usque Iulium Cæsarem Imperium ferè totius terræ orbis armis sibi vindicauit. Is secum reputet Venetam urbem supra sexcentesium annum & amplius, ex quo primum ipsa cœperit, in suo uestigio adhuc consistere, cū summa totius ciuitatis & omnium ordinum pace, atque cōcordia, ut præter unam atque alteram dissensionem, quæ facile tamen sunt extinctæ, uix suspicio ulla dissidij ciuitatem inuaserit. quum interim maritimis rebus gestis clara, sarracenos tum Christianam rem undique deuastantes oppresserit, Syriam quoque ferè omnem, & ipsa Hierosolima de manibus eorū sacro bello extorserit, & Othomanico demum bello, quoad illi per Christianos principes licuit, turcarum pro uirili opes contuderit, Cætera uerò iustissima bella cum alijs populis gesta cōmemorandi nunc nō est locus.

Aliud miraculum.

ERAT iuxta Brundulū templū D. Michaeli sacrum, quod vnū Clodia, mathemaucū, Venetiæque ipsæ summa pietate colerent, accidit uero, ut apud senogalliam, sergius quidam opibus & autoritate Princeps graui morbo laboraret, cui noctu uox audita fertur, ut si quam primū uotum nuncuparet inuiscendæ ædis Diuo Michaeli sacræ, statim incolumis fieret, qua ex re pactum statim factum, ut reus uoti relicto patrio solophanum inuisceret, amplisque muneribus donaret tum uero saluus penates suos reuisceret.

Aliud miraculum.

NEMINI dubium esse reor, qui Christianæ pietatis elementa legens aliquando imbiberit, D. olim Marcum Diui Petri socium, quum Romæ ageret, missum ab eo Aquileiam celeberrimam nunc Venetiæ urbē, quam Romani multo ante coloniam deduxissent, quò quum ille uenisset Christo præcipuo autore spei bonæ plenus sub ipsum ingressum urbis Athaulpho cuidam adolescenti nobili lepra infecto occurrit, quem blandè primum appellatum interrogasse fertur, an eo morbo solui cuperet, quod adolescens primo admiratus, mox pollicentis Marci constantiam complexus animo, ad patrem Vlphium omnem rem detulit, is uero statim ad Diuum Marcum aduolauit, ut potè saluti filij cupidus, à quo admonitus unum tantum esse mali remedium, si Christum Ducem sequeretur, relicto idolorum cultu, sacra baptismatis aqua lustraretur: accepta conditione continuò lepra solutus est, quod miraculum per uersam

uerſam urbem vulgatum effecit , vt omnis aquileia in vnum Marcum oculos mentemque conuerteret.

Aliud Miraculum .

Nec illud vnquam ſilentio inuoluerim quod ſub Riualtinge urbis initia accidiſſe memoriae proditum eſt . Erat Ioannes Gradenſis epiſcopus ſua ſanctitate , ſuaque religione vniuerſo populo Veneto mirum in modum gratus , qui auditis ſcleribus , quæ Mauricius Dux aſſidue patraret , non deſtitit quin illum precibus obreſtationibusque admoneret , vt Deum reuereretur ipſum , patriamque charitate præcipua complecteretur , quod quum fruſtra ſæpe feciſſet , iratus Dux adminiſtrandi ſibi Imperij leges à ſacerdote præſcibi , claſſe comparata Gradum contendit , naſtusque Ioannem ipſum placidum ſibi occurrentem , captum de altiori turri precipitem in ſubieſta marmora eiecit , qui pontifex moriens ſanguine ſuo ita marmora infeſcit , vt ſanguinis color immutari nunquam potuerit . quæ demum poſt multos annos ſumma pietate ab vniuerſo populo gradenſi culta celebrataque perpetuo fuerint.

Aliud Miraculum .

Quod illud in præſentia repetam , quod Gradonico duce memorabile accidiſſe fertur , nam quum aquæ omnes , & ſtagna ita ſubito excreuiſſent , vt omnes de ſalute desperarent , proditum pro certo memoriae eſt , noctu intempeſta occuriſſe latenti piſcatori tris humana ſpecie , qui nauigium ingreſſi magnis precibus ab eo contenderent , vt ſeſe incolumes ex eo turbine ſeruaret , ille verò accepta conditione in litus ſic eos deduxit , vt tandem quieſcente tempeſtate , aquisque decedentibus præmium ab ipſis acceperit , à Diuo Marco annulum ſuum , quem principi offerret , aſſereretque ſua ope præcipuè à ſe , diuòque Nicolao , & Georgio ſervatam eſſe urbem . id quum peſcator mane ad ducem proſectus enarraſſet certæque rei iudicium annulum protuliſſet , tunc Dux piſcatorem præ gaudio complexus , & annuo ſtipendio viuentem donauit , & rei monimentum perpetuum poſteris eſſe voluit.

Aliud miraculum .

IVVAT certè me plurimum in Diui Marci commemoratione immorari , ſiue quòd illum Veneta urbs iam octingentos , & amplius annos patronum præcipuum habeat , ſiue quòd tot miraculis ille penès Aquileiæ , vel apud Aegiptum claruerit , & eam orbis partem , quum eò ad Anianum veniſſet ,

nisset, sic vitæ sanctitate & miraculorum magnitudine, ad christianā pietatem inflexit, ut quæ gens superstitionisissima omnium mortalium extitisset, mox immutata suum Osirim, & serapim, atque Ilm, & (quod rideas) Cocroditum, & olera, ac cæpe, portentaque alia omnia neglexerit, & Deum vnum Diui Marci opera prædicatum, summa pietate complexa sit. legant quæso Eusebij Historiam, legant Philonem Iudæum, qui græcè scripsit, quæ vitæ sanctitas, quæ puritas eorum foret, qui à Diuo Marco, edocti Aëgyptum tenuere. Quid referam tantam Christianorum hominum multitudinem fuisse, ut non modo vrbes amplissimæ, culti, celebresque, agri eam caperent, sed in desertis planè locis, quos ferè prius inhabitabant, tanta vis mortalium concurrerit, ut inde vitæ Eremiticæ exordium emanasse credatur? Vnde Pauli, Hilariones, Antonij, Macarij, reliquaque sanctissimorum hominum manus celeberrima apud nos in hunc usque diem perduret, certissimis monumentis memoria proditis, quæ fallere nos non possint.

Aliud miraculum.

EXTAT & illud non insigne minus, quod omnis posteritas maxime miretur, ex quo enim Bonus Mathemaucensis & Rusticus Torcellanus Veneti sanguinis viri corpus Diui Marci Diuino planè quodam monitu ex Alexandrina vrbe Venetias attulerunt, dum sortè Aegæum mare præterueherentur secundissimis noctu ventorum flatibus nauigarent, obuersa fata dicitur Diui Marci species Dominico monacho Comacensi vitæ sanctimoniam insigni, qui custos sacri corporis aderat, admonuitque Naucularum adiret, qui cauere tam secundum ventorum flatum. fore enim ut scopolis strophadum illisa naus naufragium planè faceret. subductis igitur velis, cursuque mutato, aduentante luce. Nauculus, & reliqui omnes, re ipsa planè perspecta, & cognita, supplices ad Diui Marci corpus accedere, & ingentesque ei gratias egere, quod salui, incolumesque imminentis naufragij euassissent periculum. sic igitur Bonus, & Rusticus, quo cælesti Diuinoque auspicio apud Alexandriam rem susceperant, eodem Venetias appellantes corpus Diui Marci, cum ingenti totius Ciuitatis plausu, apud Diuum Theodorum composuere.

Aliud eiusdem Diui miraculum.

SIT hoc postremum quod hac in parte sit referendum miraculum, à Diuo Marco suis Venetis æditum, nam quum multos iam annos ad Vitalem usque salcætrum Ducem planè ignoraretur, quanam in parte instaurati templi corpus illius requiesceret, mæsta tristisque in primis vniuersa ciuitas obire templi adita omnia cœperat. lachrimisque ac ieiunijs cœlestem

stem opem exposcere, in diuumque Marcum ipsum manus, & oculos in cælum attollere, ne frustrari iam animos omnium vellet, sed præsens ipse præsentem operam omnibus exhiberet, qua nam in templi parte ageret. publice igitur triduo indicto ieiunio, supplicationeque frequentissima habita, per totam urbem quinto & vigesimo Iunij die, quum frequentissimi in templum Diui Marci conuenissent, repente animaduertentur ingētes lapides commoueri, moxque ex aperta sua sponte columna, arcam æream exertumque brachium esse visum, in qua corpus ipsum Diui Marci conquiesceret. eò concursu omnium facto, & præ gaudio manantibus lachrimis, omnibusque ac clamantibus, vix inde per totum diem, ac noctem pia ciuitas diuelli potuit, testis huius rei dies nobis iam inde solēnis, ac celebris, quem sacrum habet iam tot annos cunctus populus, quemque summa pietate colat, Diui Marci apparitionis nomine.

EXTERNÆ.

De miraculis.

CONSTITVERAM in hac plerisque incredibili miraculorum relatione, quæ nostratibus Venetis conferendam mihi forent, ea in primis repetere, quæ ex sacris instrumenti veteris libris, aut à Mose, aut Iesu Naue Heliseoque & Helia, quæque ab alijs gesta referuntur, præcipue recensere, sed & ea postmodum addere, quæ sacratissimis Euangeliorum libris memorantur, quibus certè abrogari fides nullo modo posset, aut deberet. Verum ex multiplici, variaque lectione, quum multa mihi interim occurrerēt scitu maxime digna, quibus abrogari fides minime deberet, propter egregiam scriptorum auctoritatē, patiemur æquis animis hæc ipsa referri, quæ certè haud ingrata futura ducam ob eorum nouitatem, insignemque ad asserendam pietatem nostram auctoritatem.

De Iuliano Imperatore cognomento Apostata.

FVERAT is iam tum puer nostræ pietatis assertor, nam & Constantino magno genere, iunctus ferebatur, & sacris etiam nostris initiatus pro certo habebatur. Verum adolescens factus, seu Libanij sophistæ præcepta secutus, siue suopte ingenio ad hoc inductus, ita à nobis defecuit, vt imperij insignia adeptus, immanitate immanissimum quemque multis partibus superarit. nemo certè in christianum nomen sæuor crudeliorque fuerit. dolo etiam astuque in eos vsus qui vi, tormentisque adigi nō possent, vt blande sæpe eos ad se appellaret. Huius igitur, præter alia in nos ædita crudelitatis facinora, illud in primis insigne habetur, quod quum Hierosolimam peruenisset, templique vestigia cerneret, quod olim Solomon extruxerat, Titus postea Romanorū Imperator supremo urbis ex-

E cidio

cidio solo æquarat, Iulianus ipse, in contemptum religionis nostræ, accersito ad se Antiocheno Philippo mandauit, vt loco perpurgato fundamenta templi iaceret, quod cum priore illo magnificentia, amplitudineque certaret, nec interposita mora est. iacta enim quam primum sunt fundamenta, architectique, & reliqua operarum multitudo conuocata innumera est. Cæterum quum sibi Iulianus, & reliqui mirum in modum quasi perfecto elaboratoque opere placerent, repente terre mugitus exauditus, facesque ardentes intra ipsa fundamenta statim exortæ sunt, quæ omnia vno momento dissiparunt, quin etiam fabri, eorumque ferramenta penitus igne hausta sunt, mox etiam miraculum insigne visum, cruces videlicet in multorum vestibus enatæ, quæ deleri nulla ratione possent.

De Amphilotio tribuno.

DIGNVM certè hoc semper mihi visum est, quod hoc in loco à me re ferretur, vt discerent mortales ab omni iniuria temperare, cuius Deus ipse, quamuis interdum serò, præsens ultor esse videatur. Erat constantiō Augusto constantini magni filio tribunus Amphilotius conspirationis in se vitamque suam suspectus, iamque sæpius à multis delatū ad eum, fuerat, tanquam sceleris huius reus foret, quumque sæpe ad ipsum Augustū Amphilotij nomen, hac de causa repeteretur, desinite, inquit, hoc apud me inculcare, breui enim futurum spero, vt præsentibus vobis omnibus meritis luat criminis pœnas, & quum forte in proximum diem spectaculū indictum esset, in quo constantius, & vniuersa ferme ciuitas, & Amphilotius aderat, sorte ita accidit, an potius vindicis numinis prouidentia, vt suggestus, in quo ipse Amphilotius è constantij regione ludos spectabat incerto casu rueret, reliqui omnes colapsi salui incolumesque discederēt, ipse vero vnus ex cunctis acerboungeretur fato, non sine summa eorū admiratione, qui eum toties detulerant, quòd constantius præsentis numinis vltionem prædixerat.

De Heraclio Imperatore.

QVIS maximè nō admiretur, quod mox de Heraclio principe subijciam? aut quis tandem non intelligat ab summo illo numine nihil aliud à nobis, quàm verum, simplicemque pietatis cultum exigi, neque enim aurum, aut gēmas, vel alia, quæ genus hominum admiratur à nobis expetit. tantum præsentem animum huc mihi adhibe, vt illius perpetuo sis memor, exque illius præceptis rectè pieque viuas. Redierat Heraclius victor ex perfide, receperatque crucem à Cosdroe Persarū Rege à se subactō perpetuæ pacis pignus, in qua redemptor humani generis Christus pependerit,

derat, quumque iam Hierosolimæ propior accessisset, seu ipse per se, seu ab alijs admonitus frequentissima pompa inferre illam in urbem parabat quumque regio fastu pompaque omnia plena forent, ipseque Heraclius veste imperatoria iniunctus crucem in collum sumptam, quemadmodum de redemptore Christo memorie proditum est, ad urbis portam peruenisset, lætus omnibus acclamantibus mox in Caluarie iugum ascensurus, crucemque suo loco positurus, sic planè euenit ut in uestigio constans suo, pedem nusquam mouere posset, quod quum sæpe tentasset nihilque omnino proficeret, admonitus à Patriarcha fertur, ut mutata rerum omni facie, tenuique togâ desumpta, nudisque etiam pedibus, gestare à se crucem memiuisset, eius seruatoris, qui nudus pro nostra omnium salute cruci affixus esset, quod accipiens imperator, recteque sese ab patriarcha monitum ferens, statim nudis pedibus crucem ipsa in veteri sua statione reposuit. Est igitur nobis in hunc usque diem facinoris tam egregij lux memorabilis quartadecima Septembris mensis.

De Reparato Romano.

POTERAM hic Diui Ambrosij meminisse, qui præsens Luchinum vicecomitem, & Accinum Ducem Mediolanensem, à captiuitate, copiasque eorum iam suas incolumes, victo etiam hoste, seruarat. poteram Diui Iacobi apud Hispanos memorabile factum referre, quum ille albo uexillo accinctus, princeps ipse Rainerum regem aduersum Saracenos adhortaretur, victoriæque mox consecutæ autor fuisset. Sed quis nostrum huiusmodi exempla innumera, aut non legistis ipse, aut audiuit ab alio? quare transeam ad ea commemoranda, quæ multo plus admirationis secum trahant, siquidem cœlestia illa quid non efficiant? Humana verò hæc ipsa in tam fragili imbecilloque hominum genere, quis non suspiciat, quum legerit vni aut alteri euenisse, quod præter omnem naturæ legem factum sit? Reparatum igitur Romanum ciuem constat, quum pro mortuo à suis haberetur, conclamatusque iam esset ab omnibus, extra urbem mox recepto spiritu (cuius res diuus Gregorius sit testis) quæsisse ex suis qui aderant, ut vnus ex ijs in urbem profectus ad diui Laurentij in Damaso accederet, interrogaretque num Tyburtius sacerdos superesset incolumis, & quum nunciatum esset non multo ante uita functum, ego uerò amici, quod meminisse animus horreat, ipsum Tyburtium apud inferos in medijs flammis grauissimè cruciari, malosque dæmones in illum frequenter flammæ globos aduoluere conspexi.

De Curina Hipponensis.

NEQVAQVAM uerò me pigeat, quando reparati Romani ciuis mentio à nobis hac in parte facta est, ex Diui Gregorij autoritate, nunc quoque Diui Aurelij, Augustini monumenta secuti, Curinæ Hipponensis agri incolæ meminisse, qui diuturna conflictatus aduersa ualitudine, quæ neque cibum, neque potum aliquo die sumeret, præterquam exigua quædam spiritus uis è naribus emannaret, ex omnium domesticorum sententia iam sepulturæ mandabatur, & quum iam spiritus ille defecisset, nemini dubium erat, mortuum illum, uitaque planè functum, quumque omnia iam ad luendum corpus, funusque ducendum parata essent, forte ita accidit, ut ad domesticorum clamorem excitatus Curina, uiuum sese ostenderit, qui præter alia Hipponen unum ex familiaribus miserit, qui diligentius inquireret, an Curina alter faber Hipponensis superesset, referebat enim à se auditum archidæmonem increpitasse aliòs dæmones, quod non fabrum illum ad sese deduxissent, sed Rusticanum Curinā, cuius adhuc tempus non esset, addebat & illud, perlustrasse se oculis cælum ipsum præter alia, prædictumque sibi fore, ut ab Dino Augustino sacro baptis- matis fonte leuaretur, quod & postea secutum est, morteque Curinæ Hipponensis fabri consecuta comprobatur.

De Euerardo Germano equite.

QUIN imponat finem huic primo nostræ commentationis libro, miraculum insigne Euerardi equitis Germanici sanguinis, qui Innocentij Pontificis iij. tempore inter suos florens, aduersa correptus ualitudine, per aliquot dies inter mortuos domi à suis est habitus, is verò paulo post conualescens, referebat sese toto hoc tempore Hierosolimitanæ urbis situm perlustrasse, vicos, & plateas, reliquaque urbis monumenta, quæ nunquam inuiserat, ad vnguem commemorans. Hinc in Salsadini castra, qui tunc temporis Sultani nomine vniuerso præerat Aegipto, contendisse, ex eo loco in Cisalpinam Galliam deuolasse, in eaque Italiæ parte in sylua quadam Germanici sanguinis hominem sibi amicū conuentū esse, multa que cum illo locutū, inde nihil omino defatigatum Romam urbē peruenisse, quā nunquā antea inuiserat, templaque, & arces urbis cōmemorans, & (quod maximè mireris) in ea virorū nomine, & formas ex verò addeus, superstes diu vixit, illud non prætermisim, Germanum hominē, quem in Italica silua à se repertum diceret, idem ipsum plerisque audire cupientibus affirmare solitū.

Explicit liber primus.

De Venetorum institutis. Cap. I.



EST nunc mihi ad alterum instituti operis librum transeundum, in quo ab initio spectare licebit prisca & memorabilia Venetæ urbis instituta, tum vero reliquarum gentium, quæ sua cuique fuerint, ex his enim faciliè intuearis, quo pacto iactis primum fundamentis, reliqua postea secuta sint ædificia.

De religionis institutis.

AFFUIT semper ab urbis ipsius exordio summa, præcipuaque ex maiorum institutis, qui Christianam pietatem profiterentur, religionis nostræ cura, ut semper quidquid publicè priuatimque gereretur, ipsam in primis maiores obseruarent nostri, hinc Diuo Iacobo in Riualtina sede primû ædes posita. hinc singulis ferè diebus in sacra templa manè adimus, hinc litatorij sacri constat obseruatio, ut in hûc usque diem & princeps ipse, & vniuersa ciuitas hoc instituto maxime gaudeant. Sed & frequentissimus omnium mortalium, & ordinum concursus ad eos audientes, qui Christi verbum palàm concionantes docent, deque verâ pietate rectè sentiunt.

De supplicationibus.

EST & ille peruetus ciuitatis mos, ut supplicationes frequentissimæ diuis immortalibus exhibeantur, nam ex singulis hebdomadibus (ut hinc exordiar) ex Diui Marci æde instructi prodeunt sacerdotes, qui subiectâ aream perlustrantes præeunte crucis signo, litanij quoque suis persolutis in templum redeunt. Sunt præterea collegia quinque maiora, quæ statim temporibus, hoc muneris magna obeant pompa. nec defunt interim minora quædam collegia singulis adiecta téplis, quæ more à maioribus tradito, hoc expiationis genus nunquam omittât. quod si quis Venetias à resurrectionis luce sexagesimo & altero die sorte inuisit, videatque vniuersam ferè ciuitatem in marcianam aream descendere, non poterit ille non maximè admirari institutum hoc per manus à maioribus, tanto ante traditum,

ditum, tanta pietate coli, celebrarique. prodeunt enim suo quæque ordine primum maiora collegia incredibili, ac propè infinito numero, & pompa longè celeberrima, quæ vniuersam aream ambiant, quem tamen ambitum (nec & illud sciens præterierim) totum, quâ pompa ipsa ducitur, candido panno testum, palis in terra defixis altioribus, qui ipsum pannum sustineant extentum, ad quod adiciam etiam virentes arbores ex Tarusino maximè agro petitas. post ipsa verò collegia subeunt, hi, qui fratres monachi que vulgò dicuntur, quorum frequentissima est multitudo. hosce subsequuntur sacerdotum vrbanoꝝ nouena collegia sacros hymnos decantantia. tunc prodeunt Oliuolenses, marcianique sacerdotes. non longo post interuallo Dux, magna que Senatorum copia, qui omnes amplè instructi Ducem comitantur, deducuntque ipsum, vt tamen interim suis quibusdam certis locis flectentes genua, Christianæ pietatis nunquam obliuisci videantur, donec templum iterum Diui Marci reuiant. interim verò dum princeps ipse cum Senatu progreditur, ex marciana turri lætus in primis campani eris sonitus redditur.

De quatuor publicis conuiujs, quæ singulis annis à Principe celebrantur.

Non possum non maiorum nostrorum vehementer admirari sapientiam, qui præter alia, id maximè prouiderunt, vt princeps ipse ab vniuersa ciuitate in primis amaretur. ad hunc igitur conciliandum amorem, id est adhibitum institutum, vt quater in singulos annos patritios ipsos conuiuio publico exciperet, quod insigni apparatu, minimè tamen inuidioso, intra palatium suum exhiberetur. Primum igitur quarta mensis aprilis luce Diuo Isidoro sacra, celebratum. tum vero alterum ascensionis dominicæ die, quo tempore nundinæ frequentes habentur, quum Princeps Bucentauro naui reuectus, eos qui illum deduxerat patricios conuiuio excipit, & (nequid prætermittam moris tam solènis) vt princeps assensionis die mare inuisat, naui inuectus ipsa de qua supra diximus, annuloque aureo in mare proiecto solennibus verbis imperium maris sibi despondeat. tunc perfecta re, Diui Nicolai inuisat ædem, vbi peracti sacris domum cum reliqua pompa redeat. Iunio mense tertium celebratur conuiuium, quo die Viti & Modesti sæstus colitur dies. siquidem princeps ipse honestissimo comitatu eò profectus, sacra obijt, donoque persoluto cereorum aliquot, domum reuertitur. quartum est, quod Diui Stephani luce sacra magnificè ab eo celebratur, Coreis præterea, & saltationibus exhibitis & reliquis modestioribus ludis in præsentis temporis gratiam.

Institutum aliud eiusdem principis .

QUOD illud dicam, quod natiuitatis dominicę die templum Diui Georgij magna pompa singulis annis inuifit? neque non Diuę Marię cogno-mento Formosę, post paschatis diem memorabilem . hinc etiam octaua post paschatis luce, Geminiani ædem, & Menę in extrema area positam ẽ regione Diui Marci templi frequens adit . nec illud non mihi referendum, Iunio mense, quo Diuis Modesto, & Vito sacra facimus, templum obit ligneo ponte canali maiori superstrato, postremum est quod Diuę Marinę sacram ẽdem celebrant omnibus quinque collegijs pręeuntibus, sacrisque ordinis viris deum canentibus, ipso paulo post subsecuto principe cum solenni omni apparatu, de quo etiam mox dicemus, nec verò præmittendum interim duxerim, quod quadraginta ab hinc annos institutum fuit, vt dies ipse sacer, sanctusque habeatur in perpetuam memoriam receptę patauinę vrbis, grati enim patres monumentum hoc ad posteros æternum esse voluere.

De Ducis apparatu.

EST etiam hoc in more, consuetudineque positum, vt quotiescunq; illi in publicum prodeundum est, præeāt primum ipsi duci tubicines, præeat Umbella, & vexilla, aureusque puluinus, ad hæc Catedra aureata, quę Dux ipse comitatus externorum principum legatis, qui adsunt, non multo post consequitur, ornatisimo vestium apparatu, & capitis tegumento ita composito, vt cornu intergum extet, quo planè insigni testetur se quidem Principem esse totius reipub. vt tamen senatorius, qui amplissimus consequitur ordo, præcipuam cum eo sibi vendicet partem, quod & patricius principem subsequens, gladium vagina aurea tectum gerens facile ostendit. Nam quum alij Reges, & Principes præferri nudum ensẽ velint, supremę suę potestatis argumentum, quasi alienę sententię non egeant: ipse vagina tectum ponẽ gerat, vt nec celeritatem ad vlciscenda facinora præmaturam significet (quod etiam Romanorum consulum sascẽs alligati denotabant) nec sui arbitrij pœnitus totam esse Rempub. sed subsequenti senatorij ordinis summam esse potestatem. Huc accedit, quod singulis hebdomadibus semel forum, magistratusque omnes, qui iuri dicundo præfunt, obit, monetque vt iustitię memores nihil odio, aut gratiæ tribuant. vt tamen progrediens, si quem tenuioris fortunę hominem suplicem viderit, eum benigne audiat ipsique præsentem opem afferri iubeat.

De honore impenso senibus à iuuentute.

QUA S tu mihi Athenas, aut quam Spartam, aut ipsam urbem Romam in honorandis senibus iure Venetijs ipsis anteferas? nec verò vnquam inficias ierim, Athenienses ipsos, & præcipue Spartanos, ciuitatemque denique Romanam hoc genere laudis maximè claruisse. Sed si quis Venetias ipsas adeat, aliquotque moratus dies, accuratius cuncta exploret, aut monumèta nostræ urbis diligentius euoluat faciliè animaduertet in superioribus ciuitatibus à me dictis accersitum, legibusque præceptum genus hoc honorandæ senectutis fuisse, in nostra verò ab ipsius urbis natalibus morè hunc natū adultumque cū ea in hunc vsque diem, per mille & amplius annos perseuerare. atque (vt à primo exordiar Principē, qui primus Heracliæ dictus est, ad Francisci Donati clarissimi principis, qui hodie omni virtutū genere floret, tempestatem veniam) quis quæso non videat, matura iam ætate, præter vnum, aut alterum, principes fuisse creatos? Iam verò quotquot procuratoria dignitate insignitos esse animo voluas (qui quidem honos Venetijs supremus à Principe semper est habitus) quis non intelligat præmaturo iam senio viros huic dignitati semper esse præfectos? non possum non hac in parte recens exemplum commemorasse, quum Ioanni Molino centum & quinque annos nato, non aliam ob causam consiliarij dignitas demandata maioribus comitijs sit, quam vt vniuersæ ciuitatis iudicio testatum perpetuo foret, quātum honoris huic ætati impensum esse vellet. Ad hæc sic in gerendis, obeundisque magistratibus hic mos hodie retinetur, vt senilis ætatis præcipua ratio semper habeatur. in cænis verò, atque conuiujs, quæ priuatim, publicæque adeas, hoc obseruatum in primis spectes, vt suus senibus semper sit locus. nec illud etiam omiserim, quod in ipso ingressu priuato, in ipsoque publico confessu, in ipsisque ludis spectandis hoc obseruatum constantissime esse, quod in pueris etiam, si quando domo exeant, alijque maiori natu (vt ferè fit) occurrant, hunc morem retineri animaduertas. id quod in matronis quoque, reliquoque scæminarum sexu coli videas.

De arcanis consilijs patrum.

DABITUR & hoc ipsum taciturnitatis exemplum, quod rerum publicarum vel præcipuum vinculum habeatur, post attributos quinquaginta patres, post alios magistratus, qui Senatū perficiunt additos, vix vnum aut alterum inuenias, in quo proditi consilij publici culpam requiras. sed quum multa referre possem memorabilia, tamen aliquot subiiciam, vt verissimè dictum à me in huius virtutis laudem comprobetur, quod

quod recens commemorabo. Mediolanensi bello, quod primum cum Philippo Vicecomite gessimus, dictus est Imperator totius exercitus à Senatu Franciscus Carmaniola, loco & parentibus sanè obscuris, qui tamè rei bellicæ peritissimus ea tēpestāte haberetur, quique Philippo ipsi maximam principatus sui partem sua virtute restituisse, à quo transfugiens, cuius ingratum in se animum ferre non poterat, Taruissum peruenerat. Hunc igitur Veneti Imperatorem sui exercitus dixere, & ab initio quidē ille præclaram operam præstitit, fusis enim apud madodium memorabili acie Philippi copijs, & recepta Brixia, brixienſiq̃ agro omni, rebusq; Philippi ita accisis, vt vix ille intra Abduæ ripas Imperium tueretur suum. hisq̃ rebus elatus Carmaniola (quasi vero Philippo tacitè faueret) partim accusare Senatum Venetum audatius, & legatis ipsis in castris insultare, partim rem Venetam ita negligere, vt meritò proditiōis suspectus haberetur. ipso igitur Venetias apulso, quasi de pace cum Philippo ageretur per octo menses de illius proditiōe quotidie anquirebatur, nunquam tamen ille tale quippiam suspicari potuit, donec Senatus cōsilio factō, quū omnia certis nuncijs, & Carmaniolæ ipsius literis constarent, ipse intra post triginta dies, quam custodiæ mancipatus erat intra duas columnas securi percussus meritis perfidiæ suæ pœnas luit.

De Francisco Foscaro Duce.

Is quum per annos quatuor, & quadraginta reip. præfuisset, eiusque prudentia Veneti Imperij fines promoti essent, multaq̃ domi præclare facta, tandemq̃ pregrauante senectā, veluti publico muneri præesse nō posset decē virali iudicio quinquaginta ferè patrum sententia, viuenti adhuc illi, quod nusquam alias contigerat, ducis dignitas abrogata est, quæ res tanta taciturnitate per aliquot dies ita protracta est, vt ad auertendā suspicionem huiusmodi consilij Marcum Foscarum fratrem, procuratoremq̃ in curiam aduocarent, quem tamen cubiculo includerent graues cominati pœnas, si quid ille alicui vnquam prodijisset. est igitur Foscarus ipse dignitate priuatus in eiusq̃ viuentis locum paschalis Mari Petro subrogatus est, quem tamen intra triduum mortuum, Princeps ipse, & vniuersa ciuitas ad minoritanam ædem extulit, omniaq̃ illi duci munera præstita.

Aliud exemplum.

QUOD illud commemorem, quod nostra ætate memorabile in primis in hoc genere laudis accidit, nam post quam funestissimo prælio ab Aloisio Francorum Rege victi sumus iuxta abduam amnem, omnesq̃ Imperij ciuitates partim ad gallos, partim ad Grecmanos defecissent, cum

ipsa patauio non tamen multò post, Lauretani Clarissimi principis consilio de ipsa recipienda in Senatu actum est, ea res quum à patribus ipsis tractaretur per aliquot dies, nemo tamen vnquam ne suspicari quidem id potuit, quum interim quotidie patauini Venetias, & Veneti Patauium frequentes peterent. iussus est igitur terrestri itinere Petilianus Imperator cum Andrea Gritto legato, qui ad Margariam cum exercitu ageret, vt id munus recipiendæ Patauinae vrbs susciperet, confestim, & clandestinè tamen domi interea lembi frequentissimi, aliaque nauigia cõparata. quum igitur ciuium multitudine, Medoaco amne subuecti in eandem diem, & horam ex altera parte patauium adoriretur. sicque factum, vt felicissimo auspicio vrbs ipsa patauium à Gritto in cauta opprimeretur, quæ nihil vnquam tale rescuerit. & ex alia parte, nostri, qui aquis, & stagnis subuecti erant vrbem ipsam quàm facillime caperent. gesta autem confectaue res est die xvii. Iulij mensis, quæ Diuæ Marinæ sacra habetur, in cuius perennem memoriam tam præclari facinoris gratissimi patres de creuere, vt Dux ipse, cum Senatu magnifico apparatu ædem ipsam inuaseret.

Externa.

Nemo certè sanæ mentis vituperauerit si in hac veterum institutorum relatione, principem locum pietati attribuo, quum præsertim vera, sanctaque hæc nostra religio, & à principio mortalium animos totius ferè orbis commouerit, & in præsentia excitare facilius possit. laborabat mortalitas olim Gregorij sanctissimi pontificis ætate, nec id malum fisti vlla ope humana posse videretur. quem nam igitur Gregorius ipse sanctitate præcipuus ad auertendam tam grauem calamitatem autorem peteret, nisi trinum & vnum Deum? placuit igitur illi, vt supplicationes publicè omnibus indicerentur, quod secuta uniuersa vrbs, quum ad omnes aras, templaque frequens supplicaret ex intimis cordis penetralibus, facile nō multo post salutem impetrauit. Et quis, quæso, nesciat Deum ipsum Opt. Max. cognomento esse dictum, qui & omnia possit, & præsens pie, sancteque inuocati præstò semper adsit? quod igitur institutum à Gregorio summo Pont. est, nos iure in hunc vsque diem retinemus, si quidem annuæ supplicationes apud nos, perennesque vigent.

Aliud exemplum.

SECVATVR nunc Bonifacij quarti Pontificis summi memorabile institutum, qui quum animaduerneret nouembres calendas sacræ, celebresque Romano populo esse, propter insignem, præclaramque Lucij Cornelij victoriam de socijs. qua die celebres gladiatorii ludi, multaue alia

alia id genus spectacula æderentur ad totius ciuitatis Rom. manifestâ ve-
santiam, quum Martem Iouemque, aliaque numina vetera subinde inuo-
carent, multis frustra tentatis remediis, vt nec penitus lasciendi memo-
ria toleretur, festum omnium sanctorum diem celebrandum nobis insti-
tuit. quo die etiam id institutû, retentumque pertinacissime est, vt quæ-
admodum populus Romanus gladiatores ipsos vulnerari interficique le-
tabundus inspiceret, sic domi suæ quisque anferem haberet, cuius funere
gaudens, exultansque frueretur, cuius pluma lecti ipsi ad præcipuû ho-
minis commodum, voluptatemque sternentur.

Aliud exemplum.

FUIT & ille christianæ pietatis nascentis mos maxima laude dignus,
quem certè ex rerum euentu optimus quisque sanè comprobet. Episco-
pi enim vrbiûmque ipsarum antistites populi ipsius iudicio deligebatur,
hi qui inter suos à primis annis cogniti, virtutis opinione quadam certa
præcellerent, quosque vitæ sanctitate, & doctrina aliis antestare certum,
exploratumque esset. id quod Romani Pont. plerique, & in his Grego-
rius et Leo et Augustinus ipse et Ambrosius innumerique alii facile pro-
bent. paulatim uerò mos inoleuit, ille, ut unius, aut alterius principis suf-
fragio præficerentur illi; qui grati, cariique regibus per sua scelera, & fla-
gitiis forent. vnde paulatim fluxit, ut iam nunc lucerna illa ardens sub mo-
di lateat, & in tenebris omnia cõfusa iaceat. quis igitur rectum uitæ iter
capere sibi posset, qui ducem ipsum tantum aberrare animaduernerit?

Aliud exemplum.

DABITUR & hac in parte aliquid Italico nomini, cuius rei quando
celebre est factum haud fortasse peniteat eos, qui nostratia hæc legent. eo-
rum igitur bona venia, Albericus Barbianus iure optimo huc aduocabi-
tur primus, qui Italicos homines, iam pridem militaris omnis rei exper-
tes, cum externo milite in terra Italia omnia bella gererentur per multos
iam annos ad veterum laudem nos reuocarit, quod feliciter experti sæpi-
us, qui intra Italiæ fines principes agerent facile discere prouinciarum sup-
petitis expetere qui Barbianicum, Bracianum, Sforcianum militem legen-
tes, præclaras in primis res, insigniaque facinora bello edidere.

Aliud exemplum.

REVOCATUR huc etiam illud Romanæ ciuitatis peruetus institui-
tum, quod Plutarchus, cui scriptori nescias quem anteponas, tradidit.

quodq; nostrates historiæ in primis attestantur. Consules enim & dictatores virgarum fascēs, alligatasque his secures præferri sibi semper instituerunt, vt dum virgas dissoluerent, securesque expedirent, ad vindicanda scelera tardiores aliquanto esse cogerentur, vt si quid irati forte decreuissent, auertendæ iræ spatium, hac ipsa mora haberent, quod, vti diximus, nostri Veneti per belle imitati, ensē vagina tectum ponē principem gestari, planē sapienter instituerunt.

Aliud exemplum.

NON possum postremo hoc in loco non Leptitanæ Africæ vrbis morem præterire silentio, quando & scriptores nostri huiusce rei meminere, vt ad omnium mortalium vsum mos hic trāsferri cōmode valeat. si quando igitur apud Leptim nouæ nuptiæ celebrarentur mos ille omnibus inluerat, vt nupta ipsa mutuo ollam à focu peteret, quam illa constantissime pernegaret, vt inde iam in celebre prouerbiū abierit, omnes focrus nuribus odio semper esse.

De disciplina militari. Cap. II.

MILITARIS disciplina præcipuum apud populos, gentesque decus semper est habita. in qua constanter culta, receptaque sereni, tranquillique pacis dies acquiescere crederentur, in iis præsertim gentibus, quæ proferendi imperij nimis cupidæ, suis non contentæ finibus, in aliena hostiliter inuaderent. id quod incoatum semel ab Nino Afsiriornm primo Rege, vniuersum orbem paulatim sic oppresserat, vt nusquam pax esset, donec romanus populus, primum in terra Italia, mox extra eius fines gentes omnes, ac nationes hoc præcipuo disciplinæ militaris vinculo tenacissime per omnes numeros à se retento, obseruatoque sibi parere coegerit. Cæterum illi, terrestribus maxime bellis tam amplum imperium, tantaque gloriam sibi pararint. nos qui res Venetas primum summa cum veritate aggredimur, animum conuertemus ad maritimas res Venetorum gestas. si quidem medijs in aquis siti, marique innutriti longè à continente positi sub hac disciplina maxime claruerunt.

De Pipino Francorum Rege.

PIPINVS igitur Caroli Magni filius, quū Italicis rebus omnibus præfesset, imperante etiam patre, cui ita persuasum erat, Venetis bellum indixit, comparato ingenti exercitu quū Herachiam, Equiliumque, & Mathemaucum in littora posita oppida armis oppressisset, mox in nostra

tia stagna, infulasque conuersus animo, classe ratibusque ingenti arte comparatis, de Veneto nomine penitus abolendo cogitabat, nostri vero tametsi non poterant statim ab initio Franciscis terreri armis ad disciplinam tandem veterem maritimarum rerum conuersi, se suosque liberos, libertatem, patriamque præcipua charitate defendendam esse arbitantes obuiam illi aduentanti, in stagnaque nostra properanti sua classe, suisque nauigijs occurrere. cōmisso igitur acri primum certamine cū gallis, mox conuerso maris æstu in pontem, quem Pipinus parauerat adiuuante Venetos aquarum fluxu secundo, irruptione facta, pons solutus est, cæsi que ad vnū ferè omnes, aut aquis mersi sunt. qua ex re Venetus victor in memoriam tantæ rei Canali orphano nomen fecere, Gallis omni ex parte oppressis, libertateque feliciter in hunc vsque diem inoffensæque seruata.

Aliud exemplum.

Non nescio Narseti Principi prius ab Iustiniano Imperatore in Italiâ misso, qui Gothos ex ea penitus eijceret, suppetitias à Venetis latas, vt Rauennam urbem reciperet, quod postea iterū Langobardicis bellis omnia turbantibus, in Gregorij Pontificis maximi gratiam classe Veneta potissimum Græco Imperio restitutam, in qua constet Prædeum Vicentinum hominem militia clarum diu fortiter obstitisse, sed illum Venetorum armis, & virtute fractum primo, mox interfectum, claram ad hoc æui sui nominis famam reliquisse.

De Narentanis.

A hoc militaris disciplinæ tenacissimo vinculo adductus Petrus Vrscolus Dux, Narentanis ipsis, qui pyratricam exercebant adeò feliciter bellum indixit, vt parata ingenti classe Parentium primum & Polam cū vniuersa Histria, & Liburnia receperit, tum Dalmatici maris insulas omnes, ipsa etiam non leui certamine expugnata Pharo, quæ Liefna hodie dicitur, in deditionem Venci nominis cœpit: postremo Dalmatiæ omnis vrbeis, partim vi, partim sponte sese dedentes imperio suo adiunxit. inde Narentanos aggressus pacem vltro petentes, sese ac sua omnia dedentes, pollicentesque nunquam post hac in pyratricam se vlllo modo descensuros, facile admisit, vnde primum Dalmatiæ titulus ad principem delatus est.

De Dominico Michael Duce.

FVERIT & Dominicus Michael Dux militaris disciplinæ præcipuum documentum, qui Calisti Pontificis rogatu, præterquam quod audiebat

diebat Hyerosolimitanum Regnum grauitè laborare, Gotifredo primo Bolionio, mortuo, Balduinoque secundo Rege à Turcis capto, validissimam classem Venetijs instrui iussit, memor præterea à Vitale Michaeli primo Christianos Principes classe ingenti, cui ipse præfuerit adiutos esse, in Syriam. igitur quum celerrimè enauigasset, primum Sarracenicâ classem Ioppem obsidione prementem; non sine graui certamine totam ferè cœpit, Ioppeque liberata, nauibusque decem ex Sarracenico hoste captis, cum ingenti præda ad Tyrum insulam mari obsidendam profectus est. cingebant eam ex altera parte terrestri exercitu Varimundus Hyerosolimitanus antistes, reliquique Franci Principes: quum interim inter Francos seditio exorta est, non sine manifesto suo periculo, Tyrum ab se obsideri quippe frequentes nuncij asserebant, Sarracenorum Ducem magnis aduentare copijs, Venetos interim omnis periculi, & alex immunes fore. ea res ad Dominicum Ducem delata percussit facile primum animû illius indignati, quasi vero de Venetorum fide dubitarent, qui constantissima semper fuisset. ea igitur super re Michaeli Duci cogitanti, quum diuersa ei occurrerent, tandem id consilium maxime placuit, ad confirmandos fortiorum animos, vt ex singulis nauium carinis integrè tabulæ abscinderentur, earumque clauis & reliqua gubernacula ad Varimundum antistitem in castra deferrentur. ea res omnium animos, qui aderant ita deflexit, ita in admirationem vertit, vt exclamarent omnes vnâ esse Venetorum fidem, vnâ constantiam, Duccmque ipsum Michaelē, vnum omnibus rebus anteponendum. maiori igitur studio in obsidenda Tyro uersis omnium animis, faciliè id contigit, vt Tyros tandem caperetur, tertiâque urbis parte Venetis tradita, priuam illis arēam, primum forum, priuâ denique omnia templa concederentur, id, quod scdere inter Varimundum & reliquos principes conuenerant, quod Balduinus rex postea cōprobarit.

De Henrico Dandulo Duce.

QUANTVM Henrici Danduli Ducis intuenda militari disciplina studium fuerit, res ab eo præclare, eximieque bello gesta faciliè declarant; is igitur Dux, quamuis senio confectus, luminibusque, penè captus, candenti ferro ab Manuele Imperatore obiecto, dum Venetum legatû aliquot ante annis gereret penes illum: Iadera armis recepta, Alexium puerû ad se in castra venientem, petentemque, suppliciter, vt in Imperium Constantinopolitanum restitueretur, benignissimè excepit, pactusque cum eo, & cum Gallorum aliquot principibus, qui ad recipienda Hyerosolima ex Gallia Venetias conuenerant in castrisque tunc cum duce, non paruis cum copijs agebant: quomodo tanta res peragenda foret, statim cum tot classe trecentarum nauium, & Gallorum Principum auxilijs supera-

tò Ionio, Aegæoque mari Constantinopolim forti animo obsessam à græcisque hominibus acerrime defensam : fracta disruptaque cathena : quâ duplicem illis obieciissent, aliquot post dies sua, suorumque militum virtute capit. sic igitur Alexio puero in Imperio restituto. & Isacio pueri patre, de carcere educto ; cui adulterinus Imperator & frater cum incluse rat ; luminibusque priuarat, lætus ipse de reditu in patriam cogitare cœperat ; quum altera suorum defectione, puer Alexius exceptus, interfectusque à Murziphlo qui se Imperatorem ageret : quare turbatis rebus Murziphilus cum diu Gallis, Venetisque restitisset, tandem iterum capta vrbs est, fugatoque Murziphlo principibus gallis Imperij dignitas est parata Venetis autem Patriarchica sedes Thoma Mauroceno ad eam dignitatem primo suffecto, restituta est.

De Nicolao de Canali.

ASSERAT fortassis quispiam non sanè magnopere mirandum, si rebus tam lætis, tamque secundis disciplinæ militaris exempla longe clarissima memoriæ prædita sint, nunc igitur etiam aduersis rebus, quam tenaci uinculo hæc ipsa à Venetis retēta sint ostendemus præerat is vniuersæ maritimæ rei imperitoria dignitate Turcico bello, quod ea ætate gerebatur, quum uerò Euboea insula ab Othomano Turcorum principe mari, terraque premeretur, ipse de canalis Imperator, cum ingenti classe ad Chalcidem obsidione leuandam, quam insulæ illius urbem præcipuâ Othomanus oppugnaret, profectus, per summam ignauiam, opem laborantibus chalcidensibus ferre non est ausus, passusque est se ipso spectante urbem ipsam à Turcis capi, miserosque ciues omnes sæde trucidari turcarumque principem saluum lætumque inde abire. quo Venetijs nuntiato Petrus Mocenicus vir clarissimus illi mox suffectus est, reuersumque mox in patriam perpetuo exilio damnarunt.

De Benedicto Pisaurio & Hieronimo eius filio

vtrisque rei maritimæ imperatoribus.

DEFLECTET, & ad nostrā ætatem militaris disciplinæ seuerè in primis instituta hæc nostra oratio. siquidem Benedictus ipse quum rei maritimæ vniuersæ præesset imperatoris nomine, non dubitauit animaduertere suo priuo iudicio priuæque sententia in virū patritij sanguinis, quod relicto Iuco oppido cui Pylo veteres fecere nomen, nestoris olim patria, non expectatis Turcis, qui eò aduentare dicebantur, neque ex petito subsidio ab imperatore ipso, inde metu abierit. quo idem & filius eius Hieronimus, Turcico bello Imperator imitari patrem studuit, qui & ipse

se triremis præfectum vnius patritij sanguinis virum, capitali supplicio affecerit, propter ingentia manifesta; scelera perpetrata, quæ qualia fuerint alijs extimanda relinquimus. nec vero idem ipse contentus in rebus maritimis hanc seruasse sæueritatem, quam præsentia tempora in primis postularent, præfectum quoque peditum inter suos veronenses nobilem in Iadrensi agro autorem turpissimæ fugæ sese dederat supremo supplicio affecit, quæ sanè duo exempla in patre filioque spectata, incredibile dictum est, quantum omnium animos incenderint, ne quid ignauè, aut segniter hi gererent, qui Reipub. nomine foris præessent.

EXTERN A

De Bellifario Constantinopolitano viro patricio.

DEBEBIT huic omnis ætas, omnis scriptorum tum veterum, tum recentium ordo; qui Romam urbem à Gothis captam dirutamque disciplinam maximè militari inter suos seruata receperit, Gothicumque nomen extra Italia penitus deleuerit. missus enim à Iustiniàno Principe Constantinopolitano, haud sanè magnis cum copijs in Italiam, quam in libertatem in primis assereret cuperet; non tam prælijs multis cum Gothis feliciter confectis, non urbium expugnationibus multarum, & in his Roma ipsa ab ijsdem Gothis capta receptaque, tantum nominis, ac existimationis apud omnes consecutus videatur, quam militaris discipline tuende inter suos cura studioque. fertur enim tantum hac valuisse, vt milites suos nunquam passus sit ab incepto itinere auerti, vt ne pòtùm quidem obiectum ante oculos, carpere quisquam auderet, nec defessus longo itinere miles in quèquam obuium locum impetum faceret, & scæmineum præcipue pudorem seruaret, quæ res gratum illum imprimis, & expetitum vniuerso Italico nomini effecerit.

De Aerio patricio.

CELEBRET Romana ciuitas Bellifarium, celebret vniuersa Italia in libertatem à Gothis vindicata; vt tamen Aerij patricij interim non obliuiscatur, fuit is ex Mæsia prouincia vir inter suos genere satis celebris, qui inter romanas legiones ascitus illustris, & clarus statim in primis euasit, patritiusque Romanus ab Honorio factus disciplinam militarem penè colapsam omnem princeps restituit. Vandalos, Alanosque in Romani Imperij fines irrupentes sæpe à sese victos domi quiescere docuit. in Hispania contra eosdem præclaras res gessit: sed quod maxime omnium memorabile sit, sua hac disciplina Attilam ipsum, cum quingentis armatorum millibus in Gallias irrupentem Cathalannicos ad campos, ingenti sua cum laude memorabili prælio vicit Imperij Romani maiestate hac tam insign

infigni pugna conseruata; non possum tamen hoc in loco nõ in illius laudem (tametsi extra rem ipsam) hoc attexere, à Valentiniano Principe ingratissimo cæsum esse, quasi verò Imperium affectare sibi videretur, vt celebre sit responsum militis eiusdem, qui interrogatus à Valentiniano, vtrum iure cæsus sibi videretur, respondit hoc quidem nescio, cæterum id tibi affirmarim tua te sinistra manu dexteram tibi amputasse.

De Carolo Martello.

S: quis superioribus exemplis nõ satis secum expendit quantum militaris disciplinæ vis per se valeat, ille facile cognitis, quæ à Carolo Martello, contra Sarracenos, & Visigothos ex Hispania irrumpentes in Gallias, Eudonij aquitanici ducis pollicitationes secutos, gesta sint, nequaquam dubitarit principem locum, post hac tribuere. Occuparant Sarraceni aliquot ante annis sub variis ducibus vniuersam Asiam, & in Europam transeuntes Cõstantinopolim triennio obsederant; inde classe comparata ingenti affricam petiere, qua vniuersa in seruitutem redacta nõ dubitarunt in Hispaniam superato Gadithano freto irrumperc, ductu Iuliani Principis Hispani, qui violatam à Rhodorico Rege Hispanorum filiâ; quam inter reliquas adolescentulas nobiles vxor eius penes se habebat, ferre, patiquæ æquo animo non poterat; potiti igitur Sarraceni tota Hispania præter Auusteres, & Cantabros, ex hac parte credentes sibi faciliorem aditum ad Gallias, Italiamque, cæterasque Europæ prouincias inuadendas: nihil aliud secum agitabant, quam arrepta occasione superato pyrenæo saltu in Gallias irrumperent, nec eorum consilijs fortuna defuit; Eudonius enim Aquitanici sanguinis Princeps, assidue illos euocabat, qui minimè ferre poterat à Carolo Martello se victum, superatumque esse; quare Abdiramum Regem secuti Sarraceni quadringenta, & amplius armatorum milia ex saltu Pyrenæo in Aquitaniam descendentes, Galliæ maximam partem iam ad se armis traxerant, quum Carolus Martellus non tam copiarum numero suarum; quam disciplinæ militaris vi, roboreque fretus suæ, illis antè urbem Turones occurrit: vbi re omni cognita, perspectaque Carolus non dubitauit cum his acie configere, suæ Veteris disciplinæ mêmor Gallorumque virtutis; Primum igitur castra sua antè pugne diem comburi ex omni parte iussit, tum mandatum Turonensibus, vt portas clauderent; postremo superato Ligeri amne, sic ad dexteram ripam cõsedit, vt hostis numero longè superior ex transuerso impetum facere non posset, pugnatum est igitur vtrinque diu acerrimo Marte, donec tandem Abdiramus fuga sibi ad proximum mare suisque qui reliqui fuerant consuluit, sed & non multo post ad Ilberim obstinatissimus hostis à Carolo prælio altero ita victus est, vt sua Hispania contentus, de Gallia

inuadenda nunquam postea cogitarit : sic enim Amoreus alter Sarraceno-
rum Rex fugatus cæsusque est : qui trecentis , & amplius armatorum mil-
libus succinctus opem Abdiramo laturus aduenerat , vt Franci merito po-
stea Imperium sint Caroli Magni auspiciis adepti .

De Carolo Magno .

Er quoniam Magni Caroli incidit mentio , quis erit tandem ; qui du-
bitet res omnium amplissimas bello ita ab eo gestas ; vt non tam eius
fœlicitati & fortunæ , quam virtuti , & disciplinæ militari gallorum auitæ ,
suæque in primis retentæ , seruatæque , hanc tam insignem laudem tribu-
at . iuuenis igitur adhuc , patre vita functo Aquitanicum bellum primum
fœliciter confecit , inde in Adriani Pontificis Maximi gratiam Langobar-
dorum regnum ex terra Italia penitus sustulit , quod ducentos , & amplius
annos in hisce terris floruerat : Saxonici bellū p̄ triginta , & amplius annos
fœliciter tandem confecit , & quod ab initio semper optarat , uera pietatē
imbuit . Sarracenos intra Bæticæ angulum redegit , Sclauicum quoque bel-
lum , & Danicum , tumultuantesque Baioarios composuit , nunquam in-
termissa militaris disciplinæ laude , de Hunnis octo post annos ab eo triū-
phatum , capta etiam eorum Regia ; Tertio demum Italiam ingressus ,
pacatis rebus omnibus , quæ ad eam diem in vrbe Roma , seditionis tu-
multusque plena habebat omnia , sibi suisque posteris tam insigni virtu-
te Imperij Romani fastigium merito vendicauit .

De Alberico Cunij Comite .

Non indignabuntur (vt opinor Galliæ) si post suos Carolos maximè
illustres , Albericus Italici sanguinis vir sibi subtexetur : nemo igitur est ab
humanioribus studijs nostris tã alienus , qui nesciat in nostra hac Italia sic
quingentesimū , & amplius annū bello ita gestas res esse , vt peregrino exter-
noque milite semper vfi simus , nemine Italici sanguinis rem militarem
attingente , donec ducentesimum ab hinc ferè annum , Albericus Cunij
Princeps Italici vere sanguinis hæc veterē gloriā ita nobis reddidit , vt pul-
sis , fugatisque ex Italiæ finibus externis omnibus , vetus illa Romani po-
puli indoles sit nobis per eum restituta , vnde Sforzianus , Brazilianusque
miles , vnde tot clarissimi Imperatores Franciscus Sforzia , Nicolaus Pi-
cininus & innumeri alij per ea tempora , postremo verò Bartholomeus
Coleo Federicus Vrbinās Dux , Robertus Santo Seuerinās , ætate verò
nostra Nicolaus Petilianus floruerint .

De iure triumphandi. Cap. III.

ERVNT fortasse non pauci, qui cum hæc ipsa nostratia legent de triumphandi ratione, primum triumphi autorem requirant, auidiusque etiã scire cupiant, quæ nam causa tam iusta fuerit, tamque expetita à multis; vt Imperatores olim Romani ad res gerendas in prouincijs, quas debellandas suscepissent, non alia magis spe, quam triumphi, bella suscepisse videantur. Verùm nos in præsentia id non agimus, sed Venetis exemplis illustrioribus contenti, omnem hanc vitæ partem summa fide prosequemur, quum præsertim sciam, eum verè triumphum esse dicendum, quum viris optime de patria meritis ab vniuersa ciuitate, & populo omniũ consensu iusta tribuatur laus. Vendicabit igitur sibi iure optimo principẽ locum Dominicus Michel Dux, qui Calisti Pontificis Max. adhortationem secutus ingenti comparata classe ducentarum, & amplius nauium, Hierosolymitana re in maximum discrimen redacta, uicto præsertim acie Balduino Rege, & capto à Turcis: festinabundus eò profectus primũ Sarracenicam classẽ Ioppem urbem obsidentem, non sine graui certamine oppressit, omnem, mox onerarias naues decẽ preciosissimis rebus onustas ad vnã cœpit; vnde dictati omnes ad tyrum obsidendam terra marique ducis ipsius præcipue consilio à Gallis Venetisque concursus est, eũque vrbis obsidio difficilior in dies fieret, iactari voces in Gallorũ castris ceptæ frustra sese tyrum oppugnari, cum interim Turcæ magno cū exercitu aduentare dicerentur, Venetos verò ab omni discrimine tutos, in nauibus esse, ea calumnia Dominico Duci nunciata statim nauium ex carinis tabulas reuulsas deferri in gallorum castra iussit, ut iam nunc Venetæ constantiæ, & fidei exemplum caperent, capta igitur non multo post tyro Venetorũ in primis opera syriæque rebus feliciter compositis domũ cum incolumi classe reuertitur, cui vniuersa ciuitas ingenti cum plausu occurrens, illumque in Auream Diui Marci Aedem deducẽs, rebus sacraricte ante procuratis, auditoque mox Principe qui ex suggestu rerum à se gestarum ordinem singilatim explicaret, statim audiri clamor, vocesque ceptæ clamantis populi dignum æterna memoria colendum esse hũc Ducem, qui Christianæ rei in Syria iam labanti præsentem opem tulit, qui Diuino quodam consilio Gallorum animos firmarit, victoriam ex Sarraceno hoste tam insignem sit adeptus, denique aucto Veneto Imperio, suo ductu, & auspicio, constantiæ, & fidei Venetæ omnibus futuris sæculis monumentum tam insigne reliquerit: quas tu igitur Romanæ ciuitatis triumphantium laureas, quos auratos mihi quadriuges Imperatorum currus, quæ captiuorum currum præeuntium agmina, quem sequentis exercitus clamorem, & uoces mihi nunc objicies? quum audies

farracenicam debellatam classem, quum, Syriam ipsam ab immani hoste receptam, Hierosolymaque, ipsa à Veneto Duce seruata. pietatiq̃ue veræ restituta; redeuntemq̃ue Ducem in aureum diui Marci templum deductum sacris rite procuratis, tam pijs acclamationibus exceptum.

De Ordelfapho Faletro Duce.

NON minorem triumphi speciem retulisse videri potest Ordelfaphus Faletrus Dux, cuius auspicijs & ductu primum recepta magna Syriæ parte, instructissima classe, quam parauerat in Balduini regis Hierosolymitani gratiam; mox uendicata uniuersa Dalmatia, additaq̃ue Croacia Veneto nomini, alijsq̃ue mediterraneis prouincijs; cum domum rediisset; capitiuis multis eminentioris fortunæ adductis, tanta lætitia, tantoq̃ue totius ciuitatis gaudio exceptus est, ut non Romani triumphi amplitudinē adæquarit modo, uerū etiam vicerit. is uero quum non multo post Iadereses ad Pannonum regem descuiissent, qui non multo post ualido præsidio urbem munire cum reliqua Dalmatia classe ingenti comparata Iaderam ipsam oppugnare aggressus; dum suos ad fortiter pugnandum hortatur; in prima pugnans acie ictus ab hoste perijt, cuius cadauer Venetias relatum summaque funeris pompa elatum in aurea diui Marci æde sepultum conditur; quod hodie plerique uisendi studio repetunt.

De Sebastiano Ciano Duce.

QVALEM uerò quantumq̃ue fuisse Sebastiani Ciani ducis triumphū dixerimus, qui recepto Alexandro III. Pont. Max. cuius per aliquot dies fuerant insignes penes nos latebræ, statuit cum uniuersæ ciuitatis consensu eius dignitatem aduersus quemcunque hostem constantissimè tueri; quod cū Fridericus Aeneobarbus Imperator rescisset: statim ingenti comparata classe sexaginta nauium, & amplius, præfecto illi Othone filio in Histricum usque sinum penetrauit, contra quem Cianus princeps nauium numero aliquanto inferior, sed animi præstantia, & suorum uirtute multo superior, iuxta Salborion Histriæ promontoriū congressus, uario quauis interdū Marte uictor euasit disiecta uniuersa classe; triremiq̃; regia cum ipso Othone capta. quare Venetias rediens triumphantium more, siquidem uniuersa ciuitas gratulabunda ad portum usque illi occurrit; omitto nunc Othonis a principe liberaliter dimissi gratia, Fridericum patrem Alexandro Pontifici & Venetis reconciliatum, Fridericum ipsum Venetias appulisse, ab Alexandro & principe, Venetisque omnibus benignissime exceptum, inq̃ue aurea D. Marci æde sacris rite procuratis; nō multo post pace cum Pontifice & Venetis inita in Germaniam lætum redijisse; extat

se; extat adhuc marmor peruetus in eo loco, vbi pugnatum est cū elogio rei tam præclare gestæ monimentum. ne vmbellam, ne candidum cerēū, ne reliqua principi in publicum prodeunti ornamenta ab Alexandro tradita, cum tubis argenteis, ne ius aurei annuli in mare certo die proiciendi, ne publicas literas plumbo signando aliāque multa ad hanc rem facientia commemorem.

De Andrea Contareno Duce.

IGNOSCENT mihi cæterorum principum manes; quando ab Ciano Duce tot relictis interim in medio principibus, qui aliqui clari, illustresque fuere, optimeque de Rep. sunt meriti, ad Andream Contarenum Ducem hac in parte transeo: poterat hic iam multo etiam ante declarari Dux, si quidem totius ciuitatis studia in eum inclinabant. verum præfatio admonitus futurum, vt suo principatu sua patria in summo discrimine versaretur, id constantissime semper renuerat, quinetiam quū in Marci Cornelij loco animorum omnium propensio extaret, ille in patavinū agrum secessit, obscureque ibi agens quo ad eius fieri potuit delitescere studuit. Cæterum absens creatus Dux cum nullis precibus flecti posset, vt suscipere reipub. vellet. Cæterum cognatorum, & affinium interuentu, qui publicè ad eum sunt missi minabundi illi perpetuum exilium, & bonorū omniū publicationē, nisi annueret, uenit tādē animi dubius, quumque in medijs aquis vniuersa ciuitas illi occurrisset saultis in primis acclamationibus, motus tanto omnium ardore ad autōres patres acceffit, veniaque petita suæ contumaciæ, vel erroris, ducis dignitatem iniit, quam postea tam constanter tutatus est, vt quamuis Pānonum Rex, & Carariensis Princeps Patavinus, & Aquileiensis antistes, ligurque in primis ipse Venetam libertatem, nomenque penitus opprimendum suscepissent, ipse tamen constantissime ad extremum defenderit, nam victo Pisano Imperatore maritimæ rei ab ipsis Genuensibus ad Polam; amissa non multo post Clodia, prouisisque ante omnibus domi prudentissimè, ac penè diuinitus, quæ in rem præsentem facerent, ipse iam senio confectus non dubitauit classi præesse, quæ instructissima iam parata erat ad ipsam recipiendam Clodiā, nauim igitur cōfendēs scuiēte hieme comitatus Thadeo Iustiniano et ipso Victore Pisano, & Ioanne Barbadico, aliisque ex patritio ordine, qui strenuam in eo bello nauarunt operam, nam Carōlus Zenus abcrat, qui paulo post cū sua classē admonitus periculi aduenit, sic Clodiam Vrbem obsedit, vt quāuis ligur hostis classē suam sæpe ostentaret, & Cararius Princeps in medijs stagnis non deesset reliquis sociis eos in primis adiuvantibus, quum præterea decem armatorū ferè millia ipsam tuerēt vrbem, septimo tandem post mense eam expugnarit, ipseque præfens omnibus
nulli

nulli vnquam se periculo subtraxerit, in patriam calendis Iulijs reuersus, memorabilem triûphum egerit, tanta omnium ordinum gratulatione, tantoque omnium studio, vt parum abesset, quem numinis præcipui loco vniuersa ciuitas coleret, interque medias aras, & sacram supremam eius diem venerabundi exciperent.

De Carolo Zeno.

ADMONUIT nos Caroli Zeni recens nomen, vt illum suo Principi iure optimo subtexerem, qui seruandæ reip. Venetæ inter præcipuos Duces terra, marique Contareno Duci semper affuerat, is igitur Petro Zeno patre natus, qui inter Clarissimos suæ tempestatis rei maritimæ Imperatores maxime floruerat de quo mihi suo loco dicendum erit, quasi hec ditarium decus paternæ laudis asserens, exacta iuuenta maritimis rebus præcipuam nauauit operam. quare seruata Tenedo insula, mox aliquot nauibus præfectus magnis grauibusque incommodis Genuensem hostem imprimis affecit cum præsertim Bichinioneam cœteam nauim Genuensium, quam vnâ populus ille maximam ad eam diem extruxerat, plurimisque bellatoribus ornat, ipse Carolus suis triremibus aggredi non dubitauit, præsertim quum sciret eam ita pretiosa merce onustam, vt quin gentorum aureorum milium numero superaret; ea igitur non sine magno certamine capta, in quo graui etiam vulnere affectus ille esset, captiuus inde Genuensibus abductis magno numero (nam florentini mercatores statim sunt omnes dimissi, qui in eadem naui erant) omnem pecuniæ vim ad Principem ad Clodiam tunc agentem, idoneo maxime tempore nauerat; nec sibi suisque præter bichinioneæ nauis cognomentum; vendicatum voluit. Cæterum & aliquot inde post annos rei maritimæ præfectus Imperator Omnibucialdum Franci sanguinis Imperatorem, qui Genuensi classe tunc præerat iuxta Methonê adortus sic debellauit, ac vicie vt duplici vulnere in pene, & manu confectus non prius destiterit quam victum in fugam verterit plurimasque naues cœperit. lætus igitur, & triumphans domum reuersus magno totius ciuitatis gaudio exceptus est à Principe Senatuque; omni mox ab vniuersa ciuitate domû deductus procuratoria etiam dignitate, quæ apud nos vna amplissima, donatus est.

De Petro Lauretano.

ERIT mihi nunc extremus, quando recetior est eius memoria, Petrus Lauretanus duplici triumpho maxime insignis, & prior ille quidem ad Callipolim oppidum Turcarum classe memorabili prælio victa, disiectaque, calendis Iulij mensis, vt nobis triplici de causa festus sit dies. victoria scilicet

scilicet celebri eo die de Patauinis parta, & Andrea Contareni Clarissimi Ducis reditu, & ipsius Petri Lauretani tam præclaro facinore; alter verò triumphus non minus clarus illustrisque, quum ipsius Petri Lauretani auspiciis, & ductu Genuësis classis in Rapalitano sinu victa superataque omnis est, capto Francisco Spinula Duce, qui domi suæ nobili stirpe natus, egregiisque factis illustris cum aliquot consiliariis suis Venetias captivus est ductus, qua victoria nihil opportunius Venetis accidere hoc tempore potuit, quando insolefens ligur victo nauali prælio Alphonso Aragorum Rege prope Caietam, captoque ferri iam æquo animo à nemine posset.

De Andrea Gritto.

QUIO Andrea Gritti, nondum principis dignitate insigniti triumphum memorem? qui sua industria, suaque virtute vrbe Patauio recepta, Venetias reuersus, ea est omnium ordinum gratulatione exceptus ut cuiusvis Romani principis triumphum facile vicerit.

Externa.

NON possum non Bellisario primum hunc locum inter externos tribuere, qui tamen sub Iustiniano Principe postremus omnium veterem illam Romanorum triumphandi consuetudinē retulerit. primum enim de Persis à se victis, memorabilique bello superatis, tum vero de Gilimetre Vandallorum Rege, quem triumphali curru in urbem Constantinopolim captiuū induxit vniuersaque Africa in potestatem redacta, postremo de Totila Gothorum Rege omni que Italia suo ductu de barbaris recepta cū Vrbe ipsa Roma memorabiles triumphos egit.

De Castrucio Castracane Lucensi.

OBSEVERAT iam pridem in terra Italia, vetus ille celebris triumphandi mos, qui in vrbe Roma cæptus, multisque annis feliciter confectus suis imperatoribus virtutis eorum præclaræ rebusque ab hisce bello gestis testimoniū reddiderit, quod posteri etiam tantæ laudis cupiditatem incensi libentius sequerentur, sed mox Roma ipsa reliquaque (proh nefas) Italia à Barbaris vexata, vix vnus supererat, qui tantæ gloriæ, & decoris meminisset. Cæterum Castrucius Lucensis princeps præter alias animi virtutes insignes; hanc vnā Italico nomini princeps restituit: nam quum diu bellum cum Florentinis gereret, vno tandem memorabili prælio cum Raimundo Cardonio eorum duce felicissime functus ad Altum Passum (sic enim locum illum appellant) eo capto Lucam urbem triumphali

phali curru Raimundo inter captiuos, præunte ingressus est, quasi vero barbaro homini insultare, simulque cum admonere vellet superesse adhuc Romanæ vrbs aliquod vestigium, si modo per Italici sanguinis homines ab Italico Imperatore militaris res gereretur.

De Blasio Acsæreto Genuensi Duce.

N V N Q V A M certe adduci potero, vt in hac ipsa commentatione mea, quam institui, non veræ virtuti, & laudi testimonium perhibeam. Blasius igitur Acsæretus delectus à genuésibus Imperator aduersum Alphunsum Aragonum Regem, qui Neapolitanum regnum vendicare sibi omne studebat, cum medio mari ad Caietam adeptus, tanta virtute, & felicitate cum eo pugnavit, vt quamuis Rex nauium numero superior esset rei que gerendæ ipsemet cum fratre præset susa disiectaque omni classe, captaque cum ipso rege prætoria naui, & ipsum Alphunsum, & fratrem cum non paucis principibus viris in triumphum duxerit, quæ victoria multo, foelicio Genuensi reipublicæ si ea moderatius aliquanto, atque prudentius vti sciuisent.

De Roberto Malatesta Ariminensi Duce.

N I L poterat Innocentio Pont. Max. foelicius, commodiusque accidere, quam qd eo bello contigit, quod illi cum Alphunso iuniore Ferdinandi Regis filio gerendum fuit, si modo in ipsa fortuna rei ab illo bene gestæ plus constantiæ affuisset. Robertus enim Malatesta missus à Veneto Senatu ad ipsum Pontificem, qui suppeticas illi laboranti ferret cõtra Alphunsum ipsi insultantem, & iuxta mænia vrbs Romæ licentius agentem, sic cum Alphunso congressus est, vt quamuis ille insolentius ageret, turcico etiam milite adiutus, quem Hydrunte capto ad se traxerat memorabili prælio inito victoria penès Robertum ipsum steterit, quare ille triumphantis more vrbem ingressus iucundissimeque ab ipso Pont. & patribus, ac populo susceptus est, vt tamen in illo merito hoc aliquantum doleas, quòd intra triduum post victoriam tam celebrem, uita functus, diu illi frui tanta felicitate non licuit.

De Censoria nota. Cap. IIII.

N O N possum non vehementer eos, precari qui nostratia hæc legerint, vt quamuis censoris auctoritatem superciliumque duum hominū in Ro. vrbe quandoque obseruarint, si in Venetarum rerum relatione eius magistratus, qui magister, morumque veterum custos, quos censores Ro. ciuitas

ciuitas meritò dixit; appellatio, nomenque ipsum censoris desideretur, quum omnia quam simillima re ipsa mihi referenda sint, quæ ad vitam, moresque optimos tuendos ciuitatum spectare imprimis videantur. fuerint igitur Romæ cēsores duo hoc nomini dicti, qui veteres ciuitatis mores corrumpi minime paterentur, quod facile accidere poterat in his hominibus, qui cū militari Imperio foris Remp. gererent nomēque sibi amplissimum & opes quæsiissent. Nos treis aduocatores multos iam annos habemus, quorum censura, legēs imprimis obseruari precipiuntur, vt si quid contra eas ab aliquo, vel tantillum attentatum fuerit; ipsi simul tres vel singuli ius habeant summum intercedendi, deducendique crimē ad se delatum, vel ad quadraginta virale consilium, vel si quid grauius contra leges admissum fuerit ad senatum referunt, vt tamen si eis etiam id videantur in maiori consilio totius ciuitatis interim agant, vt cū ipsis aduocatoribus intercedendi potestas summa concessa traditaque sit de capite, reque aliena referendi nihil tamen per se statuere ipsi valeant ad extremum, sed consiliorum arbitrio sufragationeque reus aut condemnietur, aut absoluat, quod infra scripta capita facile declararint.

De Thoma Viadro.

ERIT igitur mihi in hoc censorū (vt ita appellarim aduocatores nostros) supercilio Thomas Viardus patritij vir sanguinis primum referendus, qui ducentiesimum, & amplius ab hinc annum, quum ad sinū Dalmatiæ tuendum præfectus cum decem triremibus missus esset, nec ex Reipub. dignitate rem administrasset, quippe qui sex triremes à Genuensibus capi passus, per summam ignauiam fugerat, aduocatorum intercessione de consilij sententia in carcerem primum coniectus, mox maximi consilij sententia condemnatus est, vt per annum in carcere ageret, quo peracto, in exilio vitam duceret, extra Veneti Imperij fines, id, quod si quandoque violasset deprehensus in carcere publico vitam finiret.

De Victore Pisano.

POTERAT fortasse victori Pisano rei maritimæ Imperatori infelicitate cum Genuensibus ad Polam congresso venia tribui, nisi Reip. dignitas & salus omnibus alijs rebus anteposenda visa esset aduocatoribus, qui tunc erant, illi igitur accepta clade cum statim intercessissent, nomenque illius ad magnum consilium detulissent autores fuere, vt abrogato illi imperio (tamen si partim hostium insidijs, partim præfectorum quorundam segnitie, qui in tempore non adfuerant superatus) carceri manciparetur, qui tamen non multo post republica ita exposcente carcere solutus vete-

H riq;

riq; dignitati restitutus præclaram operam Andrea Contareno Duci, inter alios præstitit, vt fuso fugatoque Genuensi sapius hoste, Clodiaque vrbe recepta, Dux ipse triūphans in patriam redierint, Venetumque nomen in hunc vsque diem florentissimè vigeat.

De Michaelè Attendulo.

PRAERAT is Gallico bello; quod Veneti cum Mediolanensibus gerebatur, vniuersis copijs imperatorio nomine, qui cum exercitu toto profectus, vt Carauagium Sfortiæ obsidione solueret infelicitissimo ad eā diem rerum euentu rem gessit, nam fusus, fugatusque à Sfortia ipse, & siue dolo, siue fortuna semel inclinante rem nullo modo sisti seruarique posse ratus, Brixiae mœnibus fugiens cum paucis sese inclusit; qua tanta clade Venetus Senatus penè cōsternatus, illi Imperium abrogauit, Tarui- sumque in exilium misit suspicatus non immeritò Attendulus Sfortiæ fa- uisse rebus, quod vtrique eadem foret patria, etiam quod ipse Attendu- lus Sfortianæ factionis esset, quæ tota res per aduocatorum censuram in decem virali consilio planè peracta sit.

De Marino Bono.

SVBNECTAM & hoc ipsum superioribus, quod Marino Bono patri- tio euenisse planè mirari quis posset, nisi censuram aduocatoriam Vene- tijs eam esse pro certo habeat, quæ nihil ignauiter contra Reip. dignitatē actū pati æquo aīo queat. redibat igitur Marinus Bonus venetias triremis vnus præfectus, ex Cypro insula ad quam publico nomine missus fuerat, quum forte incidit in alterā Venetam triremim, quæ naufragio facto ma- gnam nauarum partem amiserat, quū tamen plerique ex iis in euerse na- uis carinā seruati consisterent auxilium sibi opemque ferri ab eodem Ma- rino magna voce exposcentes, qui quidem facile seruari potuisset, si propi- us accessisset, quod penitus ille neglexerit, omnibus nō multo post naufra- gio consumptis, ea res ad Aduocatores delata id effecit, vt quum pri- mum Venetias ille appulit eum sua intercessione reum fecerint, qui de consilij sententia ita damnatus est, vt quod vixit ab omni maritima præfe- ctura publicè reiceretur, ita vt neque bello, neque pace idoneum illum esse censuerint.

De Andrea Bolduno.

QVIS non seueritatem aduocatorum superciliumque hoc ipso, quod sequitur exemplo tacitus secū maximè mirètur? Animaduersum erat de consilij sententia in Andream Boldunum patricium, vt publicè laqueo vitam

vitam finiret, quem suo ipso die nobiles aliquot grauiter illi insultantes, impudenterque sæpe appellantes ad columnas vsque geminas deduxere, quod ab Aduocatoribus, cognitum ad consilium statim delatum sic animos omnium incēdit vt patricios eos quotquot fuerant grauiter sanē multarint, & alioqui factum id vsque adeo impudentiæ, insolentiæque plenum videri poterat, cum morituro patricio tam infami leto satis ea pœna irrogata videri posset.

De Bertutio Bochasio

Non possum quandoque facere quin vehemētissime in lacrimas erumpam; cum Venetorum res gestas domi forisque vetustiores lego, ex ijs vnum hoc exemplum plurimum admirationis hinc allaturum non dubito, qui Venetam urbem incolant. quū in Bertucij Bochasij recens hoc exemplum inciderint agebatur tunc vrbis Venetę annus millesimus ducesimus septuagesimus quartus, quum patritij ordinis Bertucius ipse domum in agro Meltrino emit, quod sanē factum contra publicam legem, aduocatores adeo iniquo animo tulere, vt delato statim ipso Bertutio ad consilium illum omnibus sententijs damnarint, domūque ipsam in publicum redegerint, quo sanē exemplo omnes qui hodie Venetijs viuunt admoneri possunt, sic Venetorum animos in maritimam rem fuisse propensos, vt domunculam emptam incontinenti ab Bertutio ferri æquo animo non possit.

De Antonio Grimano postea Venetiarum Duce.

SED quid ego hæc tam vetusta confectæ? quum Aetate nostra, vnum præcipuè extet exemplum, in quo ius ipsum aduocatoriæ notæ, acرهque imprimis supercilium eius magistratus declarari possit? fuit igitur Antonius Grimanus Clarissimus vir, qui in ciuitate diu inter principes habitus procuratoria etiam dignitate insignis; maritimæ rei iterum imperatorio nomine præfectus, bello turcico, quod cum Paxaite gerebatur, rem non sanē sæliciter administrasse sit visus, qua ex re aduocatores tres viri illustres, Nicolaus Michael, Paulus Pisanus, Marcus Sanutus ad patres retulere, vt abrogato illi Imperio, domum ille in publica custodia interrim habitus rediret, publicoque carceri includeretur, quoad re ipsa cognita planeque perspecta, per maius consilium, de eius capite statueretur. quare publico iudicio damnatus, & procuratoria dignitate perpetuò priuatus, infulamque Crexam relegatus est; graui etiam indicta pœna si finibus excessisset, qui tamen Romam ad Cardinalem filium clam profectus, & non multo post patriæ restitutus, procurator primum, tandē verò in

Lauretani Clarissimi Principis locum subrogatus est: memorabile planè exemplum posteritati futurus.

Externa.

S E C V T I nos igitur vetus propositum nostrum substituemus quædā hac in parte Romanæ vrbis exempla quæ in Valerij commentarijs non habetur haud quaquam pænitenda.

De Scipione Nasica, & M. Pompilio censorinibus.

P R A E F V I T sua ætate Scipio cognomento Nasica, cum Marco Pompilio collega Reip. censor, qui quum equites cum eodem Pompilio decuitatis more censerint animaduertere transeuntem equitem nitidum in primis, & præpinguem strigiosiori tamen equo, & planè macilento insidentem, qui ab eisdem censoribus interrogatus, cur ipse cute tam nitida incederet, equo præsertim tam male habito; ita respondit, quid miremini tantopere, quum ego me ipsum curem; statius verò libertus equū; quo responso insolentiore, moti censores, & illi equū ademere & inter ætarios adscribendum iussere; addita ad hæc censoria grauiore nota, ne in publicis demandandis magistratibus; ius illi esset vnquam suffragij ferendi.

Aliud Exemplum.

De Marco Attilio Regulo & P. Curio Philone censoribus.

E S T & illud Marci Attilij reguli, & P. Curij Philonis censorum iudicium, memoria, non indignum, qui bello punico secundo, quum quattuor milia iuuenum diligentius asseruassent; qui Reipub. operam suam in re militari nullam exhibuissent, quo tempore Annibal maximè Italiam vastaret, eos omnes indignos, qui suffragium ferre possent censuerūt, quare meritò laudemus censores eos, qui talem multam illis irrogarūt, quibus vita pluris estimata sit; quam Patriæ dignitas, & salus.

De Fulvio Flacco.

E X T A T, & Fuluij Flacci censoris in fratrem non contēnendum exemplum, ad quem cum delatum esset, fratrem suum tribunum militum legionem dimisisse sine consuli iussu, senatu mouendum censuit, quo enim pacto probari quis possit? qui in suum Imperatorem, & consulem ita insolenter se gerat, vt summi imperij ius contemnat?

De cenforum origine.

Non erit opinor ab re si quando toties censoriæ notæ, mentio hoc capitæ incurrit; de huiusce magistratus origine incrementoque breuiter aliquid perstringam, quod studiosis hominibus non ingratum fore arbitrer. fuit igitur Romæ à patribus primum illata mentio noui creandi magistratus, qui populi censum recte peragerent, cui muneri consules ipsi non sufficerent, nec Tribuni plebis, vt in alijs multis ea tempestate aduersi patribus tetendere. primi igitur creati duo L. Papyrius Mugilanus, & L. Sépronius Attracinus; qui à parua origine magistratum exorfi; paulatim ad summum imperium dignitatē eam protulere; prout quisque præest ingenio operaque magis præstitisset. census igitur populi primus habitus, qui iam pridem census fuerat, tum morum disciplineque publicæ, & priuatæ ratio seuerissime acta, hinc vectigalia procurationi eorum subiecta, Senatus equitumque centuriæ; eius magistratus ditioni obtemperaret, mox publicorum priuatorumque locorum omnium cura habitata; postremo scribarum publicarumque tabularum obseruatio imprimis retenta, nihilque denique noui vel publicè vel priuati quod ad religionem præcipue pertineret, quisquam innouare auderet, nisi prius arbitrio censorsum res cognita foret, quam formulā si diligentius spectes, haud ineptè à me factum quispiam dicet, si in Venetarum rerum hac relatione pares fermè Venetos Aduocatores censoribus Ro. esse dixero: & hæc satis prore.

De Maiestate. Cap. IIII.

Nam o sibi ita persuaserit; quū de hominum maiestate hac in parte agetur, qui etiam sine tribunalis fastigio, sineque apparitorum copia, & tacita quadam veneratione honorem sunt adepti, quasi vero supremo illi numini aliquid à me detrahatur, cui meritò, & prima maiestatis laus ab optimo quoque semper vendicata fuerit, ab ipso igitur primum hæc deducta appellatio in Populi Ro. Imperijque magnitudinem, defluxit; vt qui eius populi dignitatem, & securitatem aliquo modo violassent digni grauissima utique pœna haberentur. Transijt postmodum nomen hoc ipsum in eos viros; qui domi forisque de Rep. optimè meriti, etiam sine securibus in summa omnium suorum ciuium veneratione uixere, vt ab ipso Valerio dictum sit; illabi tacitè in mortalium animos cum admiratione honorem, etiam sine honore aliquo populi suffragijs demandato.

De Petro Gradenico Duce.

QVIS non iure optimo in Petro Gradenico duce (vt superiorum ducum memoriam hic non repetam, qui suis locis cōmodius referentur) maiestatem hāc affuisse perpetuò dixerit? qui ciuili seditione atrocissima tā sceleriter, tamque constanter oppressa, in animis hominum summa cū laude vivebat, nec verò moriens hac ipsa tacita maiestate fraudatus est, siquidem nemo hodie Venetas res diligentius euoluit, qui non illius manes conquiescere in cœlis optet, sæpeque etiam monumentum ipsius in Diui Cypriani situm libens inuiſat.

De Petro Lauretano.

QVANTA verò in Petro Lauretano maiestas fuerit non possum certe non imprimis iucunde, & per libenter hoc in loco referre. vt igitur omit tam, rem aduersus turcas sceleriter ad Gallipolim gestam, idque Iulij mensis calendis. nec victoriam imprimis memorabilem ex hoste Genuen si ad Rapalū partā in præsentia memorauerim, erit enim hisce suus locus, vt merito hunc Claudio Marcello persimilē dixeris, nam vt ille primus annibalē vinci docuit, sic iste de turcis primus tropheum insigne patriæ peperit quū nauali prælio ligusticam classem ita oppressit; vt captum Frāciscum Spiculam Imperatorem & aliquot viros egregios Venetias duxendos miserit. quis non ex hoc, quod memorabimus facinore summam in illo maiestaté extitisse dixerit conuenerat Venetias ex Ilirico, & Histria multitudo sanē p̄ditorū remigum ingens, quæ padanę classi præesset iam paratæ, instructęque aduersus Philippum Mediolani ducem, cum nocte quadam tria milia & amplius ex his cibo, potuque graues in aream marcianam irrumpentens iam olitorias, panitiasque tabernas dirripuerant, imminebantque monetariæ officinæ, vnde etiam magnam vim auri exhauriendam sperarent, quūque iam impetus eorum & vis neque principis imperio, neque magistratum minis sisti iam posset. fortē ita accidit vt nunc Petrus Lauretanus D. Marci procurator Aedes marciænæ aræ subiectas incoleret, qui non sanē adhuc valens audito strepitu sonituque gestatum rerum cognitoque periculo ciuitatis, domestica veste indutus in forū descendit, cuius aduenientis nomine audito tantū turba illa perterrita huc atque illuc dilapsa statim aufugit pacatęque omnia reliquit, & erant alioqui proximē naues iā paratæ. quod igitur nō principis non magistratum non aparitorum uis efficere potuerat petri tantum Lauretani exauditum nomen facile impetrauit, cum interim aliquot ex his supremo supplicio affectos nauium malis apenderit: quod æquo animo tulisse ebrios
insigne

insigne quoque exemplum fuerit: ut uiri maiestas celebrior illustrior-
que esset.

De Andrea Contareno .

SEQUITUR hunc Andreas Contareno Dux longè clarissimus, qui
quum sæpius iudicio xl uirum ad dignitatem hanc euocaretur, semper il-
lis restitit, nouissime Marco Contareno Duce uita functo, quum omniū
uota in se unum inclinare uideret urbe statim excessit, fundumque Pata-
uini agri in quo delitesceret petijt, uerum cum uniuersa ciuitas illum sum-
mè rei perficere studeret; nunquam tamen adduci potuit ut rempublicam
capefceret, ac in urbem rediret; ceterum missis à Senatu cognatis eius, qui &
bonorum omnium amissionem interminaretur, nisi quamprimum pa-
triam reuiferet. motus ille priuatæ rei periculo ad suos reuersus, occurrēte
etiam in stagnis ciuitate cū summo gaudio, tandem assensus est, ut prin-
ceps declararetur quam igitur maiestatem in hoc homine affuisse dicas, qui
toties summum illum dignitatis gradū recusarit, quem alij omni studio
expetunt? ceterum & Genuensi bello; quod illi calamitosissimum acci-
dit eandem maiestatem ita semper retinuit, ut penè solus patriæ libertatē
& veterem maiorum gloriam sustinuerit; qui demum moriens in Diui
Stephani eodem illatus est; præclaro hodie monumento; quod uisitur, gen-
tilis Contareni opera extructo.

De Victore Pisano .

ENITUIT uerò uel in primis in Victore Pisano specimen hoc maie-
statis, qui post Polensem cladem carceri inclusus publico vniuersæ ciuita-
tis acclamatione summoque consensu à Patribus est emissus, qui quum
lares suos uisens ad Diui Ennini, gratias duci & patribus egisset, deducēte
eum populo ordineque patritiorum frequentissimò; pugno etiam per-
cussisse nauarcum dicitur, qui eum hortaretur, ut animaduerso tantum
in sese mortalium omnium studio; ut abrogati sibi imperij carcerisque
iniuriam uicisci vellet, illud elogium addens, quacunque occasione bonū
ciuem Patriæ dignitatem, & salutem præponere rebus omnibus debere.

De Carolo Zeno .

NON sum dubius, ut qui nostratia hæc quandoque legent Venetorū
exempla, suspicentur aliquid à me, vel Patriæ nimio amoris datum; uel
præstantissimorum ciuium memoriæ nimis benigne consultum, quibus
ego ita planè respondeo, ut diligentius scripta Sabelici peregrini alioqui
hominis euoluant, aut Veneta monimenta, quæ hodie exstant accuratius
perlegant

perlegât tûc facile intelligent , nostrû hoc scribendi studiû simplex in pri-
mis, & verax fuisse tantû, verò à me laboratû ne rerum gestarum memoria
vrbis tam præclaræ penitus intercideret. tu igitur Carole Zene huc mi-
hi adsis; qui tantam tibi propter res præclare gestas gloriam, & laudem
comparasti, ut Galeatij Vicecomitis principatum ea tempestate amplissi-
mum, per decem annos quibus illi præfuisi nihil te vno melius, nihil pru-
dentius, nihil illustrius fuerit, vt te in patriâ redeuntē oēs insubres egerri
mē tulerint, suplicesque Galeaceo Principi legationibus vndiq; missis
insteterint, ut te, omnimodo retineret, nec ab ea pcuratione abire sineret.
quid q̃ ipso Carolo in patriam redeunte rebusque pace, belloque præ-
clare gestis florente; legati Genuensium, qui publico nomine Venetias
uenerant, priuatim domum illius, ædem sæpe subiere; sermonemque
cum eo familiarem miscere soliti erant, atque etiam domo quandoque ex-
euntem in publicum benignissime commitari; tametsi meminissent Ge-
nuensem classem, sæpe Caroli Zeni virtute uictam; Bichinioniam nauim
eiusdem Caroli auspicijs captam; Clodiam consilio, & opera illius præci-
puè receptam, uictum nauali apud methonem prælio memorabili buccal-
dum; qui Gallici vir sanguinis tunc rem Genuensium administrabat: ut
iure optimo Camillum alterum dicere possis hunc ipsum.

De Francisco Foscáro duce.

Non indignabitur (opinor) Franciscus Foscarius Dux sese tam præ-
claris imperatoribus Venetis annumerari, qui quū Reip, quinque & tri-
ginta annos præfuisset, patriamque ipsam suo imprimis cōsilio, & auto-
ritate scēlicissime administrasset, abrogato illi Imperio publica autorita-
te, principis tamen maiestatem deponere non potuit, nam descendens in pu-
blicam principis omni ornatu ridenti persimilis ab uniuersis, qui aderant
ita exceptus est (aderat autem ferè vniuersa ciuitas) ut Principis maiesta-
tem fastigiumque supremæ maiestatis susceptum in eo priuato crede-
res; quinetiam intra triduum illum defunctum Pasqualis Maripetrus
Dux suffectus, & uniuersa ciuitas, funebri pompa sic deduxit; ut nihil om-
nino de ducis dignitate illi ademptum uideri possit; decoratus etiam ele-
gantissima Bernardi Iustiniani oratione, quæ hodie quoque exstet:

EXTERN A

De diuo Ambrosio episcopo Mediolanensi.

Vt non desuerit vetus illa maiestas in nostris olim Imperatoribus, &
regibus hinc Carolis, & Ludouicis illinc Ottonibus, & Fridericis. in his
tamen non diutius morabor, qui tametsi clari pacis belli que artibus fue-
rint, scētorumque omnium memoria digni, hanc ipsam maiestatis laudē
quæsitam

quæ sitam partamque illis titulo magis Regiæ, aut Imperatoriæ potestatis, quam alterius rei quispiam suspicari possit, veniam igitur ad eos: qui christianam pietatem professi; nihilque tale sibi met ipsis vendicantes propter egregias eorum virtutes, præcipuumque religionis cultum summum maiestatis honorem sibi compararunt. primus autem in hoc numero fuerit mihi diuus Ambrosius mediolanensis antistes vite sanctitate, & excellenti doctrina clarus imprimis & illustris. quum igitur Arbogastis in Gallia maximis bellis foeliciter gestis, gentibusque domitis quamplurimis pacem in vniuersa Gallia peperisset, Principes quosdani inuitasse dicitur, à quibus ille rogatus est, an Ambrosiū antistitem nosceret. quibus ille statim respondit non modo illum noui sed quam familiarissimè eum in terra Italia colui, quo responso accepto, statim illi, ecquid verò miremur, tam insignes partes esse victorias, qui præsidem hunc tam propiciū tibi feceris, qui tantā gratia apud deum valet, vt nihil non impetrare posse à deo credatur, etiam si solis cursum auertere morarique vt in sacris bibliacis libris Iosue, velit.

De eodem Ambrosio.

SE^{do} quid miremur? in barbarorum animis hominum tantum specimen maiestatis affuisse, quum idem Ambrosius Theodosium Imperatorem Mediolani agentem magnoque agmine aduentantem ab aditu templi præsens repulerit, quod ille Christianos homines non paucos indicta cæ Constantinopoli interfici iussisset, quod factum vsque adeo omnium qui aderant animos mouit vt summa illa in Ambrosio Maiestas, veluti vox de Cælo demissa cunctos perterrefecerit. sed & ipse Theodosius, cū summa animi æquitate domum redierit: sibi conscius illatæ iniustæ cædis nimium subitæ, quare legis in Christianorum perniciem late factique penitens sui, non multo post consiliatus ab Ambrosio, & templum iniiit & benigne ab eodem exceptus est.

De Moyse Aegypto Heremita.

PU^{ter} quispiam fortasse aliquid dignitati Episcopali in Ambrosio esse tributum, quæ summa semper dignitas apud nos merito habita sit; sed quid ille nobis respondeat quum Moïsi Aegyptij heremita præsens exemplum legerit. ferunt enim Iustiniano principi Mainam floruisse Saracenorum Reginam, quæ nulla ratione unquam adduci potuit, ut cultu Christi fideque ipsa sibi que subditi populi, ac gentes imbuerentur. quauis per vniuersum terrarum orbem longe lateque nostra hæc pietas diffusa esset quæ tamen non multo post audita perceptaque Moïsi Aegyptij sa-

ma, ad Iustinianum principem scripsit, neque se neque ex suis quenquam precibus freti, aut minis deterri potuissent, vt abiecto idolorum cultu Christianum dogma reciperet: nunc vero sese enixe petere summopereque precari Iustinianum ipsum, vt Mosem Aegyptium heremitam ad se mitteret, futurum pollicita, ut eo presente ipsa sui que omnes veram pietatem complecterentur, quod etiam breui post subsecutum sit.

De Paulino Nolano Episcopo.

VASTAVERANT vniuersam Italiam Vandali ex Carthagine classe profecti Gencerici eorum Regis auspicijs. Romæ igitur campaniæque in primis infesti Nolam urbem præter cæteras expugnant, ciuesque omnes & matronas puberesque captiuos in Africam, cum Paulino ipso urbis antistite abduxerant id quod postea cum Gencericus rescuisset, qui Paulini pietatem, sanctitatem prius nouerat, euocatum ad se qui ignotus latebat, priuati hominis specie, ita affatus dicitur, ecquid Pauline frustra credidisti te apud nos virtutemque egregiam tuam latere, aut in obscuro esse potuisse? tu igitur saluus incolumisque in patriam redito, Nolani que omnes quot quot apud nos sunt tecum læti tecta templaque sua feliciter reuissam, tibi que tuoque Deo gratias agant assidui, quod restituti per me in patrium solui sit, ego naues necessariaque omnia parari iubebo, quæ vbi saluti que uestre fore censuero tantam maiestas vnus viri apud regem barbarum ualuit, ut ipsius gratia Nolani omnes libertate sint donati.

De Simoneto Camerinate Heremita.

DECERTARANT longo difficili que inter se bello Veneti, & Franciscus Sfortia Mediolanensis dux: quos ad ineundam pacem, neque Pont. Max. authoritas neque regum principum que Italiæ preces flectere unquam potuere: cum Simonetus Camerinans ex heremitica familia Sfortiæ duci familiaris & notus, & Venetijs quandoque commoratus, negotium hoc suscepit, erat autem hic propter uitæ sanctitatem in summo cultu & uenere ratione. Venetijs igitur soluens Mediolanum que profectus temptato prius Sfortiæ Ducis animo, cui ille negare nihil est ausus, statim Venetias rediit, principe igitur & patribus ipsis facile persuasis, pax inter eos iniuncta est; vnde hodie cœnobium in stagnis Murianum petentibus existet D. Christophoro dicatum perpetuoque pacis nomine dictum: tantum recta religio ueræque pietatis cultus in mortalium animis sæpe valet.

De Francisco Sfortia primo Mediolanensi duce.

OCCVRRERE vult Scipioni in Limernino agro agenti latrones: ut eum saluarent, & viderent, qui secundo punico bello post res preclare bello gestas Carthaginem imperij æmulam tributariam populo Romæ fecerat. occurrerunt & Francisco Sfortia Mediolanenses ad briuium hostes; quibus ille obuiam profectus inermis capiteque detecto tantum auctoritate, orisque maiestate apud illos ualuit, ut abiectis armis, omnes se se illi subiecerint. manusq; ipsis apprehendentes osculati sint, ut nō multo post mutato consilio Ducem illum in urbem deductum cuncti salutarint.

IOANNIS BAPTISTAE

Caput primum, de indole.



EFFECIT providentissima in homine natura multa quidem in eo summa admiratione digna, illud verò uel præcipuum fuerit, quod sæpe in pueris & adolescentibus incunabula quædam virtutis, & uirtiorum sic effinxit; ut ab illis, spes quædam certa futuræ probitatis emanaret, hanc in nobis uim quotiescunque extet latini indolem dixere;

& quamuis insignia etiam uitia appareant in nonnullis; nos tamen de hac ipsa agemus, quæ ad uirtutem spectat, principemque locum iure optimo sibi uendicabit Andreas Dandulus Dux.

De andrea Dandulo Duce.

QUANTA in hoc adolescente extiterint huiusce uirtutis incunabula, qualisue indoles: tamen si literarum munimentis, quæ nulla nunc in terra Italia erant, pròditum sit: quis tamen in hoc ipso non maximè insignem indolem affuisse dicat? qui Dandula familia natus Venetijs longè clarissima: primus bonis artibus & literis instructissimus fuit. Idemque admiratione uirtutis tam illustri tris & triginta annos natus Dux in ea ciuitate dictus est, quæ senili ætati semper plurimum detulerit: tunc uerò iuuenē hunc omnibus senibus anteposuit. In hoc principē multa fuerē alia quæ posteritati ignota minimè fore dubitem, singularis prudentia & bonitas optimo cuique præcipuè fauens, literatos omnes, qui tum in terra Italia

non multi erant, maximo amore, & omnibus offitijs persecutus est. vt tñ unum Franciscum Petrarcam reliquis omnibus prætulerit, cui Venetias uenienti publicæ datæ sunt ab eo ædes, quæ nunc in cœnobium Sancti sepulchri abiere, ad hæc si quando in publicum Dux ipse prodiret honestissimo loco semper secū habere uoluit ut etiā de ipsius Frâncisci scriptis proditum hodie legitur.

De Carolo Zeno.

Is quum puer adhuc esset Petrum Zenum patrem apud Smyrnam à turcis interfectum amisit, cæterum diligentissime a suis ducatus, qnum decimum ætatis annum ageret in Galliam ductus coràm Pontifice Maximo orationem eam habuit, quæ admirationis plena audientium omnium animos repleuit, ille uerò ab hac indole animi, & uirtutis adolescens factus; quū Auenionem iterum petiisset à Pōtifice Patrensi sacerdotio amplius donatus est; ad quam urbem nauigans turcas Iuuenis acie à se uictos scelicissime repulit, verum non multo post varijs iactatus cum laude casibus in patriamque postea reuersus rei maritimæ sic operam dare cœpit, ut non multo post, à senatu Veneto classi præfectus, eas res gesserit quas loco suo satis commemorabimus: ut certe si quis rem totam æstimare æquis animis voluerit, hunc ipsum libertatis, qua hodie fruimur autorem præcipuum profiteri non dubitet.

De Laurentio Iustiniano primo Venetiarum Patriarcha.

SUCCESSIT Caroli Zeni tam insigni virtuti iure optimo Laurētius Iustinianus vir omnium virtutum genere longè clarissimus, is Patre Bernardo, Quirina matre natus eo potissimum die, quo Princeps Cōtarenus Genuenli bello victor Clodiaque recepta in patriam triumphans redibat, cum summa ciuitatis lætitia exultanti matri præfatio fuit, & suis omnibus, quasi nouum sydus ciuitati futurus de ipsa patria omni ex parte optimè meritus; affuit igitur illi puero præcipua quædā indoles summi ingenij, & bonitatis, tantum, taleque specimen, vt cum adolescens adhuc domi in præcipua sanctitatis opinione ageret, vt vnde uigessimū ætatis annum natus, Mariniq̃ue consobrini sui uestigia secutus, Diui Gregorij cœnobium, quod in alga dicitur, sit ingressus; ab hac tam insigni animi indole excitata vniuersa ciuitas Castellana diocesi præfecit, mox verò primum Patriarcham sacris omnibus rebus præesse voluit: qui ita planè vixit; vt omnibus exemplum summæ pietatis semper fuerit; doctrina verò tam insigni floruerit: vt quotienscunque uacaret tam legendò, quam scribendo

scribendo celeberrimus in hunc usque diem habeatur. si quis modo scripta illius, quæ hodie impressa extant diligentius euoluerit: qui denique moriens, inter diuos relatus est, cuius obitus dies Ianuarij mensis octaua fuerit: si quis latius mores huiusce sanctissimi viri nosse cupiat librû Bernardi Iustiniani de eius vita scriptum legat; sed & monumenta ab eodem Laurentio literis tradita non negligat, quæ plura sunt.

De Leonardo Iustiniano fratre.

VT in Diuo Laurentio summum religionis ineundæ specimen à puero indolesque extiterit, sic in Leonardo fratre minore natu iam tum adolescente, literarum, eloquentiæque studium enituit: ut adhuc iuuenis, ut vix alterum, & uigesimali ætatis annum agens, in Caroli Zeni funere, eam habuerit orationem, quæ hodie quoque extet cû summa omnium, qui interfuerunt admiratione. extat quoque Diui Nicolai ab hoc eodem vita, è græcis fontibus hausta, latinis hominibus donata, quam perlibenter omnes latinæ linguæ cupidos lecturos nō dubitem. extant eius epistolæ aliquot, elegantia, ornatusque summi plene, quæ doctis hominibus non possint non summopere placere. legi quandoque ad Franciscum Barbarum, qui tum Brixia præerat, epistolas, legi ad Ciriacum, & Bernardum filium cum mea maxima voluptate. Is uerò in repudiuius versatus in summa dignitate, ad procuratorium etiam fastigium conscendit, ut si diutius uixisset facile ad supremæ dignitatis gradum euehi potuerit. Iuuat hic quoque meminisse Marci fratris eius, qui primus Bergomensis prætor à Veneto Senatu creatus, tantum autoritate ualuit, pro summa animi moderatione, rerumque usu, ac sapientia, ut Philippi Ducis testimonio, qui hostis Veneti nominis acerrimus tunc erat, & cum Venetis graue tû bellum gerebat, non possit nō clarissimus esse. Siquidem quum de Senatu Veneto, Marcoque Iustiniano fortè sermo incidisset, publicè professus est audientibus multis, plus esse in Marci Iustiniani toga præsidij (quæ tamen haud satis præciosa foret) quàm in trecentis cataphractis, quos Veneti haberent, militibus. qua ex re si quis mihi Scipiones duos, totidemque Catones Romanos obiecerit, non dubitauerim treis huiusmodi patres illis opponere.

De Francisco Foscaro, qui postea Dux fuit.

ELLEKIT in hoc adolescente tantum uirtutis specimen, tantaque indoles, ingenijque vis, ut quum non multo ante Foscara familia reuocata ab exilio foret in quo natus tunc esset Franciscus Foscarus, re familiari
non

non admodum opima, & grandi, tunc adolescens Riualtum de ciuitatis more ad mensam priulam, quæ tunc celeberrima in urbe haberetur, frequens adiret, quem intuitus Nicolaus Priulus mensæ præfectus, totiusq; oris specimen admiratus, sermonemque cum eo frequentiore confers, non dubitauit eius animum attentare, an de uxore ducenda quandoque cogitaret. Cæterum quum ille respondisset, nec rem sibi amplius rem esse, nec eam ætatem, quæ satis esse uideretur uxori ducendæ, liberisque gignendis, postremo conditionem illi obtulit, sese illi suam filiam daturum. quod ille admiratus, illudique sese suspicans, utinam, inquit, dignus essem tanta cognationis amplitudine, quæ me, & reliquam familiam in primis honestaret. atqui non multis post diebus, amicis, affinibusque aduocatis, totiusque rei consilio pactæ, filiam Francisco despondit, superaddita dote pro tempore satis ampla. ex qua affinitate celebrior mox factus, ad summum dignitatis gradum propter singulares eius uirtutes est aduectus.

De Bernardo Iustiniano.

QVIS quæso me non iure optimo grauiter accusaret, si Bernardum Iustinianum Leonardi filium hîc non attexeré, qui relictus a patre adhuc adolescens tantam indolem præstulit, ut nemo, non qui eum semel uidisset, planè assereret eum in omni uirtutum genere præstantissimum fore. Id quod planè & euenit. ille enim græcis, latinisque literis instructissimus uarijs amplisque magistratibus, & legationibus a repub. ornatus, sic ab omnibus excipiebatur, ut numen quoddam in homine latere crederetur. quare & procurator creatus, tanta bonitate humanitateque in omnes est usus, ut adhuc exemplum illius ueluti oraculum, ab omnibus præferatur: scripsit ille summa diligentia, & fide Venetas res pluribus libris, quos ut proposuerat ad suam usque ætatem absoluerè nō potuit, scripsit etiam, de Diui Marci corpore Venetias translato libros duos, sed quis nō admiraretur eius orationem, quam in funere Frâncisci Foscari Ducis adhuc iuuenis habuit, quis non perlibenter epistolas eius legat? quis & librum de Beati Laurentij vita ab eo scriptum non accuratius euoluat. Certe silentio inuolui minime debet, quod ingrauescente ætate si quando in publicum non prodiret, si quid fortè grauius in Rep. constituendum esset, nihil omnino perageretur, nisi prius missis senatoribus, qui eius de uniuersa re sententiam explorarent ad senatumque referrent: uidi ego puer semel illum toga purpurea & veste, & capitis pileo proinsignitum, spectauique non sine ingenti admiratione, & corporis proceritatem, & uultus ipsius (quantum per ætatem mihi licuit) maiestatem; summâque in omnes qui cum adirent (quod nunquam obliuisci potero) benignitatem audiebam

audiebam certè constantes hominum rumores, qui eius vitæ santitatem, domesticamque totam viuendi disciplinam in cælum tollerent; quando quotidie sacris omnibus ipse interesse curabat; omnesq; ad veræ religionis pietatem tanquam certæ salutis portum adhortaretur.

De Orfato Iustiniano, & ipso D. Marci procuratore.

FINEM huic parti imponet Orfati Iustiniani spectatissima indoles: qui iam tum puer facilè omnibus occurrentibus ostendebat, quanta eius probitatis; & uirtutis spes Reipub. futura esset; si diutius illi superesse licuisset, nec uero scellum ille: receptum in hominum animis de se præfagium: quippe qui iuuenis triremis vnus præfectus clarissimum virum Petrum Lauretanum Imperatorem secutus, eius victoriæ maxime memorabilis, quam ad drapalum Imperator ipse Lauretanus sibi patriæque peperit, Orfatus autor princepsque sit habitus. tanta enim animi magnitudine in hostilem triremem inuectus est, tanto robore decertauit, ut ea facile oppressa viam reliquis fecerit hostes facillimè opprimendi. nec minus pacis artibus domum reuersus postea floruit, multis enim legationibus insignitus, illa uero præcipuè claruit, quam in Mantuano concilio, quod œcumenicum Pius Pont. indixerat, peregit. quare mox in patriam reuersus imperatoria primum totius maritimæ rei dignitate, procuratoria quoque ornatus est, in qua supremum clausit vitæ diem.

De Hermolao Barbaro.

TE vero Hermolæ splendidissimum ætatis nostræ lumen quomodo in hunc album non euocarim? qui certè à puero tantam indolem; virtutisq; specimen tuis ciuibus prætetuleris, tantum literis bonisque artibus dies noctesque impenderis, ut themistium ipsum vix adolescentia egressus latinitate donaris. iam verò iuuenis factus præterquam Aristotelis rhetoricos libros elegatissime verteris, doctissimas etiam in eisdem lucubrationes ædideris. quid Dioscorides in tanta rerum varietate tantaque difficultate sceleratissimè conuersus? latinisq; hominibus cum summa omnium vtilitate donatus? innumeraque alia scripseris Venetijs agens, omnesque qui te audire vellent libenter excipiens, multa ac varia perlegens. Plinium tamen ipsum de manibus tibi nūquam excidere passus es cuius castigationes in lucem æditæ facile arguant, quantum ingenio; quantum industria doctrinaque omnes alios præstiteris. Vtinam verò Deus ipse tibi longiora vitæ spatia tribuisset, fructum certè vberiorum latinæ literæ græcæque percepissent. ut meritò & præsens ætas, & posteritas omnis nunquam te satis laudare possit. Non possum non hic Tetra-

sticum

sticum illud ascribere, quod Romæ tua summa cum laude hodie sub colle hortorum ad Fludentanæ portam in sepulchro tuo ab omnibus certatim legitur.

Barbariem, Hermoleos latio qui depulit omnem

Barbarus hic situs est, vtræque lingua gemit

Vrbs Venetum vitam, mortem dedit inclyta Roma,

Non potuit nasci, nobiliusve mori.

Hoc quidem præterire nequaquam debeo, te minime id petentem, sed planè inuitum ab Innocentio Pont. Max. propter singularem uirtutis, probitatisque tuæ opinionem Aquileiensi sedi esse præfectum. id quod & si senatus Venetus ægrius tulerit, tibi tamen non summæ laudis, admirationisque esse non potuit.

De Hieronymo Donato.

Possem ingrati in patriam animi, simul et inuidi in egregiam ingenij uirtutem forsitã accusari, nisi statim post Hermolai Barbari memoriã Hieronimum donatum adiūxissem, qui & ipse patricia familia longe clarissima æditus, eadem fermè ætate in primis floruit. fuit is à puero tantã indoles tantaque uirtutis spe. ut iam tum præfagirent omnes qui puerum illum inspicerent, summa omnia in eo futura celeberrimaque pollicerentur. accidit uero ut Hermolab ipse adolefscens adolefcenti iungeretur, essetque uterque longe familiarissimus, siquidem ingenij præstantia par in hisce erat, literarumque studium bonarum, idemque ardor gloriæ in utroque & laudis. Cæterum Iuuenis adhuc Lusitanica legatione functus, quum in patriam redijisset summa sua cum laude, mox Gallicam legationem suscipiens Francorum Regi gratissimus semper est habitus, cū propter morum præcipuam elegantiam, tum propter corporis orisque ipsius maiestatem, interim uero accidit ut Iulius Pont. Max. Veneto nomini infestissimus societate cum Christianis principibus ac regibus inita, Venetam rem, Imperijque maiestate opprèsserit penè ac funditus euerterit, quare legatus ad Pont. profectus, cum Clarissimo uiro Dominico Truifano Procuratore, & reliquis, non modo irati Iulij Pont. facies in Venetos estinxit, sed eundem amicum factum ita sibi reconciliauit, ut paulo post ipse Pont. in eos Principes arma pro Venetis mouerit. Venetaque respub. magna ex parte iura sua receperit. fuit autè Hieronymus ipse sic latinis græcisque literis instructus, sic eloquentia ornatus, ut non facile quempiam alium suæ ætatis hominem illi præferas. reliquit ingenij sui monimenta non pauca, quæ profecto nō sine admiratione à nobis legi poterant, nisi publicis curis uarijsque negotijs districtus absoluerè non potuisset. extat tamen hodie liber aduersus græcos scriptus, quo gentis leuitatem

tatem in primis arguit, qui Pontificis maximi sacrosanctæ potestati abrogare ausint, & libellus è Græco in latinum uersus Alexandri Aphrodisei de intellectu. Superfunt & duæ eius epistolæ & prior quidem illarum ad Maximilianum Cæsare, qua illum adhortatur, ut Gallorū regē dimittat, altera terremotum Cretæ insulæ latius describit, cui tum ipse præesset.

EXTERN A

De Consaluo cognomento magno.

NON indignabitur ipsa Italia Hispani sanguinis uirum, alioqui præclarum & in eadē terra Italia rebus maximis gestis illustrem, hoc in loco à me referri. Is igitur est Consalvus magni cognomine in merito pro rerum gestarum gloria dictus. Cordubæque in Hispania genitus, præclara sanè familia, qui puer tâta indole statim excelluit, ut quamuis Alphunsus frater eius natu maior floreret, illi tamen omnia omnes adhuc puero tribuerent, sperarentque pro certo futurum, ut clarissimus planè euaderet. haberentque unæ Hispaniæ quem & militari gloria, & pacis artibus cætera omnium gentium regibus, & imperatoribus obicerent. Hic igitur à Ferdinando Rege in Italiam missus, Neapolitanum regnum Aragoniæ familiæ Ferdinandoque ipsi facile restituit iuniori Alphunsi regis filio. iterum suo Ferdinādo. idem regnum à Gallis occupatum post præclara edita facinora, uictoriasque insignes ex hoste partas asseruit, quod in hunc usque diem Hispaniæ reges optineant, & quamuis militari laude sua tempestate præstiterit omnibus, tanta etiam religione, ac pietate in deū, tanta munificentia in potentissimos duces, ac milites, tanta amicitia, & charitate amicos omnes suos coluit, ut uel hostes ipsi ab eo sint benignissimè excepti. ea demum probitate fuit, ut regnum sibi uindicare potuerit nisi fidem semel Ferdinando regi datam nunquam uiolandam statuisset. Vixit in Hispania aliquot annos in summa nominis celebritate, sexagesimū uero & alterum uitæ annum agens in quartanæ morbum incidit, senili ætati maximè grauem, quum apud Loxam Granatensis regni oppidum in ocio ageret ibidem mortuus est, atque ingranatensem urbem præcipua regiaque funeris pompa delatus, cuius sepulcrum in æde Diui Francisci erectam à multis in hodiernum usque diem visitur, non tam religionis ergo, quā monumenti spectandi gratia.

De Francisco Sfortia Mediolanensium duce.

FVERE Sfortiæ rei militaris Duci etatis suæ præstantissimo mares aliquot liberi, sed ex iis Franciscus filius, iam tum puer tam felici Diuinaque indole, ut nemini etiam ex improviso occurreret, cui non ille admirationis plenus esset. delectabat enim omnes, vel eius aspectus, vel incess-

K sus,

sius, vel ipsa oratio pudoris plena, atque modestiæ, quare illū patēr Sfortia cæteris fratribus antepōnens, adolēscētem adhuc cum aliquot ex familiaribus, ac domesticis fidelissimis in Appuliam misit, qui Ioannæ regnum aduersus Arragonios tueretur. accidit vero memorabilis res ea tempestate, ut quotquot eum secuti essent, qui rē militārē præcipue calerent, Frācisēū desererēt, aduersus quos mouens Frācisus magnā militū manū oēs non multo post viuos cœpit, veniamque summa benignitate concessit, interque suos, ut antea esse principes voluit. quæ res patri Sfortiæ significata iratus vehementer scripsit ad filium ut de omnibus supplicium sumeret, quibus lectis ille literis parumper subsistens animo. mox nuncium interrogare cœpit, quo vultu pater id sibi præcipisset, quumque irato maxime, ille respondisset. ego vero, inquit, pacatum illius animū libentius expectauerim, nihil vereor factum à me approbaturum esse patrem, postquam illi ira recederit. id quod planè ita euenit. mox enim ad militarem rem conuersus iussu patris aduersus Braccium, qui Aquilam urbem iam pridem obsidebat, comparato exercitu est profectus, nec multo post urbis obsidio soluta est. Victusque Braccius ipse Francisci auspitijs, & cæsus hinc in Cisalpinam Galliam Martini Pont. etiam consilio contendens ad Philippum mediolani ducem uenit, cuius primo aspectu, grauitateque orationis captus Philippus, sic eum amare, fouereque cœpit, ut non multo post Blancam filiam illi desponderit, Cremona urbe illi tradita, vsus opera illius Philippus aliquādiu (incredibile dictū) quanto Philippi res melior dictū auspitijsque Francisci etiam aduersus nos sit facta. mox irato aduersus eum Philippo, uti etiam de generi morte cogitarit, ad nos transijt, Venetaque signa secutus rem in Gallia penè collapsam restituit interim Philippo mortuo, victisq; apud Caruagium memorabili prælio nostris, Victor Mediolani Principatum sibi peperit, Alexandroque fratri Pisaurum urbem, cum aliquot Castellis, oppidisq; dono dedit. Illud præter cætera in hoc uno memorabile, quòd multis prælijs semper victor abiit, quum illi subinde non cum quolibet hoste res fuerit, sed in terra Italia rem gesserit, Braccianis præcipue aduersæ factionis infestis. Ut tu denique Franciscum hunc ipsum dictatori Cæsari similē certe dixeris, siue animi vigorem, siue constantiam, siue celeritatem in agendis rebus igni quodam volucrem, siue benignitatem in omnes expendas.

De Laurentio Mediceo.

HABUIT certe Florentina Ciuitas viros semper varijs virtutibus egregios, ut Dantem Aligerium, ut Franciscum Petrarcham, ut Donatum Accaiolum interim prætereā, sed nihil est Medicea familia clarius aut illustrius,

Iultrius, in hac verò gente, quis nesciat Laurentium iam tum puerum at
 tæ diuinęq; indolis vt nouū aliquod sydus in terris effulxisse credas, quod
 terræ Italiæ lumen præcipuum afferret, omitto igitur in hoc adolescente
 patris Cosmæ fortiter toleratum exilium, omitto summam semper in eo
 pietatem, prætereo doctorem & bonorum hominum semper expetitam
 amicitiam, eorumque operam Laurentij liberalitate semper honestam.
 quis verò nesciat optimas quasque artes, & literas græcasque in primis e-
 ius munificentia restitutas. Ille enim Chrysoloram græcum hominem eru-
 ditione insignem, ille Argyropilum Florentiam magnis premijs inuita-
 tos perduxit. Marculium Sicinum præcipue fouit. Virum nulla non lau-
 de dignum Angelum Policianum extulit, in primis verò Picum Miran-
 dulanum ad sese adsciuit, pulsaque mox Paeciorum factione Florentinam
 rem planè placauit, filiumque Leonem, & Clementem ex fratre nepotem
 Pontifices maximos reliquit. Non possum non & illud eius facinus ma-
 xime memorabile hoc in loco subtexere; discidente enim Ferdinando A-
 ragonio à Florentinis, eosque bello premente, idque ipsum in Laurentij
 odium, atque inuidiam, non dubitauit ille Neapolim petere, seseque in
 primis regi offerre idque pro patriæ dignitate, ac salute tuenda. quo sta-
 tim viso auditoque tanta admiratione regis animum impleuit, vt mox re-
 uocatis ex Hetruria ducibus, & pacem florentinis in Laurentij gratiâ red-
 dere sit confessus, & vnum Laurentium semper sibi amicissimum esse vo-
 luerit. Vtinam Petrus eius filius paterna vestigia secutus ab eius discipli-
 na nunquam disciuisset.

De Pico Mirandula Duce.

ADMONUIT nos Laurentij Medici excellens à me repetita indoles, vt
 Ioannis Pici cognomento Mirandula, obliuisci minime possim, aut de-
 beam, qui quidem à puero tantum animi, corporisque dotibus excellue-
 rit, vt merito ab omnibus phenix appellaretur. Nihil enim omnino illi
 defuit, siue corporis speciem, siue animi ingenijque indolem requireres.
 memoria verò tanta fuit, vt ad uerbum longiora hominum dictata, & ora-
 tiones redderet, non sine audientium stupore. Exacta igitur adolescen-
 tia, per omnes virtutis numeros, Iuuenis scripsit libros contra Astrolo-
 gos, tanta in tanta copia rerum felicitate, vt iam pudere sui studij hac in
 parte omnes possit quicunque astrologorum vanitati aliquando fuerunt
 addicti: scripsit libros septem Heptapli titulo, quibus res omnes diuinas
 ita complexus est, vt nihil his libris sublimius, nihil eruditius esse possit
 nec tu Apologeticum aspernaberis, vbi causam suam ita defendit, vt pla-
 nè nihil reliquisse reliquis videatur, quod in ea causa dici possit. ita inge-
 nij sublimitate, artiumque bonarum omniū cognitione excelluit. Cate-

rum quod modo subnectam haud minus memorabile sit, quòd vitæ tertium ac trigefimum annum nò attingens hæc omnia summa, ac planè perfecta præstitit, quasi uerò deus ipse tacitum quoddam in terris numen non diutius esse uoluerit, & præcipue per ea tempora, quibus sub aduētum Caroli octauī Gallorum regis, Italia omnis bello ardere cœpit. Agè igitur Pice nunc, & pro me, & reliqua Italia patrocinium apud deum suscipe, ut ueterem indolem hominibus Italiæ, quo celerius fieri possit restituat.

De Roberto Malatesta Arriminensi Principe.

FVIT multos iam annos Malatestarum familia iam inde ab Othone tertio, pacis bellique artibus insignis. ut igitur Carolos Pádulphos omit tam, Robertus certè Sigismūdi filius ætate nostra longè Clarissimus fuit, cuius indoles tanta, talisque semper est habita, ut omnes qui puero ipsi occurrerent, non possent illum sine admiratione spectare. in illo duplex virtutis specimen liquidò cernentes, & summæ probitatis, & rei militaris excellentem gloriam, ut facilè illi euenerit, ut iuuenis adhuc ac penè adolescens post patris obitum Appollionem Vrsinum maximis copijs instructus, quem Pont. Maximus miserat, ipse multo paucioribus insigni prælio vicerit. mox verò adultus & vir factus, à Venetis Imperator, Romanam missus Ferdinandum Neapolitanum Regem pugna maximè memorabili superauit. Captis principibus non paucis, regeque ipso efugato, qui etiam turcarum manum validissimam Hydrunte aduocatam secum haberet. ut illius fatum non possis non plurimum dolere, quòd triduo post tam celebrem pugnam uita functus sit. Ut facile Carolos suos militari laude, & uitæ sanctitate Robertus superare potuerit, cum summa Malatestarum familiæ laude & gloria.

De fortitudine Cap. II.

SEQUITVR indolis exēpla à me repetita virtus, ea a nostris hoībus partim corpori partim animi vi attributa, quam fortitudinem appellamus, præcipuam secum laudem, & gloriam consecuta est, & de corporis quidem robore, ita reddentur à nobis exempla, ut ea, quæ animi insidet mortalium immortalis, æternaque iure optimo præferatur.

De Ordolpho Faletro Duce.

NON deerant antiquorum ducum in hoc genere laudis exempla, sed a medijs temporibus incipientes palmam Ordolpho Faletro Duci principē

cipē tribuemus, qui dux post nō pauca egregia facta, ad Iaderā urbem aduersus Hungaros, qui eam oppugnabant fortissime pugnans in prima acie contra illos, occubuit, vt tamē Veneti ipsi reliqui principis sui cadauer intra urbem retulerint, quod postea Venetias relatum, vniuersa ciuitas magna pompa extulerit, inque æde D. Marci, quod hodie quoque videtur, marmoreo sepulcro sepeliendum curauit.

De Petro Zeno.

QV I S tibi Petre Zene secundum inuiderit iure locum esse a me tributum, qui clara, antiquaque familia Zena patricij sanguinis ortus, post multa, & præclara belli facinora ædita, demum imperator vniuersæ classis, cum pontificio legato aduersus turcas missus, quum eos vniuersa maris possessione breui eiecisses, mox in continentem cum vniuersis copijs descendens, magna Aetoliæ & Ioniæ partem Christianæ pietati vindicasti, nec multo post recepta smyrna, turcisque omnibus eiectis, mutato fortunæ cursu, quum illi subito reparatis viribus impetum in eadem fecissent, re subito nunciata cum litatorio sacro interesses, neque tu æquo animo discedere inde statuisses, nisi peracto sacro. tum vero illis occurrens fortissimeque pugnans desertus ab omnibus tuis, in eo, quem cœperas loco occidisti, & retentæ pietatis nobile posteris exemplum & egregiæ fortitudinis insigne nobis monumentum.

De Carolo Zeno.

NON disiungam à Petri Zeni Caroli patris sine piaculo memoriam ipsius filij, qui paternæ virtutis hæres, tot & tanta facinora præclare ædiderit, vt illustrare patris memoriam meritò possit. Hic igitur primum ad Methonem Genuensem classem, cui Bucicaldus Francici sanguinis præerat, vir fortitudine & corporis robore ea tēpestare maxime insignis, non sine ingenti discrimine superauit, quum tamen pedem clauo sagitta affixus, sua manu fortissime belli aleam ad extremum usque, sustinuerit, victorque euaserit. ille etiam Biclioniæ nauim magnitudinis inusitatæ & militum copia insignem suis triremibus, quibus præerat, vulnera aliquot pectore excipiens, expugnarit, tanta gaza auroque onustam Venetias deducit, vt inde aliquid publicæ spēs ad rem bene gerendam Reip. affuerit. nec suæ virtutis mox oblitus imperator a principe senatuque rei maritimæ declaratus Clodium urbem munitissimam Genuensium præsidio ipsis hostibus extorserit, vulneribus non paucis acceptis, & uno præcipue gula transfixus, vt omnes moriturum illum crederent, siquidem tanta sanguinis vis inde fluere, ut nō facile listi posse crederetur. fuso tandem

dem fugatoque Ligure hoste, reque Veneta pristinae dignitati restituta, senex etiam non destitit quin insignem laudem assequeretur: Cipri insulae regno à Genuensibus vindicato, regi que suo fidelissime restituto, ita domum sese in omni vita gessit, ut recte in primis facturos crediderim omnes, qui Venetias inuisunt si monumentum eius ad Caelestinam ædem frequentes adierint tanti viri cineres venerabundi, perpetuoque Caroli Zeni fortitudinem celebrarint.

De Henrico Dandulo Duce.

ECQUIS non merito dixerit in hoc ipso summam animi fortitudinem roburque essitisse? qui primum ad Manuelem Bizantium Imperatorem legatus missus, ab eodem penè excæcatus est; quod liberius aliquanto cum eo locutus esset, obiecta oculis candenti lamina: tum verò dux creatus, inito fœdere, & amicitia cū Gallorum aliquot ducibus; qui de Hierosolymis recipiendis inter se cōuenerant, rebellantem Iaderam iam quartum, fortissime diu oppugnans recepit, qua recepta Alexium puerum Isacii Bizantini Imperatoris filium restituendum in Imperium curauit, Gallorū Ducibus socijs, auspicijs postea sacris recte peractis suo ductu Bizantium adnauigans, cum classe ducentorum, & amplius nauium puerum Alexium non sine ingenti certamine à Venetis primum mœnia vrbs transeuntibus patrijs fascibus restituit, nec tamen multo post Alexio puero, & patrē cæsis a Murciphlo, quum ille maiestatem imperatoriā sibi vendicaret gallis principibus & Venetis neglectis in eundem arma sumpta bizantiumque eo fugato, receptum, inde Gallus Imperator primum creatus, Thomasque Maurocenus Veneti sanguinis primus Patriarca dictus, Romanique Pontificis dignitas inter græcos tum primum asserta; Cretaque insula Veneto nomini vindicata: quod nisi eiusdem principis mors immatura contigisset Veneti Imperij gloria longè maxima; & Imperij fines longius quoque prouesti forent.

De Sebastiano Ziano Duce.

QUANTA fuerit huiusce principis animi magnitudo, quod recte pietatis studium tuendæ, facillè omnibus costare poterit, id, quod certissimi veterum anales, & nostri, & cæteri prodidere; Is namque Alexandrum 111. Pont. tota serè Europa exulem, latentem tamen, & obscurum Venetijs excepit, nihil omnino veritus: Friderici. Aencobarbi Imperatoris in illum infestationes; & acerbissima odia, quin etiam Othonem eius filium intra Adriatici sinus fines cū septuaginta, & amplius nauium classe insultantem multò minore nauium numero ipsemet aggressus, sic uicit, & fugauit (non sine tamen difficili certamine, ac pugna) ut capta disiectaque classe

classe Othonem viuum exceperit, quem Venetias ad Alexandrum Pont. deduxerit, in quo certe iuuenelaudare veræ religionis studium possis, quippe qui legatus ad Patrem missus, pollicitusque re infecta se ad Pont. redituum, genitoris animum sic reconciliauit, ac flexit; vt deposito irarum æstu Fridericus ipse Venetias venerit; vt Alexandro Pont. ad uestibulum aureæ ædis sedenti se submiserit, pedesque sit obsecutus. mox Romam redeuntem ita committatus est; cum ipso principe; ut nemo reconciliata gratia inter utrumque non sumopere lætaretur; quæ de re latius in nostris cæsaribus scripsimus.

De Francisco Foscaro Duce.

Hic est Princeps ille, quem nemo non magnopere laudet, qui Veneti imperij fines incontinenti protulerit summaque animi magnitudine bellum cum Philippo Mediolanensem Duce, per aliquot annos feliciter gessit. Cæterum eo mortuo præualente Francisco Sfortia Mediolanensem Duce, apud Carauagium memorabili prælio victus ab eo, vt penè nullus euaserit; eam animi constantiam; fortitudinemque præstulit, quam belli initio, semper approbat. nam conuocato senatu magna vi auri, & argenti profusa; conuersus ad patres ipsos, nihil est, inquit P. C. quòd ad unam pugnam licet calamitosam terribi desperetis, vt uel Philippi ipsius hostis exemplo bene sperare de summa rerum debeatis; qui à nobis ad Macclodium fusus, captis ferè ducibus omnibus exercitum ipsum facile restituit: agite igitur meipsum secuti, pecuniam huc conferre quo numerosiorem uestrum quisque possit, infra enim triduum copias omnes nostras reparandas polliceor. quod certe mox ita subsecutum est; vt victor ipse Sfortias pacem vltro petierit; admirans tantum Veneti Senatus, animi robur, & fortitudinem.

De Stephano Contareno.

Quod vero tibi Stephane Contarene virtutis huiusce testimonium perhibeam? qui præfectus Benacensi classi, post ipsum Petrum Zenum statim domum petijt, apertaque ianua, euocata vxore, de inferiore loco, ad eam versus appara inquit mihi; quæ ad classem in Benacum publico nomine profecturo, necessaria fore intelligis. nam breui post aut campani æris, sonitum de marciانا turri victoriæ me duce partem certum nuncium audies, aut mortuum me accipies. quod non multo post adeo feliciter cecidit, vt deuicta hostium classe, captisque non paucis ducibus, Benaci lacus uniuersa ora in potestatem Veneti imperij redacta, res veneta statim feliciter sit gesta, vt certe fateri mihi necesse sit, aut vnum hunc Stephanum

phanum æterna laude esse colendum, aut certe non facile quempiam aliū illi præferendum: Siquidem patriæ ipsi debere nos omnia, suo hoc exemplo omnes docuerit.

De Petro Gradonico Duce.

NON possum non in cælum tollere Petri Gradonici Ducis factum memorabile, cuius posteritas omnis obliuisci nec possit, nec debeat; qui nunciata Baiamuntis Teupuli de improviso conspiratione sæua imprimis, & immani, animo forti, & constanti statim præcepit; ut aduocarentur passim patritij ordinis viri, & plebei, qui tanti sceleris expertes essent, quo factio campani æri sonitu exciti omnes, cumque ipso Petro Duce in aream marcianam descendentes, aduenienti Baiamunti ex diuersis locis, fortissime occurrerunt, quum igitur aliquandiu in eo ipso loco pugnatū esset cæsisque, coniurationis aliquot Principibus, non prius destitit ipse contendere; quam ex omni parte coniuratos in fugam vertisset, nec minori animi magnitudine, multos patritij sanguinis viros, qui fugerant certis finibus inclusos, dato temporis spatio ad rescipiscendū, postea in gratiam recepit. quo tempore Vgolini Iustiniani Clodienſis prætoris uirtus imprimis enituit; qui quam celerrime audita re nauigiis instructis Venetias aduolauit, qui magno adiumento nostris pugnantibus fuerit, sed, & parta uictoria decretum publicè est, ut decemuirale cōsiliū posthac crearetur, ut Reip. summa eius imperio subesset, quod in hodiernum diem fœlicissime viget; illud certè non pigeat posteritatem omnem à me admonitam esse, huiusce principis creationis diem, qui fuit Chaterinæ dicatus inter festos Venetiis annumeratum, utinā uerò mortui illius dies anniuersariis sacris coleretur.

De Andrea Contareno Duce.

QVANTA autem in hoc ipso duce animi constantia, quod robur affuerit, declarat antea non recepta huius principatus dignatas, quæ illi ab yniuersa ciuitate demandabatur, postremo uerò quum in locum Marci Cornarij principis uita functi subrogaretur, declarat eius ab vrbe in agrū patavinum secessio. Vaticinio enim quodam acceperat, fore ut si dux crearetur, patria ipsa in graues calamitates incideret; quare quum nec cognatorum literis, nec publicis, iam Dux dictus absens reuocari posset, quauis illi denunciaretur fore, ut bonorum publicatione, & perpetuo exilio damnaretur, uix cognati cuiusdam astu persuaderi potuit; ut urbem suam uisendi cupidam saltem inuiferet; & præsens ipse data dignitate sese abdicaret, reuersus igitur hoc animo, quum uniuersam urbem sibi occurrentē

in stagnis animaduertisset, omnesque exclamantes cum ducem audiret, uix tandem adduci potuit (magistratum etiam minis interiectis) ut dignitatem suscipere, in qua non multo post Genuensi fustissimo bello tanta animi fortitudine se gessit, ut non uictus Pisanus Imperator maritima pugna ad Polam, non expugnata ab hoste ligure Clodia, non accerbissima in urbe fames, non rei pecuniaria defectio, animus eius unquam fregerit, quin ipse aliquot familijs in patritium ordinem acceptis, classem conscenderit, maior iam natus seuienteque hycme Clodiam obsederit, eamque ipsam urbem, ipsemet expugnadam curarit, triumphansque ex hoste in urbem redierit calendis Iulij; qui dies nobis festus est, in memoriam rei feliciter gestæ, & Principis Clarissimi memorabilis reditus.

De Leonardo Lauretano Duce.

VERBOR certe ne siqui nostratia hæc legerint, fortasse aliqui suspicentur, datū à me Lauretanae familiæ aliquid plus iusto, attributumque clarissimi principis erga me amori, & beneficentiæ. Cæterum non dubito in memoria tam recentis, celebrisque exemplis plures fore; qui simplicem, nudamque veritatem retentam à me in hoc ipso opere constantissime prædicent; quis enim quadragesimum, ab hinc annum natus Venetijs, & in ipsa terra Italia non meminit Abduanae pugnae, omnium maxime memorabilis, qua potentissimus Ludouicus Francorum rex, omnium regum, opibus etiam Iulij Pont. & diris in nos succinctus ad Abduam congressus est, ubi exercitus noster fusus; captique duces sunt, hinc imperium omne continentis amissum, qui nuncius ubi Venetijs cognitus est, sic omnes perteruit, ut nihil amplius bonæ spei superesse videretur. Cæterum Lauretanus princeps conuocato statim senatu, sic constans, sic animi magnitudine excellens apparuit ut in meliorem spem omnium animis conuersis, non multo post Patauium sit ab hoste receptum, eaque urbs à Maximiliani Cæsaris, & Gallicis armis oppugnata sit, cum ingenti principis laude defensa breuique post amissi Veneti imperij maxima pars recepta: tacebo reliquas principis laudes, ne cui in præsentia, quod in principio diximus obtrectandi relinquatur locus.

De Petro Mocenico Duce.

FLORVERE semper in hac amplissima Rep. clari celebrisque nominis in re maritima duces, atque imperatores, sed (ut ueteres alios omit- tam,) quis dubitet Petrum Mocenicum non æterna memoria dignum? qui Nicolao de Canali rei maritimæ imperator suffectus Eubœa insula iam ante amissa; sic uniuersam Græciam sua animi fortitudine, Othoma-

nicis armis oppressam, restituit, vt non multo post, & Naupactum Turcarum penè armis expugnatum seruarit: Cyprium insulam Veneto nomini, Corneliæque familiæ adiecerit, mox scodram sua præsentia; suoq; animi robore iam deploratam, sic incolumem præstiterit, Turcicis armis iam pridem oppressam, vt Veneto imperio planè constituto domum rediens mortuo Nicolao Marcello Duce, princeps ipse alterum Mocenice familiæ decus, declaratus sit.

De Aloisio Molino diui Marci Procuratore.

QVIS me non iure optimo ingratum, vel etiam impium dicere posset, si te Aloisi Moline præterirem? tantamq; animi tui fortitudinē silentio inuoluerem? Is enim tempore omniū periculosissimo, quū Principes fermè omnes Iulij Pont. Max. indignationem secuti, in Veneti nominis perniciem coniurassent, iam iamque nos imperij nostri finibus ciecissent, consternatis omnium nostrum animis, iamq; rebus omnibus desperatis, unus de vrbe patauiο recuperanda ad senatum cōstantissime retulit, cuius sententia, quum a principe ipso cæterisque omnibus exploderetur, ille tamen tanta animi fortitudine ac robore perstitit, atque id omnino esse faciendum contendit, vt tandem in eius sententia senatus consultum factum sit. quod quidem consilium vt ab illo fortissime ceptum est, ita quoque fœlicissimum habuit euentum, nam ea vrbe recepta mox maiori animo de alijs recuperandis excogitatum est, vt merito hæc ciuitas tanti viri manibus perpetuò debeat.

EXTERNA.

De Abraamo.

NEMINEM fore arbitror, qui modo Christianam pietatem animo sit complexus, & nostratia hæc quandoque per ocium legerint, qui nos accuset, quòd primas fortitudinis partes Abraamo tribuam, quem fidei nostræ, ac pietatis præcipuum autorem ac facile principem nos in primis fateri deceat. Is nanque adeò forti animo obstitit, vt quum olim Assyrij vniuersum fermè orientem sibi vindicassent. Cananæorumque terram omnem cum ingentibus copijs aggressi oppressissent. Sodomis etiam captis, & euerfis, paucis admodum ille comitatus, quos dellegerat, Assyrios ipsos ad alterum Iordanis fluuij fontem in fugam uerterit, prædamque omnem receperit, tam insigni laude ducis fortissimi, ac constantissimi, vt primum sibi locum hac in parte merito vendicet, & quòd tantas hostium copias memorabili prælio uicerit, & quòd solum ipsum à se incessum, & Loth fratrem pristinæ suæ libertati asseruerit, Loth fratri ipsius filio cum reliqua omnium captiuorum suorum manu recepto. .

De

De Dauide Rege.

T E V E R O Dauid Rex cur non merito Abraamo ipsi nõ statim subijciam? qui Iese natus patre, pecoriq̃ue custodiendo ab eo prefectus, adolescens, adhuc non dubitans Goliathi Philisteo, detrectantibus cæteris Iudæis singulare cum eo certamen, quòd corporis magnitudine, & robore præstare animaduertebant, occurrere, tantaq̃ue animi magnitudine cum eo pugnare, vt vno lapidis ex funda ictu immanissimum hostem prostraueris, quare philisteus hostis quam primum tuis auspicijs profligatus Iudæorum imperio tuis potissimum auspicijs sit subiectus.

De Rolando.

P R A E T E R I B O sciens, ac volens Ionathæ saulis hæbreorum regis filij memorabile facinus, fortitudinisq̃ue summæ insigne exemplum, fusi fugatiq̃ue ingentis exercitus eiusdem unius opera, præteribo etiam sine piaculo Barionæ ausum, qui in tantam hominum multitudinem non dubitarit unus ferrum stringere; Cæterum ad recentiora illustria fortitudinis exempla transferam stilum. Rolandi certè uirtus excusauerit me, quæ tametsi fabulosis poematis sit vulgo iactata, constat tamen Caroli magni francorum regis auctam gloriam, immortaleq̃ue Christianæ pietatis nomen huius uirtute latissime celebratum, nam aduersus hostes fidei nostræ fortissime semper dimicauit, innumerasq̃ue Maumethicæ sectæ unius opera profligatas gentes compertum est, qui tamen postea aucta christiana in primis re, exceptus insidijs intra Pirenæum saltum, cum multis alijs fortissime pugnans ita cecidit, vt ne nuncius quidem tantæ cladis superfuerit.

De principio, & Tarumte fratribus.

G L O R I E T U R uetus ipsa urbs Roma; suo horatio Coclite, & iure optimo gloriatur, quum solus ille Porfenam regem, eiusq̃ue copias in ponte sustinuerit, donec iussu suo ponte interrupto armatus, & in Tyberim preceps incolumis ad suos euaserit. sed quis geminos fratres Principium, & Taruntem non dignos æterna memoria censeat, qui Totilam Gothorū regem Romam obsidentem (quæ illis erat patria) fortissimis animis sustinuerè, quousq̃ue seruata urbe uterque constantissime pugnantes multisq̃; confosis vulneribus non sine ingenti Gothorum admiratione conciderit.

De Gothifredo Bolionio, & fratribus.

QUIS nesciat Maumethico delirio omnem Arabiam primum, mox vniuersum ferè orientem sic armis oppressum, vt Hierosolyma quoque ipsa in Maumethanorum ius, ditionemque peruenerint, & (quod magis doleas) diutius in eorum seruitute fuerint, quousque Gothifredi Bolionij opera Lotharingæ ducis Balduini que Eustacij & fratrum uirtute, incredibili ui recepta expugnataque sint. nam exturri lignea, quam ipsi ad muros admouerant Principes ipsi fratres uiam militi aperuere, per quam ingressi nostri postea omnes, non sine ingenti labore urbem ipsam christiana nomini uindicarint: qua in re Gothifredi ipsius magnitudo animi maxime celebranda sit, qui rex primum creatus, nunquam adduci potuit, vt auream coronam capiti suo imponeret, in qua urbe spineam coronam redimitus Christus obierit.

De Balduino fratre Rege Hierosolymorum
secundo.

SUCCESSERAT Gothifredo; Balduinus fratre in regnum, quum Calypsa Aegiptius ingentibus copijs per occasionem comparatis, Hierosolymitanum regnum suæ superstitioni uendicare studeret, quo tempore Balduinus rex parua suorum manu coactus est cum illo in finibus regni congregari. aderant enim illi uix equites ducenti, & septuaginta, pedites uero noningenti, cæterum tanta uirtute Calyphe congregari ausus est; deum ipsum auspiciem secutus. ut hostibus mox in fugam conuersis, occisisque ex his equitum quinque milibus, reliqui omnes fusi, profligatique sint.

De Teia Ostrogothorum Rege.

NON est mihi prætereundus Teias Ostrogothorum Rex, qui apud Nuceriam cum Narsere eunuco, Italiæ libertatis assertore, fortissime dimicans cum scutum, quo tegebatur sagittis hostilibus perfoctum esset, ut nequaquam illo se, tueri posset, id ipsum sponte abiciens, cedere loco noluit, sed scutum repetens à suis aliud, fortiter eo recepto pugnaret, inuestigio occubuit, hostilem impetum minime sustinere ualens.

De Symone Montisfortis Comite.

QUAM paucissimos inuenias ea tempestate, qua Symon Montisfortis comes floruit, qui fortitudine, animique magnitudine comparari illi possint,

sint Dux enim electus à Pont. Regeque Francorum aduersus Tolosanos, & Albios, ceterosque fere Narbonensis Gallie populos, tam præclare, & fortiter rem gessit, vt & hæc in hunc quoque diem Symonis montisfortis nomine & memoria celebrentur; sæpe igitur congressus acie hostes prælio uicit memorabili, oppida munitissima cepit, ipsosque omnes populos ad sanitatem ueteremque Christi pietatem, quam hodie sanctè quoque colant redegit. capita autem scelestissimæ huius hæreseos, & principes, erant Tolosates, & Albij. vnde Albiorum hæresis dicta, qui flagitiosissime de Pont. Ro. de Episcopis, ac sacerdotibus sentirent, eos sceleratorum omnium duces, Ecclesiam inferorum sedem, legitima matrimonia, impiorum amicitias appellantes, quum ipsi interim promiscuos concubitus, venereque nefariam expeterent. non præterierim tamen illud silentio Chalguritanum dominicum, virum sanctitate præcipuum Symoni Comite assiduū fuisse, nec ab illo nisi re tandem perfecta, ne transuersum quidem vnguem discessisse, qui assiduis precibus cum aliis religiosis pluribus uiris deum ipsum instanter fatigarent, cum uera pietatis religione.

De Sordello Vicecomite Mantuano.

DETVR & hoc Mantuanæ italicæque virtuti cum ipsius corporis eximio robore; in hac commemoratione singularis eius fortitudinis, quippe qui quinque & uiginti equites ex prouocatione singulari certamine deuixerit, intra Italiæ fines. hinc Lutheriam parisiensium profectus, tris eodem die equites superauit, Britannos duos, burgundionem unum, quæ res tantæ celebritatis est habita, ut nomen italicum hac facinoris tam præclari memoria, apud Britannos, & Gallos multum celeberrimum extiterit.

De Ioanna virgine Gallica.

NON accusauerint nos, opinor, qui nostratia hæc legerint, si post illustrium virorum, ducumque repetita à nobis exempla, muliebre quoque decus, ac robur, quod longè maiorem admirationem pariat omnibus subtexerimus. quis enim credat puellam, vix xv. annos natam Galliarum regnum à Britannis fere omne oppressum, sua uirius virtute, ac liberali assertum manu. hæc igitur Ioanna nomine pullicella à Gallis cognomento dicta, Gallorum regi (quod incredibile videri possit) persuasit, vt sese duce sequeretur, futurum pollicita, ut Aurelianum acerrima Britannorum obsidione cinctum, ipsa solueret, quod ita plane accidit quauis humerum sagitta transfixa, reliquos adhortaretur vt sese vnâ fortissime pugnantem intuiti de victoria minime dubitarent, sed à Britanno hoste regnum vindicare studerent, quare aucti animis Galli, & Aurelianum recepere,

pere, & Troiam urbem (quod nemo ferè credebat,) puellæ vnus auspicio recepere, vnum opus supererat recuperandæ Parisiorum vrbs, in qua regni totius summa posita erat, in hac ipsa obsidenda pari scelicitate vsa, urbem ipsam quamuis à Britannis incessam, non sine ingenti labore pristinæ Gallorum libertati restituit, & (tamen si utrunque crus sagitta perfossa) prima muros transcendit. Cæterum Rotomagum cõtendens quum eam urbem aliquandiu frustra obsedisset, ab Angli eruptione facta capitur, quam per summum gaudium captam, tamquam simulatæ religionis ream comparata ingenti pyra, concremarunt, Galli verò tantæ virtutis libertatisque receptæ memores eam vbique pictam, veluti familiare numen colunt.

De Maria Puteolana.

NON possum non Francisci Petrarchæ testimonio, etiam, atq; etiam plurimum attribuere, qui Mariam Puteolanam laudibus in cœlum tollit; quæ puella domesticis seditionibus excitata, relicto penso, ac calathis, gladium, & hastam, virili sumpto habitu, sumpsit, primaque in acie semper versans fortissime semper dimicavit, illud etiam multo memorabilius accessit, quod inter militaria saga, virosque semper agens, virgineum pudorem, quamuis longe pulcherrima, nunquam usque ad mortem amiserit, id imprimis cupiens, & agens, vt ciues omnes sui in summa concordia agerent, patriæque dignitatem præcipue admirerentur.

De Francisco Sfortia Mediolani Duce.

FACT Francisci Sfortiæ summa virtus, militarisque rei gloria fortitudoque animi, vt relicta interim scæminarum commemoratione, & laude, claudam hac in parte virili explicatione pulcherrimum hunc fortitudinis locum. quis igitur nescit Franciscum hunc ipsum, & uiuente patre Sfortia, & eo mortuo longe maxima fortitudinis exempla, animique magnitudinis edidisse? quamuis aliquot fratres natu maiores haberet, illud igitur primum summæ fortitudinis exemplum in hoc fuerit, quod Bracchij summi ducis uincendi, ad Aquilam author fuerit, omnibusque postea prælijs, quæcunque suo ductu, auspicioque gesserit victor semper ex his redierit, taceo reliquas eius præclaras, illustresque victorias, quas propria virtute sibi peperit, certe duas non omiserim, priorem scilicet illam maxime memorabilem, qua nostras copias Mediolanensium imperator ad Carauagium fuderit, alteram, qua Mediolani principatû sibi, suisque peperit. illud quoque in præsentia non omiserim fuisse illum memorabili insignique prudentia, atque modestia principem, vtinam vero eius liberi quemadmodum principatus hæredes fuere, sic paternarum virtutum

tutum emulatores extitissent, viueret enim in hunc diem Sfortianæ domus decus, ac gloria cuius terra Italia obliuisci nunquam posset.

De Andrea Lamponiano.

FECIT clarissimi omnium principis recens cōmemoratio Galeatijque eius filij, & successoris interitus memorabilis, vt Andrea Lamponiani magnitudinē animi præsentemque vim nunquam prætermittere potuerim, quū præsertim in calce huiusce relationis, infixum eorū, qui hæc quandoq; legent animis, hoc facinus esse voluerim. Is igitur Ioannes Andreas Lamponiana familiæ celebri inter Mediolanenses æditus cum illum pertederet nimix in principe viro præsertim in matronas libidinis, quin etiam delusus sæpe ab eodem enixe petente possessionem sibi tribui Miramondani sacerdotij, quod à Pontifice iusto titulo acceperat, consilium iniit cum Hieronymo Olgiato Mediolanensi ciue, aliquotque alijs de eo interficiendo. die igitur diuo Stephano dicato sub Christi seruatoris nostri natalitia sacro litatorio intento pluribus vulneribus interimentes oppresserunt: nec Satelitem cohors, nec nobilium virorum comitatus detruere; sed ipse Ioannes Andreas in templo dum fugit prolapsus, inter matronas cecidit multis vulneribus confossus, reliqui que coniurationis socij in tanta rerum trepidatione capti moxque acerbissimis supplicijs omnes affecti, Lamponiani uerò cadauer per totam vrbem sæde distractum est: vt hunc Rom. sæuolæ penè parem duxeris.

De Patientia Caput III.

SEQVATUR suam veluti præcipuam parentem fortitudinem patientia, quæ ab ea disiungi nunquam potuit, adeoque in sita radicibus fortitudinis est, ut illud mirum, incredibileque penè dictu sit, quare nos superiorum exemplorum memores vnum hodie ascribemus, quo nescio an memorabilius ullum unquam fuerit, siue Græciam ipsam siue Romam ciuitatem accuratius euoluas. erat Clemens Pont. Max. Veneto nomini imprimis insensus, quod Ferrariam vrbem uni sibi obnoxiam, Veneti ad sese traxissent, quare pont. diris Venetos omnes persecutus, ut multi inde Veneti occubuerint, maximaque bonorum omnium pars nostratium vbi que inuenta distraheretur, cui rei tam infestæ, & discrimini plenæ, paria remedia sunt adhibita, ut infestissimus Pont. in nos animus aliquo modo leniretur, uerum inter alios oratores ad eum placandum missos profectus est Franciscus Dandulus summæ, uir prudentiæ, summæque in patriam charitatis, qui cum multa & varia tentasset, grauesque contumelias à Pont. diu pertulisset, nouum omnino, neque antea unquam auditum facinus

est aggressus, cœnanti enim in atrio suo Pont. sese quadrupedem prostravit grauique catena ferrea, ceruices inuoluit, quæ res Pont. animam sui nouitate sic perculit, ut cum proiectum illum tam deformi habitu prospexisset non potuerit non illum abiecta prius catena, stantem ad se reuocare, Venetoque omni nomini ueniam tribuere, Venetiasque ipsius patriæ loco semper posthac colere, traxit inde Franciscus Canis cognomen tum, quod perpetuum uiuenti illi etiam dum dux esset, fuerit.

De Antonio Venerio Duce.

SVBROGATVS absens fuerat Michaeli Mauroceno Duci Antonius Venerius, qui tum Cretam insulam summo cum imperio tenebat, qui Venetias sub idus ianuarias rediens, magno totius nobilitatis, & populi plausu in Diui Nicolai Phano, quod est in littore proximū exceptus est, unde mox Bucetäuro naui in ducarium uectus, aliquot annos Veneti Imperii maiestatem, mirum immodum auxit, pacis præcipue urbanæque tranquillitatis studiosus, ad promerendamque mortalium gratiam imprimis factus, una tantum ad Tenedum insulam belli cura fuit, quo tandem sælicite euentu, composito mox ad omnes pacis artes animum intendit, cæterum, quod ad rem institutam attineat, patientia tanta fuit, ut Aloysium filium in carcerem missum, criminisque conuictum, quod cornua bubula patriæ puele ianuis affixerat; quasi exprobaturus illi male sanos amores, æquisimo tulerit animo, quinetiam laborantem eundem in carcere peste, nunquam educi passus est; tametsi uniuersa ciuitas ad id ipsum hortaretur; quem adolescentis filii casum accerbissimum usque ad uitæ finem constantissime pertulit cum summa optimi cuiusque laude.

De Francisco Foscaro Duce.

NIBIL unquam lætius, aut iucundius accipere uisa est Veneta ciuitas, quàm Franciscum Foscarum Ducē Thomæ Mocenico subrogatū, quod præter patrium morem declarant in area marciaua hastarum ludi & auri-gationes frequentes æditæ. & certe multa in eo viro erant, quæ maxime admirari possis. uirens uidelicet ætas, uix quinquagesimum annū ingressa, augendi Veneti Imperii intra Italiæ fines, mira cupiditas: tametsi con-ciones multæ Thomæ Mocenici Ducis in hunc usque diem extent illi ex professo aduersantes; atque utinam ea tu ne oracula dixeris, siquidem rei usus nos etiam in præsentia doceat, rei maritimæ cura fuisse cæteris præponendam. non defuit summa illi liberalitas, non in dicendis in Senatu sententiis incredibilis eloquetia, non animi in aduersis constantia, & præcipua quædam de qua nunc agimus patientia; quod duo eius præclara alioqui

alioquin in hoc genere præcipua facinora facile declarant: & illud quidem prius, quod Iacobum filium suum præstantis iuvenem indolis captum, æquissimo animo tulit, ut etiam cum in eculco ille torqueretur, paterque non procul abesset, ut exaudire exclamantis vocem posset, eodem tamen vultu fuerit, obijciebatur autem illi, Andreani Donatum tunc præfectum x. uiralis consilij domum noctu redeuntem lumenque præferentem eius consilio non longe à domo interfectum esse, quod postea falsum esse deprehensum est; alterum est, quod cum quatuor & triginta annos Reip. dux præfuisset uiuenti illi publico patrum decreto abrogata est dignitas, quam rem ille ad eod. patienti animo tulit; ut principis vestibus indutus; læta in primis fronte in maxima populi frequentia descendens ex palatio, domum redierit, cui superstiti, Pasqualis Maripetrus dux successit; quod antea nunquam acciderat.

Externa.

POTERAMUS & Veneta complura, & innumera alia ex Christiana pietate sumpta in hoc loco reponere sed à Valerij Max. vestigijs, quantum mihi licnerit, non abscedens aliquot externa subnectam, quæ patientiæ præcipuæ cuiusdam uirtutis in homine futura sint exempla, est enim hæc uirtus, non modo ueterum scriptorum, sed & recentium nostratium in primis testimonijs celebrata, quæ in aduersis maxime ferendis cum summa laude eminet, ab ipsa fortitudine, tanquam ab matre profecta, cum ita ferimus ea quæ nobis aduersa sunt, ut non frangatur animus, non exandescamus, non deum ipsum accusemus, quod nepharium sit, non homines, qui malum inferant conuicijs incensamus, sed humanæ conditionis memores, quæcunque euenerint, æquissimo feramus animo.

De Barbara uirgine Nichomediensi.

NON possum certe, non Barbaræ puellæ uirgini principē hac in parte deferre locum, quæ à patre Dioscoride deducta, nullis blandicijs nullisque minis adduci unquam potuit. nec à Martio prætorē, ut Christi pietatem negligeret, quod admiratus Martius, cohortationemq; patris etiam secutus, leuioribus primum tormentis, mox etiam grauioribus præ animi indignatione puellam ipsam affecit, ut modo pedibus suspensam, modo brachijs, nunc etiam uerbis subiecto interim igne conaretur illam, ab sententia auertere, sed nunquam barbaræ patientiam superare, uincere potuit, quin etiam læto vultu in patrem conuersa, ridentique similis patrem suum adhortata, ut à tanto in deum scelere temperaret, tantum abfuit, ut patrem filia lenicrit, ut illam propria manu interemerit; ò barba-

M rum

rum immanemque hominem dignum cuius nomen nullis monumentis unquam celebretur. est igitur Venetijs diuæ barbaræ meritò ara posita, quam sanctissime inuifimus, eiusque dies mortis nobis facer, ut ea potissimum die iuuenes aliquot patritij, in patrum principisque collegio forte extrahantur, qui in maioribus comitijs ius ferendi suffragia habeant, si modo uigefimum ætatis annum expleuerint.

De duabus Boemis mulieribus.

ACCESSERINT ad barbaræ uirginis memorabilem insignemque patientiam quæ ex animi uera uirtute profecta sit, duæ Boemiæ scæminæ, hoc in loco à me repetitæ, quæ præpostera quadam animorum obstinatione post Venceslai Boemorum Regis mortem, uarijs cruciatibus affectæ, nunquam reuocari potuere, ut Adamiticæ hæreseos obliuisci uellent hanc autem hæresim introduxerat Gallus quidam, hoc nomine ex Picardia huc profectus scelestissimam, & flagitiosissimam, qui se esse simulans adoptiuum dei filium, alterumque Adamum è cælo missum, qui suaderet hominibus ac scæminis, ut nudi omnino ingredi uellent, scæminarumque concubitus communis essent, cum innumeros in insula Linisij amnis coegisset, nunquam, ab incepto destitit, sed à Gisca cum suis omnibus oppressus, duæ tatum superstites fuere scæminæ, quæ asseruatæ propter partum, etiam æditis in lucem filijs, nunquam à tam pestilenti proposito uarijs supplicijs affectæ auerti potuere, donec mortuæ sui memoriam reliquerunt.

De Hieronymo Olgiato Mediolanensi.

TE VERO Hieronymus Olgiatus Adolescentem Mediolanensem uix duo, & uiginti annos natum, quam in parte reponam, planè nescio. Patientiam certe tuam, & in ferendis tormentis animi magnitudinem, non possum non maxime prædicare in cælumque tollere, qui publicè tortus in curru, cum duobus alijs coniuratis, nullum unquam signum turbati animi ædidisti, sed per medium à carnifice falce disectus facinus tuum & sociorum coniurationis laudando, animam expirasti, quod si pro Christiana pietate tuenda, aliquòve facinore honestiori suscepto tam forti animo te præstitisses, certè in diuorum nostratium numerum, referri iure optimo potuisses, sed quis laudaret legitimi principis interficiendi consilium abs te tamdiu initum esse? tantaque audacia tentatum, aut ut in templo, inter ipsa sacra cum Ioanne Andrea Lamponiano & reliquis ferro prælâm eum principem peteres, quo mortuo non terra Italia solum, sed uniuersa Europa mirum in modum turbata sit.

De duobus Iuuenibus Antiochenis.

QVIS vos geminos Antiochenos Iuuenes laudare satis unquam poterit? qui imperante Diocletiano dellati quòd Christianam pietatem foverent, quò uarijs tormentis torquerentur, nunquam adduci potuere, ut veritatem animis receptam unquam abnegarent. Cæterum quasi crederet impius præfectus si mitius ageretur, fore, ut desententia decederent, parato ingenti sacrificio, igneque de more accenso, eos ad Aras adduci iussit, qui ridentes conuersi ad sacrificij ineundi autores, non, inquit, facile uobis demonstrabimus in præsentia, quanta sit in nobis Christianæ pietatis uis, statimque iniectis in subiectum ignem manibus uterque, nò prius abstraxerè, quam carne, & ossibus eorum consumptis, nihil omnino superesset. quos tu igitur mihi Scuolas obieceris, quos regulos mihi iactaueris, quum duorum Iuuenum facinus tam memorabile legeris, quòque hæc nostratia euolueris exempla? quorum innumera manus tibi legendo occurret. ut quandoque mirari habeas temporum nostrorum calamitatē.

De iis, qui humili loco nati, clari euasere. Ca. III.

NVLLOS à me expectet hac in parte, ut patritij sanguinis uiros reputam, qui in tanta æqualitate simul iampridem agant, ut non possis tecum mirari in uno eodemque ordine tantam per tot annos concordiam, & in tanto ciuium nobilium numero summum semper tranquillitatis, & pacis studium, ut nemo ex patritijs obiectare alteri obscuritatem sui generis audeat, utar igitur plebei ordinis exemplis, qui secundus in ciuitate sit, ut eorum quoque posterì sua laude, gloriaque minime careant.

De Beltrando.

FUIT Marini Faletri principatu Beltrandus nomine, vir plebei sanguinis, sed tamen ipsi duci Faletro non mediocri familiaritate cōiunctus. quum igitur Dux ipse nefario scelere in patritium omnem ordinem (causas autem tanti sceleris tunc repetere, nec temporis, nec loci fuerit) coniurasset; ut ipse solus regnum potiretur, Beltrandum hunc ipsum conspirationis conscium, comitemque ascuerat. & quæ plebeis hominibus præfecerat, qui præscripta die in curiam uenientes, campani Aeri sonitu coacti in patricos omnes ferrum stringerent, omnesque necarent; hoc tam immane facinus Beltrandus, pridie quàm res pararetur, ad Nicolaum Leonem patritium, & compatrem suum detulit, siue penitentia ductus tam immanis ausu, siue spe maioris præmii illectus. ad hunc nuncium cōster-

natus leo diligentius Beltrando domi asseruato aliquot sanguinis patritii viros in priuatam ædem cogit, reque planè patefacta per indicem, decemuirum consilium uocat noctu, quorum autoritate statim innumera manus coacta, qui rei conscii fuerant supplicio statim affecti, tum summa luce dux ipse conuictus sceleris, dignitate ipsa primum est priuatus, mox & ceruices illi meritò publicè abscissæ; quibus omnibus riè confectis conuenientes ipsi partes Beltrando indici primum ueniam tribuunt: inde donec uixerit millenis aureis annuis donat, ædesq; illi Marini Faletri Ducis, ad apostolorum phanum dono dat, & (quod amplissimum erat) cum suis hæredibus in patritium ordinem est ascitus. cæterum dum quadam animi peruicacia, fastuque, patres ut ingratos passim accusaret sæpe admonitus, nec ab incepto desisteret in exilium moritur, qui dum locum ipsi non seruat præscriptum, illiriumque ipsum frequentius oberrat, tandem interfectus obiit.

De Raphaelæ Carefino.

MELIORE Fato, Fortunaque usus Raphael Carefinus plebeius, & ipse, primum in scribarum ordinem ascriptus, mox etiam propter singularem animi uim, & ingenii industriam, principatû ejus ordinis adeptus, tantum constantia sua, fideque reliquis præstitit, ut mox ab Andrea Constateno duce in patritium fastigium sint aduectus, gratissimusque in patres ipsos dum superstes fuit, feliciter non multo post obiit.

De Iacobo Parisoto.

QVIS non iure optimo dixerit Iacobum Parisotum duobus istis adnectendum, esse, qui, & ipse obscuro loco natus, dum puer adhuc nauticæ rei uacaret, paulatim per omnes dignitatis gradus in maritimis rebus euectus à Petro Mocenico clarissimo rei maritimæ imperatore in summum, principemque locum aduocatus, quem Arabico uerbo armiratum appellamus, ita se gessit, ut nullius post imperatorem ipsum clarius illustriusque nomen, in tota classe haberetur. huius igitur forti feliciq; opera Mocenicus imperator semper usus Caramanica expeditione contra turcas, sic excelluit, ut huius potissimum ductu, Corycos urbs Ciliciæ primum, mox seleucia ab turcarum manibus erepta, & cum ipsa Sichino aliisque aliquot castellis, prætereo morum huiusce facilitatem animique præstantiam, insignemque munificentiam celebremque in primis moderationem, ut nulla non laude dignus apud posteros habeatur; utinam superessent ex eadè familia qui testes huiusce tantæ uirtutis hodie uiuerent.

De Antonio Siculo.

TE VERO Antoni Sicule cognomento (ex ea enim insula oriundus eras) Venetijs ortum educatumque quis non maxime miretur, quum facinus abs te editum maxime memorabile acceperit? is enim maritimis artibus à primis annis imbutus, quum apud Calcidem ageret captus à turcis diu cum illis seruitutem passus erat, omniaque eorum publica, priuataque munia diligentius explorat. liberatus igitur à tam graui iugo lætus ad Mocenicum tunc clasis imperatorem adit, polliceturque illi sese paratum ad naualia incendenda, quæ Calipoli amplissima instructissimaque erant. versatum sese in ijs locis ad aliquot annos ea mente, & animo, vt Christianæ pietati, & Veneto nomini in primis prodesset, petere igitur se ab illo, vt paratis, quæ tantæ rei necessaria essent, sese dimitteret qua re cognita imperator structo statim nauigio venalibusque pomis referto (sic enim illi placuerat) superato facile Hellesponto Calipolim appulit mercatorisque personam simulans, qui ea poma venderet, aliquot dies cuncta perlustrans tandem noctu perfracta naualis ipsius porta ignem secum, & picem deferens magnam partem armamentarij eius incenderat quum vigiles turcæ tectorum fragore, flammæque sonitu excitæ, cō conuolant, quod quum ille cognouisset, statim correpta fuga ad nauigiū redijt in aduersam Hellesponti ripam nauigaturus. Cæterum imprudens correpto nauigio picis incendio, quæ supererat, non nullis flammis pereuntibus enatando cum aliquot euasit, in proximaque sylua se abscondit, interim quum turcæ incendij authorem perquirerent facile enatantibus pomis nauigijque reliquiis coniciunt hunc vnum fuisse, qui tantum facinus patrasset, quem statim infecuti per proximam syluam vegistiis exstantibus, captum ad Subbassam adducunt Calipolim, quem ille ad Othomanum principem deducendum quamprimum curat, ratus non muneris esse sui, vt in hunc ipsum animaduerneret, ad hunc igitur adductus, interrogatusque cur tantum facinus ausus esset, magna animi constantia respondit, mirari sese, qui ex Christiano homine hoc quærat, an nescis inquit re vnum esse, quem Christiani homines merito summo odio persequantur omnes? an vero dissimulare potes acerrimū tuum in nos odium? qui pietatem nostram tot annos crudelissime insectare? qui tot regna tot vrbes nobis ademeris? qui tot populos tot gentes interemeris? qui denique nostræ pietatis finem vnum tantum cogitas? in tuos quoque ipsos summa immanitate princeps. cuius orationis vim iam non ferens tantamque indolem in vno iuvene admiratus disiectum medium interfici, in publicumque proici iussit, hac re cognita senatus Venetus & superstiti fratri annum stipendium statuit, & sorori, quæ Venetiis agebat, dotem imprimis honestam annumerari uoluit.

De Maumethe .

NON possum certe sine grauissimo, & acerbissimo dolore animique cruciati scelestissimi, & flagitiosissimi hominis ad præsens meminisse: quippe qui nulla uirtutis specie, sed dolo, pessimisque artibus tantum sibi nominis, & celebritatis vendicauit, ut non Asiæ solum, & Aphricæ vniuersæ; sed & magnæ Europæ parti persuaferit pro Deo se esse colendum. is vero inter Arabas obscurissimis parentibus ortus, tum à puero ducendis, locandisque Camelis, operam impendens, viduæ nuptiis auctus Sergium nostratem monachum sibi forte adiunxit, à quo uno persuasus, nos de Christo ridicula proderet: Iudæos vero; qui tum late uagabantur, maxime impios, qui innocentissimum virum supremo supplicio affecissent, sic ad regnum gentis primum aspirauit. quod ut facilius efficeret, diuinitatem simulandam sibi duxerit. duplici igitur hac arte usus, facileque leuissimæ primum omnium genti re approbata, armis coacta latronum manu principatû gentis; in qua natus erat occupauit, hinc copiis auctis bellum in Persas mouit, ut tamé prima acie victus, tum sænitharum Arabum opibus adiutus, qui ab Heraclio Byfantino principe descuerant, victor. Tantum iam illi imperii fortuna elargita est, ut non solum gentes omnes ad orientem positas ditioni suæ subegerit, sed hac tanta labe vniuersum orbem infecerit, qui tandem inter scorta versatus assidue, ueneno cõsumptus esse creditur, in quo homine, nescias quid potissimum admirare, calliditatem primum ingenii, & uasritiam, an gentis illius tantam stultitiam, an nostrorum principum (quod uerius sit) negligentiam, atq; socordiã, qui ingrauescentis tanti mali primordia non perspexerint, aut adultam tantam orbi labem armis (quod facile factu fuerat) tum oppræsserint.

De Tamberlane Scythia .

ECCVIS non secundo loco, cum Tamberlanis nomen, opesque audierit, non maxime miretur, fortunæ in hominum genus debacchantis lusus, certum enim exploratumq; est hunc puerum in Scythia inter pastores editum, educatumque, qui adolescens ætate persuasus illis ut pecora venderent, armaque fumerent ingenti mox eorum manu succintus, quam omnem, iure iurando interposito, sibi obstrinxerat, proximas vrbes occupauit, tamen Persarum regnum inter fratres diuisum, auctis mirum in modum rebus suis. oppressisque etiam astu, & dolo regis fratribus, adeo suû imperium auxit ut oriente breui subacto 1xx. milium militum numerû in castris semper expleuerit, Paxaitique Turcharum principi congressus ad stellam montem, qui maximis copijs illi occurrerat, memorabili prælio

lio uicerit, cæsis omnibus eius copiis, eoque capto, quem in cauerna adseruandum ita uoluerit, ut eo adducto quotiescunque equum conscenderet, collum eius pede premeret Marcantam postea urbem à sese perfas conditam innumerabili hominum multitudine repleuit, illud interim prætere minime debeo, moris illi fuisse, ut quotiescunque urbem aliquam inuaderet, ut primo die tentorium album exponi sibi iuberet, quasi uero significaret deditibus sese ciuibus nihil omnino nociturum quod si in alterum diem facere neglexissent, tum rubrum tentorium exponi curabat, veluti sanguine omnia repleturus, quod si in tertium etiam diem obstinati perstitissent nigrum fumosumque explicabat, veluti igne, fumoque quicquid superesset consumpturus, quod diligenter asseruari perpetuo uoluerit, huc adde C L. annos vix expletos quibus ille tantis præfuerit rebus nec sobolem tanti imperii in posteros suos transmisisse.

De Othomano primo Turcarum principe .

E T S I prior ætate Othomanus fuerit, non indignabitur tamē se Tamberlani postpositum, hic enim agrariis parentibus ortus principio generis obscurissimo breui tempore latronum in Bythinia, quæ sedes illi fuerat, comparata manu vexare proximum quemque cepit, mox etiam Castellum exstruere haud longe à Prusia ausus, tantas vires sibi absumpsit, ut Græcorum etiam rebus infestus, partē multò maximam Asiæ ad se suosque traxerit. Orchanique filio post xx. & VI. imperii sui annos hærede relicto, ingētes opes, & Bythinia ferme totius sceptrum reliquit id, quod secundo Cæsarum nostratium libro legere etiam latius poteris.

De Sfortia .

I V C V N D I V S & legent alii hæc nostratia, & ego in hisce referendis maiore cum uoluptate certe uersabor, nec uero uetustissima terræ Italiæ decora repetam, sed quæ auorum nostrorum memoria clara illustriaque sunt habita posteritati lubens tradam. dedit igitur exordium Iacobus Mutius Cotoniolæ natus, quod oppidum togatæ galliæ iuxta æmiliam uiam hodie quoque uisitur, obscuris parentibus, rusticæque uitæ assuetis, qui militarem secutus artem adhuc iuuenis robore corporis inuictus, in quo uis præcipue uulgata esset Sfortia ab omnibus inde dictus, Sfortianæ familiæ postea cognomēto indidit. is sub Boldrino prima stipēdia faciens qui tunc in Italia clarus, illustrisque militiæ imperator esset, breui sic euasit magnus, & celebris ut ad Ioannam Reginam Neapolitanam profectus post Baldrini mortem, breui ab eadem copiis omnibus præfectus sit regnum ita foeliciter administravit, ut partis ex hoste trophæis amplissimis

mis multis ab ipsa oppidis in Appulia sit donatus, cuius regnū quoad illa vixit, Sfortięque paruit fœlix sit habitum. celebris igitur aliis atque aliis victoriis, Francisco filio relicto, qui paternæ uirtutis æmulus mediolanē sem principatum primus adeptus est, dum ad Ternum amnem transfret aduersus Brachium contendens submersus interiit.

De Francisco Carmaniola.

NON possum certe Franciscum Carmaniolā præterire sic appellatum, quòd agrario patre suiloq; gregi intēto æditus sit iuxta Carmaniolam oppidū: qui Philippo Mariæ Mediolanensi principi carus imprimis fuit. nā militari re tā clarus illustrisq; habitus est, tæsti adolescens, bouibus reliquoq; pecori alendo intentus, primū, vt ab ipso Philippo Duce imperator creatus breui imperium illius mirum in modum auxerit, & ornarit, nec à pacis studiis abhorrens, compositis bellis Genuæ, vrbi cum summa sua laude præfuerit, unde tantum inuidiæ flamma mox in illum inualuerit, ut inconstantiam principis veritus relicta etiam Mediolani vxore ad Venetos transfugerit, autor præcipuus apud Venetum Senatum belli aduersus Philippum suscipiendi, qua de re tunc in primis agicaretur. præfectus ergo vniuersis copijs imperatoris nomine in Philippum mouens, clarus multis victorijs, & præcipuè Maclo diensi trophæo insignis, quū in suspicionem venisset quasi reconciliata gratia cum Philippo, iam ad illum pararet transfugere captus, Venetiasq; ductus pœnas meritas dedit supremo supplicio ab ipsis Venetis affectus.

De Nicolao Picinnino.

QVIS diuinam prouidentiam in rebus humanis omnibus non præesse fateatur, quum acceperit Nicolaum Picinninum de breuitate corporis sic cognomento dictum, qui Lanio patre apud Perusium æditus, cuius etiam ignoretur nomen, tantum postea militari laurea clarus euaserit, vt nescias quem illi præferre in hoc genere possis, nam & in Hetruria aduersus Florentinos, & in Vmbria Picenoq; contra ipsum Franciscum Sfortiam, eūdemque in Cisalpina Gallia Venetorum imperatorem sic se gessit, ut quauis variante interdum fortuna omnium iudicio rei militaris peritissimus haberetur, vt planè principatum illi tribuerent, qui tamen postea post exanclatos pro Philippo principe immensos labores, ut parum absuerit, quin Philippus ipse imperium amitteret, ni Picinninus ipse ad maxima quæque audenda ardens Philippi rem sustinuisset, qui mox ab eodem alienatus mori ipsum Picinninum Mediolani cœperit.

De Ioanne octauo Ro-
mano Pontifice.

PRAEERVNT omnino sacrae res (ut par est) prophanis. sed quando earum rerum commemoratio postremo loco repetita legentium memoria tenacius inhaeret, faciliusque insidet, & admirationem multo maiorem cogitantibus affert, nihil ueritus ultimū locū hac in parte his attribuerim. occurrit igitur primus Ioannes V. Romanus Pont. qui sexum uirilē mentitus; mulier nanque apud Anglos nata erat, Athenasque cum amatore suo profecta virili habitu sumpto, mirum in modum in omni literarum genere profecit. unde mox Romam cōtendens, quum disputando sepeque orando magnam sibi ingenij, & eloquentiae famam comparasset, mox in locum quarti Leonis summo omnium Cārdinalium studio subrogata annos duos, mensesque quatuor uixit, non sine omnium stupore, donec facta grauidā, dum circumuenta doloribus, diui Petri Basilicam peteret iuxta Neronis Colosseum peperit, tanta pop. Ro. acclamatione exortata mbricentem statim loco, exaugurato collocarint, variant tamen uti video scriptorum multorum sententiae, qui ne Pont. dignitati detractum aliquid videatur, factum hoc constantissime pernegant.

DE Ioanne XXII.

Pont. Max.

NON est; quod in hoc Pont. fallaciam aliquam, muliebrēmve astum affore suspicemur, certe tamen inter Gallos cerdone patre natum nemo negauerit: qui tenuiter educatus mox apud diuersos praeceptores ingenij felicitate excellens iuxta clarus apud omnes fuerit. hic pontifex creatus apud Auenionem cum Ludouico Bauaro Imperatore Germano apertas inimicitias exercuit, dirisque Pont. persecutus est, quod ille se imperatorem citra suum assensum diceret, varie tamen iactatus, aliquot pseudo pontificibus à Ludouico in eius locum suffectis, quū multos sibi uitę promitteret annos, recentis cubiculi ruina oppressus, pontificiae dignitatus octauo mense interijt, non sine ingenti labore inter ipsas ruinas uiuo adhuc inuento.

De ijs qui à Parentibus clâris dege-
nerauerunt.

Caput.

V.

De Baiamonte Teupolo.

NON possum non sine ingenti summaque animi molestia mei, in præsentia meminisse viri huiusce patritij sanguinis, duceque patre orti ad tantum facinus animum adiecisse, ut libertatem patriæ opprimeret tyrannideque eam sibi vni vendicaret. cæso clarissimo omnium duce, cæsisque senatorij ordinis viris serè omnibus, qui sibi obistere auderent, ut merito hunc alterum Catilinam dixeris, qui tam clâris maioribus æditus, ab eorum nobilitate degenerarit & (quod magis quis miretur) non defuerint multi patritij ordinis, qui Baiamuntem ipsum autorem tanti sceleris secuti sint. is igitur certa die aream marcianam magna manu ingressus principem ipsum & reliquos patres obuiam habuit, qui rem totam antea rescierant, qui constantissime illi occurrentes adiuti etiam Vgolini Iustiniiani, Clodii prætoris opæra, quæ cum multis Venetias aduolarat, fortissime pugnarunt, eo igitur fuso, fugatoque cæsisque non paucis nobilibus libertas in suo gradu constitit, qui postea supplex facti tam nefarij petita venia reliqui; omnes, qui conscij fuerant partim securi subiecti, partim perpetuo exilio damnati.

De Marino Faletro duce.

QUIS verò, non maxime Marini Faletri Ducis simul admiretur, & doleat, qui absens Dux creatus in Andræ Danduli locum, dum legati munere apud Pont. fungeretur, Venetias rediens summo omnium gaudio exceptus est. inito igitur principatu non multo post leuibis sanè de causis nefarium consilium iniit, sui muneris oblitus, simul & memoriæ Clarissimorum vitalis, & Ordelaphi antea Faletrorum Ducum, ut patriam libertatem opprimeret, solusque ipse cæsis patribus regno potiretur, quæ res diu occulta tandem per Beltrandum plebeium alioqui hominem, coniurationis

rationis unum & ipsum conscium, & autorem ad Nicolaum Leonem Patricium primis tenebris defertur, qui statim rem tantę atrocitatis audiens & Marco Cornario, & Iacobo Contareno ad se uocatis omnia pandit, quorum consilio, & decem uiris quam primum adhibitis & magistratibus non paucis in priuatam domum conuocatis, coniurationis capita ex plebeis quam primum non pauca capiuntur, supremoque supplicio his affectis ad principis ædes conuolant, quem & ipsum capitali pœna damnant, nec multo post patritij ordinis aliquot, & reliquis multi rei conscijs partim exilio, partim morte damnatis, tantum patrię ocium, quietemque restituit Marco Cornario Rempub. ducis nomine ex publico decreto gerente.

De Beltrando.

N V N Q V A M certè plebeium hunc hominem huc inferuissẽ, nisi quod suo indicio Marini Faletri Ducis facinus detexerit, ueniaque impetrata quando consilij particeps fuisset, donatus sit in singulos annos mille nis aureis, & ædibus ad Apostolorum ædem, ducis ipsius magnificentissimis, insuper (quod maius fuit) in patricium ordinem ascitus est, quod quum ingrato planè animo accepisset, palamque ut ingratisimos mortaliũ patres accusaret, sæpe admonitus uti incepto desisteret, tandem sui propositi pertinacissimum in exilium ad decem annos Ragusium reicere, quod quum ille minus seruasset in Pannoniam iter intendens interfec- tus esse dicitur. huius exemplo facillè admoneri quiuis potest multis sæpe mortalibus id accidere solere, & præcipue ijs, qui obscuro loco nati sunt, ut fortunam sibi nimium aridentem ferre nequeant.

De Constantino Cauascia.

PLEBEI sanguinis hominem, nūc quoq; superioribus adijcere non dubitarim, qui in scribarum ordinem ascitus, mox decem uirorum consilio prepositus minime ueritus est publica consilia publicis hostibus prodere, qua re à patribus explorata, ipse sui conscius maturius fugā arripuit, quem adhuc superstitem esse audio. indignum planè Cauascia familia, & parentum suorum quamuis popularium laude, indignissimum certe eo scribarum ordine: ut quum Andreas Grittus, qui eo die absuerat, decem uirilibus arcanis illum esse præfectum audisset, melius, inquit, cum eo actum esset, si collo laqueum inuoluissent.

EXTERNA.

De Francisci Sfortiæ filijs.

VENDICAVERIT sibi iure optimo principem locum hac in parte Franciscus Sfortia, qui Mediolani principatum Philippi Soceri sui morte legitimis hæredibus vacuum propria virtute recepit, ipsumque principatum usque ad mortem sic suis moribus, domesticaque disciplina, suis carus, cæteris admirandus ad multos annos rexit, ut non facile dixeris, quem ueterum, aut recentiorum principum, siue regum illi præponere possis. bello enim longe clarissimus dux, semperque ex hoste uictor adeo clarus extitit, ut dictatori Cæsari par, Marcello ipso superior fuisse uideri posset: pacis autem artibus domesticaque disciplina adeo illustris, & celeberrima, ut exemplis suis virtutes omnes pietatem scilicet, & prudentiam iustitiamque ipsam, fortitudinemque animi exornasse, auxilisque uideri possit, ut quicumque optime principatus, imperiaque regere student, hunc unum sequi & imitari debeant: sed quis liberos eius siue Galeacium illius successorem, siue Ludouicum, Mediolani etiam ducem hoc parente dignos censeat? nam & Galeatius libidine furens, nullaque virtute excellens, merito ab Andrea Lamponiano cæsus in templo uideri potest, & Ludouicus nulla religione, nulloque pietatis studio, susus, fugatusque à Ludouico duodecimo Francorum rege, captus denique amisso principatu inter Francorum custodiam obiit. nec uerò Alexander Pisauri princeps quamuis militaris rei studiosus dignus hoc patre numerabitur, de cæteris præter unum Ascanium quid dixerim nescio, nanque in maturo fato iuuenes functi mortisque acerbitate, uariisque casibus iactati, nulla paternæ virtutis uestigia posteris relinquere potuerunt.

De Alphunfo Rege eiusque liberis.

VT Hispanis sanguinis Alphunsum regem, quispiam fortasse dixerit non indinabitur tamen Italia hunc nnum veluti alumnum suum ad sese trahere, nanque Neapolitanum regnum adeptus fuis, fugatisque Gallis, talem sese principem in illis terris gesserit, vt Christiana pietas, verèq; religionis cultus in eo semper excelluerit, nam de eius iustitia fortitudineq; animi, liberalitateq; cæterisque virtutibus, quis unquam dubitare potuit? verum Ferdinandum eius filium licet non legitimo matrimonio natum, regemq; mortuo illi successum, quis in album patris illum vnquam retulerit? aut quis dignū Alphunfo patrē iudicauerit? nisi si quis eum regni successorem asserat, cuius filius Alphunsus haudquaquam auo similis tandem à Gallorum Rege Carolō vita regnoque priuatus est.

De Ludouico Pio Gallorum Rege.

ENITVERE certè in hoc ipso Rege præcipue quædam animi dotes, vt magni Caroli sobolem in eo vno agnoscere possis, vnde præter cætera pij cognomentum sibi a sciuerit, huius verò liberi, & auo, & patre dissimiles nulla non infamia notari possunt, quippe qui patrem suum in custodia habuerint, exutūq; regno clausum tenuerint duriori custodia, donec fremente vniuersa Gallia, & Germania inuicti tamen patrem liberum dimiserint, qui recepto regno multis virtutis exemplis abundarit Stephano & Pascali pont. maximis ad sese venientibus tanta benignitate, & munificentia receptis, vt in hodiernum vsque diem constans memoria benefactorum illius duret.

De Henrico tertio.

NON accusauerit me, vt opinor Germania mea si Henricum tertium in hoc albo reposuerim, qui Henrici secundi filius quum patrem clarissimum Imperatorem fortitus esset, à patris vestigijs discedens, quamuis militari laude longè celeberrimus omnis humanitatis, & pietatis expers, crudelem immanem in omnem sese exhibuit, qua immanitate vsque ad eum præstitit, vt Henricus eius filius arma summere in eum sit coactus, captumque à se patrem perpetuo carceri mandare, in quo & mortuus est, de quo latius in cæsaribus nostris libro tertio egimus.

De Vinceslao Boemiæ Rege Caroli quarti filio.

N E C ipsi mihi Boemi, nisi fallor, insultauerint grauius, si Vinceslai Regis eorum, Germanorumq; Imperatoris hoc in loco meminero. is auo patriq; haudquaquam similis, nec quicquã eorum indolis referens, quum imperij res omnes negligeret, luxuiq; delitijs totum sese dederet, primum à Sigismundo fratre tum procerum omnium acclamatione, qui ferre tam ignauum principem non possent; imperiali dignitate priuatus est subrogatusq; illi Robertus Bauarus principum omnium consensu.

De fiducia sui. Cap. VI.

De Petro Zeno.

N V N Q V A M sanè dubitauerim Petro Zeno in hac parte laudis principem locum tribuere, qui maritimæ rei Imperator cû pontificio legato Smyrnam clarum olim Homeri natalibus oppidum, & totius Ionix olim caput, tunc à turcis cum reliquo tractu Asiatici littoris possessum, non dubitauit aggredi, quin etiam turcis ipsis congressus, qui occurrens magno agmine uictor acie, urbem quoque ipsam expugnarit, in qua ipsa quum diutius moraretur publicæ rei causa, dum litatorio sacro interesset, nihil sibi metuens iussis militibus suis occurrere tumultuantibus turcis, nunquam adduci potuit, ut sacrum ipsum defereret, quare à magna turcarum multitudine suis oppressis hostem insultantem, in templumq; irrumpentem non extimuit, itaq; quum pontificio legato superante eorum multitudine in ipso templo cæsus Deo opt. max. gratiam agens alta uoce, expirauit.

De Carolo Zeno eius filio.

P A T E R N A E uirtutis æmulator Carolus, quum à Senatu reuocaretur ex Græcia ut laboranti patriæ præsens opem ferret, haud quaquam dubitauit patriæ mandatis obtemperare, & hostem ligurem quocunque posset incommodo interim afficere. itaque magna sui fiducia redijt, & ut Clodia urbs facilius sua opera expugnaretur Bichinioniæ naui Ligusticæ, omnium ea tempestate longè maximè cum suis triremibus iam expugnare non dubitauit. Quare scèlicem sortitus euentum longo, cruentoq; certamine fatigatus, in super etiam uulneratus ad Andream Contarenum Ducem reliquosq; patres adnauigauit, magnaq; ui auri argentiq; quam ex ea naui capta cœperat, quum Principem & Senatum donasset, inde sua uirtute, & ingenti fiducia dux & auctor fuit, ut expugnata Clodia sua

sua in primis opera & consilio ligur hostis victus leges à Venetis accipere.

De Andrea Contareno Duce.

DE BENT Venetiæ multis varijsque nominibus ipsis ducibus, qui octingentesimum iam ferè annum Reip. magna sua cum laude presuerunt, sed duos in primis omni memoria dignos censuerim, Petrũ videlicet Gradonicum, qui Teupulanam coniurationem quasi improuisam sua virtute oppresserit, & Andream Contarenum, qui varijs à regibus & principibus vexatam Remp. & a ligure hoste penè oppressam capta expugnataque Clodiæ, ingenti fiducia liberarit. Quis enim nesciat nostrarũ rerum scietis, absentem illum, & inuitum ducem esse dictum, & post varias ingentesque clades, quas Resp. passa est, principatum in sui vestigio stabilitum, ut certe auctor esse possum & natalis vtriusque Ducis publicè per annum celebrandi, & eius diei sunus perpetuo colendi. Nam septuagenario maior Andreas minime dubitauit classi vniuersæ præesse, & sequente in primis hyeme, Clodiam obsidere, in qua octo millia Genuensium erant, qui eam tuerentur, qua tandem potitus Vrbe ductu auspicioque suo Cal. Iulij in urbem victor redierit, pace cum omnibus hostibus firmata.

De Petro Gradonico.

E RIT & suus Petro Gradonico Duci iure optimo locus, qui summa fiducia vsus, quum repente nunciatum illi esset, nihil tale expectanti, Baia montem Teupulum crastina die in arcem marciamam defensurum, armatorumque ingenti manu ducem & reliquos patres interfectorum, ut ad se vnum patriæ tyrannidem traheret, missis statim nuncijs per urbem ad patricos euocandos, & literis ad Iustinianum Clodiæ prætorem scriptis, ut quam celerrimè fieri posset, præsidio libertati esse vellet; ea fiducia Baia monti aduentanti occurrit, ut eo victo, caesisque non paucis Reip. dignitatem & charitatem vnus sustinuisse videri possit.

De Francisco Foscaro.

C E L E B R I S est nostratium rerum monumentis, & aliorum scriptis ad Caruagium clades, quam Franciscus Sfortia Mediolanensium Imperator nobis intulerit, longe calamitosissimam; nam & fugatus noster Imperator, & capti legati duo, qui castris præerant patritij ordinis ex more, & vniuersus exercitus fusus profligatusque est, quam paucissimis omnino fuga seruatis. Id quũ Venetias nunciatum esset, tantum abfuit, ut in consternata ciuitate Foscarus ipse Dux præcipue Gallici belli auctor concideri

ciderit animo, ut statim aduocato senatu uestem purpuream indutus, vultu etiam lætiore, magnaque auri ui profusa, patres ipsos sit adhortatus, ut nequaquam humilioribus animis, aurum & argentum domesticum, & ipsi in publicum offerrent, fore pollicitus, ut intra triduum Venetæ copiæ recuperarentur omnes, memorabili tamen euentu, quâdo Franciscus Sfortia victor, pacem à Venetis petierit, & Mediolanensium principatum Venetorum in primis opera adeptus sit.

De Leonardo Lauretano Duce.

EXTANT adhuc plerique superstites, qui constanti fide dicere testimonium poterunt Lauretano principi, quanta fiducia fuerit illius, quum nuncium tam sedæ claris accepisset, qua ab Ludouico Gallorum Rege iuxta Abduam amnem affecti sumus, ut certe si quis secum animo reputet & Veneti principatus dignitatē ea tempestate, & reges omnes Christianos & principes, & Iulium secundum pontificem irarum in nos plenum, non possit non in primis commoueri animo, ad tantam rei nouitatem, atque etiam secum tacitus admirari principis egregij uirtutem; boniq; euentus, qui postea subsecutus est, fiduciam. Nam quotquot prius habuerant ciuitates intre togatam Galliam & Venetiam omnem cum ipsa Vrbe Patauio amiserant Veneti, & in Piceno Arimino Rauennaque & ipsa Fauētia pontifici restituta, Appuliaq; magna ex parte à Ferdinaado Hispaniarum Rege recepta, uix spes erat, etiam Patauio recepto maioris alicuius imperij in posterum futuri; cæterum fuit ea principis Lautetani fiducia & uirtus egregia, ut tandem recuperato magna ex parte imperio, feliciter in hunc usque diem res Veneta sibi constet. Ipse quidem memini ad tam horrendæ cladis nunciū totam noctem attonitum constitisse peruiigilem, meminere, & alij, qui oppugnatam urbem Patauium a Maximiliaoo meminere, principum etiam Christianorum præsidij fulto, sunt qui sonitum tormentorum in Patauina mœnia ad arcem usque marcianam exauditum in hunc usque diem horreant, qui hostes ipsos ad Margarjam uicū insultantes, non sine ingenti trepidatione ex vrbe uiderint.

De Aloisio Molino diui Marci Procuratore.

QVIB in presentia Aloisij Molini fiduciam memorem? quam salutaris illa, quam auspicata Reip. nostræ fuerit? Veneti enim intra quartam & vigesimam diem, (quod animus meminisse horreat) omne continentis imperium continuata clade amiserant, ut iam tâtis ellatus uictorijs hostis Venetijs ipsis insultare uideretur. Perterrita ciuitas, recuperandi in posterum imperij animum planè desponderat. Vnus hic in tanta rerum omniū
pertur-

perturbatione ingenti fiducia de vrbe pataui recuperanda (quippe quæ vna recepta afflictas Venetorum opes multum subleuare posset) sententiã dixit, qua senatus ac reliquæ ciuitatis animos mirandum in modum erexit, misso igitur Patauũ Pitiliano Imperatore res fœlicissime cessit. Vt ne mo certe dubitare possit hæc illi tantam animi fiduciam, ad Venetam rem ferè colapsam reparandam dei Opt. Max. numine infusam.

EXTERNÆ.

De Attila Hunnorum Rege.

AFFUIT certe Attilæ Hunnorum Regi ingens sui fiducia, nam coactò primum ingenti exercitu ad ducenta & amplius armatorum millia, quæ Galliam ipsam inualisset, uictusq; ab Aer Romanorum duce in campis Tolosanis esset, non dubitauit tamen reparatis non minoribus copijs Italiam ipsam inuadere, cuius vniuersæ imperio facile potitus esset, nisi interuentu Leonis Ro. pontificis territus potius, quam persuasus ab incepto destitisset, vt tamen vniuersam Venetiam, & vniuersam Carnorum oram fœdissime uastarit, Aquileia ipsa vrbe clarissima per triennium obfessa, & ad internicionem carniū ciuium expugnata & capta.

De Carolo Magno.

NEC minor quidem Caroli magni extitit fiducia sui, qui inuitatus à Romano pontifice nimium Langobardis infesto, propter eorum insolentiam non est veritus in Italiam descendere eo animo, ut Langobardos ipsos omni Italia expelleret, quæ vniuersam Italiam ducentos & amplius annos armis uicerant, atque domuerant, quod inceptum fœlici suecessu non tamen sine periculo & graui labore capto desiderio rege, expugnataque Papiæ fœliciter tandem illi suecessit recepta omni ferè Italia & pace Romanæ ecclesiæ restituta.

De Genuensibus & Pisanis.

QUIS nescit in ipsa terra Italia geminas olim fuisse ciuitates Pisas videlicet Hetruscas & Lygusticam Genuam, quæ inter se finitimæ, vtraque tamen ingenti sui fiducia mari & terra bella diuturna gesserint. Cæterum illud memorabile de vtraque proditum, quod cum millesimo & ducentesimo sexagesimo secundo a partu virginis anno dissidere animis cœpissent, summoque apparatu vterque populus bellum instrueret, missi sunt a Pisanis Genuam exploratores, identidemque factum a Genuensibus est, quæ res cum manifesta utrique esset, nec ipse lygur fiduciæ plenus, nec

O Pisanus

Pisani populus dubitauit exploratoribus ipsis omnia manifesta facere, in apertoque esse, itaque certatum vtrinque est magnis diu uiribus, incertoque Marte, tandem ab utroque populo discessum est.

De Gisca Boemo.

S I Q V I S forte legit Aenæ Syluij libros, quibus ille res Boemicas satis eleganter est complexus, cum alia mirabitur, tum Giscae imperatoris nomen menti infixum perpetuo fuerit, qui clarus multis ex hoste uictorijs & utroque lumine postea captus, suisque etiam suo ductu, profligatisque magnis imperatoribus summam sui fiduciam moriens prætulit. Nam interrogatus a suis cuius auspicijs militare post mortem eius possent, ne Hussitica hæresis laberetur, quam tanta virtute fiduciaque in cum usque diem seruasset, id responsum interrogatibus reddidit, quo certe nemo imperatorum, qui in re militari excelluissent, unquam sit usus, excoriate, inquit, me mortuo cadauer hoc mecum, & tympanum uobis ex hac ipsa cute conficite, quo in prima acie semper utamini sonitumque ingentem excitetis, neque vtro metuendum est uobis, ubi primum hostis audierit, ne in suam conuertatur.

De Philippo Maria Mediola. Duce.

N E V E T V S T I O R A exempla repetam, externaque Boemicaque enumerare facit Philippi Mariae Mediolanensis ducis ingens fiducia, qui Venetis, Florentinisque alijsque principibus bellum sibi indicentibus, nisi a Florentinis ipsis uiolandis abscederet, tales spiritus eamque sui fiduciam retulit, ut bellum forti animo indictum susceperet, sepeque etiam memorabili euentu victor euaserit, quod si duces inter se concordibus animis Piccinninus videlicet Sfortia & Malatesta gessissent, facile potuissent imperij sui fines augere, & hostes suos retundere.

De Blasio Acsareto Genuensi.

H A V D certe dixtis quid in Blasio Acsareto Genuensi tantum excelsuerit, ut Genuensis populus hunc obscuro loco natum, fortunaque etiam inter tabularum scriptores uersatum clasi suæ aduersum Alphunsum regem Caietam obsidentem præfecerint, posthabitis tot claris, illustribusque uiris, quibus ea ciuitas semper abundauit, rebusque maritimis præcipue excelluit. præfuit tamen ille & Alphunsum Regem, illiusque fratres prælio memorabili victos fusa fugataque eorum classe Genuam captiuos adduxit, & ne maiore fiducia pugnasse illum censeas, Alphunsi oratoribus

missis

missis ad se, qui id maxime cuperent, vniuersam classem diligenter inspicundam præbuit, quin etiam & illud addidit naues aliquot plenas esse in sua classe pretiosis mercibus, quas si seipso ab Alphūso Rege uicto capisset, uberiorem uictoriam relaturus esset.

De Constantiā. Cap. VII.

De Francisco Foscaro.

EST hac certe virtus inter cæteras haudquaquam contemnenda, quæ in summis periculis sui specimen maxime illustre, & celebre efficiat. Hac igitur in Francisco Foscaro Veneto duce illuxit, cui abrogato principatu, (quod nunquam antea euenerat) nulla alia sua culpa, nisi quod cum plures annos præfuisset Reip. iam senio confectus parum idoneus ei gerendæ videretur, constantissime uultuque penè ridenti purpuræ etiam ueste indutus ex palatinis ædibus, vniuersa inspectante urbe, eumque etiam admirante descenderit, Foscareasque ædes suas ad diui Pantaleonis cupienti similis inuiserit.

De Carolo Zeno.

NON possum non & Carolo Zeno (tametsi non seruata temporum ratione) tantæ virtutis testimonium perhibere, qui ab inuidis accusatus quasi pecuniam a Carariensi principe dono acceptam in publicum non retulisset ærarium, carceri inclusus ea conditione, ut ueniam petere posset, nunquam tamen adduci potuit, ut id per biennium faceret, quo toto inclusus vixit, adeo innocentia ipsa constantiæ iuncta securum intrepidumque reddebat, conscius sibi & pecuniam mutuam ab eo acceptam & exulanti illi, quū in Gallia Cisalpina ageret optima fide persolutam, quū ipse Carolus Mediolanensem principatum, Galeacio duce ita uolente suis penè auspiciis regeret.

De Antonio Grimano.

HABEBIT & ætas nostra uirtutis huiuscæ laudem in Antonio Grimano rei maritimæ imperatore, quem in ordinem redactum suffecto illi Melchiore Triuisano, captiuumque & nexum Venetias deductum nos & cæteri omnes vidimus, dum carcere includendus esset, tanta animi constantia præstantem, ut uix filium Cardinalem agnoscere videretur, qui patrē adhortaretur, ut hanc ipsam calamitatem forte animo ferret, nec dubitaret, quin in comitiis egregie defensus dignitatem suam locumque retineret pristinum, filio respondit, ego nihil hoc tempore aliud cogito, quàm ut respi. iure suo & legibus utatur; nec uero multo post in exilium missus

magno animo etiam casum illum tulit, ut tamen uiolatis exilii terminis Romamque ad filium cardinalem proficiscens, non multo post sit patriæ restitutus, & procuratoria primum dignitate donatus, mox etiam princeps declaratus sit, quo exemplo nescio an aliud inueneris memorabilius.

De Andrea Gritto .

D E D E R I T & huius uirtutis exemplum memorabile Andreas Gritus, qui a primis annis à turcis Byzantii carceri inclusus Venetias postea liber solutusque veniens, magnis honoribus functus, uariisque casibus aduersa reip. fortuna iactatus, à Gallisque Brixia captus eodem semper uultu animique uigore sit uisus, donec procuratoria dignitate & ducis sublimitate donatus, princeps decē & sex annos per summam cōstantiā egerit .

De Dominico Triuisano D.M. Procuratore.

N E M O mihi ascripserit, uel mendacii crimen, uel adulationis suspicionem, si Dominico Triuisano procuratori Viro admodum insigni, & amplissimis honoribus continuata serie perpetuo functo, deque me optime merito, illique ipsi imprimis familiaris hoc testimonium præbuero : quem certe per immortalem Deum testari possum triginta & amplius annos eodem semper uultu tenore à me uisum, nec rebus publicis adeo secundis elatum, nec priuatis aduersis fractum, filiis aliquot immaturo fato etiam amissis, quin literis latinis semper plurimum deditus, ut quicquid illi priuati ocii, aut publici superesset, ueterum monumentis lectitandis impenderet, donec post rem maritimam imperatoris titulo sceleriter (ut tempora ipsa ferebant) administratam, domum reuersus octuagenario maior nequaquam mutatus decesserit relicto superstitute vno filio, Marco Antonio, qui & ipse propter egregias animi uirtutes procuratoria dignitate hodie fruitur.

EXTERNÆ.

De populo Ro .

E R I T mihi nunc transitus in his externis referendis constantiæ exemplis, ut quum superius singulos commemorarim uiros, qui in hoc genere laudis excelluere, nunc unius ciuitatis populū uniuersum repetam, quod certe maxime memorabile lecturis omnibus fore mihi persuadeam, Pop. enim Ro. Bellisarii ducis præstantissimi beneficio suis penatibus, natalique solo donatus, non dubitauit robur hoc animi aduersus Totilam Gothorum regem præferre, à quo quū obsideretur ipse, etiam munimenta urbis frugibus iactis strata esse dicuntur, ut deditiois spem omnem Totilæ adime-

adimerent, quæ res tantum ualuit apud Barbarum regem, ut inceptum deferere cogereetur.

De Martino Ro. Pont. Max .

QVIS me iure accusare unquam poterit, si Martini Romani Pont. insignis singularis constantiæ exemplum retulero? qui nulla unquam ratione adduci potuit, ut Constantio Imperatori morem gerere, qui monothelicarum hæresim ab eo exposceret in gratiam unius aut alterius approbati. Verum Martinus. & suæ dignitatis memor, & personæ, quam sustinebat, non oblitus, adeo se constantem gessit, ut Olympiodori urbis præfecti, qui illum carceri incluserat, nō Calliopes Rauennatis Hexarchi precibus moueretur, quin potius æquo animo tulit se in ordinem redactō, lares Romanæ urbis relinquere, & in perpetuo exilio agere.

De Gesualdo Langobardo .

NON possum certe non barbaro homini & de terra Italia pessimè merito testimonium reddere inuicti cuiusdam roboris, & constantiæ. Gesualdus enim à Romualdo Beneuentano duce clam emissus, qui Beneuenti obsideretur à Constantio, ad Grimoaldum patrem, ut obsessio filio suppetitias ferret, quū nuncius patris reuerteretur iam aduentantis, magnisq; copiis obsidionem facile ad primum hostis occursum læuaturi, captus à militibus Constantii, promittens fore ut si saluus incolumisque ad mænia duceretur rem aliter Romualdo nuntiaret, ab hoste deductus ad mænia exclamare cepit, nequid Romualdus dubitaret, iam enim patrem adesse, quod hostis quum audisset, ipsum Gesualdum inuicti animi, roborisque iuuenem, id quod ille expectare posset, interfecit.

De Ignatio Constantinopolitano Patriarcha .

NUMQUAM sileri me auctore Ignatii Constantinopolitani præsidis vehemens animi cōstansque robur poterit, qui a Varda sollicitatus omni ope & precibus ut sese anathemate solueret, quo implicitus erat meritō, quippe quī vxore priore repudiata nūrum suam matrimonio sibi iunxerat, moueri potuit ut id faceret, quamuis Varda ipse Michaelis imperatoris patruus esset, & grauissimum quodque malum a scelestissimo homine expectare posset.

De Vigilio Tridentino episcopo.

TE VIGILI constantissime pater, cuius ego sacerdotio iam tot annos fruor, non patiar in obscuro esse, qui Tridentinos illos tuos ad Christi pietatem omni studio animique robore traducere cupiens, magna que parte Tridentini soli uera pietate iam imbuta, cum superessent, qui idolis addicti esset, nec vlla ratione detrahi ab incæpto possent, tu vno atque altero comite eo profectus simulachra omnia illa græcæ manibus tuis deiecisti, quam rem indigne ferentes supersticiosissimi homines nihil opinionem summæ religionis & pietatis de te ueriti, præcipitique quodam furore acti in te unum exarsere, pluribusq; ictibus corpus tuum in frusta dissecuere.

*

The First Congregation of the Council of Trent.

It is a well known fact, that the Council of Trent, which was convened by Pope Pius IV. in the year 1545, and continued till the year 1563, was the most important and successful of all the Councils of the Church. It was the first Council since the Council of Nice, which was held in the year 325, and it was the last Council before the Reformation. The Council of Trent was the first Council to be held in the West since the Council of Nice, and it was the last Council before the Reformation. The Council of Trent was the first Council to be held in the West since the Council of Nice, and it was the last Council before the Reformation.

IOANNIS BAPTISTAE

E G N A T I I.

LIBER QVARTVS.

De animi moderatione Caput I.



EDERIT exordium quarto huic libro præcipue ea in homine virtus, quæ à nostris moderatio modestiæque appellatur, quæ vel ipso nomine dictorum factorumque; demonstratum modum, temperationemque nobis præscribit, per quam pudor honestus claræ & stabilem comparat auctoritatem, hanc Græci *σωφροσύνη* appellant, de qua cum alia multa veteres philosophi merito pròdiderent, tum vero nomen ipsum a seruanda prudentia ipsa deductum demonstrat, quasi nihil unquam tum vera uirtute laudeque gefferis, nisi in hanc semper oculù detorqueas. Libentissime igitur hac in parte versabor, quod domesticis exemplis clarorum imprimis virorum abundabimus. Dabit igitur exordium præclare huic uirtuti Ioannes ex patriciaca familia dux tertius hoc nomine, qui phano Diuo Cornelio & Cypriano extructo apud medoacum egregij operis, non paucisq; rebus domi forisq; præclare gestis, quum diuturniore morbo laboraret, ne Resp. Principe, qui eam gubernaret, in magna rerum occasione careret, Petrum Candianum subrogari sibi expetijt, cui etiam principis insignia propria manu lubens tradidit, mox ad proprios lares redijt; iterum uero post Petri Cadiani mortem populi precibus adactus principatu assumpto, nec diu principatum tenens dignitati cessit, populo persuadens, ut omnino successurum sibi ducem elligerent, quo facto domum priuatam reuisit. Quibus igitur uerbis hanc in hoc uno animi moderatinem extuleris? qui omnia patriæ tribuens principatum deposuerit bis, quod nunquam antea, nec postea in hunc diem contigit.

De Vrsò Patriciaco Duce.

Hi c semper ita domi uixit cum summa pietatis & innocentie, constantieq; laude, quam declaratus dux sic semper obtinuit, ut monasteriù Diui Felicis ad Amianos extruxerit, in quo mortuus postea sepultus iacet. Veteres scriptores nostri huius liberalitatē in pauperes, & in reliquos munificentia præcipue commendant, in patriam autem tanta animi propensione fuit, ut unde vigesimo principatus anno sponte sese eo abdicarit, quando pragrauante senectâ parem huic curæ non esse cognosceret.

De

De Petro Vrfeolo Duce.

NON dubito quicumque hæc legerint veniam mihi daturus, si lógius in huius ducis rebus explicandis uersatus fuero, quippe qui domi militiæque longe clarissimus ita uixerit, ut facile in sui admirationem omnes trahat. Petro igitur Candiano duce cum ipso filio Creso ducarioq; in censo magnaque D. Marci templi parte conflagrata hic vnus princeps subrogatur magno totius populi consensu, qui ad ipsum Vrfeolum frequens conueniebat penitus renuentem, neque omnino se tantæ rerum moli parem exclamanté, uictus vero tandem precibus omnium principis sceptrú inuitus penè sumpsit, remque publicam turbatam Petri Candiani interitum, & tantis incendijs consternatá ita rexit, ne nó pacatiora omnia reliquerit, Sarracenos quoque interim ad utranque Italiæ partem classe uagantes, qui Barrum Picentium urbem obsidebant, & Capuam ex altera parte vastabant soluta prius obsidione Barrensi memorabili prælio maritimo postmodum superarit. reuersus inde ducarias ædes & Marci euangelistæ templum exustum, ut diximus, sua priuata impésa in ampliorem formam restituit, & tabulam insuper mira arte consecrá Byfantij ad maximam ará collocauit, Diui etiam Marci corpus paucis conscijs ubi nam esset præcipue latere uoluit. mox ad veterem animi moderationem, spectatamq; uirtutem rediens, compositis rebus publicis omnibus, quoad eius fieri potuit, principatum deposuit, noctuque Guarinum Aquitanum monachum secutus Romualdoque & Marino Rauénatibus monachis comitibus, uxore ac filio inscijs, cum duobus generis Gradonico & Mauroceno in Aquitaniam ad D. Michaelis de Cussano contendit, & nequid non per summam moderationem egisse uideretur, ædes priuatas suas, quibus ego nunc præsum Lauretani principis beneficio, diuersorium perpetuum esse uoluit, uixit denique apud monachos in Aquitania non paucos annos miraculis clarus, celebreque Petri Vrfeoli nomen in eo terrarum tractu hodie æque uiget.

De Vitali Candiano.

PATRI Petro duci dissimilis Vitalis filius dux subrogatur statim a populo, qui vitale patruo gradense episcopo in patriam restituto Orhoné Imperatorem Veneto nomini infestum conciliare præcipue studuit, nec multo post anno & mensibus aliquot uix expletis prægrauáte morbo monasticá uitam complexus est, inque Diui Hilarii Phano aliquot post dies uita sanctus sepellitur.

De Aureo Mastro Petro duce.

Vix multis credibile futurum reor, quum tot Ducum nostratium moderationem animi acceperint, uera quæ scripta sunt fuisse credant. Cæterum annales nostri, reliquique externi scriptores, qui de rebus Venetis aliquid memoriæ mandarunt, ita sibi constant, ut impium propè uideri possit hac de re aliquando dubitatum. post multos igitur annos Aureus mastropetrus Dux creatus quadraginta uirum suffragiis in Ciani locum, quæ sibi præferri uoluit, quum Dalmatium bellum aduersus Iadrenses gefisset (qui iam quarto à Venetis rebellarant) in Syriam ingenti classe Pisani sociis aduersus Saladinum contendit, quo victo ptolomaideque recepta Venetias rediit Friderico Aeneobarbo uita functo, qui princeps in Saladinum terrestre bellum præcipue gerebat. Mastropetrus igitur domum reuersus pacis etiam multis artibus illustris, ueterumque superiorum principum uestigia secutus, Monasticam uitam amplecti maluit, mortuusque non diu post, in Phano Diuæ crucis sepultus iacuit. quos igitur tu mihi romanos principes viros, quos Græcos aut Athenienses obieceris, qui conferri cum his tot ducibus possint, hac ipsa tanta animi æquitate & moderatione?

De Petro Ciano Duce.

CLARVS certe fuit & illustris Sebastiani Ciani principatus, qui Petrum filium relictum post Henricum Dandulum ducem, principem & ipsum habuit non minus celebrem patre. Multis igitur belli, pacisque artibus insignis Cretam insulam, quæ tunc primum Veneto nomini cesserat, sic administrare cepit, ut patritii sanguinis & plebei eò familias non paucas miserit, tanquam in Coloniam, variisque etiam postea bellis agitata ita moderatus est, ut in hunc usque diem pacata perduret, qui & ipse quum feliciter Remp. duos & uiginti annos rexisset, florente Rep. sponte sua principatu se abdicauit, priuatasque ædes repetens mortem non multo post oppetit.

De Iacobo Teupulo Duce.

HABEBIT & suum hac in parte locum non immeritò Iacobus Teupulus Dux, qui cum diutius oblatum principatū recusasset, charitate tandem patriæ uictus, non potuit non illi obtemperare. ille igitur post Petrum Cianum Ducem domi suæ salutarum, qui ægrotus iacebat in lecto, ducariam sedem repetens pluribus & maximis confectis bellis, recepta et Iadera, quæ iam quintum rebellarat, legibusque etiam Venetis in unum corpus redactis Vatacioque Lesbi domino nauali prælio uicto, eoque Cretæ

P littoribus

littoribus summoto. Bizantio præterea ab obsidione liberato hostiū infu per superata classe, Gregoriumque Pontificem aduersus Fridericum constantissime semper tutatus, ut filium Petrum etiam Mediolanensium prætorem captum à Friderico amitteret. vigesimo eadē post anno & aliquot mensibus dignitate principis sponte se abdicauit, quum tamen prius, & D. Marinæ corpus ex Constantinopoli delatum Venetias summa pietate excepisset, & gemellorum ædem prius extruxisset in D. Mariæ Formosæ, & D. Marinæ finibus, vbi extra portam maiorem sepelliri voluit.

De Iacobo Contareno Duce.

Hic pace cum Anconitanis inita, qui uariāte adhuc bello multa dama Venetis intulerant, post quintum principatus annum, quando ætate confectus, publicæ curæ parem sese minime nosceret, sponte se imperio abdicauit, ut quam animi moderationem ciuitas ipsa publice semper retinuerat, exemplo quoque suo retinere posteri facilius possent.

De Francisco Foscari duce.

Non deerunt uel patrum nostrorum memoria, uel nostra ætate recentiora Virtutis huius exempla, ut hæc ipsa ab incunabulis Urbis ad nostra usque tempora publicè, priuatimque, & nata, & hic perpetuo coalita uideri possit. celebris est igitur Francisci Foscari principatus, qui suo cōsilio quum Remp. felicissime diu foris administrasset, nescio tamen quofato domi eandem tranquillitatem seruare non potuit. Iacobo enim filio falsò accusato, quòd Hermolaum Donatum decemuiralis consilii præfectum, cum domum noctu reuerteretur, quasi sibi infestiores interficiendum curasset, non poterat certe pater quū tortum in eculeo eum etiam audiret, non aliquantum commoueri. Verum tanta animi constantia ut ne vultu quidem hunc dolorem prodiderit, filium quoque ipsum inde perpetuo exilio damnatum, quamuis innocentem æquissimo animo tulerit, & sese etiam postea in ordinem redactum, quod inuidiæ maleuolorum in se hominū obsistere non potuerit, pari modestia, fortitudineque animi sustinuit, id quod superius quoque annotatum leges.

De Antonio Grimano.

Non habent annales nostri exemplum vnum per octingentos annos huic simile, quod mox referam. Antonius enim Grimanus claro maiorū suorum stemmate, & diuitijs opibusque & Cardinali filio maxime insignis, quum ipse rei maritimæ Imperator, in qua præclaras res in Apulia gesserat,

gesserat, & procuratoria dignitate mox donatus fuerat, iterumque declaratus totius rei maritimæ imperator, quasi sua culpa non belli malignitate methonæ aliaque peloponnessi oppida amisisset, in ordinem publico decreto redactus, carcereque etiam inclusus, & mox perpetuo exilio damnatus maioris consilii auctoritate, neque uero multo post reuocatus honestissime eiusdem consilii maioris decreto, rursusque procuratoria dignitate donatus, denique princeps factus, semper eandem animi moderationem præfetulit, ut nunquam toto hoc vitæ tempore neque treis aduocatores uiros longe Clarissimos, & in his Nicolaum Michaellem in suum locum sibi suffectum, à se reiecerit, sed sæpe benigne salutatis cum alijs, qui sibi inimici fuerant, beneficioque si usu uenisset, affectis incredibilem laudem & sibi & suis perpetuo uendicarit.

De Marco Molino D. Marci Procuratore.

CESSET nunc Romana ciuitas suum nobis obiectare Macedonicū Metellum, qui mortuo Scipioni viro sibi inimico, publicæ laudis testimonium reddiderit, qui hominī uita functo inimicitias condonarit. Desinat etiam gloriosa Græcia tantum sibi placere, quod Pisistratus Atheniensis Tyrannus hominem sibi amicum inter potula se conuijs laceissentem æquo animo tulerit, quando in hoc genere laudis vno exemplo vtraque sese facile uictam intelligit. Erant autem Aloisio Molino liberi sex marres, quum quatuor immaturo fato mortem oppetijissent, alter per summā iniuriam a Marco Michael patritij sanguinis homine extinctus est. quem casum (licet omnium acerbissimum) pater ea animi moderatione tulit, ut nihil quoad vixerit in homicidam ipsum grauius cogitarit. quin vita decedens superstiti filio testamento mandauit, ne fratris necem unquam uicisci vellet. qui etiam quum sibi fraternæ cædis vindicandæ facultas sæpe ultro oblata esset, non solum uoluntati paternæ piè obtemperauit, uerum etiam (quod immensæ, ac propè diuinæ benignitatis fuit) reconciliadā gratiam cum ipso iniuriæ autore quam primum curauit, quumque ille sceleris reus perpetuo exilio damnatus extra Veneti imperij fines eiectus esset, hic de eo reuocando supplex ad decemuiros ultro adiit, atque enixe contendit, ut ille omnino patriæ restitueretur. hanc ingenui animi liberalitatem admirati in primis patres, in eius gratiam statuerunt, ut reus in agro Mistrino libere esse posset. quis tantam animi uirtutem satis unquam laudare poterit? quis iam cōqueretur, nimium durè esse nobis præceptū, ut illatas condonemus iniurias, quum hoc unum tam memorabile exemplum legerit? merito igitur ciuitas minime ingrata in demortui patris locum filium procuratoria dignitate statim subrogauit, quod nusquam antea alicui contigerat. nec illud sciens omiserim, nihil esse in tota Venetia

Rep. quod ad eius felicitatem conseruandam augendamque magis conducit, quam hanc ipsam animi liberalitatem in mutuis iniuriis cōdonandis.

Externa.

H A V D sanè negarim superesse, quod veterum monumentis sit proditum, si quis ea diligentius euoluat, plures extitisse cum Rom. sanguinis viros, tum alieni sanguinis non paucos, qui moderationem hanc animi cum insigni sua laude præstitere. Cæterum propositi instituti mei nō oblitus in recentioribus quibusdam, quæ celebriora mihi sint uisa, libentius immorabor. Vendicet igitur sibi principem locum Venceslaum Boemiæ dux ad hanc moderationis laudem posteris commendandam, uel præcipuus, qui Boleslauum fratrem sepius admonitum ut ab inferenda iniuria temperaret, imo verò ab eodem publice ferro petitus, ut illum tamen sibi occurrentem cum multis facile tollere potuerit, dimissum semper, nunquā flexerit, ut tandem ab illo per insidias, & principatu, et uita priuatus sit magno omnium exemplo, quo admoneri possumus improbos homines ubi semel cupiditati sese dediderit, non facile reuocari ab ea posse.

De Belissario Patritio.

C V I quæso Belissarii patricii uirtus non cognita est? qui à Iustiniano Principe missus, ut Italiam à Gothis occupatā uendicaret; nunquam adduci potuit ullis, uel Gothorum minis, uel precibus, ut delatum ab his Italiæ regnum susciperet; forti magnoque animo semper id respuit; quibus non multo post ductu suo Iustiniani uerò Principis auspiciis penitus ab omni Italia pulsus, fugatisque; quū ab Iustiniano reuocaretur in Græciā ab iisdemque, qui supererant omni studio quereretur, ut sceptrum Gothicæ gentis reciperet; summa animi equitate, & modestia semper eos à se reiecerit, cessit uerò sub Principe nimis auaro, & cupido simplex hic clarissimi uiri reditus infelicititer; omni enim dignitate ab eo priuatus Belissarius oculisque etiam erutis ad eam fortunæ uolubilitatem reductus est ut suplex ille quotidianum uictum petere sit coactus ab his qui in Sophiæ templum frequentius conuenirent.

De Carolo Manno Fragoniæ Principe.

E X T A T quoque Caroli Manni Pini Regis fratris principisque longè celeberrimi factum, haud sanè minus memorabile, sed aliquanto feliciter, augustiusque quàm in Belissario supra repetitum est in respiciendis Regni Fragoniæ fascibus, inuitatus enim ut alteram Fragoniæ. partē quæ

quæ illi fratris morte obtigerat tantum abfuit, ut eam expeteret; ut omni principatu neglecto, statim petens Italiam Cafsinati Religioni sese addixerit, in qua multos annos superstes cum summa Pietatis nostræ bene pieque retentæ fama non multò post decesserit, ut nullis unquam regnorû illecebris ab incepto reuocari potuerit.

De Iua Britannia Rege, & Gelulfo.

NON possunt non duo Britanni Reges me ad sese trahere Iua Gelulusque, quando vterque relictis regii insulis, fortique animo, & moderato eremiticæ sese uitæ ad extremum usq; spiritum astrinxere, & quoniam quæ sequentur exempla non inferiora sunt futura, imò uerò fortasse etiam magis miranda à profanis exemplis ad sacra sese uertat stilus.

De Ambrosio Mediolanensi Episcopo.

QUIS uerò non primas Ambrosio partes tribuerit? qui quum Mediolano præfesset præfecti titulo missus ab urbe Roma, ut dissidentes Mediolanensium ciuium animos Religionis ergò componeret, tam egregie operam eam præstitit, ut mortuo vrbis Episcopo omnium studia in ipsum inclinarint, sperantium ueræ Christianæq; pietatis cultum sine ullo furo ab eo traditum iri, sed quum ille statim aufugisset, uixq; concurrentis populi impetu repertus esset, uel inuitus sacræ Aedi præponitur, nec uerò est cur ego nunc tantam animi moderationem in Diuo Ambrosio maiori cura laudem, quando ille omni litterarum studio virtutumque genere ita ad hanc diem excelluit, ut cœlo donatus inter quatuor religionis nostræ principes iure optimo annumeretur.

De Celestino V. Pont. qui dictus fuit Petrus Maroneo.

SUNT in hoc uno Pont. non pauca memoratu digna, primum quòd Aesirniæ iuxta Sulmonem natus eremiticam uitam intra Italiæ fines sit se-
cutus; deinde quòd Nicolao III. Pont. mortuo sub inter regnû Pontificatus annorum duorum longè absens, nihilque tale animo agitans Pont. dictus à Cardinalibus sit, quod constanter tamen renuens ab initio, tandem Caroli Regis precibus, ac minis victus rem suscepit; in quo tanto re-
rum fastigio positus, quum parum aptus, atque idoneus tantæ rerum mo-
li uideretur; cœpit & ille cogitare, ut relictâ dignitate tam grauî, priua-
tam iterum uitam amplecteretur: Sed quum dubitaret utrum cedere tan-
tæ maiestati posset, amicis etiam admonentibus id ne faceret, Benedictû
Gaictanum

Gaietanum ad sese accersiit, cuius hominis ea tempestate ingenium, doctrina, rerumque usu præstans haberetur: sed dum uaser callidusque Pontificis consilium probat, ea mente quasi abdicanti sese ille succedere facile posset, relicta rerum amplissimarum cura in ordinem sese redegit, nihil cogitans, aut quid rex ipse Carolus maxime uellet, aut quid totius Regni Populi, & proceres expeterent, nihilque denique memor ducenta & amplius hominum millia sibi affuisse quo sacro die tantam Maiestatem inierit. Cæterum illud est quod præcipue mireris; quod Benedictus Gaietanus Pont. in eius loco creatus hominem ad eremum redeuntem retraxerit, & perpetuo carceri intra Sulmonesem arcem donec vitam finiret clauferit. Vastro admodum prætestu; ne Christiana res noui aliquid præ hominis leuitate pateretur.

De Nicolao primo Pont.

NUNQUAM certe superioribus annis defuere uiri, qui Christianam uerā humilitatē secuti, ex animo summam pietatem, & religionem in omni tempore complexi, Deum tamen Christūque eius filium, sanctusque spiritum sincere primis profiterentur. inter hos uerò quis nō maxime laudet, ac celebret Nicolaum primum hoc nomine Pontificem Max. qui Benedicto uiro longè optimo, & ipse succedens hanc animi moderationem purè in primis, & pie retinuit? ut quum sese Pontificem à Senatorio, sacroque ordine, declaratum accepisset statim fugam arripuerit, uixque tandem post aliquot dies inuentus, adduci potuerit, ut tantæ rei parem se futurum crederet, uerum obstantibus omnibus Deique optimi maximi prouidentia factum asserentibus, non sine conctatione assensus est.

De Gregorio Primo Pont. Max.

NEMINEM unquam fore tam auersum à sacrarum rerum lectione arbitror, cui non Gregorii hoc nomine primi Pont. religio ac pietas à me repetita probetur, qui Romæ natus à primisque annis semper inter sapientissime uersatus. Pelagio secundo uita functo totius cleri populi que Romani consensu Pont. max. est dictus. inuitus uerò ille minimeque assentiens omnium uotis, statim ad Mauritium principem Constantinopolitanum, literas misit, quibus illum rogaret obtestareturque ne assensum suū (quod tunc moris erat) præstare omnino uellet; quare interceptis his literis scriptisque ab urbis præfecto aliis. Mauritius, cui iam pridem perspecta erat Gregorii doctrina, ac pietas singularis, facile, libenter id Romanis tribuit; erant uerò in Gregorio dotes animi huiusmodi, ut nescias quem illi adhuc æui præferre uelis, tantum erat enim in eo studium sa-

crarum

crarum litterarum tanta ueræ pietatis cura, & religionis, ut noctes diesq; in hoc totus esset, nec plura de huius doctrina commemorarim, quæ ex-
tent eius hodie tam præclari ingenii plura monumenta: quæ facile omni-
bus probent, nihil hac indole præclarius aut diuinius nobis superesse.

De Federico Marchione Brandenburgensi.

QVIS quæsumihi non lubens ueniam dederit, si à uiri sanctissimi
cōmemorationem ad Federicum Marchionem Brandenburgensem nunc
transfuleo. tanta enim huius animi moderatio fuit in aspernando regno,
quod Poloni ultrò illi offerrent, Vlasdilao eorum rege mortuo, ut non cō-
tentus reiectis à se legatis qui hæc peterent, regem cazimirum fratrem
Vlasdilai illis persuaserit eligendum, qui tunc temporis Limaniæ etiam
præerat, quod certe Federici factum ita à nobis literis mandatum est, ut
admoneri facillime possint homines, quam non modestiæ, & rerum tem-
perantiæ sit tribuendum.

De Ludouico XII. Gallorum Rege.

SEQUITVR Marchionis Federici memorabile factum Ludouici
XII. Gallorum Regis non minus celebre, quodque etiam posteritati sit in-
primis comédandum. nam mortuo Carolo octauo sine liberis, quum illi
successisset, qui cum grauissima gessisset bella captusque ab eo carceri diu
mancipatus esset regio fastigio gentis more inito, post Caroli mortem o-
mnes qui in eum hostile erant animo benignissime susceperit, quinetiam
Auraliū ciuē, quem acerrimum hostem antea semper expertus, quū à fami-
liarissimo quodam suo bona illius peterentur, in quæ inuaderet si modo
Rex ipse annuisset, tantum ab hoc consilio abhorruit, ut ultrò à se aduoca-
tum hospitio regio acciperet, insuper oblitum sese iniuriarum omnium
fateretur, quas ille in sese perpetrasset, post hacque sese illum amicissimi
locum habiturum polliceretur.

De ijs, qui ex inimicis iuncti sunt amicitia, & affini-
tate. Caput II.

De Carolo Zeno.

Vr omittam vetustiora, quæ sanè plurima sunt, & amplissima huius-
ce virtutis exēpla, exordiū à recentioribus tamen libentius sumam; Ca-
rolusque Zenus, vir sua tempestate clarissimus Venetæque Reip. præci-
puum

puum decus scelix auspiciū dederit qui diui Marci procurator (quæ suprema à principe dignitas semper est habita) creatus, quum nō multo post inuidorum quorundam improbitate magistratus illi abrogatus esset, carcerique per biennium inclusus foret, omnes tamen illos, & vnum præcipue tanti flagitij authorem, quū ægrotare cœpisset aduocandum Petro filio suo iussit, venientemque tandem ita excepit, benignissimeque allocutus ab eo petijt ne memor illatæ incuriæ esse vellet, cuius ipse facile obliuisceretur, prædicans se unum hoc dolere, quod aduersa valetudine impeditus non posset illi præstare, quod polliceretur, mandaturum se tamen Petro filio, vt se vita functo omnem illi gratiam semper cumulate rependeret.

De Francisco Foscaro Duce.

NOTIVS est quam ut pluribus commemorem; Francisco Foscaro Duci nequaquam id merito dignitatem eam trium senatorum præcipue ambitione abrogatam fuisse. qui summa contentione in decemvirali consilio causam eam attributis patribus egerint, cum igitur descendens ex ducario priuatas suas ædes repetijisset, suos omneis pro iure suo admonuisse fertur, ne ullo tempore memores esse uellent iniuriæ tam grauis illatæ, quin potius dum tres illi superstites forent uiri, optime de eis mereri studerent, quando id sibi ingrauescente iam ætate & morbo, præstare nequaquam liceret, vt quarto post die moriendum illi fuerit.

De Antonio Grimano qui postea Dux fuit.

VIDIT nostra hæc omnis ciuitas, aut certè qui non interfuere à fide dignis certatim relatum meminisse debent, quod quū ipsi Antonio Grimano in Græcia rei maritimæ aduersus Turcas imperatori publico decreto dignitas ea adempta fuerit, Nicolaus Michael aduocator communis (sic enim eam dignitatem præcipuam inter vrbanas appellamus) cum suis collegis imprimis ausam eam ageret, cum summa totius ciuitatis admiratione eius in exilium mittendi maximè author est habitus. unde illi procuratoriæ dignitas accesserit, cæterum cum mox ille maioris cū consilij auctoritate restitutus patriæ foret; tametsi exilij legem minime seruasset, qui Romam ad filium Cardinalem profectus esset, reuerso tamen in Patriam diu Nicolaus ipse procurator, non dubitauit domum illius accedere rogareque insuper ne præteritarum rerum memoria penes eum superesset, statim ipse Antonius, eum complexus est, nec vnquam se memorem futurum in summa omnium frequentia, qui tunc aderant polliceretur, ad hæc insuper addidit nō dubitaret à sese ea omnia petere, quæ sibi necessaria forent, omnia enim libentissime semper præstiturum, nec verò do-

fuit

fuit unquam illi etiam restituta sibi procuratoria dignitate, aut postea quæ dux Lauretano Principi successus est.

De Rep. Veneta.

Quis vero quæ hæc priuata libenter leget non etiam publice cōstanter seruatum libentissime audiet, nam bello, quod cum Philippo Mediolanensi principe gestum à Venetis est Franciscum Sfortiam, quem in festissimum hostem senserant Veneti sub Philippo ipso militantem, non dubitarunt illum cum summa etiam illius dignitate recipere. quum etiā mortuo Philippo Duce quæ imperator ille Mediolanensium creatus esset Caruagiensemque cladem grauissimam Venetis intulisset: cum nō multo post in gratiam receptum, ut principatum Mediolanensem consequeretur enixe operam, dederunt.

De eadem Rep.

Auditum esse multis reor. Carariensium principum nomen, qui patauinæ vrbi aliquandiu præfuere, sed cui etiam non cognitum quandoque est eos hostili plusquam animo plerunque in Venetum nomen extitisse. Cæterum sapius receptos in gratiam principatū eum Venetæ Reip. beneficio diu tenuisse, unum tātum nunc Herculem Ferrariensem Ducem retulisse hoc in loco minime grauabor; qui etiam post bellum grauissimum indictum, gestumque paceq; mox secuta Venetias sæpe petierit, hospitioque in ædibus, quas dono à Venetis maiores suos acceperat benignissime semper sit acceptus, publicoque ære tota familia ipseque ad sese alendum donatus sit.

EXTERNÆ.

De Vespasiano Principe, & Licinio Mutiano.

GRAVES certè, & acerbæ feruntur illæ fuisse inimitiæ, quæ intercedebant inter Vespasianum, bellum tunc gerentē aduersus Iudæos, & Licinium Mutianum, qui vniuersæ Syriæ, & Aegypto præerat, quæ tamen de clarato Vespasiano Romanorum principe Titi filij sui interuentu, ita brui sedatæ sunt, vt perpetuum, & constantem animi propensionem in Vespasianum Mutianus semper retinuerit, & Vespasianus optima fide cum illo perpetuo uixerit.

De Alphunso Legionensi, alióque Alphunso Castulonensi Regibus.

NON deerant mihi uetustiora Romanæ ciuitatis exempla, quæ sanè attexere hic copiose potuerim, uerum recentioribus cõmemorandis, quæ gratiora iucundioraq; legentibus futura arbitrer, immorari placuit. Duo igitur Hispani reges eadem in Hispania tempestate florebant, Alphunsus Castulonensis, & alter Alphunsus Legionensis reges, qui infestissimis inter se diu uixere animis, ij uerò Helconoræ opera postmodum reconciliati, quoad uixere mutuo inter se amore, cum omnium populorum admiratione celebres sunt habiti.

De Roberto Viscardo Apuliæ Duce & Nicolao II. Pont.

VENERAT non multò ante in terram Italiam Robertus cognomento viscardo Normanici vir sanguinis, vexabatque is interea magnam Apuliæ Calabriæque partem armis, quam sibi & posteris parare studebat, hanc externi hominis audatiam penitus tollere omni ope, ac studio Nicolaus Pont. II. enitebatur, quem etiam Pont. diris persequi non dubitauit, interea grauib; bellis inter utrunque exortis, ita tandem accidit, ut Robertus ipse Pont. maiestati sese lubens uolensque subiecerit, & Nicolaus ipse Robertum in gratiam receperit, donatum iure, quod dicunt, feudi multis Apuliæ & Calabriæ oppidis, quare Robertus eiusque posterum Romanis Pont. magna ex parte grati in primis beneficijque memores uixere.

De Darolo sexto Gallorum, & Ricardo Britannorum Regibus.

QUI nescit inter Britanos, qui nunc Angli dicuntur, & Gallos interstina diu fuisse odia mutuisque bellis sepe inter. utrosque laboratum? sed Caroli tempestate Galliæ regis, & Ricardi Britanni exarsisse maximè inter sese odia, qui tamen non multò post mutuis colloquijs agentes, ita sese gessere, ut non modo inimitias deposuerint, sed contracta etiam affinitate Ricardus rex Isabellam Caroli ipsius sexti filiam uxorem duxerit, unde pacatis inter se animis diu uixerint.

De Lodouico Gonzaga Mantuæ Principe, & Bernabone Vicecomite.

ERANT hi duo Principes intra Italię fines ita finibus imperii utrique iuncti, ut fratres eos appellare quandoque posses, qui tamen mutuis inimicitiiis nõ multò post ardentes grauius bella inter se gessere, quę tandẽ inter utrumque ita posita sunt, ut Bernabo ipse nepte sua in uxorem Vgolino data, qui nepos Ludouici ipsius erat, summa postea charitate Ludouicum Marchionem fouerit, ea conditione, ut accipitrem annui census loco daret Vgolinus, Feltrinusque ipse interim Lepidi regium uiuens obtineret.

De Alphunso Rege Sicilię, ac Philippo Mediolanense Duce.

NON poterant certẽ non uehementer admirari homines eius ætatis, qui sub duobus principibus istis agebant, tantas sese discordias, tantaque odia inter Alphunsum regem & Philippum Mediolanensem Ducem extare, ut non facile persuadere illis posses, quod postea sc̃elicissime secutum est. capto enim Alphunso cum duobus fratribus ad Caietam, multisque aliis Hispanię Principibus uiris Blasij Acafaretis Genuensis ductu Philippique ipsius auspiciis, postea Mediolanum captiui ducti reges essent, ut nunquam exsolui liberarique eos posse crederes. tandem non multo post à Philippo non solum dimissi omnes, sed etiã perpetuo inter se nexu uincti, quando nec Alphunso Philippo, nec Philippus Alphunso, nunquam defuerit, tanta enim beneuolentia, tantisque beneficiis mutuis dum superstitites fuere, uixerunt, ut utrumque eodem patre, eademque matre genitum crederes.

De Venetis, & Iulio Pont. Max.

NON possum equidem meminisse sine graui, acerbissimoque animi dolore Iulij Pont. 11. qui Veneto nomini aliquando paterna charitate fauens, mox eidem Venetis infestissimus (nec causas interim tanti odij enumerauerim,) uniuersę Europę principes, ac reges in Venetum Senatum concitarit, quo regum fœdere inito uictis Venetis ad Abdum amnẽ memorabili prælio, author ipse fuerit, et princeps, ut uniuerso imperio, quod in continenti nobis multos iam annos erat, potiretur hostis, finibus inter se diuisis, quod tamen odium Dei opt. max. ope Iulius ipse non diu retinuit, quare reconciliata gratia, cum aliorum legatorum Romam uenientium, tum Hieronymi Donati opera, sic euenit, ut recepto magno ex par-

te Imperio in hunc diem in summa pace, & ocio Veneta Respubli. floreat.

De abstinentia, & continentia. Cap. III.

VERSABITVR nunc oratio nostra in ea exemplorum parte recensenda cui tu parta regna, & imperia, seruataque & mirum in modum aucta imprimis tribuas. quis enim nesciat si veneris vsus intra limites suos cohibeas, & ipsi cupiditati non obedias, futurum ut omnia felicissimè mortalibus succedant? Ipsa hæc enim abstinentia est, quam si à teneris annis adolescentes imbibant, prouectioreque mox ætate constantius retineant, facilem sibi ad omnem uirtutem amplectendam aditum parent, summamque sibi omnium beniuolentiam concilient, exordia igitur ab nostro uno exemplo huiusce virtutis quod maxime memorabile sit, suisque numeris omnibus planè absolutum.

De Nicolao Iustiniano.

MIRA, & incredibilia penè visum iri quandoque dubito, quæ mox subiiciam; & tamen ea sunt omnia, in quæ annales omnes nostri constantissime inclinent. Redierat Vitalis Michael dux ex Græciæ prouincia, in qua biennium fermè immoratus fuerat aduersus Manuelem Constantinopolitanum principem, redieratque cum ipsa classe penitus exhausta ut non naute, non præfecti, non reliquus ullus apparatus superesset, siue pestilentia id ipsum acciderat subito exorta, siue aquis veneno omnibus infectis Manuelis opera, in quas Veneti incurrerent. sed præter, alia incommoda illud fuit longè grauissimum, quod Iustiniana omnis familia ad interitionem usque periisset, nemine domi relicto virilis stirpis, in quo familiæ restituendæ spes vlla foret, id quod sæpe animo reputans Dux ipse tandem id occurrit superesse ynum Nicolaum, qui benedicti religionem iam aliquot annos professus esset, sed & sibi vnicam superesse domi filiam, quam despondere illi cuperet; si per Alexandri Pont. Max. gratiâ illi daretur. cui petitioni cum Pont. ascensus esset restituendæ tantæ sobolis honestissima causa: quare quæ ex eo felici coniugio mares liberi, & scæmine aliquot æditæ essent (dictum mirum) & Nicolaus ipse, & uxor eius Felicia de ineunda religione iterum cogitare cœperunt; sic igitur ad diui Nicolai in litore, maritus redijt sacris iterum imbuendus, & uxor ipsa non longè à Torcello cœnobium exstruxit, quod Diuo Adriano dicatum esse uoluit quanta igitur in utroque abstinentia, quam legitime Venetis vsus, ut nullis opibus, ut nulla cupiditate flagrantes in Deum ipsum conuersi tantum, in recepta religione. uterque decesserit.

De

De Aloysio de Caballis Patritio Veneto.

ERIT, & hoc eiusdem ferè laudis exemplum, quod clarum celebrequè Venetijs nostra ætate exstiterit. siquidem Aloysius ipse, & ipsa vxor Patritij sanguinis uno eodemque consensu nunquam in vnum conuenere, nisi sobolis procreandæ causa, vt quamuis simul hoc nomine iungeretur, nil tamen veneræ licentiæ sit vnquam datum, interulis suis ita interim amicti, vt non facile altera alterum tangeret nuda corporis reliqua parte. quas quæso mihi tu veneris fâces? quos ardores & ignes huic tantæ abstinentiæ tã alienatæ mentis conferre ausis. memor igitur frequenter esto, Aloysij vxorisque eius, quicumque ad hoc tantum decus contendis.

De Carolo Zeno.

VENIAM nunc ad alteram diuersissimam abstinentiæ partem, in qua certe nescias plus ne honoris, & gloriæ insit, quamin superioribus à me recitatis, certe tamen ijs, qui in Rep. cum magna laude uersari velint; ipsiusque Reip. legitimo vsu nulla sit necessaria magis, nullaque quæ in summis imperijs versanti occurrere animo sæpius debeat. huius rei exemplū Carolus Zenus insigne tibi perpetuæque memoria colendum præbuerit. qui Patre Petro imperatore longe clarissimo æditus, quem Morbassanus Turcarum princeps ad Smyrnâ in prouiso tumultu fortissimè pro Christi Religione pugnantem occiderat, statim à primis annis sic literis imbutus est cognatorum opera ingenijque sælicitate, vt adolescens apud Clementem Pont. Max. qui tunc in Gallia Auenioni agebat, eam orationem habuerit qua vna habita tanta admiratione Pontificem affecerit indole tam fausta captum, ut non dubitaret patrensem dignitatem illi demandare, quam ille aliquot post annis multis præclare gestis in ea prouincia sua sponte postea reiecerit; ille verò nō multo post ex Gallia Cispalina (quod imperium in Cisalpinæ Galliæ parte longè amplissimum erat) vbi aliquot annos apud Galeatium Mediolani principē totius eius imperij custos verius quam præfectus dicendus, qua de re aliàs agimus, in Patriam reuersus post amplissimos magistratus innocentissime in ea gestos, maritimis rebus omnibus imperatoris nōmine præficitur, in quo se aduersus Genuenses acerrimos tunc hostes ita se gessit, vt lustrata suo ductu, uastataque magna, ex parte omni liguriæ ora; mox etiam naui eorum cognomento Bichinionia, quæ ea tempestate, & magnitudine sua celeberrima, atque inuictissima credebatur; opibus, supra quam credi possit referta ab se expugnata, vulneribusque aliquot insuper in eo prælio acceptis, ad Clodiam reuocatus à Patribus opportune imprimis applicuit, si quidem hostis eam urbem

urbem ita occuparat, vt Contareus Princeps præfens, cum omni senatorio ordine & reliquis adesset. Primum igitur relatis coram, quæ à se gesta forent, mox summa auri copia in principis totiusque senatus conspectu expõsit; quod ex hostili præda assecutus erat, eam operam in expugnanda Clodium præstitit tum mari tum terra; imperator etiam exercitui datus; quando Aucutius dux Senatum fefellerat, vt non multo post fuis fugatisque omni ex parte Genuensibus, Venetiæ ipsæ veterem suam libertatem & dignitatem retinuerint, vt meritò patriæ suæ pater dici, appellarique possit; prætereo nunc ex Bucicaldo Gallico homini, qui tunc Genuensi præerat classi præclaram uictoriam iuxta Methonem partam, memorabileque prælium æditum, & alia innumera eius facinora. quod iam senex Hierosolyma ipsa insigni pietatis argumento petierit, quod Cyprum insulam ligusticis armis oppressam præfens ipse uindicare, Regique conclamata penè re, asseruerit, ex quibus tot tantisque rebus gestis filio tamen suo, & nepotibus moriens eas opes reliquerit, quæ uix mediocrem ciuem sustentare alereque possent, ut unius Caroli exemplo admoneri omnes ualeant, quid quantumque patriæ debeamus ipsi.

De Petro Lauretano.

ÆMVLVM hunc ipsum Caroli Zeni propè dixeris Imperatorē, qui turcico bello rei maritimæ præfetus Imperatoris titulo Iulii Calendis insigni prælio classem immanissimam in nos hostis primus omnium superarit; qui postea ad Rapalum liguriæ Genuensium classem cum ipso Francisco Spinula Imperatore, cum aliquot præclaris ex Genua uiris in captiuitatem reductis sælicissime oppresserit. postremo domum reuersus procuratorque creatus, quæ summa à principe dignitas habetur, classiariorum, qui ad 111. milia & amplius conuenerant uino in calefcente, seditionem turbulentissimam in area marcia concitatam, quæ nullis magistratuum, aut principis imperiis sisti poterat, ex ædibus procuratoriis repente adueniens sua præsentia penitus sustulerit. suspendio etiam nautis quibusdam priuato edicto affectis; cuius quidem opes tantæ talesque summi alioqui ciuis extitere, ut uix hæredem inuenerint.

De Francisco Barbaro.

FLORUIT eadem tēpestare Franciscus Barbarus Hermolai auus diuersa tamen in parte laudis. nam Græcis, latinisque literis instructus partibusque aliis præclarus, in Brixienſi prætura, quam gerebat Gallico bello, quod à Philippo Mediolani Duce imminebat, id animi robur, eam abstinentiam præsetulit ut triplici circūuentus malo per totum serè præturæ suæ

suæ tempus, pestilentia, & famæ grauissima, & acerrima, hostisque arctissima obsidione uinci nunquam frangere potuit, cum summa etiã Philippii ipsius reliquorumque hostium admiratione & laude. namque ingravescente peste ui, ædes eius unicuique semper uolenti patuerunt, ipse accedente fame miserabili; prandium, & cœnam in propatulo conuiuiis etiã adhibitis Brixienfibus semper suscepit, pane, uinoque appposito sibi tantũ extera alijs largius exhiberentur; unde illi aduersus hostem sese oppugnãtem tantus amor, & charitas Brixienfibus omnibus accessit, ut matronæ etiam in mœnibus fortissimè pugnautes lætæque coràm sese illi ostentarent, illataque uulnera æquissimo ferrent animo, quid tu igitur in hoc uiro non laudes? aut genus abstinentiæ in eo non prædices? qui toto suæ præture tempore, ne obolum quidem à Brixienfibus ullis exactum esse uoluerit, quem ipse acceptum ferret. felices Zachariæ filii & Hermolai nepotis manes, felix & eorum præfens uita, qui ab eo fluxere, quum tam illustrem abstinentemque uirum insignemque patritium assignare patriæ possint.

De Leonardo Lauretano Principe, & eius liberis.

NON dubitabam defuturos fortasse mihi calumniatores, qui (ut sunt mortalium ingenia in malum proniora) quũ meminerint quantum Lauretano Principi, ac familiæ illi debeam, suspicari possint me plus priuatis ius in me meritis quam publicis debere. Sed hi pensitauerint secum reliquas eius principis laudes, tum minus aliquid datum à me ob ingenii tenuitatem facile, æstiment, utcunque, sit dabo semper operam, ut ueritati præcipue studeam, de referenda autem gratia alia in uitæ meæ parte cogitabo. Fuit igitur Lauretani Ducis uita cum alijs alijs laudibus insignis, tũ uero hac una abstinentiæ laude memorabilis; quam etiam liberi eius, imitari retinereque semper studerunt, neque enim munus donumque aliquod inferri intra ædes suas publicas passi sunt, nulla publicæ, nulla priuatæ pecuniæ uestigia sunt uisa, quæ iniuste obseruari possent, quòd liberi quoque eius post x. principatus patris annos constantissime dum uiuerent sunt amplexi, uacabat ille semper publicæ dignitati, ut priuatæ gratiæ nihil unquam tribueret, quod suplicia ex patriciis non paucis sumpta facillime declarat.

De Dominico Triuisano procuratore.

SI priuato meo testimonio, si publicis muneribus, quæ ipse Dominicus feliciter obiit ad extremum usque diem, credas tecumque diligenter reputes, non poteris non gaudere tam præclari uiri memoriam sæpius tibi occurrere,

occurrere quæ uniuerſa Europa, & magna Aſiæ parte à ſeſe luſtrata dū publicis muneribus obeundis uacat, domi quoq; magiſtratibus omnibus cū ſumma innocentie fama obitis, Diui Marci procurator tandē totius ciuitatis aſſenſu declaratus eſt, in quo etiam magiſtratu Imperatoria rei maritime totius maiestatem ſua ſumma cum laude adeptus eſt: hoc unum ad abſtinentiæ eius laudem declarandam fortasſe ſuffecerit, quod quū legationis munere apud Innocentium Pont. Max. fungeretur, illiusque Pontifex liberis Ampliſſimas dignitates, & opulentiſſima ſacerdotia ultro offerret, nunquam adduci potuit, ne abſens poſtea quidem, ab ipſo Pont. requiſitus, ut aliquid dari ſibi paſſus ſit. erant illi quidem liberi mares ſex, erant priuatæ rei fortunæ non grandes, quæ tamen omnia pellicere eius animum non potuere, ut minime mirandum ſit ſi gratiſſima ſemper in omnes Veneta Reſp. eandem procuratoriam dignitatem Marco Antonio eius filio aſſignandam curarit.

Externa.

NVLUM certè mihi argumentum ad inſtitutum à me opus aut iucū dius, aut optatius occurrere ſcribenti poterat hoc uno ipſo, quo ſanè & chriſtianæ ueræ pietatis argumenta ad tollendas duas humani generis terribiſſimas peſtes auaritiā, & nimium ueneris ſtudium exempla continentur, in quibus primum ſibi locum vendicauerit (antiquitate etiā ipſa temporum ſuffragante) Habraami nepos Ioſippus.

De Ioſippe.

Hic igitur fraterna ambitione, doloque in ſeruitutem Aegiptiis datus. Iuuenis adhuc præſtanti forma placere cœpit uehementius dominæ ſuæ, cui ſeruiret, blanditiis igitur, ac precibus, omniſque alia huiusmodi arte adhibita, quum fruſtratam ſe neglectamque conſpiceret, mutato in odium amore, marito detulit ueluti illam in libidinem cogere temptaſſet, cui facile credens maritus quū grauibz pœnis ipſum Ioſippum etiam atque etiam afficeret, neque quicquam ipſa uxor hoc aſtu proficeret, tandem re ipſa planè cognita (uti ſermè uſu euenire ſolet) adoleſcentis uirtus, ac probitas magis, magisque enituit. Iuene igitur hoc ipſo ad maiora rerū ſaltigia prouecto, uxoreq; ipſa à marito interempta; adeo Ioſippi nomen celebri, carumque fuit, ut inter ſuos tandem agnitus, principatum facile ſuæ gentis meritò ſit adeptus regio ſuffragio, & commendatione etiam honeſtatus.

De Totila Gothorum Rege.

ADMIRABVNTVR sanè multi, quum Iosippi adolescentis facinus, & tam memorabilem eius continentiam legent, at uerò cum Totilam barbarum planè hominem Gothorumque Regem tam præclari facinoris æmulum audierint; quis (quæso) non obstupefcat? descieuerat ab hoc ipso Romana ciuitas, in cuius potestate aliquandiu fuerat, quo nuncio succensus armis statim correptis, coactaque ingenti suorum manu, Romam urbem obsidere cœpit, verum inde re infecta in Campaniam abiens, Euboeasq; Cumas uicapiens, quum in Romanas matronas & uirgines complures longè pulcherrimas, quæ fortè eò conuenerant incidisset, tantum abfuit ab illarum pudore violando, ut omnes cas sub diligenti custodia patriæ restituendas curarit.

De Henrico primo Germanorum imperatore.

Et quoniam Totilæ regis mētio à me facta est, dabitur, ut opinor, hoc facile mihi, ut Henrici primi Germanorum imperatoris facinus longe celeberrimum, in obscurum per me non lateat, addito huic Chingundæ vxoris puellæ adhuc, illi nuptæ non minus memorabili. vixere igitur mutuo consensu multos annos, ita in uno eodemque thoro ut nec ille sibi quicquam maritalis in eam iuris vendicarit, & illa nullas amoris faces experiri unquam voluerit, quæ res eò certior exploratioque nobis esse debet, quod mortuo marito, uxoreque plurima affulsere miracula, quæ tantæ tamque mirabili castitati testimoniū cœlitus prædicerent: quod ipsum in Almaricum quoque Pannonum regem; qui primus Christianam pietatem inter eos regij stēmat̃is est complexus, incidit quod certissimis literarum monumentis sit proditum.

De Francisco Sfortia Mediolanensi postea Duce.

ACCESSERIT ad commemorationem tot regum Francisci Sfortiæ præclarum illustreque continentia exemplum, qui Florentini populi adhuc iuuenis dux exercitus, puellam egregiæ formæ à suis captam, ad seque ductam, noctu secum in lecto habuit, cuius pudicitiam temptandam aggreffus, quum gementem illam, obtestantemque audiret, ne se maritique sui iura uiolaret, statim dimisit incolumem, ipsique marito, qui inter captiuos in castris erat, integram datis etiam muneribus non exiguis restituit, hic enim adolescēs à Patre Sfortia acceperat, ut à triplici facinoribus in primis abstineret, primum ne alteri nuptam unquam attingeret, tum

ne seruum domi diu habitum uirumque iam factum verberaret, quod si forte incidisset, statim uerò à se dimitteret persoluto illi omni quod deberet præcio laboris operæque suæ. postremo ne calcitronem equum ullum pateretur, quo ipse uti uellet. Quæ omnia à patre. Sfortia accepta diligentissime dum uixit obseruasse fertur.

De Clemente quarto Pont. Max.

CLAUDET Clemens quartus Pont. Max. post tot reges, principesque à me commemoratos, non solum pro dignitate illius, quæ semper prima habita est, sed rei quoque ipsius magnitudine celebrandum semper exemplum, quo vno auaritia nostrorum temporum coerceri tenacioribusque frenis cohiberi possit. qui Narbonæ in Gallia natus iureque consultus aliquandiu in patria insignis mox uero Pont. Max. iure dictus est, ad quæ quæ duæ mortua iam pridem uxore peruenissent è Gallia filia, petentes pro patris ipsius dignitate maritos sibi dari: nonnullique alij propinqui prebito essent, qui grandia sacerdotia, & dignitates tribui sibi exposcerent, ita omnibus respondit, ut quamprimum à se abirent, paternæque rei quod sibi reliquum superesset æquis portionibus inter se diuiderent, quo responso, & filia in sacra loca Christo dicata concessere, & affines, cognatique raptim natale solum repetiuere, huc tu igitur Alexander v i i. huc Sixte Pont. huc Iuli intendite animum hunc imitamini si potestis, nec Christianam rem uobis commissam, perditam penitus profligatamque esse patiamini.

De Paupertate. Cap. IIII.

REM (ut uideo) longe omnium difficillimam, quæ tamen, si mortales aliquando saperent, non contemnenda, sed passim ab omnibus amplectenda foret, uel quod Christum humani generis redentorem Dei filium eius complectendæ autorem habeamus, certissimumque uitæ magistrum nostræ, uel quod suos discipulos amatores huiusce constantissimos habuerit, ne in præsentia commemorare veteres Aegyptij Eremitarum cultores & in his principem Paulum, Antonium, & Hilarionem innumeramque illam manum, quæ diu per tot sæcula floruerit, nec uero nunc locus mihi est commemorandi Benedictos, aut Franciscos, aut Dominicos; qui Patrum nostrorum ætate dote hac animi præcelluerunt, unde illis felicissima quæque contigerint.

De Vrſo Patriciaco Duce.

Aſſe nunc illuſtrium virorum exemplo ad hanc laudem aſſequendam, vt accedere facilius omnes poſſint breuiter demonſtrems; eſto igitur Princeps & caput huius amplectende virtutis Vrſus Patritiacus Dux, qui Saracenico bello feliciffime defunctus, Naretaniſque infeſtiſſimis hoſtibus domitis, conſiliatioque ſibi Vulperto Aquileienſi antiſtite ne poſthac ulla in Pontificem Gradensem contentionis cauſa ſuperſeſſet, Reque publica optime compoſita monaſticam uitam eſt amplexus, quo exemplo admoneri omnes poſſint non opibus, nō auri copia ſed paupertate, & uera, quæ ſequitur ex ea, pietate ad ſuperos prompſum, paratūque gradum eſſe.

De Petro Vrſeolo Duce.

COMMENDATA eſt ſuperius à me Petri Vrſeoli Ducis animi moderatio, ſed quis non videat, & hac in parte iuſtiſſimum illi locum tribui poſſe, qui in ſummis opibus, fortunarumque omnium felicitate relictā vxore, & filio propositum animi ſui ignorante uniūſ paupertatis ſtudio: præcipuam paupertatem induerit animum? Aquitaniam igitur petēs duobus generis Mauroceno, & Gradonico compitatus Romūaldumque & Guarinum Duces tanti itineris ſecutus, cœnobio diui Michaelis de Cuſano ſe addixit; ſuisque generis diſcedentibus dum maiorem fortunam illi ſibi quærunt nunquam adduci potuit, ut opibus quauis ampliſſimis paupertatem non anteferret ceptam: merito igitur poſt octauum, & decimū annum ibi peractum miraculis clarus cœlum, unde venerat repetijt, celebratima ſui nominis inter eas gentes fama.

De Vitale Candiano Duce.

QVIS unquam credere potuiſſet Vitalem Candianum à populo Veneto paterna Ducis dignitate donatum iri, quem populus ipſe atrociffime trucidarat, cum latente filio nihil tale merito, & tamen in Orſeoli locum ſurrogatus totius ciuitatis ſtudio, Rep. alioqui in ocio, & ſummā pace relictā, diui Hilarij cœnobium præponere tantæ dignitati non dubitauit, ut quando morbus ingraueſceret, moriendumque ſibi cognoceret, paupertatis à ſe adamatæ beneficio faciliorem reditum ad cœleſtes ſedes ſibi fore probaret.

De Tribuno Atemo Duce.

NON defuere certe huic Duci in suo principatu variæ ciuium contentiones ciuelesque Caloprinatorum, & Maurocenorum discordiæ, quas tamē omni suo studio componendas curarit, quibus compositis quietis ocijq; cupidus, paupertatisque fouendæ studiosus & ipse diui Zachariæ cœnobium sese ita inclusit, ut ibi supremum finierit diem, ut omnino fallantur ij mea sententia, qui coactum illum à populo, ut relinqueret ducis dignitatem asserant.

De Aureo Mastro petro duce.

TANTA fuit in hoc duce post Sebastiani Ciani fatum, (quē sibi propositum esse uoluit) pietas, tantaque religio, & paupertatis retinendæ cura, ut post Remp. domi forisque per multos annos administratam, non dubitarit Monasticam uitam cunctis alijs institutis anteferre. Clam igitur deposita ducis dignitate. Sanctæ Crucis cœnobium petijt, ubi hodie quoque sepulcrum eius uisitur.

De Paulo Barbo procuratore.

NON grauabor hac in parte memoriam Pauli Barbi uiri patricii sanguinis clarissimi, posteritati tradere, proximumque tot ducibus à me relatis inferere. uixit igitur hic nostra ætate magistratibus omnibus in summa innocentia defunctus, quos gratissima ciuitas demandare optimis quibusque soleat, quem tamen etiam Diui Marci Procuratorem suis suffragiis esse uoluerit, in eo igitur quantus opum, diuitiarumque contemptus extitit, ut quamuis octuagentarius maior decesserit paupertatis tamē studium reliquis alijs omnibus antetulerit.

Externa.

OFFERVNT sese certatim nobis tot, & tam insignia sobriæ paupertatis à Religionis nostræ primordio, ad nostram usque ætatem exempla, ut unde primum auspiciū sumam, cuius imponam finem nesciam. exordiar igitur ab ipsius Christi discipulis, qui summa fide præcepta eius coluere, ut neminem fore putem, qui nos uanitatis accuset. Petro igitur, & Paulo principibus Apostolorum, qui constantissime Christi redemptoris instituta complexi sunt in præsentia omisis, quis non primum locum iure Matheo tribuat? qni quaestuosissimū publicani munus à Christo

sto uocatus reliquisset, ingentesque neglexisset opes, in eo ita proposito quoad vixit perduravit, ut nihil unquam diuitiarum amplitudini tribuerit, Christique acta, & mores diligentissime perscribens, Apostoli & Evangelistæ duplici munere perfunctus in celestes emigravit sedes.

De Bartholomæo Apostolo.

REGIO hic (quis unquam crederet?) stēmate ortus, audita semel Christi uoce; illi, fastui omni perpetuo dicto uale, relictisq; regis opibus, adhæsit, ut nunquam postea ab incepto dinelli potuerit; hunc nescias an ipsi etiam Matheo præponere uelis, qui priuatum aurum suum priuatasque opes contemnere ausus est, hic uero Rege natus regiam stirpem; regiasque opes claritatemque nominis neglexit, ut cumque sit, insertus piscatoribus hominibus cultu alia multo grauissima passus est; tum ne Christi discipulum sese negaret, coram regibus prius à capite ad calcem excoriari passus est.

De diuo Alexio patricio Romano.

QUANTUM paupertas ipsa diuitijs antecellat quiritij sanguinis Alexius facile ostenderit, memorabileque mortalibus exemplum præbuerit, qui Romæ præclaro genere ortus ex vrbe Syriam petens, multosque ibi annos paupertatis summo studio agens, mox urbem ipsam incognitus omnibus repetens ab ipsis etiam paternis ædibus cotidiana stipe alitus, in summa animi tranquillitate diu uixit; nec unquam ab ullo cognitus est, donec mortuo illo chirographum est inuentum; ex cuius contextu res omnis patefacta sit.

De Beato Francisco Afisiate.

PRAETERMISSIS in præsentia Paulo Eremiticæ uitæ authore, & Antonio, & Hilarione innumerisque alijs: qui diu celebres in Aegypto uixere, præcipui paupertatis amatores; Franciscum unum Afisiatem recentioribus sæculis æditum huc inferam, qui oblucente patre, paternasque opes sæpius ostentante, Ioannis Bonimantui intra Italiæ fines Eremiticam vitam proferentis autoritatem sequi maluit, à quo edoctus unâ paupertatem amplecti, sic diuino afflante spiritu, adeo postea claruit, ut nullo nunc loco sectatoribus illius non occurras: qui nudis ingredientibus pedibus, unaque tunica contenti argentum ipsum, & aurum adeo negligant, ut nephas sit illis manibus suis contrectare, quorum uitam principes uiri, & nobilitate, diuitijsque præcellentes colere in hunc usque diem, & eorum uestigia

uestigia sectari non dubitent, nunquam inficias ierim Cassinatem familiā à diuo Benedicto institutam sanctam in primis, & uerā eximiāque religionis cultricem, ad hæc usque tempora extitisse, incorruptamque sic hodie florere, ut eā certè non possis cum admiratione & laude non persequi; accedit ad hanc & ipse Dominicus diuini propositi uir, qui suos sectatores illustres, ac celebres cum uitæ sanctitate, tum doctrina non paucos habuerit; sed nescio quo fato tam diuturnam, tamque constantem religionis nostræ pietatem paupertatisque summum studium nostra hac ætate non omnibus probari.

De diuo Nicolao.

PATARA Lyciæ vrbs clara olim Apollinis oraculo, Nicolauū ipsum tulit, qui parentibus ortus præclaris, & ditibus, post adolescentiam sancte pieque peractā mortuo patre animum statim in deum propensissimū habuit, usque adeo ut iam tum adolescens omni studio ueræ religioni, ac pietati uacaret, unum est eius memorabile factum, præter cætera, quod proximum sibi hominem de trium filiarum prostitutione cogitantē, unde sibi victum quæreret, immisso clam per fenestram auri non leui pondere à tam scelerato proposito retraxit. uixit autem hic Mirensis Episcopus summa religionis, & pietatis laude, claruitque tumba eius magna miraculorum copia, donec multis post sæculis translatis eius ossibus Barum Italiæ urbem celeberrimum in hunc diem extet.

De diuo Magno Heraclienfi Episcopo.

OCCURREBAT mihi hæc ipsa scribenti sæpe diui Benedicti memoria, à quo uelut à fonte relique quoque monachorum familiæ suum ortum suamque deriuarunt originem, sed Magnus ipse hoc nomine dictus, Antistes Heraclienfis de Veneta prouintia optime meritus, nos ab hoc incæpto retraxit. Cuius uitæ sanctitas tantum apud Venetos ualuit, ut diuinitus monitus existimeretur, ad templorum uaria fundamenta iacienda, quæ Venetijs hodie etiam uisuntur. D. igitur Petro Oliuolensi templi primum ab eo fundamenta iacta, mox suo studio, & impensa Diuæ Marię extructa est ædes, cui formosæ cognomento sit, nec Seruatori nostro in oculatissima vrbs parte, exstruendi templi cura studiumque illi defuit, par quoque alacritas in excolendis templis diuo Ioanni Baptistæ Raphaëlque Archangelo, & duodenis Apostolis illi affuit, donec in summo paupertatis ardore moriens, cum summo totius prouintię dolore, & fletu Venetias tandē translatus est, illiusque ossa in diui Gieremiæ Templo hodie iaceant, quæ summa mortalium frequentia pientissime à Venetis colantur.

De

De diuo Gregorio Pont. Max.

N V N Q V A M te diui Gregori, vel propter excellentem animi tui pietatem, uel propter eximiam, præstantemque doctrinam silentio præteririm; qui nobili clarioque loco inter Romanos senatores ortus, iam tum à primis annis eam indolem prætulisti futuræ bonitatis, & religionis, ut te iuuenem Romana omnis iuuentus summa uirtutis admiratione ducem haberet; quare non immeritò te Romana ciuitas inuitum, reluctanterque summa contentione, & admiratione dixerit, taceo nunc quam ingenij uim, taceo diligentiam tuam in bonis omnibus tuendis, eorumque sanctè colenda memoria. illud uero nunquam silere potero, ut Augustinus ipse doctrina in primis excellat, ut diuus Hieronymus linguarum peritia, & rerum copia præstet, ut Ambrosius summo pietatis studio floreat. tu certè inter quatuor unus es qui humanæ uitæ, moribusque optimè consulueris, declarant id moralium libri à te scripti, declarant tua in Iob cōmentaria, & homiliæ in Euangelia conscriptæ. sed paupertatis tuæ studium in tanto Pontificatu constanter à te retentum in mortis usque diem testatum posteris, & ipse à me uolui.

De uerecundia. Cap. V.

E R I T certè ab ipsa paupertate foelicissimus ad uerecundiam, pudoremque transitus, est enim pudor uirtutum omnium tum priuatim, tum publicè custos, atque magister, quem si negligas, nihil unquam cum laude tua egeris, qui quamuis in pueris præcipue requiratur, ita tamen per omnes ætatis gradus exigitur, ut etiam regna, resque publicæ reliquaque imperia decus hoc ipsum uerecundiæ passim expetant.

De Francisco Dandulo, qui postea dux fuit.

F E R R A R I A M urbem Veneti olim suis armis, suoque sanguine ab immani hoste planè receperant, suoque iure tuendam susceperant, quod Clemens Pont. qui tum in Gallijs agebat ferre satis æquo animo non poterat, quippe qui sui eam aucupij esse contendebat, missis igitur oratoribus multis frustra ad leniendam Maximi Pont. iram, qui Venetum nomen diris suis, & graui anathemate infectabatur, profectus est ad eum publico nomine orator Franciscus Dandulus, qui obstinatissimum illum aliquot dies expertus, quum etiam interdum ab ipsius conspectu reiceretur, in eam sententiam flexit animum, ut noua arte, nouique pudoris ratione seruata, ad prandentem Pont. in palatio quadrupes accesserit, flexo quan-
tum

tum potuit in terram capite supplexque petens, ut Veneto senatui Pont. ipse parceret, ueniamque daret, neque enim se corporis habitum mutaturum, nisi prius Clemens ignouisset ipse; quare admiratus Pont. captusque tanti pudoris, & reuerentiæ nouitate, illum assurgere iussit complexusque hominem cape inquit exhibiti pudoris à me ueniam, duci que tuo, & senatui scribito meo nomine solutos eos mea omni posthac execratione, carissimosque mihi semper ab hoc die futuros: quæ res tam grata senatui V. fuit ut quamuis canis cognomento diceretur ob commentii nouitatem Princeps statim sit declaratus.

De Senatu Veneto.

SUSCEPERAT Patrum nostrorum ætate dux, senatusque Venetus bellum aduersus Herculem Ferrariensem Ducem Sixto Pont. Max. id annuente, & approbante, suscepitque bellum hoc ipsum honestissimis causis in Herculem adductus, quod cum gereretur ea spe ut Veneti Ferraria breui potiri crederentur, Sixtus Pont. mutata sententia Veneto nomini iratior factus, ut cum infestissimis etiam hostibus aduersus Venetos conspiraret, anathematisque spiculum in eos intorferit, non dubitauit igitur Veneti veteri sua in Romanam sedem obseruatione & oratores ad eum mittere, & facti ueniam ab eo petere, quod postea Sixtus etiam facile concesserit, animo secum reputans quanti hæc ipsa Venetorum verecundia facienda esset.

De eodem Senatu.

IMITATVS Iulius secundus Pont. duorum exemplum adeo Veneto nomini iratus infestusque extitit; ut consuetis diris Venetos petens Christianos omnes, reges, ac principes ad bellum in eos suscipiendum concitarit, quando Veneti, nec Fauentiam, nec Ariminum illi reddere parati essent, quod consilium, quum parum leto euentu illis constiterit, non neglexere tamen, suorum etiam maiorum minime oblitii, oratores ad Pont. ipsum Dominicum Triuifanum procuratorem, & Hieronymum Donatum, & alios mittere, qui vix iratissimi Pont. animos flexerint.

De eodem Senatu.

FACIUNT tria hæc à me paulo ante exempla obseruationis Pontificiæ maiestati exhibitæ, ut non seruato etiam temporum ordine unum illud ascribam, quod maxime memorandum sit, omniumque sæculorum memoria obseruandum, cum Sebastianus Cianus dux Alexandrum 1111. Pont. Max. Venetijs latentem propter metum Friderici imperatoris lætum

tum alacremq; acceperit, ut non dubitarit cum ipso Friderico graues inimicitias suscipere, bellumq; cum eo periculi & alex plenum gerere, ut Alexander ipse retenta maiestate sua, omnesq; mortales agnoscerent quantum uerecundiæ, pudorisq; maiestati Pontificiæ Veneti semper detulissent. bello igitur feliciter confecto, paceq; cum Friderico inita uidit spectauitq; Veneta omnis ciuitas cum ingenti gaudio in Aurea diui Marci æde prostratū imperatorem ad Alexandri pedes, reconciliatam inter utrūque gratiam. qua ex re Alexander Pont. ab vrbe discedens Romamq; petens varijs amplisque insignibus & muneribus principem ipsum ornauit, quæ in hunc usque diem exeunti principi tubarum etiam clangore & vexillorum uarietate apparent.

De Augustino Barbadico Duce.

CREATVS hic quadragintauiuali iuditio dux in Fratri Marci locū est Augustinus Barbadicus, vir uitæ innocentia & grauitate senatoria insignis, repulsamq; tulerat Bernardus Iustinianus diui Marci procurator, literis, oratoriaq; facultate celebris ætateq; ipsa, quam Veneti semper magnificere præponendus. ceterum barbadicus ipse adeo moderato animo sese in eum gessit, ut uerecunde admodum Bernardum ipsum salutarit, dextramq; iunxerit, illiq; quoad ille uixit non parum uerecundiæ & obseruationis exhibuerit, & fratris carissimi loco semper habuerit.

EXTERNÆ.

De Alexandrina uirgine Aegyptia.

VENDICABIT sibi Alexandrina uirgo principem locum, & id quidem iure optimo, quando in tenera ætate id exemplum detenti pudoris posteritati præbuerit, ut non facile par illi historiarum monumentis proditum inueneris. Siquidem hæc sextum decimum ætatis annum vix nata, ardentissimasque adolescentis in se flamas uerita tumulto se ueteri sponte inclusit, in quo duodecim annos cōstanter uixit, cibo capto in dies necessarijsque alijs per rimulam sumptis, interrogataq; sæpius ab ijs, qui escā ad eam afferrent, cur hoc cœpisset consilij, curue tandiu immoraretur; uereor, inquit, uirgineum pudorem amittere adolescentis ardore nimio, quam animi corporisque uerecundiam rebus omnibus anteferebam duxi; nec prius inde amoueri uoluit; quam adolescentem fato functum pro certo intellexit.

De virginibus Aconitanis.

OBSIDEBANT Sarraceni Aconem Syriæ oppidum; quod postea Ptolæmæus est dictum, obsidebantq; tantis viribus, ut paulo post urbem capturi facile uideri possent, id, quod Aconitanæ virginis; quæ cœnobijs inclusæ degebant ueritæ, nares sibi singulæ abscissas uoluere, ea spe ductæ, ut tanta vultus sui deformitate hostes, si urbem cœpissent, mortē sibi potius quam stuprum inferrent, sequenti uerò die, quo capta urbs est perfidi hostes conspectas tam deformes, omnes iugularunt.

De Michaelē Imp. Constantinopolitano.

RETVLERAT Imperator Const. Michael multas, præclarasque ex Bulgaro hoste victorias, qui finitimi Romani imperij finibus ex Scythia profecti, graues, infestique maxime forent, sed postremo prælio uictus, fugatusque ab iis tantum absuit ut pristina laude contentus esset, ut depositis imperii infulis mori maluerit, quam uictorem insolentissimum hostem viuens audire.

De Francisco Sforcia Mediolanensi
Duce.

ECQVIS non existimet Franciscum Sforciam Mediolanensem Ducem hunc ipsum animi pudorem potius retinere voluisse, quam familiarium suorum quorundam intentatus preces sequi; qui quum adhortarentur eum ut Guelfam factionem omnino tollerēt, quæ illi eiusque imperio infesta imprimis esset: pudeat, inquit, uos me Principem recens Mediolanensem totius populi consensu creatum ad alterius partis internicionem adhortari; quæ hunc principatum uolens mihi tradiderit, aspiciite igitur canos in capite meo capillos, & nigrescentes ex alia parte, quos præferam ut alteri alteris non inuideant, & ut certè me eorum non pudeat, sic patiamini quæso Guelfos, & Gibellinos æquo iure sub me principe agere, qui pudorem uerecundiamque semel animo cœptam hæc exuere animo non possim, nec debeam: si modo uos me eum principem esse uelitis, quæ ab initio tanto studio elegistis.

De Gothifredo Bolionio Lotoringæ Duce.

DISCEPTABANT inter se duo sanguine iuncti de Lotoringæ principatu Gothifredus scilicet Bolionius, qui postea Hierosolymorum rex primus

mus est dictus ob eximia eius in christianam pietatem merita, & alter eius affinitate, ut diximus iunctus cuius nomen in obscuro sit; ea igitur disceptatio tandiu tenuit, quoad singulari certamine de tota re decertandū sibi mutuo consensu statuere, in quo praelio Gothifredus ensesuo perfractō ad capulum usque; cum omnes illum adhorterentur, qui præsentes aderant, ut consilium ceptæ pugnae deponeret, staretque amicorum iudicio, atque sententiæ, nunquam persuaderi illi potuit, ut id faceret, sed pudore quodam affectus, incensus ensis capulo sic in hostem incurrit, ut eū equo deiectum, terreque iacentem, suomet gladio facile interimere posset, quē sibi uendicaret, conuersus igitur in spectatores accipio, inquit, pacis conditio nes nunc quæ offerebantur, siquidem hostem interimere iā possum: quod & statim abiecto gladio comprobauit.

De eodem Gothifredo.

Non breuis spatii fuit pudor hic Gothifredo insitus, sed summo studio ad supremum uitæ diem retentus, declarantque hoc ipsum multa præclara eius facinora in hoc genere laudis constanter ædita: sed illud imprimis, quod Hierosolymorum Rex primus creatus propter singulares eius uirtutes oblatum regni diadema capiti sibi imponi nunquā passus, illud semper repetens, egone caput meum ornari hoc tam superbo fastigio in ea vrbe patiar, in qua Christus ipse humani generis redemptor spineam coronam gessit?

De Amore coniugali. Cap. VI.

CONIUGALIS Amortantus: talisque semper est habitus, ut ab orbis primordio statim insitus, creato ipsius Dei nutu primum homine omnium animantium præstantissimo accesserit continuo scæmineum Aeuæ vinculum diuino præcepto infixum homini: ut eam ipsam tãquam se unū coleret meminissetque semper ex suo illam latere proditam, unde ueluti à fonte reliqua summi Amoris, & charitatis munia deriuarint. sic igitur aucta est humani generis soboles, ut hunc ipsum retinere etiam atque etiam debeamus amorem. à quo bona cuncta nobis prodeunt rectè igitur natura ipsa Duce perpetuo intelligas insitum esse, ut parentes liberos suos præcipua charitate colant; contra à liberis singularis pietas parentibus omnino tribuatur. sicque paulatim illa humana societas sparsa, diffusaque in singulos sit, ut summa concordia inter nos agamus, uicissimque ita uita nostra ducatur, ut quod tibi contingere nolles; in alterū nunquam transmittas.

De Vualberta Petri Candiani Ducis vxore .

DVXERAT hanc secundo loco Petrus Candianus, priore vxore uita functa, ex Vgone Principe Italico genitam, quæ maritali fœdere ita illi est iuncta, ut filio ex ea suscepto nunquam non summo amore, summaque charitate sit illū prosecuta; donec illo à Venetis interfecto miserabili clade cū paruulo filio quē fugiens ipse populi furorem secum insinue præferbat. (nec uero nunc cædis causas tam horrendæ longius persequar) superstes ipsa, quæ nunquam euadere tentauerat, mariti sui manes vlcisci studeret. secuta igitur Vitalem priuignum, clamque Venetiis cum eo soluens ad Adheletam Othonis germanici imperatoris uxorem, quæ tum Placentiæ erat transfugit; neque prius inde discedere uoluit, quam desperata auxilii spe ab ipso Othone Principe, Venetias redierit, ut tamen quod illi supersuit vitæ in summo imprimis dolore, animique mæore Petrum Candianum sæpe repetens transegerit.

De Bernardi Iustiniiani prioris vxore .

IVVENIS hic in Iustiniiana familia summæ spei, præclaræque indolis, ex Quirina familia uxorem longè pulcherrimā animique dotibus præterea insignem, ita sibi iunxerat, ut fœlicissimum illud coniugium passim omnes ominarentur; siquidem ex ea treis mares liberos suscepit, Leonardum videlicet postea D. Marci procuratorem, & Marcum, qui primus Bergamo de Phlippi Mediolanensis Ducis manibus à Venetis extorto; prætor designatus præfuit, cū tanta sui nominis dignitate, ut hodie quoque eius memoria celebris sit. & Laurentium postremo, qui à primis annis religionem ingressus, quaiā tū puer imbutus erat, Venetiis postea oliuolensis Antistes declaratus, moxque etiam Patriarchæ dignitate insignitus, moriens postremo inter diuos relatus est. sed, ut ad id quod est instituti operis reddeamus; quoniam Bernardus ipse maritus, Quirinaque vxor admirabili charitate inter se agerent, læti admodū triplici hac prole, ita planè accidit ut nescio quo numine Bernardus ipse iuuenis adhuc uita excesserit, relicta uxore, quæ quartum & uigesimum uitæ annum nondum expleffet, ut interea, uitam sæpe despondere tentauerit, maritumque sequi, nisi afines illam & cognati diligenter obseruassent: quare cōuersa ad filios tres, sub quorum specie, ipse eminebat pater, sic educare eos, et alere cœpit, ut christiana pietate dignos eos redderet, quæ ex re uigiliis, & ieiuniis quotidianis uacans, pauperumque cultui assiduè inserviens, spectantibus singula quotidie liberis, cilicia ueste pro interula tunica utens, lumbosque suos catena ænea cingens, sic disciplina sua pignora instruxit, ut tria ciuitatis Venetæ

Venetæ numina enixa uideri potuerit, & certè in Laurentio ipso, quis hoc unquam contigisse neget? quum ille calendis Iuliis ortus editusque sit, quo die clarissimus Dux Contarenus recepta Clodia, cum magna totius vrbis lætitia & gaudio, triumphans urbem est ingressus. & quoniam Laurentii ipsius meminimus hæud sanè dubitarim testimonium Philippi Ducis in Marcum ipsum attexere: donec Bergomensæ præturam gessit. dicere enim solitus erat Philippus ipse plus negotii sibi ex lanæ Marci Iustiniani veste exhiberi; quàm ex ducentis cataphratis equitibus Venetis capere quotidie soleret. Nec verò Leonardii ipsum vnquam neglexeris, qui primus ex Veneta nobilitate latinis, Græcisque literis præcipue claruit; quare adolescens orationem pro Carolo Zeno funebrem publico mandato habuit; mox uir factus procuratoriam dignitatem ea tempestate longè amplissimam est adeptus, relicto Bernardo Iustiniano filio literarum, & eiusdem dignitatis hærede dignissimo.

De Caroli Zeni Vxore.

Nihil mihi optatius, aut iucundius accidere potest, in omni studio meorum ratione dum partim Græcis, partim latinis literis uaco, quàm quum incido in uiri alicuius præclari mentionem, cuius uirtutes resque præclare domi, forisque gestas quum lego, incredibile dictum est, quanta voluptate afficiar; inter cæteros uerò Caroli Zeni præclarissimi ciuis gesta versantur in manibus, ita planè accendor; ut nunquam eius mihi memoria excidat. Hic igitur Helisabetha Iustiniana uita functa: quam vxorem sibi iuuenis adiunxerat, treisque mares liberos ex ea susceperat, dum iam senex ex Cypria prouintia uictor Venetias rediret; pulsus ex insula Cypro Genuensibus suis auspicijs, suoque ductu, assertoque sua opera legitimo Regi imperio, rem familiarem suam reperit colapsam, ac penè conclamatam; quare intendit animum lubens, ut Iustinopolitanam matronam opibus, genereque claram ætateque; etiam sibi non disparem in uxorem duceret: quæ familiæ alendæ nepotibusque adhuc teneris educandis præesset, cuius fidem, & diligentiam, atque in sese summam charitatem admirandum, cum singulari prudentia coniunctam ita planè complexus est; ita caram habuit, ut domi semper præ oculis haberet. Cæterum ut sunt mortaliū res, non in uno, eodemque gradu semper constantes, non diu illi superstes, incolumisque affuit. Sic igitur tanto animi dolore affectus est; ut neque ipse diu post uixerit. Publiceque sui funeris dies à Duce, Senatuque; omni Veneto, reliquisque ciuibus cum frequentissima omnium pompa celebratus sit.

De Cecilia Barbadica .

NON caruit etiam maiorum nostrorum ætas, hac ipsa coniugij laude tam insigni, Cecilia Barbadica Philippo Vendramino nupta tantum doloris ex eius immatura morte suscepit; ut post mariti supremū diem nullis suorum precibus, nullis cognatorum obtestationibus adduci potuit, ut cibum caperet, sic igitur inedia uitam finiit, vt tamen immortalis eius sit futura laus.

E X T E R N A .

De Indorum vxoribus .

PLVRIMA sunt quæ ueterum monumenta scriptorum certa, explorataque prodidere cum summa legentium admiratione; illud uerò, quod de Indicis uxoribus memoriæ traditum est, quis nō imprimis admiretur quod ad coniugalem fidem, præcipuamque in maritos charitatem spectat: accipient igitur omnes hoc non sine stupore; & cordi animoque fixum semper habeant: mortuo namque marito, quum iam illi rogos institui captus est, uxores inter se certantes (nam plures habere solebant Indi) quæ una in rogam transcendens cum eo comburatur; quæ igitur uictrix declaratur non sine ingenti lætitia, ac si in genialem transferretur thorū, flammæ lætabūda excipit, moriensque ab omnibus tanquam supremam felicitatem adeptam, omnium uoce laudatur, in cælumque extollitur.

De Panthea Abradata vxore .

VULGATVM hoc in Indicis uxoribus institutum; secuta Panthea Abradata Persæ coniux constanter est, quæ nuntiata mariti morte; qui in prælio fortiter pugnans ceciderat, nequaquam consternata animo est; sed tenax propositi mortem delegit, ut eo pacto maritales manes sequi perpetuo posset.

De Phila Demetrij regis coniuge .

MEMORABILE Panthæ facinus infixisse pectori suo Phila Demetrij regis uxor uideri possit; quæ mariti clade cognita, qui uictus ab hoste prælio Cassandriam trepidus fugerat, nulla amplius recipiendi eius spe; mariti interitum minime expectans, prior uenenum hausit; quasi uerò Demetrio præferre, hoc ostentareque sui exemplo uellet; illumque admonere; ut priuatus ipse regno sibi superstes esse nollet.

De Ligarij Romani coniuge .

CELEBRIS est his; qui Latinis literis mediocriter infudarunt Syllanæ, Marianæq; proscriptionis memoria; qua inter cætera cautum erat: ut in eam tabulam relatum; nemo occultū esse uellet, quin statim nisi proderet pœna in dicta: ut etiam si pater filium, aut filius patrem latentem non indicasset mortis quamprimum pœnā subiret, cum omni amissione bonorū, seruatus igitur diu Quintus Ligarius ab vxore domi ex proscriptionis unus, quum tandem à serua proditus esset, ad necemque adduceretur, minime dubitauit uxor ministros statim sequi, precariq; vt se simul cum marito interimerent, quod quum neq; à triumuiris, ad quos clamans perpetuū uenerat impetrare posset, illa domum reuersa mortem statim sibi consciuit, nullum ut cibum unquam capere uoluerit.

De Paulina Senecæ vxore .

SUPPEDITAT nobis huius exemplum argumenti Paulina Senecæ vxor; quæ quum mariti sui sanguinem in balneo spargi passim uideret, idque Neronis principis imperio, qui nihil unquam tale à Seneca præceptore didicisset, nihil omnino uerita; eandem & ipsam pœnam suscipere uoluit, vt quæ maritum viuens nunquam deseruerat eiusdem morientis uestigia perpetuū retineret.

De Annia Romana .

IMPONET finem suscepto à nobis argumento Romanæ Annia prudens responsum, magniq; animi factum, nam amisso marito quum Iuuenem illam Affines adhortarentur, ut iterum nubere uellet, quæ iunior adhuc esset, constanter respōdit nolle se pro certo nouum Hymenæum amplecti; nam si iterum nuberet bonumque uirum sortiretur, qualis prior ipse fuerat, semper se dolituram; quod eo marito carendum sibi esset; sin malum accepisset nolle se torqueri perpetuo hac pœna tam graui, quam sponte sua sibi asciuiisset.

De amicitia . Caput VII.

NULLVM quidem scribendi argumentum gratius, aut iucundius currere potuit, quàm, ut de amicitia ipsa, quæ, uirtute excepta, principem sibi in hominum uita locum uendicat; quæ ab amore profecta, si alterum æque, ac te ipsum diligas nullus certior fructus, nullaque maior laus expectari

ctari potest. ducta igitur à morum similitudine hoc tibi persuaferit impi-
mis; vt amici causa rogantis honesta, promptus alacerque sis, ut planè in-
telligere possimus hac una sublata, nullam esse mortalium uitam, ac si So-
lem; Lunamque; de cælo subtraxeris: sequemur igitur; (ut uno verbo di-
cam) Pithagoræ philosophi præceptum, ut idem velle, idemque nolle in-
ter amicos præcipue benevolentiae uinculum sit; Damonisque ac Pythie
semper meminerimus, quorum alter uadem se pro amico in mortis peri-
culo Dionysio Sicilia tyranno præbuit.

De Veneta Rep.

RETINUIT semper hoc studium Resp. Veneta sanctè, pureque re-
tinenda amicitia, cum principibus præcipue Constantinopolitanis, quos
perpetuò bello, paceque fouit, omnibusque officiis semper profecuta est,
donec uariante imperatorio stemmate, rebusque Imperij illius ad pessim-
um quemque delatis, sanctum illud amicitiae nomen erga illos deserere
sit coacta; ita tamen, ut quandoque memores ipsi Veneti veteris suae in
Græcicum imperium pietatis non deserint, etià in ultimo Graiae gen-
tis excidio suffragari.

De Andrea Dandulo Duce.

CELEBERRIMUM est apud nos Andreae Danduli Ducis nomē, uel
quòd tertium & trigesium uita annum natus Dux est creatus; quae di-
gnitas veteri Venetae gentis instituto senibus ferè demandari solita sit, uel
quòd renascentibus tum primum in terra Italia Latinis literis; eas ita ex-
coluit iuuenis, ut plurimum laudis, & gloriae inde sit consecutus. Quare
Franciscum Petrarcham etiam absentem maxime dilexerit; Venetiasque
aduentantem summo cum honore semper suscepit, ædibus illi publicè
assignatis in urbis parte oculatissima, primoque loco illi semper attribu-
to, quotienscunque in publicum prodiret, post oratores regios principum-
que; qui in comitatu adessent; adhuc inter palatinas aedes saepe illum con-
uiujs excipiens, sic illum complecti visus est, vt fummi in illum amoris te-
stimonium, gratique in eum animi indicium maxime præferret: quod, &
Petrarchae scripta hodie quoque facile declarent.

De Carolo Zeno.

CAROLVS Zenus (hic enim mihi in vario uirtutis genere saepe repe-
tendus erit) dum iuuenis adhuc esset patria in ocio agente, ad Galcadium
Mediolani principem profectus est, à quo primum benigne propter Gen-
tis

tis nobilitatem; & Petri patris memoria præclaram, ita excipitur ut breui cognitus ab ipso duce propter singularem eius uirtutem, ut vniuerso principatui suo ab illo præficeretur, quem deò constanter, & iuste rexit, ut in hodiernum diem Caroli Zeni nomen inter eos populos uiuat, ac floreat. Cæterum Galeatius Dux sic in eum conuertit animum, sic illum complexus est, ut illi omnia deferret, illum beneuolentissimo semper exciperet, uitam illius, cum priuatam, tum publicam, moresque longè optimos maxime admiratus, ut quòtiscunque daretur occasio, semper eum eo esse uellet, omniaque ex Caroli consilio in tanta imperii mole ageret, neque uerò quicquam illi Duci molestius, aut ipsi Carolo durius accidere unquam potuit, quam quum reuocante patria natales solos renisere coactus est, ut tamen alter alterius constantissimam, & mutuam memoriam ad supremum usque diem retinuerit.

De eodem.

Hic uerò finito ligustico bello, quodd graue periculique plenum fuit, in Petrum Paulum Vergerium Iustinopolitanum literarum, & eloquentiæ studijs florētissimum ea tempestate, facies sui amoris sic intorsit, ut unum præcipuè coleret, uni omnia tribueret, domique semper, & studiorum socium, & amicum carissimum habuerit, qui cum ita denique uixit, ut nisi patriæ pietas illum distraheret, nunquam à se ne transuersum quidem unguem seungi pateretur.

De Petro Lauretano.

Fuit is semper clari nominis, & gloriæ apud omnes, imprimisque patriæ carus suæ, namque turcicam classem rei maritimæ imperator primus ad Calipolim uinci posse docuit, & postea ad Rapalum Genuensem classem ita fudit, profligauitque, ut Franciscum Spinulam imperatorem, illustresque aliquot Genuenses ceperit. ceterum ille Gallico bello, quod aduersus Philippum mediolanensem ducem Veneti gerebant, uirtutis sue specimen; Brixie præfectus, in castrisque legatus exhibuit, tale ut obliuisci eius nominis Veneti nūquam possint. Illud uero nunc tantum à me repetetur, quod ad præsentem rem attineat; audierat Blōdi flauii celebre per omnem Italiam nomen, cum sua summa laude à multis commemorari, quare tante uirtutis literarum admiratione captus, sic omnem operam adhibuit, & studium, ut eum ad se Brixie traxerit, eumque inter familiares suos, ita habuit, ut summopere eum diligere uideretur, nec uicissim Blōdus ipse minus uirtutem tam egregii uiri admiratus, summamque in sese beneuolentiam contemplatus, suo omni studio, & cura unquam illi de-

T fuit

fuit, cui à secretis inferuiens; sic denique probatus est, ut & illum Veneta ciuitate donandum curarit. & Venetis ipsis carum perpetuo reddiderit.

Externa.

LAETABATUR olim Græcia quatuor amicorum paria sibi vni affuisse summa sua cùm gloria; quasi uero parens ipsa nostra Italia in hac arena contendere non possit, à qua etiam longissime superetur; non erunt igitur mihi nunc duo illi ex Pythagorica disciplina referendi; qui certè perpetua memoria non indigni sint, quamuis obscuro loco nati, non Nisus, & Aurius virgiliano carmine celebres, sed Augustus ipse Cæsar scilicet exordium amicitiae sanctissimè cultæ dederit, qui uictor Marco Antonio ad Actium nauali prælio; occupata mox etiam Alexandria in publicum prodicens magna uoce; ut exaudiri à corona circūstantium posset, parcere sese dixit Alexandrinis, grauioriquè etiam eorum culpæ ueniam tribuere, tribus de causis, primum propter urbis conditorem Alexandrū, deinde propter vrbes pulchritudinem ipsius, postremo uel imprimis Arij ipsius; gratia què et manu sua adstanti multitudini ostenderit, cuius uirtutis, & bonitatis ergò amicum cum sibi delegerit, qui cùm semper coniunctissime sit uicturus; ò terque, quaterque beatum principem, qui in tanta rerum fortuna, imperijque tam augusti scelicitate non dubitarit ueræ amicitiae testimonium tam fidele præbere.

De M. Vulpio Traiano Imp. & Surra.

OPTIMUM, ac felicissimum principem Augustum excipiet Marcus Vulpus Traianus, qui uitæ bonitate, rerumque gestarum gloria non minus insignis habeatur, hic igitur antequam in Domitiani principis locum ascenderet Surram inter alios præcipuum amicum habuit, qui falsò delatus ad illum, quasi in illo coniurasset, respondit delatoribus, tantum abest, ut hoc credam, ut cras uestro etiam iudicio, uos illum absoluaris, quare adueniente postea luce duobus tantum seruis cōmitatus cum Surra ipso cœnaturus domum eius aduenit, moxque à cœnaradi se ab eius tonfore uoluit, quin etiā eius ab medico, qui præsens aderat, oculos diligentius inspicere uoluit; diutiusque contrectari sibi illos passus est; inde domum incolumis rediens, facile Surræ calumniatoribus satisfecit. ex eo tempore breui principatum adeptus Domitiano principe sublato tribunum ipsum Surrā declarauit, quem etiam alta uoce admonuit districtum gladium illi tradens, ut si rectè imperasset ad sese tuendum illo uteretur; si uerò minus rectè se gereret, ipsum ensē in se diringeret.

De Deoclitiano, & Herculeio Imp.

POTIBATVR rerum, Rom. quæ imperii fascibus, Dioclitianus atque ita imperabat, ut non facile res novas moliri aliquem posse intelligeret, & tamen Herculeium socium ascissere sibi non dubitauit, ad quod uix parentes dum viuunt, liberos suos aduocarent. Vixere igitur inter se diu tanta concordia, tantaq; animorum coniunctione, ut (quod maxime memorabile sit) nullum eiusmodi exemplum in re Romana inuenies, quum diu igitur floruisent præclaris usis uictorijs: Herculeius quæ ipse Dioclitiano gratificari in omnibus studeret, uterque tandem uno, eodemq; die, Mediolani uidelicet Herculeius & Nicomedæ Dioclitianus post xx. annum imperij infulas communi consensu deposuere, quæ res postea Dioclitiano scilicet celsit, quum apud Salonas (Dalmatiæ hoc oppidum, ex quo ortus esset) ageret, hortorumque curam intenderet, tanta constantia, ut nunquam passus sit, se à quopiam ad imperij fasces reuocari, id, quod Herculeius audius affectans (merito fortasse quis dixerit.) non multo post ferro à suis cæsus est.

De Philippo Mediolani Ducè, & Alphunso Neapo. rege.

VIXERVNT ij duo in terra Italia principes patrum nostrorum memoria, diu inter se infestissimis animis donec Philippus ipse Alphunsum regem cum fratribus suis auspicijs, ad Galetam uictum Blasij Acsareti Genuens ductu, captiuum Mediolani uidit, penesque se aliquandiu habuit, quo dimisso, regnoq; ab eo recepto, sic inter se concordēs uixere, sic mutuo sese dilexere: ut non defint autores, qui Alphunsum regem à Philippo instituto hæredem tradant Mediolanensisque principatus successorē scribant.

De liberalitate. Cap. VIII.

NON possum non ingenue fateri laborem, industriamq; hanc meam cum propter alia à me hætenus conscripta, tum ob ea, quæ de amicitia nostrorum temporum memoranda occurrerunt, periuicundam mihi extitisse. ut intelligere possent, qui nostratia hæc quandoque legenti, nunquam defuisse homines, qui etiam in hoc genere laudis maxime floruerint, nec uerò dubito non minori voluptati mihi futurum quum liberalitatem ipsam persequar; si modo ea suis proprijsque uestigijs ingressa ad nos rectè accepta fuerit. Erit igitur mihi liberalitas ipsa, quæ à iustitia proficiscens

modo beneficentia à nobis, modo benignitas appelletur, in praesentia proponenda; quā aut nos sponte nostra in rebus maxime honestis prompti, paratique sumus ad benemerendum de amicis nostris, aut contra, grati, memoresque accepti beneficij, meliore etiam si fieri possit mensura reddimus. quæ uitæ ratio præcipue ualeat ad hominum societatem maxime tuendam.

De Senatu Veneto.

ET quoniam publica priuatis, anteponenda iure optimo sunt, senatus Veneti præclara quædam exempla prius afferam, quæ postea priuata iure suo subsequuntur. Claruit uero semper hæc ciuitas hac ipsa beneficentia dote, quippe quæ gentibus omnibus uario euentu huc confugientibus tanquam benignissima parens patuit. Quare cum multa sint ueteris ætatis exempla, quæ ex Sabelici monumentis legenti cognita esse poterūt, ad recentiora, certioraque transibo. primi igitur mihi Scodrenses Epirotici occurrunt, qui à turcis iterum, atque iterum graui obsidione circumuenti, quum fortissime resisterent; Antonium Lauretanum eorum præfectum, qui illis assidue adesset, secuti, uirum alioqui omni uirtute celebrem, nulli non periculo sese obijcerent, ut eorum quoque uxores, & scemina pro mœnibus starent. secunda igitur oppugnatione quum turca hostis acriter instaret, neque vlla iam euadendi spes scodrensibus superesset: turcis octauum iam mensem urbem obsidione prementibus, quum ferro flammisque hostilibus fortissime resistissent, urbem ipsam Veneti Otho mano principi dedere coacti sunt, inuitis (quod in se esset) ciuibus, qui mori etiam fame malent, quam Venetis non parere, in hos omnes Venetus Senatus longè gratissimus, qui quadringenti, & quinquaginta superfuerant præter uxores, & liberos Venetias aduenientes ita excepit, ut alios perpetuis salariis donarent, alios oppidorum suorum arcibus præficeret, reliquos ad unum nullo non beneficij genere persequerentur, id quod antea etiam calchidensibus publicè datum erat; quicumque huc incolumes appulissent.

De eodem Senatu.

VT interim multa alia publicæ beneficentiæ exempla prætermiserim, quæ ea tempestate præclara & illustria extitere, nunquam certè Antonij Siculi Iuuenis facinus, & Veneti Senatus gratissimum in eum iuuenem animi obliuioni tradam: is enim Iuuenis Othomano bello à Petro Mocenico maritimæ tunc rei imperatore missus calipolim, ut turcicum nauale, domumque in eo oppido plenam omni apparatu nautico incenderet; tametsi res ipsa non omnino successit, quando turcæ ad subitum incendiū extinguum, quod latè iam diffusum erat, aduolarunt; quare iuuenis

territus

territus suamque nauiculam repētens, quæ inter nauigandum improbitò igne conflagarat, captus denique à turcis suis cum focis Othomani iussu intersectus est; non possum equidem silentio inuoluere iuuenis ipsius captiui ad Othomanum deducti summæ constantiæ, nescio an dicam, audaciæ plenum responsum; qui interrogatus ab Othomano cur id ausus esset, an ego, respondit, christianus non tui nominis odio, turcicæque superstitionis tuæ contemptu hoc aggredere? qui scirem principes omnes, ac reges christianos illi præcipuo odio esse, ipsamque Christianam pietatē addeò te persequi, ut extinctam illam, penitusque abolitam abs te præcipue studeas. Venetiis igitur re tam memorabili nunciata, quam primum Antonij fratrem adolescentem adhuc, & eius sororem amplissimis donarunt muneribus, salario videlicet annuo fratri præscripto, & sorori, quotienscunque nuberet, dotē assignata non mediocri.

De ciuium Venetorum in patriam liberalitate.

VIDERI forsan alicui minus curiosus rerum nostratium potero, qui egregium ciuium, & maxime memorabile exemplum liberalitatis, quod ligustico bello ipsi ciues ediderunt immutato temporis ordine, nunc ascribam, satis autem constat dum Contarenius Dux ad Clodiam recipiendam contendere uellet, quam Genuensis hostis expugnatam obtinebat, non paruam ciuium Venetorum copiam magnā uim auri, argenti que in publicum contulisse, ad aliosque bellicos usus, omnes se paratos obtulisse, ut Veneta dignitas, atque libertas statet, quorum magnam partem post pacem initam, patritio donarit ordine Dux, & Senatus: & in iis Iacobū Caballum, qui terrestri bello ea ferè tempestate summa sua cum fide, & laude præfuit: supersunt adhuc Venetiis, ex iis non paucæ familiæ, quæ honestissimum inter patritios obtineant locum.

De Carolo Zeno.

FACIT Caroli Zeni summa in patriam liberalitas hoc difficillimo ligustici belli tempore, ut præteriri à me memoria tam præclari facinoris sine graui piculo non possit, qui prædam Bichinionæ nauis omnem ducentorum & amplius aureorum millium duci, & Senatui Clodiam obsidē cum sua classe adueniens obtulit; neque uero non præfectus terrestris omnis belli à Duce declaratus, priuata domestica pecunia milites in seditionem uersos sæpe conciliauit; omnem suam pecuniam liberaliter pro patria persoluram, pro certo credens amplissimas liberis opes, & copiosum à se patrimonium relinquendum esse, quod pro patriæ dignitate, & gloria priuatim impensum à se foret. poteram etiam hoc loco Robertum sanctum

ctum Seuerinatem inferere; poteram & Malatestæ familiæ reliquias, innumerosque alios adscribere, qui à Senatu Veneto pro eorum benemeritis amplissimis muneribus in hunc usque diem sint donati. Verum ad externa erat mihi transeundum.

EXTERNÆ.

De Pipino Francorum Rege Caroli magni patre.

EXCELLERE in Pipino rege plures, præclaresq; animi dotes; quas postea Carolus magnus eius filius ampliores reddidit, illud uerò in Pipino (ut cætera eius illustria gesta nunc omittam) summæ regiæque liberalitatis exemplum nunquam tacuimus, quod bis in Italiâ aduersum Langobardos descenderit Pont. Maximorum adhortationem secutus, quorum fractis debilitatisque uiribus, quicquid Italici soli, is ademerit, Romanis Pont. ultro donarit, tametsi Constantinopolitani principes immensam auri uim Pipino obtulissent; si ea sibi restituisset, quæ sui iuris esse afferebant, erat autem Hexarchatus Rauennâs præcipui usus, & commodi, præterea quicquid hodie intra Italiam Romandiolæ nomine appellamus cum non inodica Ethuriæ parte.

De Carolo magno Pipini filio.

AN verò Caroli magni liberalitas à me longè celeberrima fileri hoc loco poterit? quando ille Adriani Pont. rogatu ad extinguendam penitus Langobardorum tyrannidem arma sumplit, nomenque Langobardicum ab vniuersa Italia sustulit, Desideriumq; eorum regem captiuum abduxerit, habita imprimis Pontificiæ dignitatis ratione, regnoque Francorum in Italia sic constituto, ut vniuersum terræ Italiæ spacium Cisalpinæ Galliæ meritò hodie nuncupetur, quod padus amnis ambiat, quibus eximijs gestis in religionemque Christianam propensissimo studio iure magnus imperatorque cum sua reliqua sobole sit dictus.

De Paulino Nolano episcopo.

QUIS tui Pauline Nolane antistes obliuisci vnquâ poterit, aut quomodo te non duobus memoratis à me principibus iure adiunxerim: fuerint quidè illi duo principes longè clarissimi, longeq; potentissimi, quorum amplissime opes, atque diuitiæ in tam latis imperij sui finibus extiterint, quas etiâ liberalissime profuderint; te verò Pauline quo pacto, aut quo liberalitatis genere excelluisse dicam, nouam enim esse oportet tui celebrandi rationem, quum nouo liberalitatis genere, ita sis usus, quo ante te nemo, neque posthac in hunc usque diem monumentis literarum celebratur

bretur, fuerint ante te reges, ac uiri opulentissimi, qui uera pietate tuenda pro libertate, pro patria, pro amicis ingentem uim auri atque argenti profuderint, tu uerò inter Aquitanos ortus paternas ampliores opes pauperibus erogasti, Nolamque urbem in Italiam petens, urbi illi dignitate episcopus es praefectus propter singularem nominis tui laudem. Ceterum quum Vandali ex Aphrica ingenti classe profecti Genferico duce Romanam urbem expugnassent, magnamque Campaniae partem, Nolamque ipsam uastassent abductis inde in Aphricam captiuis. Audi tu Pauline pater optime precor, audiant ceteri, qui Christianam pietatem sequuntur omnes, nouum, neque antea auditum liberalitatis exemplum, abductus erat unicus uiduae parentis filius cum alijs, rogabatque illa supplex quotidie Paulinum, ut sibi redimeret filium, sed quum nullae illi essent opes, deposito habitu in Aphricam nauigauit, in uentoque uiduae filio sese illius domino feruum tradidit, ut uiduae parentis filius domum incolumis rediret, quod ubi tandem Genfericus relictus princeps summo opere admiratus, statim Paulinum ipsum cum reliquis Nolanis omnibus in patriam restituendum curauit.

De Serapione Aegyptio monacho.

CELEBRE quoque fuerit post paulinum Serapionis monachi Aegyptij par in eadem laude factum; qui sua veste Euangeliorumque codice diuendito, ut pauperes aleret. se quoque postea uendidit, precioque accepto uiduam foeminam cum aliquot liberis fame laborantem iuuuit; data illi omni pecunia, quam pro se recepisset.

De Alphunfo Seniore.

Nec senior Alphunfus in hoc genere laudis praetereundus est, qui annulos retentos à familiari suo, quum forte manus ablueret, dissimulans postridie alios digitis inferens, quum ab eodem admoneretur ut deponeret, in aurem respondit; cum mihi reddideris, quos adhuc retines; tunc ego hosce deponam, ridenti que similis statim abiit.

De Alexandro V. Pont. Max.

Vt à Pipino rege beneficentia exordium sumpsit; sic Alexandri quinti Pontificis Max. celeberrima benignitas sine huic imponet, qui in Creta insula natus, minoritanæque familiae à puero addictus; ingenij felicitate, & literis maxime excelluit, qua ex re Ioanni Galeatio Mediolanensiu principi cognitus, qui eloquentiae uim in eo admiratus, quam concionabundus referebat, naturæque bonitatem illius obseruans, ac liberalitate,

cam

eam operam dedit ut primum Vicentinus declararetur episcopus, tum re-
 lieta Vicentia Nouariensi præficeretur ciuitati; mox Mediolanum euoca-
 tus Archiepiscopali dignitate donatus est, quinetiam postea Pisani concilij
 autoritatem secutus, quam cardinalis ipse maxime probabat, ea causa
 ut schisma toleretur trium Pont. omnium iudicio Cardinalium Pontifex
 Max. creatus est: qui morum elegantiam, eiusque excellentem doctrinā,
 ingentemq; eius liberalitatem perspexerant. Vtinam uerò diu ille summe
 rei præfuiſſet, nam christiana rei fortasse melius consultum eſſet; sæpe in-
 terim cum familiaribus agens dicere solitus erat, diuinitē se olim episcopū,
 pauperem uerò cardinalem, mendicum ex nimia liberalitate Pontificem
 eſſe, in qua dignitate octauo post mense obiit.

De Humanitate. Cap. I.



ON possum fanè, non uehementer admirari, tacitusque mecum laudare hoc ipsum Valerij maximi nostri scribendi institutum; quum potissimum in uario uirtutum explicando genere uersetur. Verum tria hæc præcipua capita quibus amicitia, liberalitatis, & huius, quæ in manibus est, humanitatis exempla continentur, me imprimis oblectât. habet enim hæc ipsa humanitas, ab homine dicta, quam tu mansuetudini, & clementiæ, seu lenitati rectè adiunxeris, ampla in se, & communia uitæ officia, ut unusquisque facile intelligat, & præcipue reges, ac Principes, unde sibi constantem amorem, & perennem gentium, ac populorû beneuolentiam parent, dumque uixerint, ea retenta mortalium animos sibi deuinctos obtineant. fuit igitur hæc uirtus in Romano populo præcipua, nec Venetis etiam ipsis nunquam non à primis urbis cõditæ annis ad hanc ætatem culta; quam rem plura à nobis, & uaria exempla studiose collata optimè demonstrent: illud interim obiter attingam. nostratia hæc studia, quæ humaniora nuncupentur, ab hoc humanitatis nomine iure deducta: quæ certè si bene à nobis colantur, adolescentiam sæliciter erudiant, senectam ætatem capiant, atque delectent: in secundis rebus nobis ornamento sint, in aduersis perfugio, atque solatio, si domi tecum agas, si foris, si uigiles, atque etiam si rusticare iucundissimi semper sint tibi comites, qui capiant, quibusque imprimis gaudeas. colent igitur hæc humaniores litteras adolescentes, & præter alia historicorum, Poëtarum, Oratorumque monumenta latinè prodita, hosce Valerij libros assidue in manibus habeant, hosce euoluant, cû hisce ita pernoctent, ut quæ admodum Alexâder Magnus Homericam Rhapsodiam sub puluino semper habuisse dicitur, sic nos hæc scripta complectamur.

De Senatu Veneto in Cretenses.

FUIT Creta olim insula iam inde à sui primordio in mari hoc nostrati, ad hæc tempora maxime celebris, centumque urbium fama clara, ut nauigandi palmam primi sibi uendicent, Minoc rege autore militiæ à pueris assueti, disciplina domestica olim adeò illustres, ut Lacedemonij ab ijs

V uiuendi

uiuendi legem sumpliffè credantur. Hæc infula à Metello domita Cretici cognomentum illi tribuit; floruit sub Constantinopolitanis principibus diu; quam tamen Sarraceni claffe sæpe uastarint; donec recepta à Frācis Venetisque Constantinopoli, Bonifatioque Monferatenfi principi ab Balduino imperatore sorte data, eam ille Henrico Dandulo Duci, & Venetis cesserit, ex hac infula uaria, & ampla documēta summæ Venetorum humanitatis percipi possunt; siquidem eam sæpius rebellātem Duces Veneti & Senatus ipse ita complexi sunt, ut deducta eò Colonia patriciorum & plebeorum Veneti sanguinis, constans in fide ad hanc ætatem manserit. Calergis optimè de Veneto nomine meritis, & alijs Cretici sanguinis patricio ordine donatis.

De eodem in Iadrenses.

Vix cuiquam persuaderi interdum posset, tantum benignitatis in Ducibus senatuque Veneto affuisse, ut Iaderæ septies ab imperio Veneto descisenti ueniā semper tribuerit. eiecerat illa suos prætores non semel, Pannonas iterum, atque iterum magnis propositis præmijs ad sese aduocarāt, uario bellorum genere Venetum nomen sæpe uexarant, ceciderat in acie fortissime pugnans Ordolphus Faletrus Dux: steterant pro Genuēsibus ligustico bello, cum magna illyrij parte, & tamen ueniam petentibus semper data est. quam tu igitur humanitatem, quam benignitatem Venetæ parem ex Græcorum latinorumque monumentis huic ipsi leges? desciscere sæpius à Romanis finitimi populi, graue bellum cum Samnitibus per multos annos est gestū, Capuam infestissimam habuere. pro reliqua Italia sæpe à Romanis certatum legas, Carthago contra illos tria bella punica; sociale denique bellum perniciosissimum intra Italiæ fines sensit, & quis nō uideat grauissimas pœnas à deuictis populis semper exactas? grauique seruitutis iugo ciuitates oppresseas? quum Veneti inuiti frequentias bella gesserint de uictis uero nulla alia trophæa, præterquam summam benignitatis, & lenitatis retulerint.

De eodem Senatu in ligures.

NVLlum unquam atrociorē, infestiorēque hostem expertæ sunt Venetiæ Liguræ ipso, qui quamuis ab Adriatico sinu nostro longè distaret, maritimis tamen assuetus uelis, Veneti que nominis æmulus non potuit non acerbissimus esse, dum partim suis, partim alienis auspicijs bellum contra Venetos gerit: ceterum ut alia in præsentia omittā, quis ignorat Andrea Contareno Duce bellum ab hoc hoste Venetis illatum, ut de libertate ipsa certatum, non de imperij finibus uideri possit? in hoc tamē ipso

ipso bello sic à Venetis postremo dimicatum esse nemo non fateatur, ut summa humanitatis exempla in acerrimum hostem semper sint adita, & nouissime ab Contareno Duce receptam Clodia, quatuorque milibus captiuorum receptis, in publicamque custodiam datis; sic publicè, priuatimque sunt habiti, ut non faciliè crederes eum esse genuensem hostem, qui Venetam libertatem penitus opprimere studuerit. satis .n. constat, & publicas edes illis assignatas, unde prospectus in canalem maiorē foret, & certatim à matronis singulis diebus allata iis cibaria, egrotantesque, si qui foret, uario medelę genere leuatos esse; summa cura semper adhibita, ne quis neglectus esse omnino uideretur.

De eodem Senatu in Herculem Ferrariæ Ducem.

FERRARIENSE bellum, siue sociale potius appellare mauis, quando uniuersa Italia in nos exarsit, cui non cognitum, celebratumque est? sic enim biennio, & amplius id ipsum est gestum; ut ipsa ferraria capi, expugnarique à Venetis potuerit, si fides in Italię principibus affuisset, in quibus summa esse debuerat, & tamen inita mox pace Hercules Dux, quum Venetias inuiseret, adeo benignè; iucundeque semper exceptus est, vt & ædes publicè iam pridem à Venetis donatæ, maioribus ipsius uario ornamentorum genere sternerentur, & ipse publica impensa cum omni cōmitatu suo magnificētissime aleretur.

De Carolo Zeno in Genuenses legatos.

PACE cum Genuensibus inita; postquam Clodia Vrbs recepta est à Contareno Duce, belloque atrocissimo finis est impositus, missi sunt Genuenses oratores Venetias, qui & publice Ducem, Senatumque adirent, & Carolum Zenum priuatim inuiserent, quos ille tanta benignitate, & facilitate ita excipere solitus erat, vt non domi solum eos per quam familiariter haberet, uerum etiam urbem cum iis sæpe lustraret, quinetiam dedicata opera illos secum ad magistratus deduxerit, ad quos deprecaturus simulate venerat, vt sibi peniam darent, multamque remitterent, quando eorum licitor gladium sub veste Caroli ipsius latentem sibi ademisset, quum id difficilius impetrare uideretur, interuenientibus oratoribus ipsis, qui suppliciter peterent, & gladium restitui, & multam remitti ciui de patria tam bene merito, vix magistratus adduci potuit, ut ipsi oratores id impetrarent, quæ tamen omnia fiste, simulateque agerentur, vt Venetiis intellexerent omnes legibus obtemperare debere.

De eodem Carolo Zeno .

E A D E M quoque fuit eiufdem Caroli Zeni in Francifcum Cararium humanitas, atque benignitas, cui principatu patauino à Ioanne Galeatio Mediolanenfi principe deiecto in exiliumque ad Aftam oppidum miffo, relegatoq; , Carolus forte obuius factus eft, qui tū cum Imperio vniuerfi principatus præffet, à quo quum propter veterem amicitiam non parua pecuniæ summam peteret, ut uitam produceret, feſeque alere unum poſſet, perlibenter illi, & quam facillime petitam pecuniæ summam numerauit, iuſſitque ut omnem operam à ſe expectaret, quæ præſtari ab ſe ſua cū dignitate illi poſſet.

De Petro Lauretano .

N O N deerant adhuc publica uirtutis huiuſce exempla, quæ refferri à me iure poſſent, ut in Carrarios, Scaligerosque ipſos edita complura enumerarem, ad hæc quātum ſemper Conſtantinopolitanos imperatores Veneti Duces, vniuerſaque ciuitas coluerit, omnibusque humanitatis officijs ſit proſecuta. Cæterum quum priuata lecturis magis profutura intelligerem Petri Lauretani totius rei maritimæ Venetæ imperatoris ſummæ benignitatis exemplum in Franciſcum Spinulam Genuenſium præſectū, aliquosq; eius conſiliarios uiros illuſtres, illi additos à Rep. ſua, præterire ſine piaculo non poſſum, qui ad Rapalitanum ſinum uictis Genuenſibus captiuum ipſum Spinulam, & reliquos ad ſe adductos adeò benigne, adeò humanè excepit, ut illos penè fratres Lauretanos maiore aliquo periculo ſeruatos diceres. excepta eſt quandoq; Spinulæ uox admirantis tantam animi lenitatem, atque clementiam, palamque dicentis, neque in claſſe ipſa, dum Venetias ueheretur, neq; in ipſa ciuitate aſſeruatum, ſe captiuum eſſe tanta Lauretani in omnes Genuenſes animi lenitas fuit.

E X T E R N A .

De Totila Gothorum rege .

P R I N C I P E M ſibi locum uendicauerit Totilas rex: quamuis Barbarus, & in quem ne ſenſum quidem humanitatis ullum cadere poſſe crederes, niſi pro certo literis proditum eſſet, quod Ruſticianam Boëtij uxorem & Simachi ſororem, nullo afficiendam ſupplicio, nullaque plectendam pœna duxerit, quāuis accuſaretur, illaque minime negaret Theodorici regis Gothorum imagines, & ſtatuas, ubicunq; inuenire potuiſſet, ſummo ſtudio deleuiſſe, cenſuit enim Totilas ſecum tacitus non eſſe grauio-

re poena afficiendam foeminam, quæ Boëtij coniugis sui manibus, & Simachi fratris, quasi parentare uoluisset, quos certe Theodoricus rex ipse præter omne ius, & fas interficiendos curasset.

De Iustiniano primo imp.

Celebrent quâvis Romani suum Paulum Aemilium, qui Persæ Macedonum regem Albæ custoditum, uitaque postea functum, magna funeris pompa extulerit, extollat laudibus. & alios suos imperatores vrbs Roma, quod in populi Romani hostes acerrimos omne humanitatis ius præstulerint; nõ facile tamen ex ijs, quempiam Iustiniano Constantino-politano principi in hoc genere laudis prætuleris. ille enim Vitigem Gothorum regem à Belisario captum, Constantinopolimque ex Italia ad se missum, non modo custodiri uoluit, sed benigne à se acceptum, uarijsq; muneribus donatum, & patritio ordine insignitum, finitimæ Persidos regioni regia fermè potestate, & titulo præfecit, in qua tanto cum imperio moriens, uix obliuisci potuit se regem non esse.

De Roderico Biuaro Hispano equite.

Habebit & Hispania suum propriumque hac in parte decus, quo iure sane optimo, Rodericum equitem suum in hoc genere laudis maxime comendet, qui aduersus Mauros Bethicam occupantes magno cû exercitu proficiscens, à Petro Aragoniæ rege impeditus est, ne tam honestum, egregiumque facinus persiceret. quare occurrentem sibi magnis cum copijs primo congressu, non sine labore uictum, captiuum etiam regem habuit, sed humanitatis suæ, & clementiæ Rodericus esse duxit, & regi aduenienti occurrere, & illum benignissime salutare, seseque illi pro regio fastigio submittere, insuper uero magnis etiam pro fortuna sua eum donare muneribus, ciq; statim, & libere in regnũ remisso de sese omnia polliceri.

De Alphunso Castulonensẽ rege.

Florere semper Hispaniæ non solum claris, illustribusque uiris, uerum etiam Principibus, ac Regibus longè clarissimis; inter quos præcipuum sibi uendicabit locum humanitatis, & clementiæ singularis Alphunfus Castulonensis rex. ille etenim deprehensum Bethici sanguinis uirum in castris suis; qui Maumetheum delirium sequeretur, idque tatum peragere festinabat; ut ipsum Alphunsum interimeret, quacunque ratione posset, deprehensum, confessumque tantum crimen, non modo poena ulla affecit, sed regie planè uestitum, ac ornatum, & non mediocri pecunia

niâ succinctum dimisit; ò humanissimum, & clementissimum regem, cuius exemplum tam memorabile, ne in priuatis quidè inuenias adhuc ullis.

De Saladino.

NEMINI non qui regum nostratum gesta ac principum quingentesimum abhinc annum pro Christiana pietate legerit, ignotū, obscurūque Saladini Turcarum principis nomen esse potest. Fuit enim hic tantæ uirtutis princeps, & morum elegancia, & rei militaris gloria, ut uix unū, aut alterum, etiam Quiritij Romaniq̃ sanguinis imperatorem, conferre illi possis. nam captis ab eo Hierosolymis, quum passim illi scēminarū vulgus, & matronarum comitatus occurreret, quæ, & maritos suo in acie interfectos deslerent, & supplices peterent, ne pactam pro redemptione sua pecuniam, quæ illis nulla superesset, exigere uellet, tantam humanitatem erga illas exhibuit, tantamque clementiam in eas præfetulit, ut non modo quicquam ab ijs extorserit, sed benignè ad se appellatas, numerata singulis pecunia, uarijsque muneribus ornatas ultro dimiserit, datis etiam ducibus, qui eas quocunque abire malent, tutò innocenterq̃ deducerent.

De Sixto tertio Pont. Max.

NEMINEM certè nostrum reor æque admiraturum Sixti Pont. Max. Christi vicarii, Petriq̃ue successoris factum insigne, humanitatisque, atque clementiæ singularis plenum, qui accusatus à Basso Romano patritio, interueniente etiam placida vxore uariis illi calumniis obiectis, omnium iudicum sententiis, nullaque penitus uariante absolutus est; quare quum Bassus ipse, & uxor exulare ab urbe cogrentur, primum Sixtus id à iudicibus deprecatus est, quod cum obtinere non potuisset, mortuo non multo post Basso facile ostendit animi sui benignitatem, & placabilitatem, namque eius cadauer Sixtus, quod in urbem deferendum curauit, propriis manibus ornauit, uarioque genere supplicationum, & precum usus ipsemet sepulturæ tradidit.

De Gratis. Cap. II.

IMMINUIT mihi cotidianum hunc laborem scribēdi meum, quod in ea uitæ parte stylus ipse versatur, in qua de ipsa uirtute præcipue agitur, quæ sanè ipsa quum propria sit hominis, unīque sibi præcium, in multas tamen distribuitur partes, uariasque appellationes, & quāuis hætenus de ipsa humanitate, & beneficentia à me diligentius actū sit, quæ certè pars multo iucundissima mihi fuerit, hæc tamen ipsa, qua grati animi

uis

uis effluet, nescio quo pacto mihi iucundior est facta, quìs enim nesciat, si grati animi laus de medio tollatur; omnem uitæ societatem, omnia officia sublata esse? neque enim aliud à nobis immortalis Deus magis expetit, quam ut pro meritis illius in nos gratias persoluamus; quid ipsa à nobis patria? quid parentes à liberis? quid ab amicis amici; magis aliud exoptant, aut exquirunt, quàm ut constantissime semper hunc ipsum, ut nunquam accepti beneficii memoria excidat præferamus animum? ut si in ingratum forte incideris, acceptiq; beneficii immemorem, nihil eo homine tetrius, nihil iniquius esse ducas; siquidem ingrati animi uitium nullam secum uirtutem præferre ualeat.

De Senatu Veneto.

R E T I N V I T iam inde à sui primordio perpetuo quodam tenore hanc grati animi laudem Senatus Venetus, adeò constanter, ut ne minimi quidem in sese beneficii ullo unquam tempore sit oblitus: & ne alia uetustiora nunc repetam, recentioribus explicandis multo sanè libentius insistant, ab ipsa sacrorum cōmemoratione ducatur exordium. Caut igitur Senatus sanctissimo iure, postquam Teupulana coniuratio penitus sublata est, ut eius diei æternam memoriam; sacramque pio constantique amore retineret; inuisitur igitur ab omnibus ordinibus D. Viti Phanium xv. Iunii mensis die, inuisit Dux; vniuersusque senatu, & populus, magna cū pōpa, & gaudio, persolutisque gratiis rite Deo opt. max. patres ipsos secum redeunt, intra pallatinas suas ædes princeps publicis excipit epulis.

De nouo Duce creato.

V T prætermittam suo statoque tempore annuo uaria diuorum templa, celebri etiam Senatus pompa inuisi, adiri que solita, nemo nō scit, ubi primum in demortui locum principis, nouus Dux sit à quadraginta uiris dictus, cum statim Diui Marci sacram ædem inuisere, sacraque ibi obire, populumque ipsum pro concione de superiore loco alloqui, tunc accepto sacramēto, persolutoque sacerdotibus ipsis de more munere, salutataque D. Marci ara, hinc adducarias ædes, sacrisque omnibus rite peractis priuatis suis negotijs incumbere.

De eodem Senatu.

Nō nostratia repetam exempla eius generis, quo ciuibus suis optime patria meritis gratissima semper ciuitas persoluerit, iustis magnisque honoribus illis attributis; qui maritimis rebus præclare gestis claruissent,
transi-

transitum nunc faciam ad ea, quæ non minus illustria celebriaque sint futura, quamuis peregrinis hominibus attributa sint, qui de nomine Veneto optime meriti, gratum ipsum Veneti Senatus in sese animum sunt experti. Cattæ igitur mellitæ, quem propter eius egregias virtutes, summūq; eius in Venetum Senatum studium vniuersæ rei militari præferece imperatorem, quis nescias primum uiuenti illi maximas amplissimasque gratias perfolutas? qui vnus mox Brixiam ipsam sua diligentia seruauit, hostium copias sæpe fuderit tantamque fidem tamque constantem semper se exhibuerit, ut merito morienti illi, & publicæ exequiæ sint habitæ, & equestris statua patauij ad D. Antonij sit posita, quæ hodie quoque non sine omnium expectatione spectetur. cæterum nunquam obliuiscar alterius exempli eiusdem generis, quotiescūque meminerim Bartholomei Colleoni Bergomatis ciuis, qui & ipse sua ætate rei militaris gloria celebris, post magnas præclarasque res bello gestas, summa etiam fide, & charitate in Venetos, quoad uixit imperator rebus omnibus militaribus præfuit. Cui etiam morienti marmorea æquestris statua ad Gemellorum ædem sit posita, perpetuum omnibus, & exhibitæ in Venetum Senatum suæ fidei, & gratissimi in eundem Senatus monimentum.

De Paulo Sabello.

EXTAT hodie Venetijs minoritanæ familiæ templum insigne, multos iam antea annos erectum, quod planè me admonuit, ne & Pauli Sabelli Romani sanguinis uiri, & gratissimi in illum Veneti Senatus iudicij obliuiscerer. hic enim virtutes suas, & animi robore, & constanti in Venetum Senatum fide sic excelluit, ut & Carrarij principes huius opera præcipue sint patauina urbe deiectioni, & patauina urbs diu antea Veneto nomini infesta, sit recepta. quare Veneti illum uarijs, & amplis beneficijs sunt cõplexi, & morienti in eodem templo cuius paulo ante meminimus equestris statua supra Sacelli ianuâ erecta celebris in hunc usq; diem habeatur.

De Iacobo Caballo.

QUAMVIS à me temporis ordo seruatus non esse uideatur, æquissimo tamen animo, uti spero, legentes ferrent, quum egregiam Iacobi Caballi Veronensis industriam in re militari; summamq; illius in Venetum nomen Clodiensi in primis bello exhibitam acceperint, siquidem ille militari uniuersæ rei præfectus, littoraq; ipsa contra Ligurem infestissimum hostem obseruare iussus, strenue hoc ipsum præstitit, multaque alia facinora in eo bello edidit, ut illum Contarenius Dux, Senatusque Venetus primum patritio ordine donarit, cum suis omnibus hæredibus, qui etiam
hac

hac ipsa tēpestare hodie floreāt, illo etiā in super addito munere, ut quodcunque ille pro domestico usu suo in urbē inferrēt, neque ipse, neque eius hæredes quicquam in publicum censum referre cogentur, quod nulli Venetias incolenti hodie sit concessum.

De XXX. familijs patritio ordine donatis.

NON mirum dixerit quispiam esse, si Veneti Senatus in vnum, aut alterum grati animi specimen extiterit, quid uero ille dixerit, quum audiet triginta familias plebei sanguinis optime de Rep. Venetoque nomine meritas, difficillimo eo tempore, patritio ordine omnes cum suis hæredibus esse donatas? quarum hæredes in hunc usque diem insignes opibus, & dignitate, atque autoritate florent.

De Ioanne Quirino, & Benedicto Prunulo.

NON patiar mihi, aut posteris elabi Ioannis Quirini gratissimi in Prunulum discipuli memoriam. ille enim defunctum Prunulum præceptorem suum, & meum, cuius per aliquot annos frequens auditor fuerat, natu etiam grādiior, sepeliendum curauit, monumentumque marmoreū mox insigne in Minoritana æde posuit: memor nimirum, & egregiæ illius bonitatis, & singularis, quam sub eo imbibisset eruditionis. Inuisant igitur locum studiosi iuuenes frequenter, ut hoc exemplo edocti, quantum discipuli ipsi præceptoribus suis debeant perpetuo meminisse velint.

De Marco Antonio Sabellico.

ET ut tandem à bellicis artibus, ad eas quæ pacis sunt redeam, Marcus Antonius Sabellicus testis omnibus esse poterit, quanta semper constantia Veneti hanc ipsam grati animi laudem retinuerint, quæ certe meo iudicio virtutum omnium laudatissima parens, & autor esse existimāda est. ille enim externi sanguinis, quum Venetias uenisset, uarijsque in Italia locis summa sua cum laude latinas literas professus esset, animum tandem adhibuit ad decadas scribendas, quibus libris res à Venetis. gestas, & à urbis primordio ad suam usque ætatem, ornate imprimis, & eleganter est complexus, quare non dubitauit Senatus ducenis aureis nūmis cum quot annis, dum uiueret pro egregio hoc eius munere donare. nō possum hoc in loco, & illud silentio inuoluere, me quoque eiusdem Senatus decreto post trigessimum meæ professionis annum pari munere, quoad superstes fuero insignitum.

De eodem Senatu.

FINEM imponent præclari duo imperatores militaris rei huic parti, quum tamen plerique alii referre in hoc album à me non immerito potue rint; nemini obscurum esse reor ex ijs, qui hodie supersint, Carolū octauum Gallorum regem post receptum propria uirtute Neapolitanum regnum, quinquagesimum ab hinc annum redeuntem in Gallias Tarensi apud Parmam acie superatum à Venetis, ductu auspicijsque Mantuani Imperatoris esse, in quo prælio desideratis præclaris aliquot ducibus & niris fortibus, omnes eorum hæredes, Senatus Veneti decreto esse donatos, cū ipso Mátuano duce perpetuis amplisque quoad uiuerent muneribus. sed & Nicolaum Petilianum recentius nos ipsi uidimus, qui magnis, præclarisque rebus gestis postremo vrbe Patauio recepta, seruataque mox à grauisima omnium obsidione Maximiliani Imperatoris, Christianorūque Regum, & principum, quum non multo post fatis concederet, publico Venetijs funere elatus est Duce Senatuque, & vniuersa ciuitate præeunte; quem nos funebri oratione publice prosequuti sumus, quinetiam equestris statua in Gemellorum eade illi posita est, e regione alterius clari Ducis Leonardi à Prato, cuius ob uirtutem in patauina oppugnatione præstita equestris quoque statua uisitur; quæ res adhortari iam unūquemque posset ad bene merendum de Veneto noniine, certissima spe benefactorum in Venetos memoriam nunquam interituram.

EXTERNA.

De Fla. Valerio Marciano imperat. Constantinop.

SUBIACIENTVR in præsentia à nobis ea grati animi exempla, quæ in externis hominibus etiam florere, ut quum latissime fines suos grati animi laus propagauerit, mortales ipsi ad hanc uirtutem comparandam quotidie magis incalescant animis, quando etiam bruti quoque animalia referenda sunt à nobis, quæ uirtutis huiusce sensum imprimis referat. Interim Fla. Valeri. Marcianus memorabili etiam exemplo reponetur: hic priuatis ortus parentibus, quum in Lycia ageret penes geminos fratres Tacianum, & Iulium, hospes ab ijs benigne susceptus, præterquam quod obseruarant aquilam dormienti Marciano superastantem, ab eiusque capite expansis alis solis radios auertentem: quum inde discederet muneribus ab ijs donatus, & pecunia adiutus Cōstantinopolim petijt, ubi Ariadnæ coniugis opera Zenoni cognomento Isaurico conciliatus eo mortuo, imperator est ab omnibus dictus, qui mox accepto imperii sceptro memor imprimis licyorū fratrum, statim ad se eos uocari iussit, unumque eorum

rum illyrico, alterum Conſtâtinopolitanæ urbi præfecit; acceſſit ad hoc, quod benigniſſime ſemper utrumque apud ſe habuit, magniſquæ, & amplis muneribus (prout res poſcebat) ſemper ornavit. dignus certe, qui uel hoc uno nomine inter optimos principes adnumeretur, & certe niſi Euti-chiana labe, infectus fuiſſet, maiore ſtudio in hunc numerû referri poſſuiſſet.

De Armirate Turca .

¶ QV I S hoc grati animi exemplum non libenter legerit; memoriæquæ ſuæ non infixum eſſe uoluerit? quum audiet Turcici ſanguinis uirum, huius laudis expertem minime fuiſſe? Is memor olim a Baldouino Hieroſolymorum rege ſe acie uictor, vxorem ſuam a victore captam, eamquæ ab omni labe ſeruata, quam in itinere grauidam ipſe reliquiſſet, inſuper ſeruis, & ancillis, & tentorio bene munitam. deſtitutamigitur omni quæ ope nudatam Balduinus rex ſic ſouit, ſic curauit, ut clamidem ſuam illi inſterneret, magniſquæ donata muneribus, citra illam noxam ad maritum remitteret, poſtea memor inquam tantæ gratiæ maritus ipſe Turcharum princeps dicto balduino ab ipſis turcis Romamquæ urbem immunitam confugienti, ipſe Armirâs clâm ad eum acceſſit, eoquæ admonito, ut ſe itineris ducem ſequeretur. adeo fidus illi comes aſſuit, ut tutum in regiam urbem Hieroſolymam incolumemquæ deduxerit. o grati animi in homine barbaro clariſſimum exemplum, quod omnes utinâ ſequeremur, quando ab hac ipſa ueluti à fonte reliquæ omnes uirtutes nobis faciliores, & honeſtiores occurrerent.

De Genuenſibus in Petrum Fulgoſium gratiſſimis .

FLORVERE quidem olim, & hodie etiam florent multis, præclarisquæ auini dotibus Genuenſes. Cæterum in Petrum Fulgoſium memorabile eiſdem ciuitatis exemplum nunquam à me ſilebitur, ipſe enim claſſis præfectus in Cyprum inſulam publico nomine miſſus, eam prouinciâ adeo diligenter, & feliciter miniſtrauit, ut inde recedens, magna abacta præda; Famaguſtam quoque urbem Genuenſium imperio addiderit (preſcipuum eiſulæ oppidum) quod adeo gratanter, læti quæ Genuenſes acceperet, ut ipſum ducem magna prædæ parte donarint, publicoquæ decreto decem aureorum milibus honeſtarint; tantæquæ uictoriæ diem æterna memoria conſecrarint, ut tamen Fulgoſio ipſi quotieſcunquæ annuo ipſo die ad minoritanam ædem publice proficiſcerentur, omnes præirent in eo comitatu, urbis duce excepto.

De Leone Pont. Max. III. & Carolo magno Imperatore .

DUBIUS planè animi eram, quum in hanc partem referendam totus mente incubuissem, Leonem ne Pont. Max. Carolo, an Carolum imperatorem Leoni in hoc ipso referendæ gratiæ studiò anteferrem, nam tanta magni Caroli in Romanam sedem benignitas excelluit, tam de ipsa benemeritus est, ut meritò, & Christianissimi cognomen retulerit primus, & imperatoria dignitate à Leone III. Pont. Max. exornatus est. sic incertus, uariusque nesciebam uni primas grati animi partes tribuerem. Certè Carolus ipse magnam Italiæ partem à Langobardis tot annos oppressam in Pont. maximorum gratiam ita restituit, ut illum tamen pœnitere impensæ, tributæque gratiæ nunquam potuerit, contra uerò Leo Pont. accepti beneficii memor eas illi gratias retulit, ut maiores certè referri nò possent, sed quoniam primum locum obtinuit ille, qui gratiam beneficiumq; contulit, secundum uerò ille, qui accepto beneficio semper de referenda gratia cogitat, ut etiam si par pari reddiderit, nunquam tamen obliuiscatur illius, qui collati beneficii autor, & princeps fuerit. relinquemus igitur in mediò hoc ipsum in præsentia, & lecturi quandoque hæc nostratia, ipsa hæc constituent, & iudicabunt.

De Leone gratiam referente .

CONSULENT iidem æqui, bonique, nisi fallor, omnes, si ab hominù relatione, & præsertim tam clarorum ad Leonum feritatem, ac bruta animantia quædam transitum fecero, id, quod à me eo consilio fiet, ut quum in brutis ipsis omnem penitus rationem, uirtutisque ipsius sensum abesse sciamus, unum tamen in quibusdam referendæ gratiæ studium relictu esse minime dubitemus. neque uerò hac in parte leonem cæteris animantibus præferre, huiusque animantis memorabile facinus, quod Appion cognomento polyhistor à se Romæ in media arena uisum prodiderit, posteritati celeberrimū reddere pigebit: ille igitur quauis in suis Aegyptiacis libris multarum rerum uenditor esse potuerit (uti sunt, semperque fuere Græcorum hominum ingenia) in hoc ipso tamē, quod à se in medio circo uisum fateatur cum maxima totius populi admiratione, neque ab alijs falli, nec alios fallere potuit. erant igitur iam leones in promptu non pauci, qui in ipsa arena homines dilaniarent. Erat & Androdus consularis uiri seruus, sic morti destinatus, ut statim laceraretur (dominum enim dum in Aphrica ageret propter nimiam eius crudelitatem deseruerat pœnæque metu in Aphricæ specu triennio delituerat) quum forte ingressus Leo eo conspe-

Et o blande benigneque, sumissa etiam cauda ad eum accessit, tanto sui terrore, ut deuorandum se statim ab eo putaret. sed quum ille sæpius pedem illi offerret, tanquam medicinam ab eo opem quæreretur, animaduertit graue esse Leoni in pede tumorem, saniemque undique erumpere. securior igitur animi factus, & stipem à pede euulsit mali, causam, & diligentius accuratum à se dimisit. cuius beneficij non immemor Leo, qui tum forte cū alijs aderat, statim sese proripiens, ad Androdum à se uisum concurrit, illumque benigne adiit; & quasi testari uellet, se esse memorem accepti beneficij, pedes, & caudā submittebat; quæ res ex populi acclamatione uniuersi tantum admirationis exciuit, ut euocatus Androdus ad principem, subsequente semper Leone, ab eo quæreretur imperator, quidnam hoc esset rei, ille uero haud equidem scire se palam fateri, cæterum meminisse à se Leonem in specu curatum, qui nunc gratiæ memor seruare sese studeat. Quare cognita perspectaque à principe dimissus est, hinc per urbem comitante Leone, cum omnium studio uisendi diu profectus est. nec uero Syracusani Mentoris, aut Samij Elpidos Leonum generositatem huiusceque uirtutis specimen testentur, qui duo, ut Plinius est author, quū Leonēs curassent ab iisdem relatum sibi gratiam scripserint; ut etiam apud Samum, seruatoris bacci templum ab ipso Elpide erectum sit, grati in sese Leonis testimonium approbante.

De Canibus.

FIDELISSIMUM homini Animal esse Canem, non solum erit testis certissimus C. Plinius, qui tot, & tanta suis libris omni memoria digna cōtexuit, sed uita planè omnis nostra testimonium illi præbuerit, quū paucissimi hodie sint, qui canem domi non alant. unum igitur uolens, lubensque commemorauerim, quod Ambrosius ipse non omittendum sibi duxerit in ijs libris, quibus senum dierum opus complectitur, fuisse. s. Antiochiæ canem, qui domini sui cadauer asseruans, ululatu, & gemitu dolore noctu restarentur suum, cæterum superueniente luce, quum magna hominum multitudo conuenisset ad tantæ rei spectaculum, ab eodem cane latratu asidiuò petitum esse cædis autorem, quare deprehensa captus cædis parator à multitudine, ad iudicemque deductus non potuit non fateri à sese interemptū canis dominum. quare illo supremo supplicio affecto, facile nobis canis probauerit, grati animi uim sibi præcipuam adesse, beneficiique memoriam, nunquam interire. qui uero plura scire desiderat C. Plinium diligentius euoluat, qui ueterum scriptorum unus multa, & magna fidei, gratique animi canum exempla prodiderit.

De ingratīs . Cap. III.

NON possum certè nō inuitus immorari diutius in hac scribendi parte, in qua de ingratīs à nobis agendum est, primum quòd hoc ipsum tam late, tamque facile in hominum genere pateat. quum natura ipsa nos alienissimos ab hoc ipso genuerit; ut nescias certè quomodo id euenerit, ut in hac ipsa uirtute retinenda geniti, recordandi collatæ gratiæ, referendæque contumacissimi euaserimus. Quare uniuerfos adhortari uelim, ut benefici præcipue sint, & referendæ gratiæ, qui beneficium acceperit, memor perpetuo esse uelit; cuius præcepti nobis insiti à Deo, optimo maximoque, si memores esse uoluerimus pro certo nobis esse debebit, & felicissimam uitam nobis affore, & ab ipso funere ipsi cælo quam facilius, ueluti postliminio esse donandos quando Deus ipse non aliud, ferè à nobis exigit, quam ut grati memoresque simus, gratiæ, quam semel acceperimus. Sed iam ad ipsum institutum opus aggrediamur.

De Methamaucensibus .

VTINAM Methamaucenses aut Heracliensium retinuissent exemplū, qui de suis ducibus optime meriti semper fuere, aut meliore fato Methamaucum imperij Veneti sedes ab Heraclia translata esset, neque enim nunc à me inter ingratos primi admirarentur, qui partim duces suos, aut oculis priuarunt, aut exulare coegerunt. donec Valèrini ducis auspicijs relictis infautis Methamaucis sedibus, Riiumaltum optimo augurio immigratū sit, quæ imperij sedes in hunc usque diem fortunatissime perduret.

De Venetis in Riiumaltum translatis .

NON possum facere, quando mihi ueritas ipsa prodenti maxime placeat, probataque semper sit, ut non ingratum populi Veneti in Duces animum, sub ipsa primordia translata à Methamauco in Riiumaltum sedis non commemorem. hic enim suo ingenitoque furore Duces treis uno eodemque ordine interfecit, duos cum ipso Centranico in exilium misit, Vrseolamque familiam claris ducibus ornatam ab urbe penitus exegit.

De Carolo Zeno .

FVERINT quæ superius scripsimus furentis semper populi, & infangentis iudicia, quid de Carolo Zeni carcere, aut de procuratoriæ dignitatis abdicatione dicemus. uix enim alterum reperiās in hac sancta Senatorū copia,

copia, & dignitate, quem Carolo Zeno conferre ualeas, qui uirtute sua, animique magnitudine Clodiam urbem receperit, qui ligurem hostem naualibus praeliis toties uicerit, qui Bucicaldum Francisci sanguinis uirum fuderit, nauimque Bichinioniam omnium ea tempestate opulentissimam expugnarit, senexque postremo Cyprium regnum pulso ligure ex ea insula tota suo regi asseruerit. Omitto quod neque etiam satis exploratum, certumue crimen id fuerit, cuius accusaretur.

De Victore Pisano.

Fuit hic Pisana familia Venetiis longe clarissima ortus, animi magnitudine, & multarum rerum experientia Senator illustis, quique ob egregiam uirtutem suam ligustico bello imminente, Imperator rei maritimæ totius declaratus sit; is cum Polæ ageret Luciani Auricæ Genuensium Ducis insidiis partim, partim præfectorum suorum quorundam ignauia victus prælio est, id, quod Venetus Senatus, & Dux adeo ægre tulit, ut innocentem ipsum Victorem in carcerem truserit, uinculisque etiam ingrata ciuitas uinxerit, quem tamen non multo post exposcente id ipsum assidue uniuersa ciuitate inde exemerit, paucorumque Senatorum inuidia, ingratoque in illum animo factum excusans, pristinae suæ dignitati restituit, omnium tanto gaudio & lætitia, tantaque frequentia domum deductus, ut merito non multo post, ex Senatus sententia uniuersæ rei maritimæ præficatur, qui nisi immaturo fato apud Syontem decessisset, instructissima quidem classe, magna, certaque omnium spe præclara facinora edidisset. non possum silentio inuoluere præclarum imprimis huiusce uiri facinus, simul & dictum illustrius, quoniam enim solutus carceris domum tanta cum frequentia rediret, quantam supra diximus, tum nauarchus quidam ex plebe rei maritimæ peritia celebris, illique proximus adhortatus eum esse dicitur, ut tanto populi fauore usus illatam in patres ulcisceretur iniuriam, conuersus statim in illum pugno genam percussit, illud insuper addens, an ego patriæ decreta unquam contempserim? illius, ulliusque in me iniuriæ meminerim?

De Francisco Foscaro Duce.

ADMONITVS Baptistæ Fulgosij scriptis; præterire nequaquam possum in Franciscum Foscharum Ducem decretum Reip. ingratitudinis exemplum, qui dux in Thomæ Mocenici loco suffectus cum quinque & xxx. annos summa sua cum dignitate, & Veneti imperij amplitudine rebus præfuisset, quasi ingrauescente ætate par tanto honori esse non posset; paucorum certe inuidia, publico tamen decreto, qui superstes adhuc summa dignitate

gnitate priuatus est; qui quâ ex palatinis ædibus purpurea ueste succinctus, magna ciuium multitudine astante, decretumque publicum improbatum, in priuatas ædes suas rediisset, dolore animi intra triduum obiit, cuius mortem uniuersa ciuitas ægerimè tulit; ut illum Pasqualis Maripetrus dux, vniuersusque patritius ordo ad minoritanam ædem summa cum funeris pompa extulerit; quem Bernardus Iustinianus funebri oratione longè celeberrima laudarit, quæ hodie quoque excussa extet: monumentum etiâ ad minoritanæ ædis aram maximâ ex pario marmore, auroque purissimo illi extructo.

De Leonardo Lauretano.

VT interim in Antonium Grimanum uirum clarissimû maioris consilii auctoritatem, nimis fortasse immaturam nunc omiserim, id, quod eius non multo post ab exilio, reuocatio additaque procuratoris dignitatis restitutio, inq; Leonardi Lauretani locû Ducis eiusdem dignitatis mox declaret assertio. quis nesciat Lauretanum principem longè celeberrimû extitisse: qui ducis dignitati per uiginti annos ita præfuerit, quatuor liberis iam adultis, ut eius prudentiam, ac bonitatem singularem dum uixit, nemo unquam desiderauerit: præsertim uerò temporibus illis Reip. maxime infestis, quâ accepta ad Abduam clade de totius imperii Veneti incolumitate diu dimicatum sit contra Iulium Pont. reliquosque christianos omnes principes, & tamen in hunc ipsum non ingrati fuisse uideri nō possunt triumuiui, qui mortuo principe creari solent, ut inquirât accuratius, ecquid contra leges ab eodem principe sit quandoque gestum. quod quâ illi acerbius aliquanto indagarent, nullumque omnino superesset uestigium principatus non sanctè ab eo administrati, ac liberis, uix ab instituto decedere potuerunt, non sine totius ciuitatis postea querela, quod in memoriam tanti principis tam acres, tamque uehementes uideri uellent.

EXTERNÆ.

De Francisco Carmaniola.

QVAM vellem id mihi scribenti in primis dari, ut de ingratis pauciora occurrerent; sed uersanti mihi hac in parte tot & tanta occurrerent exemplâ, partim ex ueterum scriptorum lectione, partim ex his, quæ septuagena-rio mihi ad hanc diem contingere, ut interdum per immortalem deum hu-ius me uitæ pigeat, ac pudeat. quis est enim quæso hodie, qui collatæ in se gratiæ memoriam retineat? aut optime de se meritis priuatim, uel publice gratum animum tribuat? colimus certe opulentissimum quemque: ut ab eo frequentius beneficia recipiamus, sed eo planè animo, ut in unum, alterumue

rúmue diem beneficii accepti memores simus. faxit uerò deus tandem, ut tollatur hæc pestis omnis uirtutis ex hominum genere; quemadmodum & reliqua in natura mala nulla sempiterna, diuina maiestas esse uoluit. Vtinam uerò tibi Franciscæ Carmaniola mentem hæc deus ipse tribuisset, ut tot, tantorumque Veneti Senatus in te meritorum memoriam retinere maluisses, qui obscurissimo loco natus inter Allobrogas, quamuis non male meritis de Philippo Vicecomite Mediolanensium Duce, quum eum fugiens, ut ingratum principem, uitæque tuæ insidiantem expertus esses, uitabundus eius dolos in Senatus Veneti tutelam Venetias cum uxore, & reliqua familia confugeris, quique te tanta benignitate exceperit, ut nihil iracundiam tanti principis ueritus, tibi summam totius Reip. suæ ueluti mancipio crediderit. quomodo igitur inceslere animum tuum tantum nephas potuit, ut post claram uictoriam macledonensem tuo ducto, auspicijsque ex hoste partam, Cremonam urbem è manibus elabi tuis paterere, aut classem Venetâ in Pado agentem negligeres, & de tota re Veneta proditorem te fore Philippo principi sponderes, id, quod quum literis manu tua scriptis cognitum, perspectumque foret, meritò tibi ceruix publico decreto inter geminas columnas abscissa est.

De Theodato Gothorum rege.

V T I N A M hoc ingratitudinis uitium in Barbaris tantum hominibus, & ab omni humanitate alienis inueniretur, & non tam latè iam per omne genus humanum serperet, ut iactæ radices conuelli etiam intra Græciæ, Italiæque fines haudquaquam possint, quo in uitio Theodatus Gothorū postea rex, aded implicitus fuit, ut nihil eo tetrius cogitari possit. reliquerat Theodericus rex Gothorum Amalæuentam filiam, quæ in regno succederet cum Alarico filio superstiti, quo puero mortuo, nō dubitauit regina in Theodato studium omne suum reponere, Gothicique regni fastigium uni illi credere. quare Theodatus tati beneficii immemor, reginam Volsiniensi lacu statim inclusit, mox suo iussu transgulatam abiiciendam curauit, quo sanè factò uerbum illud uetus uerissimum esse ostendit, quo maius beneficium in aliquem contuleris, ab eodem graue maleficium expecta.

De Alexio Comneno.

S I Q U I S Græcorū annales recentiores diligentius euoluerit, in nullo hominum genere frequentiora, aut grauiora ingratitudinis uitia inuenit, quam in Constantinopolitanis principibus, qui Constantino principi succedere, uideas enim & filios in parentes, & in fratres fratres aded sceuos impiosque fuisse, ut nihil detestabilius, nihil scelestius cogitanti tibi

Y occurrat

occurrat. nemo enim nescit ab Yfacio Constantinopolis imperatore Alexium fratrem summopere dilectum esse, quem etiam à Turcis captum magno auri pondere redemerit, quem secum in summa gratia semper habuerit, sed ò nefarium planè hominem, qui mox fratrem deiectum imperii fascibus, excæcari iusserit, sceuissimoque carceri incluserit, donec Venetis, Gallicisque armis adiutus Alexius puer Yfacij filius ipsum Alexiû patruû deiecerit, & cæco patri Imperij sceptro restituerit.

De Iustiniano Imperatore.

LAUDET Iustinianum principem, quicumque uoluerint, quod uetera legum monimenta ad nos qualiacunque transmiserit, eorum opera, qui clari ea tempestate literarum huiusmodi studio florebant, quamuis non desint, qui illum ipsum literarum omnium expertem prodiderint, quomodo autem eius in Bellisarium ingratitude placido ulli animo ferre poterunt? quû pro certo habeât in Bellisarium ipsum ingratisimû omnium mortalium extitisse, qui in Italiam ab eo missus, ut Gothos, vandalosque omni Italia pelleret, eum se Imperatorem gessit, ut quem illi conferre possis habeas neminem. nam & urbem Romam recepit, & Gothos Italiæ finibus expulit, ut Vitigem Gothorum regem captum Constantinopolim duxerit, & militarem omnem rem summa felicitate administrauerit, ut nulla par oratio eius laudi excogitari queat, hunc tamen redeuntē Constantinopolim ingratisimus princeps eò redegit, ut captus etiam luminibus eiusdem principis iussu, quotidianum panem mendicare coactus sit, id semper repetens, Bellisarius qui Persas uicit, qui Gothos Italia expulit, qui urbem Romam liberam esse curauit, diurnam stipem à uobis repetit.

De Narsete eunucho.

PAR propè laus Eunuchi Narsetis esse poterat, sed scelicior aliquanto quàm Bellisarii exitus, si non ille saltum scemineum imprimis exofus Langobardos in Italiam euocasset: meruit ille quidem Italia crepta à Barbaris, asserta que in ueterem libertatem præclarum, æternumque nomen, sed cum imperatrix Sophia illum redire in Græciam iussisset, ut Eunuchus lanæ pensa, expleret, uide inquit, & dicito rediturum me statim, idque pensum exorsurum, quando tanta ingratitude mecum agit, cuius illa, nec principium, nec finem inuenierit.

De Friderico secundo Imperatore . .

SUPERERANT sanè mihi, cum vetustiora, tum recentiora huius uicij præcipue detestandi exempla: imponet tamè finem in præsentia Fridericus secundus hoc nomine Germanorum imp. qui unus mortalium ingratissimus censi merito possit, ut tamen si quis eius exitum secum expenderit, non possit non ab hoc ipso scelere in primis abhorre. fuerat eius pater Henricus quintus Siciliæ regio à Cœlestino 117. Pont. donatus, fueratque postea patre mortuo adnitentibus potissimis rex siculis datus, & puer adhuc Innocentij, Honorijque Pont. cura sic educatus, ut imperij quoque Romani titulum, et fastigium Honorij studio sit adeptus, sed quis unquam tam grauitè Romanorum Pont. maiestatem in seclatus est? quis verò Italiæ maiorem unquam uastitatem intulit? factionibus Guelphorum & Gibellinorum à se inuentis, qua re nihil Italico nomini perniciosius: nihil calamitosius excogitari potuit. accessit ad hæc in Guelphicum nomen tam acre odium, ut neminem huius nominis, quoad eius fieri poterat, saluum superstitemque esse uellet, sed nec Pontificibus optimè de se meritis, nullam unquam acceptæ gratiæ memoriam preendit, quin potius omni à se insectatione obnoxios semper esse uoluit. sed attendite scelestissimi hominis finem, infigiteque animis uestris, quæso per immortalē deum, quicunque ex professo ingratos homines odistis; nam in Siciliam reuersus, quò prius tamen uariis cladibus affectus esset, anathematique spiculo à Romanis Pont. meritò sæpe pètitus, à Manfredò filio iacens in lecto atrocissime necatus est, eo potissimum tēpore, quo se totius Italiæ regno potiturus sperasset.

De Iuda Iscariothe .

QVO te Iudàs Iscariothes uerborum nimbo, aut sententiarum procella feriam? qui mortalium omnium ingratissimus inter xii. Christi discipulos ascitus, leuissima etiam, de causa irritatus, & ea turpissima, quòd. si pecuniam ex unguento à Maria Magdalene oblato, pedibusque Christi circumfuso, uendicare tibi uni non potueris. quare scelestissimus is omnium mortalium, ad pontifices profectus proditurum illum pollicitus est, prætorique cohorte succinctus, ad locum, qui illi notus erat, ubi Christus ageret, prouenit, cui occurrens etiam Christus, quum amicum appellasset, ne osculum quidem eius auersatus est. Cæterum capto, & uinculis alligato Christo à prætorianis militibus, qui audita eius uoce, primū humi aliquandiu strati iacuerant, ad Pilatumque deducto statim facti pœnitens, & argenteos, quos accepit, dimisit, & iniquissime à se factum prædicare cœ-

De Laurentio Iustiniano in Quirinam Matrem.

OBIERAT Bernardus Iustinianus senior relicta vxore Quirina: ex qua præter alios treis susceperat liberos, de quibus superius à me dictum est. Laurentius igitur adolescens adhuc, videns matrem ieiunijs, orationibusque, & eleemosynis vacantem, ferreaque catena audiens lumbos cinctam, nec interim disciplinam domesticam negligentem, maternæ pietatis æmulus semper cum ea impubes adhuc agere, clamque sibi lectum sternere, uirentiaque ligna pro molliore pluma sibi subicere, donec uale dicto matri secutus præterea vocem nocturnam, monasticam vitam complexus est, in qua sic claruit, sic excelluit, ut Patriarchali postea dignitate primus à Senatu Veneto donatus, hodie inter diuos habeatur, scriptis etiâ testatus, quæ hodie inter diuos habeatur, scriptis etiam testatus, quæ hodie extant secutum se se veram pietatem & matris exemplo, & virginis pollicitatione, quæ personnum illi occurrit, quæ se sapientiam Dei esse diceret.

De filijs Marci Barbadici Ducis Venet.

PRIMVS in Barbadicam filiam alioqui claram semper, & illustrem Ducis dignitatem intulit Marcus ipse Barbadicus: quam tamen nondum anno finito præuentus morte reliquit, multæ in illo Duce animi dotes, multaque probitatis, & ingenij bona: sed illud in primis: nequaquam mihi contemnendum, quod quatuor liberos reliquit hæredes omni quidem laude dignos. sed illi in primis, quod in Patre summa pietate semper sunt, vñ multo magis celebrandi, ut nunquam ex quo ille ægrotare domi cæpit, ab eius thoro discesserint, omnem illi operam exhibentes, sed & mortui cineres vnâ cum Augustini Ducis fratris, qui postea illi successit, sic in Aede charitatis (Barbadici enim ferè omnes ad .d. Oribasij ædem penates habebant suos) collocarunt, monumento marmoreo adeo insigni utriusque erecto, ut certe omnes, qui spectatum veniunt, magnificentiam operis admirentur, ac (ut verius dicam) obstupecant, ut planè dici possit eos Venetias non appulisse, quibus hoc opus tam insigne spectasse non licuit.

De filijs Antonij Grimani Ducis Venet.

VIX scio an ullum tale exemplum in veterum munimentis aliquando legerim, uariantis imprimis fortunæ, quale in Antonio Grimano patritij ordinis uiro spectatur. fuerit celebre apud Athenienses Miltiadis nomen. nec Romæ minus illustris præclaraque Camilli dictatoris memoria. Vixerat Antonius Grimanus fama, opibusque Venetijs insignis, cum primum

mum rei maritimæ imperator prouincia satis sæliciter administrata, domum reuersus procuratoria dignitate donatur; iterumque Turcico bello ad uniuersam Græciam liberandam classi Imperator datur. nō multo post abrogato illi Imperio Venetias reuocatur: quo tempore sanè licuit spectare, cum summa omnium, qui intererant admiratione, filiorum in euni pietatem, & præcipue Cardinalis eius filij, qui illi iuxta carcerem occurrēs, patrem amplexatus lachrymabundusque. ego inquit pater pro te, tuaque salute in publica uincula me conijciam, nec prius inde discedam, quàm audiero te publico absolutum iudicio. Cæterum à patre publicorum ministrorū opera diuulsus, petebat ab illis, ut se filiū in carcere patri adiungerēt cui inferuire ipse posset. sed quū nō multo post maioris cōsiliij iudicio, in exilium relegatus esset, ipseque pater Romam aduolasset, relegationis suæ finibus non cōtēntus, sic à Cardinali filio excipitur, sic in summo gaudio, summam pietatem præsetulit, ut beatum, ac sælicem patrem esse dicerent, qui talem filiū fortius esset. qui mox in patriam restitutus incredibili omniū gaudio, procuratorque. d. Marci iterū creatus, quod nulli unquam ante contigerat, denique in Lauretani Principis clarissimi locum, ipse Dux eligitur.

De filijs Leonardi Lauretani Ducis.

POTERAM sanè uereri, ne quispiam suspicaretur gratiæ à me aliquid priuatæ datum, Lauretanique principis in me meritis attributum, quòd pietatis exemplo claudam hanc partem, repetito ab eius liberorum in patrem charitate, sed illud me consolatur, quod superstites multi adhuc uiuunt, qui mihi testes optimi præcipue illorum in patrē pietatis esse poterunt. supererant igitur illi in principatu liberi tres, mortuo iam antea Bernardo adhuc adolescente, quum uictis ad Abdum Venetis ab Aloysio Francorum rege, Venetus omnis principatus penè cum urbe ipsa patauiō est amissus, nō possum hic commemorare publici huiusce vulneris totius ciuitatis mœrorem, illud tantum, quod ad rem attinet dixerim, ad tam subitum acceptæ cladis nuncium, tres ipsos filios ad patrem concurrisse, eūque ut forti animo esse uellet adhortatos, paratosque se esse dicere pro dignitate publica tuenda omnem periculum, atque aleam subire, non defuturas sibi priuatas opes, non reliquos consanguineos, qui prestò semper affuturi sint, id, quod audientes cæteri, qui aderant, tantum animis in calore, ut statim de patauina urbe recipienda consilium initum sit, cuius saluberrimi consilij Aloysium Molinum summæ autoritatis dignitatisque uirum precipuum autorem fuisse tradunt. eamque urbem à Maximiliani impera. armis, reliquorumque Christianorum principum obsidione cinctam sælicissimo euentu defensam, ad quam tuendam duo filij principis Aloysius,

Aloysius, & Hieronymus, maiorq; pars patritij ordinis, cum summo uniuersæ ciuitatis studio conuenissent. Ecquos alios duces expeteres? ecquæ aliorum auspicia, ductumq; libentius sequerere? quam ubi uidisses geminos fratres, præcipua corporis proceritate, summaq; alacritate tanto cum comitatu, ubi maior periculi alea foret aduolantes? qua re sic dijs fauentibus, non multo post Maximilianus Cæsar, Gallorumq; copię omnes, & Hispanorum infecto negotio discessere; quid dicam hoc in loco? redeuntibus illis ab uniuersa ciuitate obuiam itum, quos plausus, quasve in cælum sublatas uoces. repetem? uerum ad institutum reuertar. gratulabundo igitur patri læti, alacresq; liberi sese obtulerunt, dataq; postea ab omnibus opera, ut uetus imperij dignitas omni studio (quod factum est) recuperarentur: interim domi cum patre filij agentes, autore etiã Laurentio fratre, qui maior natu. d. Marci procurator postea creatus est, ut ipsi ad patris gratiã tuendam, ad pietatemq; in eum summam ostendendam, nullis vnquam publicis officijs, nullis priuatis defuerint, omnes aduentantes summa benignitate amplexari, omnes de Rep. benemeritos curare, ut pro sua cuiq; industria meritò gratiam referrentur, donec uigesimo principatus, anno mortuo patre sub idem tectum priuatum ingressi, tres summa concordia inter se uixerint, donec mortali lege alter post alterum est subreptus.

E X T E R N A.

De Rosimunda Alboini regis vxore.

NON facile fortasse persuaderi poterit legentibus, scæminas etiam in hoc genere laudis excelluisse; quum tamen Rosimundam Alboini regis vxorem, qui primus intra Italiã Langobardis rex præfuit acceperit in maritum ipsum sæuissæ, cui uitam ademerit, quod maritus ipse Caluariã commundi Patris sui à se interfecti, qua uinum biberet, (ijs enim poculis utebatur barbara gens, uirtutem in bello iactabunda) transmisisset, consilium statim inijt paternæ pietati plus tribuens, quam maritali thalamo, qua re patrata patremq; ipsum ulta Rauenam transfugerit.

De Cheldiberto, & Clotario Francorum regibus.

MOUIT Rosimundæ animum Patris ab Alboino marito interfecti memoria, mouit Clotildis matris præsentia Cheldibertum, & Clotarium filios ex se genitos, nam quum in acie iam accincti starent, de regno pugnaturi uisa ab ijs matre, quæ lachrymās in media acie adesset, & arma, & contentionem omnem, quam primum posuere, concordibusq; interesse animis postea uiuere,

De Ludouico Pio Francorum Rege .

C V I, quæso, quæ aliquando recentiora munimenta Christianorū principum legerit, ignotū fuit Ludouici cognomēto Pij . qui Caroli magni filij, paterni regni, & diadematis Imperatorij successor fucrit, & is igitur bellicis artibus clarus, neque minus pacis gloria celebris, hoc cognomentum sibi asciiuit? optimo iure, quod patri summo studio semper affuit, illius uirtutem, & laudē imitari studuit, eiusq; mortē acerbissimē tulit. in Christiana uero pietate tuēda adēd propenso animo, ut nihil illo studiosius esse potuerit: quem regis ardorem, & Christianissimi imperatoris affectum utinam & subsequētes reges, & præsentes constantius retinerent.

De Metello Pio .

M O V I T certē animum meum recens hoc, in Francis regibus Pij nomen, ut quando ueræ pietatis laus uirtutem omnem secum præferat, Metelli Pij apud Romanos factum obliuioni mandare nequeam, qui cum Patrem suum uideret ab aduersarijs in exilium iniuste pulsum, tantum precibus obtestationeq; & demum lachrymis apud populum Romanum ualuit, ut patri suo uiro alioqui clarissimo reditum in patriā impetrarit.

De Alexio Imperatore Constantinopolitano .

H A B E B U N T, & Græci homines per me summam hanc pietatis laudem, quam posteris suis tradere iure possint, namque Isacio Imperatore Constantinopolitano in ordinē ab Alexio fratre redactō carcerique incluso, & oculis priuato, forte ita accidit, ut Alexius puer Isacij filius ē tam feclesti patris manibus elaberetur, qui fatigatis omnium principum Christianorum frustra animis, ut patrem suum ab iniuria tam iniusta uindicarent; tandem Gallorum principum & Venetorum armis in imperium restituitur. Constantinopoli urbe recepta, & Alexio patruo fugato; primum igitur adolescentis studium id fuit, ut patri pristina maiestas restitueretur, quem ipse suis manibus ē carcere eduxerit, & imperatorio restituerit folio; quamuis pater ipse cruciatus non diu uita potitus sit, cuius & mortem ægerime adolescens ipse tulerit.

De Pietate erga fratres. Cap. V.

F R A T E R N A E charitatis fices eō studiosius hic repetā, quod & puer olim in scholis acceperam ingeniosissimo uate testimonium afferente,
fratrum

fratrum gratiam raram esse, & quod usus ipse, multiplexque Latinarum Græcarumque lectio me docuit, sed & illud me ad hoc scribendum eò magis incendit, quod quum simus eisdem parentibus geniti, eademque disciplina imbuti, sub eodemque tecto mutuo amore educati, quis unquam credat eos in alios anticiores fore, qui tantum amoris uinculum contemnerent aut sint? accipiant igitur qui nostratia hæc quandoque legent, memorabile in primis hoc fratrum trium patritij ordinis exemplum, Iustinianæ familiæ præsens decus. Fuere igitur Bernardo Iustiniano seniori tres filij mares, qui mortuo patre domi sub matre educati, tanta inter se charitate semper uixere, ut nihil admirabilius in uniuerſa ciuitate foret; mox uerò quum Laurentius monasticham uitam secutus esset, non potuit tamen diuersa uictus ratio, ut non semper eodem inter se animo, mutuoque amore alter alterum coleret, sic igitur Marcus ipse quamuis Senator egregius, sic Leonardus frater Orator insignis, Latinisque, & Græcis literis instructissimus Castellana fratris Laurentij quotidie frequentabant, ut aut cum eo cenarent, aut prandium sumerent. assidui postea quantum his licebat, familiaris sermonis comites. non possum autem pro tanta eorū pietate nō plura de ijs referre, quanto dolore, quamque graui superstes alter alterius mortem tulerit. extat adhuc Leonardi Iustiniani Epistola ad Franciscum Barbarum scripta, cum summa animi doloris testificatione, quam si quis legerit, non poterit non summopere mirari.

De Marco Barbadico, & Augustino, qui ambo Duces fuere.

FVERE fratres ij duo Francisco Barbadico diui Marci procuratore geniti, qui certe iam inde à pueris tanta inter se charitate, ac pietate uixere, ut uterque semper sub eodem tecto uixerit; quibus etiam ciuitas ipsa illorum inter se mutuum amorem admirata, paribus ferè dignitatis gradibus, utrunque semper extulit, donec creato Marco procuratore duce, paceque sub eius imperio, quamuis breui, cum omnibus Italiæ principibus stabilita, ingentisque pestilentia ui leuata, a qua urbs iadiu laborauerat, annonaq; opulentissima omnibus ordinibus restituta, non multo post, nono principatus sui mense desceſsit, grauissimo cum totius ciuitatis dolore: quem tamen statim aliqua ex parte leuarit, suffecto in fratris locum Augustino ipso, ut diuino quodam numine fratri florentissimus & ipse adiungeretur, qui sub eodem tecto & cubiculo, dum superstes foret, uitā princeps ageret. qui certe inter optimos duces & claros adnumerari queat, imperij finibus auctis, nam & Cremonam in Gallia, & Apuliæ oppida non pauca, & Cephalleniam denique insulam Veneto imperio adiecit. extat ue-

rò quod dicimus, præclarum Barbadiæ familiæ monumentum apud ædem charitatis.

De Francisco Foscato Duce, & Marco diui M. procuratoribus fratribus.

ADMONUIT me posteritati hæc prodentem superiorum ducum memoria, ne penitus duorum fratrum pietatem hoc in loco negligere, videlicet Francisci Foscari clarissimi Ducis, & Marci eius fratris, diui Marci procuratoris; quorum mutua inter se charitas singularisquæ pietas sua tempestate longè clarissima semper fuerit, id, quod etiam supremo suæ uitæ tempore perspicui, cognosci quæ plane potuit; nam, id, quod superius quoque repetiuimus, quum ageretur in decemuirali consilio magno patrum attributorum numero de principatu abrogando ipsi duci, nequa suspicio manare in vulgus posset, hoc ab ipsis agi Marcum Foscaram fratrè singulis diebus eò aduocari iuebant, quem tamen cubiculo inclusum diligentius asseruarent, adactum graui pœna, nequid tale proderet, quæ ex re memor ille fraternæ pietatis, non multum post mortem fratris diem supremum obijt.

De filijs Leonardi Lauretani Ducis.

NEMO ut opinor mihi oculato testi obiecerit, nisi idem & maluculus, quum audiet Leonardo Lauretano duci quatuor mares liberos affuisse, quorum inter se studium, & præcipuum amorem, qui familiarius domi agerent, non possent non in primis admirari: quum igitur domi parentem haberent omni uirtute insignem, bonitatequæ, ac prudentia singularem, summaquæ in primis in Deum, atque in patriam pietate; Quis non intelligat ab hoc patre tanquam à fonte liberos eos emanasse? qui suauissimis aquis longe, latequæ emannarant. Vtinà uero fraternæ mutuæ charitatis omnes meminerint, quum illorum benefacta recordabuntur, nam etiam post patris obitum, qui tres superfuere clari illustresquæ Venetijs florere, dum semper in quacunque uitæ parte, cum alia extarent uirtutis exempla in illis, tum uero fraterni amoris insignia monimenta, donec sub eodem tecto uiuentes, sub eademquæ uita discedentes auitæ nepotibus gloriæ, & suæ laudis relictis, nunquam morituri cœlos peterent.

EXTERNÆ.

De Agamemnone, & Menelao.

RELINQUAM in præsentia illos fratres, & studio, & iudicio suo in artibus sibi deligendis maxime diuersos, alijs uerò uitæ coloribus, summa
semper

semper inter se pietate, quum immortalis unus dimidia sui parte donarit alterum, qua amoris testificatione, nulla maior esse poterit. veniamq; ad ea fraterni amoris exempla, quæ certioribus literarum munimentis sunt prodita. quis enim est, cui Agamemnonis, Menelaique fratrum nomen ignotum est? aut quis est, qui Agamemnonem natu maiorem nesciat in gratiam Menelai fratris minoris natu bellū suscepisse Troianum? in eoq; gerendo decennium perseuerasse? idque ipsum ob unius sœminæ decantatam libidinem?

De Africano maiore.

NON possum non summi amoris in fratrem testimonium Africano superiori hac in parte reddere; qui fratri suo uictam Carthaginem Africaniq; cognomentū primum, imperatoriamque summam laudem, & triumphi tam præclari prætextam subijcere potuit. quum enim animaduerneret Asyam prouinciam à populo Romano nequaquam fratri demandandam fore, quod minime idoneum tanto gerendo bello censeret, hominem martiæ rei penitus rudem, procedens in medium, ne uereamini, inquit, decernite fratri prouinciam Asyam, cui me legatū fore polliceor. quo dicto statim omnes in eius sententiā ierē. merito igitur Cornelie sœmilie alterum Asyatici cognomen accessit, quod ille fratri suo labore, suæque industria tradiderit.

De Fulvio Flacco.

TAMETSI multo maior sit Scipionis laus, quam Fuluij Flacci; adiunxerim tamen illi non inuitus in hoc uirtutis genere Lucium ipsum, qui secundo punico bello, quum sœliciter sanè ad Capuam aduersus Annibalem pugnasset, & fratri suo audisset à tribuno plebis diem dictū esse, quod ad Herdoniam eius ductu Romanus exercitus cæsus foret. non dubitauit priuatam suam Lauream, certamque negligere, Romamque celeriter ad fratris salutem aduolare.

De Tiberio Cæsare.

QUANTVM ualeat sub eodem tecto fratres esse genitos, in eodē domicilio simul educatos, eosdem sœpius appellasse parentes, in eodem cubiculo, & lecto non paucos annos iacuisse, eosdem affines, & cognatos agnouisse, Si quis Tyberij Cæsaris ingenium diligentius estimarit, hoc facillime dixerit. Qui sanè Tiberius ad fratris Drusi nuncium, quod aduersam ualitudine laboraret, ex Ticino ubi tunc erat, ad eō præceps in Germaniam delatus

latus est, Alpibus ipsis, non sine ingenti periculo, rhenoque amne, uno tantum comite, superato, ut Drusum adhuc uiuentem amplecti potuerit. quæ tamen paulò post mortuum pedes ipse incredibili squalore comitatus sit, sepulturæque mandarit.

De Pietate erga Patriam.

Caput VI.

QUANTUM supremo illi numini à nobis debeatur pietas, facile illi intelligent, qui primū hunc nostrum legerint librum, in quo de uera religione actum sit. illud tātum in præsentia dixerim, etsi parentibus nostris omnia uitæ officia debeamus, si fraterni amoris arctissima uincula retinenda sunt; si cæteris hominibus sunt impendēda officia, una tamē patriæ pietate hæc omnia ita contineri, ut post Dei præcipuum cultum, huic uni opes ipsas, huic honores, & dignitates nostras, huic denique uitā salutemque ipsam, forti imprimis animo impendamus. quare meritò summam laudem, summumque decus illi semper sibi uendicarunt; qui hoc animo in patriam esse potuere: erit igitur princeps in hoc censu Ordolphus faletrus Dux, qui post multa præclare gesta, domi forisque uitam patriæ impendit.

De Ordolpho Faletro Duce.

NON defuerat dux hic principatus initio. Christianis rebus in Syria laborantibus: patauinos memorabili prælio uicerat ad Bebiam turim, sed & ipsum Illirium omne Veneto Imperio sua uirtute adiecerat; quū postremo, ne patriæ suæ unquam deesset, in ipsa acie fortiter pugnans pro Iaderæ mœnibus aduersus Pannonas mortem appetijt, qua pietate sic omnia uitæ officia in eo enituere, ut nihil Ordolpho faletro Duce laudabilius, nihil gloriosius hodie uiuat.

De Henrico Dandulo.

NUNQUAM certè possum mihi ipsi satisfacere, dum singulare uiro-
rum illustrium in patriam studiū, uel ut uerius dicam, pietatem repeto. in Henrici autem Danduli ducis memoranda pietate etiam libentissime uaeo, qui Dux creatus, eo imprimis nomine quod bizantij legatus captus penè oculis, dum patriæ dignitati studet à Ioanne Comneno Principe Constantinopolitano fuerat: statim omnem oram Illyrici littoris, sociis Gallorum armis recepit, hinc in Greciam profectus Bizantini Imperij maiestatem Græcis imprimis ademit: Cretamque insulam Veneto nomine quaesiu-
uit, quartamque Romani principatus partem patriæ peperit, plura etiam in patriam officia, & ampliora præstiturus, nisi supremus ille dies immaturo Venetis fato decessisset.

De

De Andrea Contareno.

SEQUITVR certè in hoc albo Dux omnium Clarissimus, & celeberrimus nunc mihi reponendus, qui cum semel, atque iterum patriæ principatum recusasset, quem vtrò ciuitas illi demandabat, quòd fixum in animo illi erat, se principe patriam ipsam in graues calamitates incursum, id, quod uates illi ipsi ante prædixerant. tandem exilii metu illi à Rep. iniecto supremam ipsi ducis dignitatem delatam suscipere, etià absens coactus est. quare non multo post ligustico bello implicitus, in quo tamen Ludouicus Hungarorum Rex, & Carariensis præcipuas partes sibi uendicabant nullo vnquam periculo deterreri potuit, ut ipsi patriæ laboranti deesset. Fractæ erant primum Venetorum uires amissa apud Polã urbem classe Victore Pisano imparatore, nulla iam reliqua ferè spes tuendæ libertatis superat, quum hostis ipse ligur Clodia urbem expugnasset, quumque terrestribus etià copiis in ipsa littora passim insultaret. sed ecce Dux ipse octuagenarius, id quod nemo uix sibi persuadere potuisset, instructa classe, quam uniuersa ciuitas priuatis tamen opibus compararat, sæuiente Hyeme nauem conscendit, Clodiamque urbem diu obsessam post aliquot menses capit, multaque militia ligurum Venetia secum abducit. dataque mox hostibus pace patriæ gloriam, & dignitatem fortissime sustinuit. quantam igitur in eo pietatè erga patriam extitisse dicas, quem animi ardorem, quam uim affuisse illi credas, qui rem penè colapsam cernens non dubitauit tamen spiritum ipsum si res, ita posceret etiam patriæ reposcenti impendere? meritò igitur deus tibi uni & patritio uniuerso ordini, reliquisque hanc tantam animi fortitudinem, hoc robur attribuit, ut sospes domum, incolumisque redires, pace parta patriæque ipsi perpetuam æternamque tui nominis memoriã tantique beneficii monumentum relinques.

De Carolo Zeno.

QVOCVNQVE ad scribendum aliquod egregium facinus stilum uerto, eò mihi statim occurrit Carolus Zenus, qui semper ubi de patriæ laude, & dignitate agitur, promptus imprimis, & alacer ad eam augendam, ornandamque accedat. ipse igitur post Cõtarenum Principem iure optimo præcipuam sibi uendicauerit laudem, qui ad nuncium tantæ in patriã calamitatis, quum in Græcia ageret, statim aduolans, Bichinjoniam interim nauim à se expugnata, reliquæ se classi adiunxit, terrestribusque etiam præliis iussu patrum præfectus, Clodiæ tandem urbis recipiendæ, ligurisque hostibus undique expellendi autor princepsque fuerit, tantasque opes exhaustæ iam Reip. donauit, ut hoc nomine, uel præcipue Venetis ipsis res integra steterit

steterit. discant igitur ij, qui in patriam ipsam summæ pietatis laudem expetere unquam uoluerint à Caroli Zeni studio, certè nunquam fallètur ij, qui eius res gestas diligentius obseruarint.

De Victore Pisano.

TVLIT hæc ætas Venetijs plerosque patritij ordinis præclaros uiros, cum belli tum pacis artibus claros, inter quos duo in primis florere Carolus scilicet Zenus, de quo superius actum, & hunc ipsum Victorem Pisenum Nicolai. q. clarissimi uiri filium, qui quidem victor (ut interim Thadeum Iustinianum, & Ioannem Barbadicum prætermittam, qui & ipsi suo loco mox à me reddentur, propter nauatam egregiam Reip. operam eodem bello) declaratus imperator totius maritimæ rei ligustico hoc ipso bello, quum ad Polam ageret cum tota classe congressus primum cum Luciano Auria Genuësis classis imperatore, eo magno impetu interfecto, claram uictoriam ex hoste retulisset, nisi & eum partim ligur insidijs excœpisset, partim Venetarum triremium quidam præfecti per ignauiam deseruissent, qua ex re carceri inclusus, mox totius ciuitatis acclamatione pristinæ libertati restitutus, sub ipsam Contareni ducis ad Clodiam profectionem quæ Zenus abesset, vniuersæ maritimæ rei præficitur. quo tempore uirtus eius ita claruit, ut belli perfecti scælicitas Zeno ipsi, & Pisano ducibus omnium consensu tribueretur, nec uero multo post recepta Clodia aduersus eosdem ligures vniuersæ classi præfectus, magno totius ciuitatis plausu dum ligurem hostem ad Iaderam insequitur, inde in Apuliam nauigans duodecim ligusticas naues, quæ antea furmētatum in Appuliam contenderant, quamuis graui morbo laboraret, persecutus, in syponitino littore diem supremum obiit, tanto nautarum omnium mœrore, ut nihil illis tristius, nihil calamitosius accidere potuerit; sanè constat neminem unquam gratiorem suis ciuibus fuisse. Quo factum sit, ut uiuum illum patrum uno ore omnes dicerent, patremque totius Reip. passim appellaret. cuius cadaueri Venetias relato, & ad diui Antonij ædem deposito, Dux & vniuersa ciuitas eius incredibili pompa celebrarit, uisitur in hodiernum diem monumentum illius ad aram maximam positum, marmore, atque auro illustre, erecta etiam illi publice statua.

De Stephano Teupulo.

IVNGENDVS his meritò Stephanus Teupula familia longè clarissima editus. Vir nostra ætate & belli, & pacis artibus illustris in primis, atque præcipuè in patriam charitatis: cuius opera neq; domi, neq; foris mari terraque ullo vnquam tempore Reipub. defuit. cui etiam ob uirtutem,
lingu-

singularemque prudentiam totius rei maritimæ Imperium in summa omnium rerum difficultate sæpius commissum fuerit, suprema etiam cū potestate, ut tantum autoritatis Reipub. gerendæ ipse unus foris haberet, quantum domi vniuersus senatus. sed uerò, ut innumera eius pro patria præclara facinora in præsentia omittam, Constantinopolitanam legationem nequaquam præterire possum, qua vna & in suscipienda eius in patriam pietatem, & in obeunda prudentiam præcipue admirari queas. nam ferocissimos Turcæ hostis alioqui potentissimi, & eo tempore maxime Veneto nomini infesti, mira quadam ingenij dexteritate adeò flexit, ut Venetis suis denique mites placatosque reddiderit. ut hunc iure optimo Fabio dictatori comparare possis, qui patientia hostem sæpius, quam armis uicerit. Promouerint alij Veneti imperij fines, auxerintque: hic certè omnia sua prudentia periculofissimo tempore conseruauit, quod profecto nunquam minoris uirtutis habitum fuit. Huius quoque, tanta semper fuit in patriam charitas, ut nullum unquam laborem suscipere, nullis quauis præsentibus sese pro patria obiectare periculis dubitarit. Quin proximis annis senio iam confectus, exigente id patria, Classem cõscendere minime veritus grauisimum onus negotij atque alæ maxime plenum libenti, alacrique animo subiit. mox uerò compositis pacatisque rebus omnibus, in patriam reuersus ingenti totius ciuitatis gaudio excipitur, ut hodie quoque in summa omnium charitate floreat, filijs etiam eiusdem uirtutis decoratus.

E X T E R N A .

De Dauide .

NON possum certè non libentissime uersari in hisce referendis exemplis, quæ pro patriæ dignitate, & salute edita sunt, ueterumque scriptorum munimentis prodita; cui post Deum ipsum optimum max. omnia debemus officia; quippe quæ nutrix ac parens nostra benignissima sit. subeat igitur hoc in loco primum Dauid ipse nondum adoleſcentia egressus, qui non dubitat (tameſi derideretur ab omnibus) philisteo militi occurrere, qui quum nullus ex Iudæis ex prouocatione pugnam suscipere auderet, & tamen quis credat nisi sacræ literæ id proderent? insignem uictoriæ ex eo interfecto retulit, iudaicæque gentis iniurias egregiè ultus ab eodẽ illatas, docuit posthac omnes, quotquot erant in exercitu philisteum hostem contemnere, amplissimaque trophea, & sibi & posteris spectanda erigere, qua ex re meritò factum est, ut Iesseæ proles stema regium sibi, suisque in multos annos vindicaret.

De Placidia Honorij sorore .

ERANT quidem in eadem hac gente huius generis exempla non pauca, quæ pro suo iure repeti à me poterant ; sed & reliquæ gentes nos ad se trahunt, quæ & ipsæ uirtutis huiusce palmam non neglectam à se præferant. adesdum igitur tu Placidia principis Honorij soror, Athaulphiq̃ue Gothorum regis vxor, sed Romani, Quiritijq̃ue sanguinis Romæq̃ue urbis præcipua uindex . expugnauerat urbem Romam Athaulphus , secumq̃ue iam animo meditabatur, ut ea penitus euerfa, cui nulla superesset uestigia uellet, alio in loco urbem conderet, Athaulphiamq̃ue uocaret, nulliq̃; amplius Cæsares, sed Athaulphi, qui imperassent dicerentur, id, quod uxor placidia sentiens tantum præcibus, interdum etiam minis apud eum tandè ualuit, ut mutata sententia, & Romanum nomen, & Cæsares posthac, Augustosq̃ue, qui sibi succederent appellari iusserit .

De Flac. Valerio Zenone imperatore
Constantinopolitano .

NON facile plerique credent tantam in recentium Græcorum ingenijs indolem affuisse, ut imperij infulas principes ipsi contemnerent, ne pietatem in patriam negligere uiderentur . sed Zeno Princeps ipse iam pridem declaratus Constantinopolitanæq̃ue rei Imperator id approbarit, qui Constantinopoli discedens Calchedonenfibus bellum illaturus, certos accepit nuncios Basiliscû fratrè impij fâsces ad sese trahere, fratrèq̃ue Zenonem penitus negligere, ad quem nuncium, quum plerique adhortarentur illum, ut relicta urbis Chalchedonis obsidione, Constantinopolim quam primum repeteret, Basilisciq̃ue rebus, nondum satis firmatis, imperium natu maior sibi vendicaret, ad quos omnes conuersus tantû, inquit abest, ut imperandi cupidus patriæ ipsi, quæ me genuit, bellum indicam, pacèq̃; ac quietem eius turbem, ut iam nunc dimissis copijs omnibus in Isauriâ me recipiam, quo factò non multo post Constantinopolis ipsa, quasi grates Zenoni optime de se meritò latura, & Basiliscum reiecerit, & Zenonè ad sese reuocarit, ut aliquâdiu rerum sit potitus .

De Farinata Florentino .

LABORAVIT iampridem florentina ciuitas uarijs, grauibusq̃ue discordiis, sed nulla factio ciuitatem magis exercuit, quam Gibelini, Guelphiciq̃ue nominis, mutuum inter se odium . pulsi igitur Gibelini à Guelphis Farinata duce, quum inter se diu consilia inirent quonam pacto post
hac

hæc res suæ firmari possent, multiq̃ue suaderent ex ijs, ut urbem defererent, sed Guelphos prius omnes de mediò tollerent, exurgens Farinata, conuersus quæ ad eos, deus, inquit, faxit ne in tantam insaniam incurramus, ut patriam ipsam, quam saluam recepimus, euersam uelimus. stricto igitur gladio nequaquam se dubitaturum professus est eum, qui talia proponeret, paratum sese interficere, quippè qui pro certò haberet, patriæ incolumitatem rebus omnibus esse anteponendam; Vtinam tibi Farinata Deus ipse maximè fauisset, qui tantam in patriam pietatem prætetuleris: ut etiam ea stante, florenteque, casurum te libentius esse dices.

De Sarracenis ad Antilibanum montem.

HACTENVS singuli pietatis in patriam suæ me autòre testimoniū habuerint, nunc uerò rem nouam, & nunquā ante eam diem auditam, com memorare necesse est, ut intelligant mortales quantam uim uana in primis Maumethis superstitio in eorum animis infixit. erat ad Antilibanū phœnicæ montem Sarracenicæ gentis princeps, quem Senis nomine appellabant, hic erectis aliquot, in eo monte Castellis, tantum autoritatis sibi pepererat, ut ad sexaginta & amplius hominū millia essent, quibus ille præerat. præcipuum uerò dogma superstitionis id fuit, ut quotienscūque uellet, delegaret homines, qui in christianos principes proficiscerentur, & hos præcipue interficerent nulla suæ salutis spe, qui uirtute aliqua præcellerent, Sarracenoque nomini obesse possent. sic receptis Hierosolymis, quum Galli Syriam inuasissent, Mōtisferrati Marchio intra suū tenitorium est cæsus, sic Gallorum reges, sic reliqui principes ab ijsce, qui Assassini dicerentur ferro sæpe petiti, nouissime uerò nostra memoria Ferdinandus Hispaniæ rex Elisabetaque vxor uix periculum euasere, ab vno ex ijs, qui ex Genicæ regno profectus in Hispanorum castra, facile utrumque sustulisset, nisi errore ductus, tentoriumq̃; uiri ingressum, eum Regē esse credidisset, quem cum uxore ferro inuasit, ò pietatem uanissimæ gentis, non certè omitteudam, quæ sic sibi persuasisset, si clarissimos quosque uiros ex Christianis, quacunque arte, & quocunque dolo sustulissent: magnam se laudem consecuturos, ad suumque Maumethem si forte caderent, sælices migraturos.

De Parentum amore, & indulgentia in liberos. Ca. VII.

De Angelo Patriciaco.

• IVCUNDISSIMA fuerit mihi hæc ipsa progenti de patrum in liberos amore, ac indulgentia cōmemoratio, cui suo quodam ordine progredi-

De parentum Seueritate aduersus liberòs . Ca. I.

De Candiano Duce .

Vix certe adduci interdum possum , ut credam parentes in filios disciplina seueriore aliquando ita usos esse , ut eos partim à se alienatos dimitterent , partim grauiore à se damnatos pœna afficerent . quò uerò monumenta nostratìa diligentius explorò , incidi in Candiani Ducis seueritatem aduersus filium Petrum necessariam , quem quò pater ipse in principatus societate coaptasset , natu medium : ille neque patris gratiam tantam , neque auctoritatem ueritus ; statim patri ita aduersari cœpit , ut inita cum facinorosis quibusdã societate sese unum principem neglecto parète cõstitueret uellet , quod cum graue illi imprimis accidisset , seniorũque omnium ordo in parentem propensior esset , coactus tandem est pater filium , quem sibi coaptauerat reijcere , & indicto exilio , ita eum finibus omnibus Venetis expellere , ut omnes iureiurando sese astringerent , nunquam se esse passuros , ut aut uiuente patre , aut mortuo illum Venetias reuocarent .

De Laurentio Celso Duce .

ABSENS Laurentius Celsus quadraginta uirali suffragio Dux creatus , patre adhuc superstite , qui tum Venetijs agebat , quum vniuersa ciuitas maximè lætaretur nouo ducis aduentu , patrẽ obuium nunquã habuit , qui filium Ducem incolumẽ gratularetur , quod .s. ille iniquo ferret animo se patrem ita filio occurrere debere , ut eum nudato capite salutare cogere tur ; quasi uerò nesciret quicquid honoris impèderetur filio à patre , id publicæ maiestati non priuato ullo officio deberi : cæterum quantum patrem haud satis ciuili animo sese gessit , tanto magis pietas , prudensque consilium laudari debet , qui pileo suo in fronte crucem auream affigendam curauit (quod & reliqui duces in hunc usq; diem retinent) ut crucis vexillo non filij dignitati reuerentiam exhibere uideretur , id quod pacatissimo postea animo pater exceperit .

De Antonio Venerio Duce .

AFFIXERAT Ludouicus huius filius amicæ suæ ianuis , cui etiam iam antea in uia publica occurrenti osculum inuitæ obtulerat , bubula cornua numero non pauca , indignatus illi , quod sese illa aspernari uideretur , quem ducis filium plebei sanguinis puella expectere debuisset , ea res ad Aduocatores delata (adeò graue insolensq; facinus est uisum , ut) uiralis consilij auctoritate captiuũ Ludouicũ carceri incluserint , insuperq;

damnatum perpetuo asseruandum curarint, pater uerò Antonius grauiter illum ægrotantem quū accepisset, moxque etiam pestilenti morbo laborantem intellexisset, tametsi uniuerſa ciuitas soluendum esse filium tanto supplicio duceret, nunquam tamen adduci potuit, ut solueretur filius, quæ res postea mortuo filio in summam totius ciuitatis admirationē omnium animos conuertit.

De Iacobo Franſci Foscari Ducis filio.

INCERTVS animi diu fui cunctabundoque propior, an hoc Iacobi Foscari exemplum hac in parte referrem? quod ex eo haud satis dignoscere possis paternæ ne pietati, an sæueritati potius tribuas; suit enim res ipsa alieni arbitrij, quæ tamen insigne posteris monumentum sit, quantum res humanæ incertæ uariæque contingant, atque succedant. interfectus fuerat noctu domum rediens x. uiralis consilij præfectus præeunte funali, dum ex Senatu rediret haud lōgè ab ædibus suis Hermolaus Donatus, uir ea tempestate longè clarissimus, nec de cædis autore satis constabat, mouit id facinus tā inexpectatum vniuersæ ciuitatis animos supraquā quod credi possit, quū non multo post Iacobus Foscarius Ducis filius insuspicionem uenit, quasi eo conscio, uel potius autore tam atrox consilium initum sit, nec deerant causæ, quæ id ipsum comprobare uiderentur. captus igitur grauissimisque tormentis diu tortus, quū interdum pater ipse filij clamores exaudiret (sunt tamē, qui id ipsum dedita opera factum suspicentur) nihilque vnquam confessus in perpetuum exilium est missus; vnde reuocari nunquam potuerit, ut Venetias inuiceret, tametsi non defuerint, qui cædis patratores detulerint, qui tamen ex humanis disceſsisset. æstiment igitur lecturi secum, inclinentque animum in quam partem malint, illud certè non poterunt non vehementer admirari, neque principis patris autoritatem pro filio quicquam ualuisse, neque tam immanis facinoris satis exploratum iudicium fuisse.

De parentum aduersus suspectos liberos.

Cap. VIII.

De Michaelē Donato.

ET SI plures repeti à me possent, qui moderatè filiorum suorum insolentiam æquiorēque animo tulerint, uno tamē exēplo Michaelis Donati patritij in præsentia cōtētus ero. is enim filium suum indulgentius in omni uite parte agentem, sæpius admonitus, ut rescipisceret, uictus tandem

nimia

nimia adoleſcentis pertinacia, publico eum carceri includendum curauit, quem aliquandiu ita aſſeruari uoluit, ut nunquam eum inuiſerit, cibaria tantum conſucta ad eum inferri paſſus, mox tamen amicorum precibus, ad monitionibusque uiſtus, quū præfecti carceris etiam multa bona de eo nunciarent tandem dimiſit liberum, domique ſecum habuit.

De plebeo homine.

E O D E M animo, quo Michael Donatus in filiū, plebei uir ſanguinis in primogenitum fuiſſe dicitur, quem ſæpius caſtigatum, atque reprehẽſum, quum id in caſſum facere iterum atque iterum animaduertiſſet, Aduocatorum autoritate teterrimo carceri mæcipauit. uerebatur enim pater ne reliqui liberi iam adoleſcentiores fratris nimiam natu maximi licentiam, quod ferè uſu uenire ſolet, & ipli imitarentur.

EXTERN A.

De Carolo magno Gallorum Rege.

F V I T Carolo Francorum Regi, qui propter res domi forisque ſemper egregie geſtas, magnus ad noſtram uſque ætatem unus dici meruit Pi pinus filius, iuſto coniugio nequaquam illi genitus, quem plurimum ſemper amaſſe uiſus eſt. is uerò immemor paterni in ſe amoris, adeò rebelles ſpiritus in patrem geſſit, ut quamuis illi ueniam pater dediſſet, quòd in eum coniuraſſe primum deprehenſus pro certo eſſet, quippe qui patrem ſe in filium, non regem meminifſe uellet, leuitate tamẽ ingenij in patrem iterum conſpirauit, quod quū reſciuiſſet Carolus, diu animi anceps, dubiusque quonam modo filium caſtigaret, eum poſtremo monaſtica uitæ addixit, memor adhuc paterni in filium potiùs animi quam regij.

De Ludouico Francorum Imperatore cognomento pio.

V I X mihi fidem facere potuere Gallorum Regum commentaria, externique etiam aliquot ſcriptores ex legitimis quatuor liberis, qui Ludouico merito ad hoc xui pio cognomine dicto, fuisse, tres in patris caput cõſpirafſe: eamque cauſam prætenſam quòd Carolum natu minimũ nimium diligeret, illumque reliquis fratribus anteferre uideretur. & tamẽ id pro comperto traditur (quod ego quoque in meis caſaribus ſecutus ſum) conſpirarunt igitur in parentem, ita liberi tres, ut abrogato illi Imperio ipſi rem omnem ad ſe traherent, pater priuati uitam ageret, quæ res tantũ omnium

nium animos incendit, ut restituto imperio pater rerum omnium iterum potiretur, qui tandem moriens Lotharium filium, & reliquos fratres æquis inter se portionibus hæredes reliquerit:

De Carolo septimo Gallorum Rege.

Bis Ludouicus huiusce regis filius superstite altero descendit à patre, primo quidem per menses quatuor, cuius errori indulgentior pater facile veniam tribuit: iterum per quadriennium, & amplius, ut etiam ad Burgundiorum ducem Franciscum infestissimum hostem transfugerit, quem tamen pater ipse moriens cum aliqua uenenæ hausti suspitione, testamento hæredem regni reliquit. tamen domi minor natu filius superesset, qui fratri meritò anteferri potuerit.

De parentibus, qui obitum filiorum forti animo tulerunt. Cap. IX.

Quomodo per immortalē deum deesse potero Leonardi Lauretani Ducis Venetiarum laudi, & celebrandæ constantiæ? qui Dux ex quatuor liberis iam grandibus natu, quū Bernardum filium natu minimum bonæ spei adolescentem amisisset, idque præter omnem expectationem, adeò constanter funeris acerbiter tulit, ut quo die elatus est adolescens, Reip. non defuerit, quæ ducis præsentiam in re quadam grauiore tunc imprimis exposceret.

De Luca Zeno Procuratore.

Equis non tuam Luca Zene fortitudinem animi non libenter repetat? qui quū Mapheum filium iam uirum factum, ductaque ab eo uxore honestissima, & opulentissima, subito quodam fato amisisset, cuius mortem tam forti animo, constantique tulit pater ipse, ut celebrato funere magna quidem pompa, postridie aditum omnibus fecerit adeundi sui, benignissimeque omnes ad se adeuntes exceperit, filij indolem, & uirtutem imprimis laudando, reliquosque omnes adhortando, ut quicquid deus, & natura ipsa nobis præscripisset, id ipsum in bonam partem accipere uellemus.

De Dominico Triuifano D. M. procuratore.

Vnus filij Lucas ipse Zenus diui Marci procurator interitum insigni sua cum laude fortiter tulit; cuius rei præsens testis affuit. sed quis in Dominico

minico Triuisano diui Marci procuratore, uiroque sua tempestate longè clarissimo quatuor liberorum mortem diuersis temporibus, inflicta Triuisanæ domo, non semper eundem animum eandemque animi cōstantiam, ad reliquorum parentum exemplum non lubens refferat? erat ipse pater in summa dignitate constitutus, ipsaque ciuitas de illo sibi omnia pollicebatur, quū uno, & altero funere fatigatus adolescentum filiorū, mox par-
to etiam pressus, ad eò inuictum se præstitit, ut eundem vultum, eundem-
que animi tenorem, cum uniuersæ ciuitatis admiratione semper præsetu-
lerit. nisi tu fortè solatiū illi affuisse dicas Marcum Antonium natu maxi-
mum summa bonitate uirum, eiūque in eadem procuratoria dignitate suf-
fectum, qui hodie quoque paternam uirtutem referat.

E X T E R N A.

De Lamba Auria Genuensi.

N V N Q V A M certè suam, ueramque laudem Genuensibus denegaue-
rim, præcipuè quū meminerim lambæ Aurij literarum monumentis uirtu-
tem proditam, qui maritimæ rei imperator fortissimè aduersus nos pu-
gnans, filium præclaræ indolis quū amisisset, nihil tamen eo nuncio acce-
pto de animi ardore inter pugnandum remisit, quin etiam parta uictoria
filij cadauer in mare proijciendum iussit. testatus nullum aliud clarius mo-
numentum extruit illi posse, quam in eo loco ubi fortiter pro patria pu-
gnans obijisset reponi.

De Marzucco Pisano.

H A B E B U N T, & Pisæ suum post Genuam urbem hac in parte locū,
quæ ciue suo Marzucco, & ipsæ exultent. is nanque inter suos genere cla-
rus, & aliquanto nouo facinore clarior: quū sese Minoritanæ familiæ ad-
dixisset, filiū quē Farinatæ reliquisset, non multo post accepit à Betino Ca-
prariensi interfectum. id quod quū pro Christianæ pietatis, & religionis
sue cultu æquo animo priuū tulisset, mox etiam Betinum ipsum sibi
occurrentem, non modo auersatus est, sed & dexteram suam dextræ eius
iungens, abi inquit, atque utinam deus tibi cædis ueniam tribuat, sic inui-
to animi robore minime ultionis audius Betinum ipsum dimisit.

De Carolo VIII. Gallorum rege.

M I N V S fortasse mirabile existimari poterit superius Marzucci Pisa-
ni exemplum, quando ille religionem professus, ueram pietatem sequi ui-
deretur, sic Caroli octauī Francorum regis insigne, & ipse exemplum cū
animo suo reputet, qui V I I I. Francorum rex hoc nomine, quū unicū tan-
tum

193

IOANNIS BAPTISTAE
EGNATI.

LIBER SEXTVS.

De Pudicitia. Cap. I.



QUOMODO verò tecum hoc in loco Pudicitia agam? à qua uirtus omnis, omnisque bene viuendi ratio proficiscatur. Si quidem puerilis ætas, uel hoc uno decore commendatur, Adolescētīæ feruor corrigitur, iuuenilis ætatis ardor imprimis emēdatur. sine qua nulla unquā ciuitas firma stabilisq; esse potuit, nullū imperiū diuturnū floresq; esse ualuit. meritò igitur Romana ciuitas sub Mineræ nomine ex Iouis capite solum prodeuntis hanc unam summa pietate coluit, huic vestales additi focci, qui æterni adseruarentur, ut si violatæ forent, quę vestē sacris præessent obeundis, uiuentes terrę uisceribus includerentur. quare non virgineos cœtus eos sanctos esse qui te pudicitiam duxit non coluissent. grauissimis pœnis illis affectis mortalibus, qui uel minima labe te uiolassent. Ceterum exempla ipsa, quę subijciam mortalium animos incenderint, ad eam constantius retinendam.

De Anna Vitalis Michaelis ducis filia, & Nicolao
Iustiniano monacho.

REDIERAT Vitalis Dux insausto sanè exitu domum, ex Constantinopolitana prouincia, quem Venetus populus haud sanè lætis animis acceperat, tum quoddam classem magna ex parte laceram hostiū insidijs dimississet, tum quod Iustinianæ familiæ uiri omnes, aut ferro, aut peste penitus obijissent, senibus tantum domi relictis, quorum ope reparari familia tam illustis non posset, hanc inuidiam ut à sese auerteret dux, literis ad Pont. Alexandrum missis haud ægre obtinuit, ut Nicolaus Iustinianus, qui monachum ad. D. Nicolai phanū ageret, adolescens religionis initæ voto solueretur, cui Annam filiam vnicam in matrimonium iungeret, quo factō, Nicolaus ipse, & Anna vxor susceptis maribus liberis sex, tribusque fœminis, mutuo consensu uterque religionem repetiere, ille ad .D. Nicolai phanū regressus, ipsa cœnobio sese includens à marito prius erecto in loco qui de Aimanis dicitur, qua ex re facile æstimes, quantum illi pudici-

b tia

tia tribuerint, quanquam ipsam summo animi ardore, Constantiaque receperint, nãque ubi reparandæ familię tam celebri operam dedissent sunt ad altricem, ducemque uirtutis omnis pudicitiam sua sponte rediere.

De Quirina Senioris Bernardi Iustiniani vxore.

NVL LVM certe præclarius seruata constantissimè pudicitia monumentum repeti à me ut opinor, poterit, quam Quirinæ Senioris Bernardi Iustiniani, quæ quidem & uiuente marito, & eo postea mortuo, dum filijs educandis operam omnem impederet, de quibus supra diximus, lumbos suos lamina ferrea præcinctos esse curauit. quid igitur admirabimur ab hoc ueluti materno fonte treis liberos esse profectos Laurentium, uidelicet primum Venetiarum patriarcham, meritò inter diuos relatum, & Marcum ipsum, primum Bergomi prætorem, & Leonardum .D. Marci Procuratorem, eloquentiaque facili sui temporis principem, & Bernardi Iunioris Iustiniani postea parentem. tria ueluti numina Venetijs floruisse? quando Quirina mater omni studio illos à pueritia Christiano lumine, suoque in prima exemplo, quò quartum & uigefimum ætatis annum ageret, à mariti morte erudiendos curarit. instruentur, igitur patres & matres in filios hoc exemplo quo pacto eos à primis annis erudiant, qualesque ipsi esse debeant.

De filio Antonij Venerij Ducis Venetiarum.

NON minor fuisse Antonij Ducis Venerij solertia in erudiendis liberis suis uideri possit, quam Quirinæ superioris à me repetita, qui filium iam iuuenem paternæ, ac domesticæ disciplinæ, penitus oblitum publico iudicio punitum esse æquissimo tulit animo; violatæ enim pudicitia in plebeia licet sæmina exemplum, quis non vehementius accuset, ac damnet, qui amata à se ardentius puellæ ianuis cornua bubula fixisset, illique occurrenti in uia publica osculum inuitæ ferre uoluisset, qua ex re & illi perpetuo carceri includendum curauit, nec unquam dimissum esse uoluit, quamuis grauius ægrotaret, pesteque crassante in carcere tandem obiisset.

De Fæminis Scodrensibus.

PATIENTUR æquo animo Venetiæ nostræ Scodrenses quoque scæminas huc inferi, quæ non multæ sanè numero superstites dedita Turcharum principi Scodra ad nos commigrarunt; quæ sanè suæ in patriam fidei memorabile exemplum Venetias intulissent, tantum pudicitia excelsuisset feruntur, ut apud nos Scodrenses fæminæ summæ cuiusdam pudicitia

tiæ famam, & nomen in hodiernum usque diem retulerint, siue idipsum domi acceptum huc referre uoluerim, siue Venetæ pudicitæ in scæminis exempla celeberrima animaduërterim; sanè constat summa semper fuisse laude dignas, neque unquam de ijs infame exemplum esse exauditum.

De scæminis Germanicis Venetias euocatis.

POTERANT Scodrenses scæminæ immigrantes Venetias certissimū pudicitæ Venetæ testimonium satis amplum perhibere, sed quod subiungam in præsentia de Germanicis scæminis Venetias euocatis, multo admirabilius fuerit. Venetæ enim ciuitatis more introductum fuerat, ut singulis annis, certi quidam nuncij in Germaniæ fines mitterentur, qui iuniores scæminas ex locis illis stipendio certo conducerent, quæ iuxta carnificinam publicam ubi nunc diui Matthei phanum est, prostrarent, vulgiq; libidini inferuient, certa mercede persoluenda, ut scirent mortales pro certo nihil esse in nostratibus scæminis, quod meritò accusare posses.

De Consilio decemuirali.

DVCENTESIMVS, & quadragesimus agitur annus; ex quo decemuiralis magistratus pro Reip. salute præcipua creatus est, cui tria præcipue vindicanda scelera sunt commissa, & primum quidem illud fuit, ut nequis contra libertatem patriasque leges noui consilij moliri possit, alterum ne falsam monetam quispiam ullo modo excuderet, tertium, ac supremum, ut cauerent decemuiri, nequis temerario incepto masculam venerem atetaret, ut ipsa pudicitia omnibus mortalibus constaret, quæ sanè crimina capitalia forent hisce, qui conuicti decemuirali sententia forent.

De Virginum cænobijs.

QUANTVM uerò studium priscis Venetis adfuerit adseruandæ omni ex parte pudicitæ, uel hoc uno argumento doceri, instruique omnes poterunt, quod intra ipsos Venetiarum fines triginta, & amplius uirginum cænobia uisuntur longe celeberrima, quæ immortalī Deo perpetuam uirginitatem uouerint, grauissima omnium pœna ijs indicta, qui eam quoquo modo uiolare causi essent, quū uerò tot numero sint tantaque sanctitate imbuta, sanè constat Zachariæ, & diui Laurentij antiquissima omniū esse, præcipuaque sanctitatis opinione planè augusta floruisse.

Externa.

OCCURREBANT mihi sanè immensa uirginum agmina; quæ seruatò pudicitia decore iure optimo in cœlum translata à nobis hodie summa pietate colantur; sed nec iste in præsentia est locus, & institutum hoc nostrum, ac scribendi propositum aliud est, & maxime diuersum. quare exemplum unum uindictæ pudicitia quod Christianorum hominum excidere animis nunquam debeat, maxime insigne, & memorabile lubentius commemorarim, quod & maxime ijs qui historiarum recentium lectione delectantur in primis probatum iri, non dubito doctis plerisque uiris. quum florebat igitur res Gothorum in Hispania Rodorici regis auspicijs nimia felicitate corruptus regis animus ad uiolandam Iuliani Tingitani principis filiam, quæ apud suam uxorem in regia tunc agebat longe pulcherrima propensior fuit, quod quum pater filia literæ accepisset adeo exarsit, ut Mamolinum totius Mauritania, & Aphricæ principem impulerit, qui superato Gaditano freto Hispanias ipsas inuaderet, promittens sese illi præcipuum belli adiutorem, & socium, quare instructis copijs Muza Duce, Iulianoque ipso præsentē transgressus mare Sæticum primum Rodorici filium acie uicit, & occidit, parique felicitate Rodoricum ipsum cum ingentibus copijs occurrentem fudit, & interfecit. quo facinore perpetrato vniuersa Hispania in maurorum potestatem celsit, præter altiores montanos, ad quos ex fuga non pauci se contulerant. penset igitur secum quisque animo, quanti steterit Hispanis omnibus Rodorici hæc Regis immensa libido, quamque acriter dolcant principes ingenio præstantes sua pignora per uim corumpi, quum meminerit octingētos annos Mauros ipsos in Hispania ad nostram usque ætatem Maumethis auspicijs uiguisse.

De Ediltrude Angliæ Regina.

SYPERSVNT in hoc genere multa singularis pudicitia exēpla, quæ statim à me reperentur, cæterum Ediltrudis Angliæ Regina, exemplum meritò hunc sibi uendicat locum, quæ tribus Anglorum regibus nupta certa quadam successione, non dubitauit maritis persuadere, ut pudicitiam, & ipsi secum adseruarent, quod quidem ita contigisse fertur, ut de tanta hac re ueteres scriptores non dubitarint.

De Ioanne Caserte Comite.

FUIT hic inter principes Siculi, Neapolitanique regni procures, ex ijs unus, qui Manphredo Friderici filio sua uirtute, & fortitudine utrūque

que regnum asseruit, huius tamen tam singularis beneficii immemor Mamphredus ipse minime ueritus est Ioannis uxorem familiaris penes illum agentem uiolare, quod quum Ioannes ipse rescisset adeo grauius tulit, ut ad Carolum Andegauensem primus transfugerit, uiamq; illi multo faciliorem aperuerit inuadendi regni, quare quum Mamphredus primum aciesit à Carolo uictus, tum uero etiam celsus, ipsius imprimis Ioannis opera. facile omnibus constare debeat, neque principibus alienas uxores attentandas esse, neque subditorum pecuniam extorquendam, neque calcitronem equum alendum, postremoque seruum, quem domi habeas iam grandem natu non esse uerberandum, quod si acciderit, quamprimum dimittendum, id, quod memorie proditum sit ab ipso olim Sforcia patre filium Franciscum, qui postea Mediolani princeps fuit, esse precipue monitum, ut constanter hæc ipsa præcepta princeps ipse meminisset, quæ præcepta si Galeacius Francisci filius retinere secum animo uoluisset, nunquam certe ab ipso Láponiano tam inexpectata cæde oppressus esset.

De Nicolao Estensi Ferrariensi Marchione.

S E D quis per deum immortalem Nicolai Principis Ferrariensis factum non maxime laudet, in cælumq; extollat eius animi magnitudinem? qui cum animaduertisset præsens ipse parisinae nouercae uxoris suæ ab Vgone filio, adolescente alioqui præclare indolis, pudicitiam esse uiolatam, corruptaque coniugij sui iura, & filium, & uxorem carceri inclusit, ut non multo post & filium & ipsam, uxorem necandam curauit, nec paterni affectus memor, nec ipsius connubij appetentior.

De Ludouico Principe Normandiæ.

P A R I exemplo memorandus mihi est Ludouicus Normandiæ Senescalchus, quod nomen apud Gallos summæ dignitatis est, qui sub Ludouico vndecimo Francorum Rege magni uir nominis Carolottam regis ipsius sororem, coniugemque suam in eodem lecto deprehensam cum adultero Ioanne Lauerno, minime quidem ueritus est utrunque statim iugulare, quod factum ne Ludouicus quidem ipse rex grauius unquam tulisse uidetur.

De Philippo Gallorum Rege.

A D D O pudicitie seruatae decus mihi semper probatum est, ut iure optimo Philippum cognomento pulchrum Francorum Regem hic inferere non dubitarim, qui ex tribus nurius innocentem unam absoluerit, duas

duas uerò criminis conuictas perpetuò carceri mancipauerit, ipsos autem adulteros adeò acri pœna affecit, ut disecta prius cute, utrunque suspensio affixerit.

De Francisco Gonzaga.

HABEBIT & Gonzaga familia postremum inter tot Reges, ac Principes locum, nam Franciscus ex ea familia Mantuæ Princeps, quò pro certo rescisset uxorem suam Agnetem Bernabonis Mediolanensis ducis filiam, sponte uiolasse matrimonij legitimi iura, non dubitauit eam capita le supplicio afficere, quod etiam nec pater improbauerit.

De ijs, quæ libere dicta, aut facta sunt Cap. II.

EST sanè dicendi libertas in primis laudanda, si modo & temporis & personarum habeatur ratio: quod si minus obseruari, in vicium non solum incurrit, uerumetiam in grauissima uitæ pericula subdit, quare recte fecerint illi meò iudicio, qui modum cum in cæteris omnibus rebus, tum uerò hac ipsa in uitæ parte retinuerint, siquidem uirtus ipsa omnis in mediocritate est posita.

De Henrico Dandulo.

PRIMVS hic certè hunc sibi locum uendicauerit Henricus Dandulus, qui Sebastiani Ziani ducis tempore missus Constantinopolim orator ad Manuelem Principem, Veneto nomini infestum quum aliquanto liberior præ cæteris collegis publicam causam ageret, in grauissimum Manuelis odium incurrit, ut tandem illo ad se semel aduocato seorsum ab alijs candens igneas eius oculis diu obiecerit, quo facto Henricus ipse lumen oculorum penè integrum amisit.

De Pantaleone Barbo.

NON est mihi consilium ab Henrico Dandulo postquam discesserim, qui postea dux meritò in Aurei Mastropetri locum successus est, quique Bizantinum imperium ipsum dux cum Veneta classe, & Francorum auxilio de Græcorum manibus eripuerit, ab ipso Henrico longius abire, qui potuit imperator propter eius singularem uirtutè Constantinopolitanus creari omnium sententijs in eum inclinantibus, nisi Pantaleo Barbus, unus ex ijs qui aderant patritius Venetus nimia libertate usus id ipsum fieri dissuassisset: mouit ut opinor Pantaleonis fortassis animum, quod uereretur

ne nimia hæc fortunæ felicitas Veneto nomini grauius imposterum officeret, Græca gente plusquam credi possit in Latinum nomen infestiore.

De Francisco Dandulo.

QVIS per immortalem Deum non fando accepit memorabile factū Francisci Danduli? qui Venetus orator missus in Galliam ad Clementem Pontificem Max. ut eum infestiorcm Veneto nomini propter Ferrariam receptam placaret, quum multa & uaria secū agitaſſet consilia, neq; à Pont. ipso iratiore quicquam impetraret: inusitati facinoris obeundi, quod qui dem, neq; antea, neq; in hanc ipsam ætatem auditū sit, consilium iniit. Nā quo tēpore Clemens ipse cēnitaret, quadrupes affectus catenaq; ferrea collo pressus ad Pontificis pedes canis in morem sese subſtrauit, quo nouo spectaculo Pontifex ipse attonitus illum in gratiam recepit, Venetoque nomini iniuriam dimisit: ut postea respublica Veneta gratissima, iucundissima illi fuerit, cui mortalium omnium congressum consuetudinemq; interdixerat.

De Leonardo Venerio.

MISERAT hunc legatum Veneta Resp. ex ciuitatis principibus unū qui Mediolani Philippo duce mortuo, ageret ut Mediolanenses, qui libertatem sibi uendicauerant aduersus Franciscum Sfortiam, qui eam armis ad sese trahebat, communi ope, & consilio tueretur, & erat quidem, tamē apud Mediolanenses summa Venerij autoritas, namque & exercitus Venetus aderat, & Dux Foscarus nunquam se illi defuturus pollicitus erat, quū Ioannes, & Gaspar Stampæ coniuratione inita, rem ad Franciscum Sfortiam traherent; quare hi ingenti contracta manu palatinas eſdes per posticum ingreſſi, quas ab anteriore parte coniurati alij subibant, ubi libertatis tuendæ præſides, cum eodem Venerio agerent, hic igitur Princeps tumultu audito, quū Gaspar illi primus occurrisset armatus acerbe nimium in illum, & socios inuectus, accusataque eorum uehementius audacia, quam se libere mox repressurum minabatur, graui eorum supplicio, qua ex re nihil territus Gaspar primus in eū telum intendit, moxq; cum suis socijs vulneribus non paucis affectum interemit, qua ex re facile constare nobis possit, nimium loquēdi libertatem non oportune adhibitam sæpe grauius officere.

De Dominico Pisano Oratore Veneto apud Iulium Pontificem .

ERAT iam pridem Venetis aliquanto infestior Iulius Pont. Max. quique Christianos principes omnes in Venetam Remp. occulte armaret, quo tempore Dominicus Pisanus pluribus iam honoribus functus, in patria eiusdem Senatus Veneti decreto uenit Orator, qui causam diligenter agens publicam, quâ grauius & acerbius sæpe ab ipso Iulio Pont. accusaretur, tandem semel stomacho nimium indulgens, tanta cum libertate illi respondit, ut nihil vehementius dicere potuerit, minabundus caueret, ne ex tanto dignitatis fastigio clericuli habitû assumere cogeretur. quæ libertas adeò Iulij Pont. animum pupugit, ut Constantius Principum conspirationem, suamq; in Venetos iracundiam perficeret, ex qua ita contigit, ut ipsis Venetis ad Abduam amnem superatis, grauissima omnium calamitas Venetos oppresserit.

De Bernardo Capelio .

RELIQUERAT Franciscus Capelius eques uir patritij ordinis insignis liberos mares quatuor Carolum uidelicet natu maximum qui iuuenis adhuc immaturo quodam facto subreptus est, & Bernardum ipsum proximum, qui ubi per ætatem honores aliquot assecutus esset, dum nimia libertate iuuenis adhuc uteretur, modo hunc publice, modo illum accusans, minabundusque etiam se in reliquos talem futurum, tãdem decreto patrum, cui haudquaquam parendum sibi in animum induxerat, in perpetuum exilium abire coactus est, nunquam suspicatus fore, ut in libera ciuitate nimia libertas sibi officere posset.

De Leonardo Lauretano Principe .

VICTI erat Galli memorabili acie ab Hispanis Gonsaluo Ferdinando eorum Duce, veneratque Hispanus Orator ad Leonardû ipsum principem, & patres victoriæ lauream nunciaturus, aderatque eodem tempore Gallorum regis legatus, qui euocati in collegium, quâ tristior alter, alter exultabundo similis assedisset, conuersus dux ad utrunque, ego, inquit, penes uos Pauli Apostoli verbis in præsentia utar, ut quando diuinæ uoluntati nemo possit obistere, ita nunc fleam ego cum flentibus, gaudeam cum gaudentibus, quo principis dicto, adeò omnis inuidia leuata est, ut Galli, & Hispani uicissim gratias illi agerent, indeque discedentes eius singularis uiri prudentiam imprimis admirarentur.

Externa.

De Agapito Romano Pont.

PROFECTVS erat Agapitus Romanus Pont. Constantinopolim ad Iustinianum Imperatorem, cum alijs de causis tum uerò, ut illum præsens adhortaretur, ut Gothos omni studio terræ Italiæ finibus eijceret, quod quû sese perquam libenter facturum polliceretur Iustinianus Imperator, contra ab ipso Agapito princeps ipse uehementius petit, ut Euthichianam hæresim approbaret, quæ tum maximè inualuerat, minasque insuper adderet Pont. nisi ipsi obtemperaret, tum Agapitus ipse conuersus ad eum, ignosce, ignosce inquit Imperator quâdo id à me petis, quod pietati christianæ maxime officiat, meminerisq; te Iustinianum principem esse, non Dioclitianum, ad quem venerim.

De Bonifacio octauo Pont. Max.

DVBIVS animi diu fui utrum hic Bonifacij octauj pontificis dictû, factumque liberius adtexerem; qui Gibellinæ factioni aliquâto infestior, quû prius columnenses ipsos armis euertisset, Archiepiscopum quoq; Genuesem occurrêre sibi primo quadragesimæ die ad ædem sacram, ut cinerem à Pont. demore acciperet, ita plane excepit, vt mutata consueti carminis oratione dixerit, memento quia Gebillinus es, & Gibellinus moriere, nec dicto contentus, sparsum cinerem in oculos illi obiecit.

De Inario Chalchedonensi episcopo.

PRAEERAT ea tempestate, qua Iulianus apostata rerum potiebatur, Inarius apud Châlchedonê Episcopus vir sanctitate vitæ & optimis moribus ornatissimus, cui tum ita cõtigerat, ut ingrauescente ætate luminibus captus esset, quû igitur significatum illi foret Iulianum ad huc superstitem esse, & in fortunæ templo sacra facere, illeque uehementius coram multis appellasset grauiterque reprehendisset: ferunt tunc ipsum Iulianum re cognita exclamasse, nûquã tibi ò Inari, Gallileus tuus (sic enim Christum Seruatorê appellare solebat) uisum tibi restituet? quo dicto insolescentis imperatoris usque adeò commotus Inarius est, ut palàm fateretur sese Christo gratias agere, quòd eo tempore luminibus priuatus esset; quo Iulianû uidere non posset.

De diuo Ambrosio Episcopo Mediolanensi.

NON paucos certè diui Ambrosij ætate uidisses oppidorum, & prouinciarum antistites, qui uitæ bonitate & vera religione imbuti, hanc dicè di libertatem contra improbos principes retinerent, eorumque dicta seu improbe facta magno animo non dubitarèt aperte arguere: cuius rei unus tu diue Ambrosi testis mihi certissimus adfueris, qui Theodosium principem alioqui clarum & illustrem, quàm Mediolani ageret à sacri templi foribus repellere nequaquam dubitaris, quoniam ille apud Thessalonicam multos Christianos non auditos uno edicto interfici iussisset. procul igitur hinc habeas princeps mihi carissime & tecum domi diutius cogita, quid ad hoc tam graue delictum remedij adhibeas, tulit verò Theodosius hanc à templo repulsam tanta animi æquitate, ut statim inde abiens domum redierit, ut nescias utrum magis laudes uel potius admirare Ambrosium ne ipsum tam libero animo fuisse, an Theodosij patientiam, qui ne minimo quidem dicto antistitem ipsum lassescierit.

De Gregorio vndecimo Rom. Pont.

IVVAT me certè in præsentia in hisce exemptis repetendis immortalem, sacros præcipue uiros commemorasse, ut horum hominum imitatione discere eiusdem ordinis possint, & præstare id audeant, quod à uiris sanctissimis frequenter usurpatum legent. erit igitur Gregorij x. Pont. memoria aliquatò legentibus gratioꝝ ipso, etiam factò maxime memorabili: quando ipsa turbs Roma, terraque Italia ueluti postliminio redeuntem Pontificem, urbiq; suæ restitutum in hanc usque ætatem acceperit. ipse enim Gregorius in Gallijs agens, quò Romani Pont. septuaginta, & amplius annos immigrarūt, occurrentem Episcopum adhortari cepit, ut quando tot annos abesset à suis sacris laribus eorandem rediret, cui tunc episcopus respondens, ego uerò inquit sanctissime pater dictis tuis multo libentiùs obtemperarim, si uiderem te exemplo tuo nos commonescere, quo dicto in primis tempestiuo, & libero admonitus Gregorius, statim de repetendà urbe Italiaque cogitauit, id quod non multo etiam post felici sanè euentu re ipsa præstitit.

De Sixto Pont. Maximo huius nominis quartus.

FVIT Sixtus iam tum adolescens Sanonæ liguriæ ortus, ex minorita na familia unus, qui ingenio literisque non parum excultus, interque Be sarionis Cardinalis longè optimi familiares ascitus, mortuo Paulo Barbo

bo Pont. à Cardinalibus suffectus est, ad eum quum plerique ex suo ordine gratulabundi accederent, ita sanè accidit, vt Franciscus Aragonius, illi imprimis olim familiaris accederet, qui quum palatij magnitudinem, pompamque, & eius ornatum maxime admiraretur, vt non dubitaret Sixtus Pont. argentea illi pocula, aureamque supplectilem omnem liberius ostentare: quinetiam, & illud addere Petrum, & Paulum Christi Apostolos nequaquam hæc ipsa ornamenta ostensuros, tunc pari libertate Franciscus ipse Aragonius vsus, ne tu quidem Pontifex Max. Petri successor claudicanti dicere poteris, surge, & ambula; quo sanè dicto admoneri Sixtus potuit, ueterem pietatem adeò exoleuisse, ut nihil iam ex ea nisi nomen superesset.

De Hyra Gallo militari duce.

FLOREBAT Hyras hoc nomine princeps Caroli Septimi Francorum Regis ætate, militari laude clarus, qui Anglis Galliam vastantibus, ad Carolum venit petitum, vt laborantibus suis auxilio esset; quem quum sæpius frustra fatigasset, Carolo ipso inter epulas, & conuiuia, reliquasque voluptates libentius uersante, querenteque semel Carolo ex ipso Hyra; quisnam illi videretur quotidianus rerum tam lautarum apparatus, respondit, ego uerò (ut hoc interim omittam) illud facilius dixerim, neminem à me regem esse cognitum, qui regni sui opes lætius amitteret. quo sanè responso tam libero, relictis omnibus alijs rebus, postmodum sese Rex Carolus aduersus Anglos gessit, ut illis Galliæ finibus expulsis, & ipse regno florentissimo potiretur, & reliqui in hunc diem reges amplissimo felicitissimoque fruuntur.

De Seueritate.

Cap. III.

HABEBIT & ipsa seueritas suam has in parte laudem, quæ omnia interim comitate, ac mansuetudine, prout grauiora sunt hominum errata, maiores spiritus sæpe suscipit, ad emendanda flagitia, quæ uel in uno uel in pluribus accidunt, ut tamen seueritatis autor relaxare frena suæ tristitiz, & duritatis postea possit, quæ omnia subiecta à nobis exempla facile patefecerint.

De Marino Faletro duce.

NON possum non inuitus hac in parte primùm Marini Faletri Ducis meminisse, qui clarissima ortus familia, Dux insuper absens patriæ declaratus, tantum sceleris animo conceperit, ut cum popularibus quibusdam, plebeisque hominibus coniurationem inierit de libertate ipsa opprimenda, tyrannideque inuadenda. id, quod quum patribus certum, explora-

tumque fuisset, statim eo capto, crimenque suum confesso, supplicium publicè sumptum est, universa enim ciuitate spectante in summo Scalaram Palatarum gradu ceruices illi abscissæ sunt, bonaque publicata, decretoque publico cautum, ut in maiori comitio, ubi ducum omnium pictæ spectantur imagines cum suis elogijs, nulla eius extaret effigies, tantumque atro colore locus illius obscurus esset, ea cum subscriptione, quæ testaretur Marini Faletri locum esse vacuum, cui duci propter ingens in patriam scelus amputata publicè ceruix foret.

De Francisco Carmaniola.

P R A E F V E R A T hic terrestribus omnibus copijs Imperatoris nomine eo bello, quod cum Philippo Mediolanensium duce gerebatur, & erat alioqui is obscurissimo inter Allobrogos loco natus, Philippo principi antea quam gratissimus, à quo postea, illius insidias utabundus transfugiens ad Venetos, donatus ab ijs summa, quod dixi, dignitate, receptaque uxore & rebus omnibus suis a Philippo, Venetis id cõtendentibus, quum aliquandiu bene his operam præstitisset, mox mutata sententia, minimeque memor tot beneficiorum, quot acceperat, de Venetis deferendis, Philippoque principi inseruendo cogitare cœpit, quare Veneti sæpius ab eo delusi, varijsque casibus uexati, literisque etiam eius interceptis, quum Venetias euocassent, aliud certè simulantes sese agere, carceri publico includitur, confessusque omnia inter geminas columnas edicto publico ceditur.

De filio Antonij Venerij ducis.

T R A N S I T V S hunc à me fiet à publica seueritate, ad priuatam, qua Antonius Venerius Dux in filium, alioqui egregiæ indolis usus est, qui Adolescens publico iudicio damnatus propter flagitium, de quo supra dictum est à nobis, carceri intrusus, quum peste etiam laboraretur, nunquam tamen à patre impetrare potuit, ut inde solueretur. quare mortuus cum totius ciuitatis luctu, clatus est mediocri etiam funeris pompa.

De militibus Roberti Sanctoseuerinatis.

O . S E V E R I T A T E M Reipublicæ Venetæ maxime memorabilem, quam nos ætate nostra uidimus. discurrabant in riualtina urbis parte aliquot Roberti sanctoseuerinatis milites, modo huic, modo illi infesti, sub primam noctis horam, quos quum publici lictores arcerent, admonerentque, ut ab inferenda iniuria abstinerent in libera ciuitate, tamen uero uiolentiores facti, exclamare cœperunt, Roberte, Roberte Imperator ferto precamur

præcamur opem militibus sic optime de te meritis, quare statim uinctis ad consilium quæ de te uirale deductis, sic in illos animaduersum est, ut deducti eodem momento in arcem publicam, inter geminas columnas sint suspensi.

De Leonardo Lauretano duce, &

Senatu Veneto.

VICERVNT. scelera nonnullorum patricij ordinis benignitatem, atque clementiam Leonardi Principis, & Senatus, coegeruntque eum, ut deposita interim humanitate ad tuendam Reipu. dignitatem seueritatem indueret animis, quare quum eorum crimina sæpius delata forent, grauioraque flagitia, comprehensi, conuictique supremo supplicio publicè spectantibus omnibus sunt affecti.

Externa.

PER QVAM libenter sanè in præsentia hæc ipsa seueritatis exempla repetam, quod præcipua eorum pars Pontifices maximos autores habitura sint: quæ bonitatem eorum lecturis declarent, & reliquis pontificibus exemplo esse possint, ut pro uera religione, ac pietate tuenda minime dubitent seueriorem hanc disciplinam haurire animis.

De Constantino Pont. Maxim.

PRIMUM autem locum iure sibi vendicauerit Constantinus Pont. Max. qui Philippum Constantinopolitanum Principem male de fide catholica sentientem, sæpius ab se literis admonitum, neque unquam rescipiscentem, seuerè admodum uultus est, nam & dignitatem imperij illi ademit, & ne inter reliquos principes Imperatoresque nomen eius referretur edixit. uerum obstinationem illius nimiamque animi pertinaciam non multo post diuina providentia uindicauit, nam anno uno mensibus sex imperij uix expletis, captus à suis, oculis primum, tum uita priuatur.

De Innocentio primo Pont. Max.

LAUDARI certè Constantinus Pont. maxime potest, qui pontificia seueritate, ad quam necessaria temporum ratio illum induxerat, quum accepisset Ioannem Chrysostomum patriarcham Constantinopolitanum ab Archadio Imperatore Eudoxiæ uxoris suæ astu in exilium esse pulsum, Theophilumq; illi ab eodem principe surrogatum, Arcadium ipsum ad monuit, ut Chrysostomum reuocaret ipsum, quod nisi quamprimum faceret, tunc sese & Eudoxiam uxorem pro certo sciret, extra communionem Christianam eictos esse: in ordinemque redactos.

De Nicolao Pont. Max.

Sed quonam piaculo seueritatem tuam Nicolae Pontifex Max. prætermittere potero? qui re cognita, quod Lotharius Ludouici secundi Imperatoris frater iustam uxorem reieccisset, & alteram sua sponte superinduxisset, adiuuantibus eum tamen præsulibus Colonienfi, & Treuerensi, ipsum Lotharium non dubitauit diris pontificijs persequi, & duos illos sacros præfules in ordinem redigere.

De Gregorio septimo Pont. Max.

Nec Gregorij septimi seueritas præteriri unquam silentio à me poterit, qui Henricum Imperatorem redigere in ordinem non est ueritus, quoniam ille uenalia omnia sacerdotia passim haberet, nec sæpe à pontifice admonitus à tam graui scelere temperaret, sed nec ueniam petenti facile tribuisset, nisi id Henricus per mediam hyemem nudis pedibus ad Canusij portas, ubi tunc Pontifex agebat Zona insuper colum præcintus, supplicem sese pedibus ipsius publicè spectantibus omnibus exhibuisset.

De Alexandro tertio Pont. Max.

Eadem seueritate usus est Alexander tertius Pont. Max. in Fridericum Aeneobarbum Imperatorem, quod ille schismatis autor fuisset, uno, atque altero pontifice super inducto. nanq; illum dignitate primum priuauit, anathematisque spiculum in illum, & reliquos illi fauentes intorsit, quem non prius à tanto crimine absoluit, quam Venetias deductus Alexandrum Pontificem ipsum in uestibulo diui Marci cum principe & enatu sedentem saluere iusserit, pontificisq; ipsius pedes osculatus sit.

De Castrutio Castracane Lucentium domino .

ERANT mihi pontifices alij, qui recenseri in hoc eodem albo à me iure optimo poterant, nisi Castrutij Castracani, lucæ olim domini memorabile seueritatis exemplum me ad se uocasset: qui mensarium lucensem, quod vrbe decoquens efugisset, breuique post pactus cum suis creditoribus rediisset, deductum ad se coegit, in carceremque coniectum iussit debitam omnem pecuniam dissoluere; siquid verò superfuit totum in publicum redegit, eo perpetuo insuper exilio damnato.

De ijs, quæ grauiter dicta: vel facta sunt.

Caput IIII.

NON possunt quæ dicta grauiter factaque sunt ab ipsa seueritate disjungi. dederint mihi igitur uti spero, veniam hæc ipsa quandoque lecturi, si tristioribus hisce referendis exemplis diutius immorabor, in quibus tamen polliceor multa non ingrata illis assutura. propter præcipuam auctoritatem eorum, qui in hac laude versari esse creduntur; habeat igitur primum hunc locum Henricus Dandulus, qui postea dux Venetijs creatus est. hic igitur ad Maruelem Comnenum imperatorem Constantinopolitanum, Veneto nomini infestissimum, missus orator, quum multa alia prudenter apud eum principem locutus esse dicitur, ut illum patriæ reconciliaret, tum uerò illud grauissime addidit, ut meminisse Sybellini carminis iam pridem vulgati: futurum non multo post, ut Adria orti Constantinopolitani imperij fasces, sceptraque ad se traherent, quod tam graui dicto adeo excanduit Manuel, ut illi intra cubiculum euocato æneû uas candens obiecerit, quod inspicere diutius voluit, ut eum oculorum lumine priuaret, quam pœnam ita passus est, quamuis grauiter laborarit, ut præcipuus ille autor fuerit imperij ad Gallos transferendi.

De Francisco Dandulo Oratore ad Clementem Pontificem .

TENTARANT sæpius Veneti, idque frustra, ut Romanum pontificem Clementem sibi iratum, infestumque propter Ferrariam receptam, pluribus ad eum missis oratoribus reconciliarent. postremo vero missus est, & Franciscus Dandulus, qui eo animo profectus est Auenionem in Gallias (ibi enim pontifices Romani aliquot egerant annos) ut quacumque ratione fieri posset, ipsum Clementem pontificem sibi patriæque conciliaret, quumque incassum multa uariaque tentasset, tandem id consilij iniit, quòd omnium

omnium mortalium animos implere admiratione possit, veste enim mutata, quadrupedisque canis habitu sumpto, Zona in catenę modum etiam colo uinctus ad prandentis mensam Clementis propius accessit, pedibusque eius aduolutus, neque habitum, neque animum præsentem sese mutaturus testatus, nisi Venetam Rempublicam, pont. ipse prius in gratiam recepisset. tantum rei nouitas neque, antea uisa, aut audita grauitas animū Pontificis perculit, ut statim surgere eum iussum admiserit, seque omnia facturum, quæ petiisse annueret, quod & factum est; quare illi Veneti gratiam rei tam optatę referentes; ducem in Superantij mortui locum, canis cognomento illi indicto ex quodam facti (ut ita dixerim) miraculo sibi præficere.

De Stephano Contareno.

CREATVS hic in Petri Zeni locum Senatus iudicio, qui maritimę rei recte peragenda in Benaco lacu præfesset, quando res aduersę nunciarentur, statim suscepta prouincia, domum est profectus, euocata de superiore ædium parte vxore: scies inquit me benacenci orę præfectum, Sena tu ita iubente, tu igitur omnia domi parato curatoque, ut præsto sint, quę cunque mihi necessaria futura sunt, atque intra paucos dies, aut lærum à me partę victorię nuntium expectato (id, quod campani æris sonitus ex Marciana turri tibi significauerit) aut mortis meę literas: quibus tu cada uer hoc ipsum uitę sepulturę mandes. quæ uox quæso grauior esse potuit ad testandam suam in patriam charitatem? cuius dignitate, aut gloria nihil sibi carius, aut iucundius esse profitebatur.

De Antonio Grimano.

SINGVLARIS opinor, atque incredibilis duum in Dandula familia Senatorum virtus, ac grauitas plerisque uideri possit, sed quod nos audiuius, & uidimus non minus admirationis secum afferet. Si quidem Antonij Grimani ab exilio reuersi grauitas ipsa egregia fuit; qui Nicolaum Michaelē acerrimum sui accusatorem) ubi primum domum redijt, & reliquos eius collegas duos, Pisanum, & Sanutum, eos auide complexus omnes, Nicolaum uerò ipsum sumopere laudauit, quod pro dignitate ipsius, quę gessisset constantissime publicā causam tutatus sit, addens quod optaret Resp. similes ille plures semper haberet. sed enim, & dux in locū clarissimi Lauretani creatus, eum occurrentem sibi primum saluere iussit, omnia de se ipso illi pollicitus, extant adhuc literę ipsius ad ipsum scriptę plenę summę grauitatis, & amoris.

De Andrea Gritto Duce.

SUCCESSIT in Antonij Grimani locum Andreas Grittus, cuius virtus & in patriam merita præclara, & egregia imprimis extitere. Cæterum ut id agam, quod præsentis est operis, & instituti, ea nunc omittam, quæ ad rem præsentem minus attinent; illud in præsentia maxime memorabile tacere minime possum; quod quum nunciatum illi esset absenti, Constantinum Cauaciam, unum ex quatuor scribis à decemuirali cōsilio delectum, qui locus honestissimus in primis sit, summæque inter plebeos dignitatis, utinam inquit patres ipsi maturius Reip. consulissent, nam laqueum uideo Constantini collo, hoc ipso decreto appensum esse; quod & sanè illi contigisset, nisi exilio suo peximè de Rep. meritis fugam arripuisset: quid hoc principis respons. grauius esse potuit? nāque operam eius quandoque expertus publico munere facile ingenij prauitatem, & peximos eius mores deprehenderat.

EXTERNA.

De Vgone Cæsariensi equite Gallo.

MISERAT Almaricus Hierosolymorum Rex Vgonem Cæsariensem principem uirum, militia clarum oratoris nomine ad Baldacensem Calipham, ut res inter Christianos, & Saracenos componerentur, discordiæque, ac bella sedarentur; uerum quum ipse Caliphas nudam suam dexteram Vgoni porrigere nollet, sed tantum uestem suam cōrectare iuberet, præcipue uero quod christianus esset, auersus procul à Maumethis sacris, nunquam adduci Vgo potuit, ut id faceret: quin bellum denunciāns quæ primum se discessurum pollicitus est: qua ex re calipha territus inuitatum ad se benigne excepit: uirtutem hominis admiratus, dextraque simpliciter iuncta fœdus sanxit.

De Sergio II. Pont. Max.

PER QUAM libenter equidem exempla Romanorum pont. si qua occurrunt, prosequor, si modo ea huiuscemodi sunt, quæ veterem religionē ac pietatem referant, quale Sergij pont. extitisse literarum monumentis est proditum. nam quum Ludouicus à Lothario patre consors imperij factus esset, Romanusque ille uenisset, imperij insignia accepturus, Italiamque omnem varijs vastasset cladibus, susceptus tamen ab eo benigne, ad D. Petri fores, ubi Pont. ageret, magna cum populi pompa deductus est, qui à pont. exceptus, clausis tamen foribus diui Petri, conuersusque ad illum Sergius, summaque grauitate usus, si uenisti, inquit. ad nos deposita ferita-

d te,

te, qua ferè uniuersam Italiam populatus es, argentæ statim fores tibi patebunt, imperijque fascès à me quamprimum accipies, sin uero eo animo es, ut non Christianum principem agere uelis, hinc quamprimum discedito, meque Pont. Christianæ pietatis assertorem arreptum, primum diripito. ad quam uocem quum Ludouicus ipse sese pont. pedibus subiecisset, osculatusque eos foret, benigneque se omnia facturum respondisset, statim pontificis iussu patuere fores, admissusque ab illo perhumane, omnibus imperij insignibus donatus est: quare inde ita postea discessit, ut patissimo agmine in Gallias redierit.

De Gregorio septimo Pont. Max.

NON filebimus Ildebrandi quoque Pont. Max. qui Gregorius septimus est dictus, grauitatis plenum exemplum in Henricum Germaniæ imperatorem. nam quum relatum illi pro certo esset, Henricum uenalia omnia habere sacerdotia, minime dubitauit statim eum admonere, ut à tam perditio facinore temperaret, nam etsi nullas adhuc literas à Constantino politico principe recepisset, qui inter minatus est, tamē fore, ut diris pontificijs illum insectaretur, imperatoriamque maiestatem illi abrogaret.

De Rodulpho Imperatore.

FVERAT hic dum tenuiores res eius essent, in Ottochari Boemorum Regis familia magistri nomine. Cæterum quum multis varijsque uirtutibus corporis & animi excelleret, imperator à Germanis declaratus (tantum uirtus eius excelluit, ut in hodiernum diem (annum ferè trecentessimum) eius familiæ gloria perduret, & in primis Carolo principe, qui hodie maxime uiget; sed (ut ad Rodulphum redeamus) non poterat æquo animo ferre Ottocharus hanc tantam viri subitam, tamque repentinam maiestatem, sed amicorum suasu uictus Ottocharus ad ipsum Rodulphum profectus, benigne ab eo excipitur, ut a se iusiurandum acciperet imperatore; quare eò profectus genua flectens, dum iurisiurandi uerba repetit, colapsis tentorij ornamentis omnibus, quæ de industria comparata fuerant, in conspectu omnium uisus est, Rodulphi genua tangens id, quod postea Ottocharus uxoris suæ etiam contumelijs iritatus, ægerrime ferens, bellum illi indixit, sed à Rodulpho uictus acie mox interijt.

De Genigemi Otthomano.

RELIQVERAT Otthomanus Turcarum princeps liberos duos mares, qui post eius mortem imperij totius hæredes, quum parum inter se concordēs agerent, à Baifethe fratre pulsus Genigemi Rhodum fugies, petijt: inde ad Innocentium pont. captius missus, quum aliquot post dies, ut pont. saluaret deductus esset, nunquam adduci potuit, ut pontificis pedes oscularetur, sed apprehenso eius Humero, Cardinalibusque tantum complexis, sic ita inde discessit, ut etiam in homine Turca facti gratitatem admirari posses.

De Iustitia Caput V.

IN nulla commentariorum huiuscemodi parte libentius uersatum me memini, quam in iustitiæ ipsius laude præcipue commemoranda, quæ certe communis omnium uirtutum parens, si recte à nobis colatur, ut omnes amplectamur uirtutes efficit. prima autem huius uirtutis pars est, ut deum colamus, altera, ut patriam reliquis omnibus studiis præferamus, tertio loco, ut parentes ipsos summa pietate diligamus, tum agnatis, atque affinibus reliquisque mortalibus suum cuique ius suppeditemus. recte enim sacris est proditum literis, beatos esse, qui semper iudicia custodiât, & iustitiam ipsam in primis diligant: ne quis unquam abs te etiâ inimicus uel tua, uel aliena opera te autore uel conscio circueuentus sit.

De Venetorum iustitia.

NUNQUAM certe inficias ierim, Romanam ciuitatem per multas ætates in ipsa iustitia excolenda unam præceteris excelluisse: quippe quæ pro certo sciret, & amplissima imperia præcipue parta, retentaque ipsius iustitiæ assiduo cultu, & amplissima quæque regna, non facilius corruisse, quam si iustitia negligatur ipsa. Quare nos Venetis referendis exemplis, relictis uetustioribus, intenti, primum illud reliquis præponemus, quod celebre sit, omnibusque gentibus maxime memorabile; erat Andronicus senior Bizâtinus imperator, qui à Michaele filio pulsus Venetis id præcipue satagentibus, quod senex, certusque imperator inops; egensque terras omnes oberraret sollicitus in primis, ut fasces imperatorios toties iuste repetitos, tandem reciperet, id, quod Veneti animaduertentes primi illum suscipere, & quamuis ligusticis opibus Michael filius obsisteret, ne deserti quidem ab ipso Andronico, qui liguribus ipsis adhæserat, ab illius tutela discessere, donec septuagenario maior Andronicus ipse decesseret.

De iisdem Venetis.

RECEPERANT Veneti Tenedum, illique insulæ Ioannem Mutatium præfecerant, qui dum sibi, suisque insulanis nimium placet; statuerat nec Venetis ipsis repetentibus, neque alijs principibus ullo modo restituere, & si arx ipsa dirueretur; quod ipsum inter Genuenses, & Venetos composita pace Allobrogici ducis opera conuenerat. quare grauissimo in eum decreto patres decreuere, & illum perpetuum exilio damnandum, & ordine patrio penitus eiciendum. quin etiam Fantinum Georgium paratæ classi præfēcere, qui Mutatium ipsum per septem & amplius menses obsedit, intra arcem, quam fame uictus nuncijs Allobrogici ducis tandem restituit, cum summa admiratione Genuensium ipsorum, qui tantam iustitiæ uim in Venetis ipsis summis postea laudibus extollerent.

De iisdem Venetis.

ACCERSIERANT Veneti Sebastiani Ciani Ducis auspicio, cum ex alijs orbis partibus extruendis nouis edificijs insignes præfectos, tum ex Constantinopolitana vrbe unum, amplissimis premijs inuitarant, qui omnium iudicio omnibus alijs ea tempestate præferebatur, ut auream diui Marci ædem omnium quæcunque extarent celeberrimam, ab ipsis fundamentis extruerent, quod quum Græcus homo præstiturum sese polliceretur, ea tamen cōditione, ut absoluto ab se opere, ad æternam sui memoriam, pateretur dux ipse senatusque in oculatissima templi parte statuat marmoream sibi popi: nō dubitauit Cianus dux ipse, & patres id pro certo polliceri: inchoato igitur ab se opere; quum iam præcipuā templi partem absoluisset, quum dux, & reliqui patres adessent, nimia quadam inenij leuitate elabi sibi ex ore passus est, se quidem multo celebrius templū ipsum fuisse extructurum; nisi inter ipsum opus occurrissent plura, quæ illum prudentiorem fecissent; ad quem subridens dux; nec nos inquit cōtrā omnia, quæ de statua petieras, integra tibi dabimus; quare illi in vestibuli fronte marmoream statuam collocarunt, manu ad os obiecta quasi illū dicti sui pœniteret. Illud interim hoc in loco præterire minime possum, templi ipsius apparatus tantum, talemq; hodie extare, ut nemo sit, qui, quum omnia diligentius perlustrarit, nō fateatur omnibus antiquissimis operibus, & recentioribus cum ipsa Tarpeia arce esse antefendum (quod et si parergon uideri multis possit non dubitem tamen plures fore quibus quam gratissima templi ipsius sit futura explicatio) est igitur templum ipsum, non tam, magnitudine, & uastitate sua, ut pleraque alia, quæ ornatu insigni, & in primis augustum. quod si primum ingrediare crucis figuram

figuram præferre uideatur; cuius anguli in altissimas confurgunt testudines. Quarum fastigia, ut reliqua templi facies, plumbeis tegulis operata, ad centum viginti stadia ex alto ad urbem nauigantibus inter eminentissimam urbis ædificia occurrant, superbissimi ad id fornices, mira inter se arte coeuntes totam molem fulciant, illud non possum non uehementer admirari; unde tanta uis auri Venetis ipsis affuerit, quod tanto operi impenderent. Nam quicquid operis est à media templi parte purissimo fulget auro, quod mussiuo opere ita uariatum est, ut quocunq; oculos uertas insigne in primis occurrat, recedunt tantum in ipso testudinum conuexu Græcanici operis uetustissimæ imagines, mæsta quadam, uenerabilique præsentia, horrorem cum religione mixtum spectantium animis inférentes, quod si ad alias spectandas templi partes animum cōuertas, marmoreæ undique tabulæ, ad pauimentum usq; ipsum, uarij marmoris occurrent, quæ tanto artificio sunt sibi adinuicem compositz, ut eadem inter se similes uideri possint: sedilia quoq; ipsa circum ædæni marmorea, ita distincta, ut defatigato iam tibi cuncta perlustrâti, quietem, & ocium parent. hic tibi pauimentum liceat intueri vermiculato opere, marmoreis frustis ita distinctum, ut tantum extruendi templi studium in cælum meritò tollas. Columnæ uero cōplures parij lapidis, uel Tapfici aut Numidici tibi interim adfurgent iure optimo admirabiles, cum duplici suggestu marmoreo unde sacerdotes sæpe emineant. sic enim cautum publico decreto fuerat, ut quicquid egregij operis Veneti ipsi nauigantes quocunque terrarum ambirét, non dubitarent id ipsum Venetias deferre ad æternam templi aurei memoriam; ut nulli impensæ omnino parcerent. quod si ex templo egrediare, uestibulumque ipsum subeas, quis per immortalem deum stupor non te innadat? cuius aurei fornices trecentis, & amplius fulciuntur colūnis, nō magnitudine sua magis, quā colorum uarietate conspicuis, inter columnia, & quicquid in area ipsa operis est, cum ipso pauimento marmoreis tabulis pro tectorio renitet; quod si superiorem uestibuli partem ex area ipsa conspicias, ecce tibi equi quatuor ænei diuerso statu uarioque occurrunt, qui ueteris operis insignia plane referentes, studium insigne ciuitatis ipsius secum præferant. His operosum templi supercilium incubat senis sese pinnaculis explicans quorum singula in tabernaculi speciem surrecta singulas habent ex candido lapide statuas, nudi genij, aliaque uerò splendidissimi aspectus simulacra, suo quæque statu operibus inserta, miro quodam modo, ipsam pinnarum exornant intercapedinem. Idem opus excellentissimum, eandemque speciosissimam materiam, tam dextrum, quam leuum latus habet.

De Nicolao Vrsino Venetorum imper.

S I Q V I S diligentius templum ipsum perlustrarit, interioraque illius cognoscere maluerit, Nicolai Vrsini Veneti Senatus imperatoris publicū munimentum aspiciet, quod illi Lauretanus Dux, patresque posuere, posteris futurum exemplum rerum ab eo præclare gestarum: Siquidem ille pluribus pontificibus & regibus Italicis, & rebus publicis egregiam operam semper nauauit, nouissime Venetis ipsis per quindecim annos, clarissimis partis victorijs, adeo carus fuit, ut recepta vrbe patauio, mox etiā à durissima omnium obsidione liberata, moriens non multo post summum sui desiderium posteris reliquerit.

De Senatu Veneto.

N V N Q V A M certè prætermiserim memorabile illud consilium Andree Contareni ducis, & patrum, qui conseruandæ patriæ Clodiensi bello aduersus Genuenses plura remedia excogitassent, illud unum præcipue iniere, quod sanè nemo inficias ierit, rectum in primis extitisse, ut triginta familiæ plebei sanguinis, in patritium ordinem coaptarentur, eorum videlicet qui præclariorem operam ad patriæ salutem comparandam attulissent; quare incensis omnium animis, vniuersa penè ciuitas ita inflammata est, ut plerique priuato suo stipendio, nouas naues ipsi extruxerint, quibus ipsimet præessent, alij ingentem pecuniæ uim in publicum dono dederint, ne defuere, qui se ipsos cum liberis, & reliqua familia grauissimis quibusque periculis obiecerint. bello igitur tam graui scelerissimè perfunctus ipse dux, & patres ad Clodiam, & ea vrbe recepta captiuorumque Genuensium, & aliorum non parua manu Venetias abducta, tunc dux ipse senatusque omnis memor promissæ fidei, & iustitiæ, semper ab hac ciuitate constantissime retentæ, triginta familias in amplissimum ordinem cum suis hæredibus asciuire, & quoniam non deerant, qui bene de patria adhuc essent meriti, reliquos publico ære annuo ex suo arbitrio donarunt, ut non desint tot iam annos, quibus idipsum publice persoluatur.

De Michaelē Mauroceno.

M I C H A E L Maurocenus, qui postea dux in Andree Contareni locum creatus est, omnibus exemplo esse poterit, quanta iustitiæ uis incitorum animis, qui patriæ ipsi omni studio, atque ope recte semper consuluere, nihilque illi negatum unquam esse uoluere, quod necesse esset ad eius retinendam dignitatem. Is nanque ex Syria rediens quum amplissimas

simas opes ibi comparasset, Rhodum insulam cum ijs appulsus incolumis, ibi accepit patriam ipsam in summo posito esse discrimine, neq; vllam eius seruandæ spem superesset, quum igitur illum multi adhortarentur, vt diuenditis mercibus, ingentiq; thesauro conflecto, alioq; se retiperet, ego ne inquit tam graue facinus, & scelus hoc tempore ausim? vt laboranti tam grauius patriæ desim? diuendam igitur perlibenter omnia, & quicquid inde conflauero pecuniæ, id totum in patriæ salutem impendam. mox celerrime comparata naui auriq;, & argenti copia fucinctus Venetias appulit, nec ducem patresque passus est celare consilium suum. pæcunijs igitur omnibus profusis, quæ magna ex parte summo vsui publicè fuere. meritò Contareno duci surrogatus est, vtinamq; diu frui ea dignitate licuisset, siquidem intra menses quatuor obiit.

De Francisco Balduino patritio Veneto.

DIVERSVM omnino Francisci Balduini à superiore facinus facile ostenderit iustitiæ vel præcipuum munus esse malos ciues, maleque de patria meritos grauissimis affectisse pœnis, quod Franciscus Balduinus meritò probauerit, qui ciuium opulentissimus iuris uim, æquique in tanta ciuitate ferre non valens, animum adiecit ad libertatem, si fieri posset, opprimendam. re igitur varijs artibus, & consilijs sæpe ab illo frustra tentata: quum dux, ac patres id rescissent, captus in minoritana æde etiam sacratissimo die Iouis sancto, tantæ audaciæ pœnas meritò luit. iure enim eo statim mortuo bona eius omnia publicata sunt, quin etiam & illud additum, ne quis in Balduina familia nobilitatis munere perfungi posset, Ianuaque domus illius perpetuo die, noctuque pateret ad. d. Symeonis cognomento parui. d. que Marci effigies supra ianuam semper altaret.

EXTERNA.

De Sancio Castulonensi rege, cui desiderati cognomentum fuit.

FLOREBANT vno eodemque tempore reges in Hispania duo, vnus quidem Sancius Castulonensis, cui desiderati cognomentum fuit, alter Legionensis Ferdinandus, qui quum in Pontium Principem Hispanum arina sumpisset, magnamque partem principatus sui illi ademisset. Sancius, hoc ferre æquo animo non valens, quoniam illi Pontius propter egregiam eius virtutem, & nauatam pluribus bellis operam expertus, maximis copijs aduersus Ferdinandum fratrem mouit, quod sentiens Ferdinandus statim in Sancij fratris castra paucis comitantibus peruenit, causaque à fratre cognita quæ illi honestissima visa est, immemor pontij in se iniuriarum,

iniuriarum, fratremque insuper magnopere laudans, quàm primum demissa belli cura, domum redijt rebus omnibus, quas ademerat Pontio restitutis.

De Ferdinando rege Aragonio .

N O N possum non ipsis Hispanijs testimonium reddere seruatae in primis Iustitiae. cui enim quæso paulo humaniori non maximè probeatur Ferdinandi Aragonij regis pietas, & Iustitiae cultus? qui Castulonensis regni tutor à fratre relictus; quum nepotem summa virtute, fidei suæ commendatū optime tueretur, ac regeret carusq; in primis omnibus Castulonensibus esset: sed ij veluti pertesi puerilis imperij, ad ipsum Ferdinandum regem constituendum omni studio contendebant, quunq; dies locusq; statutus esset, quo ipsi Ferdinando, & ipsius heredibus sceptrum, & regias insulas traderent, ecce ipse superueniens Ferdinandus, regia clamydi lassiore succinctus, qua puerum ipse clam gestaret, in concione acclamantibus omnibus Ferdinandum regem Castulonensem, eiusq; hæredes, reiecta regia clamyde puerum ipsum humeris colloque inferunt ostentans, en inquit exclamans, hic vester rex, cui sceptrum, cui regias seruatis insulas, qui planè Castulonensium regum præcipuum sit futurus. quare hoc veluti miraculo attonita concio, tantaq; admiratione capta regiamq; animi moderationem admirans, & iustitiam, regem ipsum puerum excepit, Ferdinando ipsi sælicissima quæque deprecabunda, potest quis summam pæcuniæ vim aspernari, poterit sacerdotia opulenta reijcere, regnum autem tantum ac tale sine scelere oblatum; quis vnquam respuat?

De Tancredo normando antiochiæ principe.

E R I T vti spero Ferdinandus Aragonius Rex in ore omnium, qui nostratia hæc aliquando legerint, nec vero Tancredus Normandici sanguinis vir silebitur, qui Antiochiæ præfectus capto Boemundo patruo principatum ipsum Antiochensem summa diligentia, ac fide rexit, adeò vero augendæ studio rei, vt aucto etiam principatu magnaue auri, atque argenti vi coacta, patrum suum Boemūdum inter sarracenos captum iustis vindicijs liberarit, eique statim Antiochense Imperium optima fide restituerit.

De Balduino Hierosolymorum rege.

A C C E P E R A T hic Antiochensem principatum sibi oblatum à ciuibus absente Boemundo Iuniore, quem quum armis, etiam fortissimè aduersus

uersus turcas tueretur, forte ita accidit, vt victus acie à turcis caperetur, sed quum biennio post sua pecunia restitutus esset; aduenienti puero non dubitauit ciuitatis imperium, & reliqua omnia illi tribuere, iustitæque cultum rebus alijs omnibus anteferre.

De Saladino sultano ægyptio.

N V L L V S vt reori iure nos accusauerit si Maumethei delirij sectatorem vnum Saladinum hic inseruero: qui maximis semper rebus gestis, clarissimisque ad extremum vitæ ita floruit, vt eius nomen perpetuo celebrandum nobis sit: atque vtinam huiusmodi reges sortita esset christiana pietas, felicius enim res nostræ sese haberent. cæterum hæc alias Saladinus igitur maximus, & amplissimus, inter Maumethanos Principes, vel eo nomine, quod Hierosolymitani regni fastigium nobis ademerit, vt nunquam sit à nobis postea receptum, claris victorijs aduersus nos partibus celebris, celeberrimus vero capto Guidone Lusignano Cypri Insulæ rege, & alijs nō paucis principibus christianis, quos omnes apud se humanissime habuit, facileque postea dimisit. sed & illud eius facinus non minus memorabile, quod recepta arce per biennium à se obsecsa, quàm christiani milites tuerentur, qui coacti famè illam restituere, eos omnes summa humanitate excepit, vxoresque singulis suas tribuit, suæque pecuniæ multas ex ijs captiuas redemit, magnoque auri pondere eos donauit, incolumesque domum dimisit, tantam in illo virtutem admiratus, ne scias quibus laudibus non insignem principem hunc laudes.

De Florentino populo.

H A B E B I T, & suam laudem Etruria, eiusque caput Florentia, si exemplum in primis iustitiæ ab ea cultæ, quod patrum nostrorum memoria accidit, meminerimus sæpe. siquidem quum Paccia familia ciuitatis primaria infesta in primis Medicæ esset, consilium id inierat, vt Iulianum & Laurentium fratres vel in templo diuæ Reparatæ, intertimerent, quod quum tandem consecissent Iuliano interfecto Laurentio non leuiter vulnerato, ciuitas ipsa adeò indoluit, vt coniuratos quoscunque potuit graui pœna affectos statim sustulerit: Iacobumque Paccium, Pisenumque Archiepiscopum suspendio affecerit, reliquamque omnem paciam familiam perpetuo exilio damnarint, vt sane mirandum sit, aut pacios tandiu in ea coniuratione perseuerasse, aut nihil inquam Iulianus, Laurentiusque fratres rescuiissent, quum res multis mortalibus credita foret.

De fide publica. Caput VI.

NON erit certe multum in iustitiæ cultu, nisi fides ipsa cum priuatum publica iustitiam ipsam fuerit complexa. meritò igitur ipsi fidei suus statim dabitur locus, qua vna societas hominum vel sola contineatur, ut si in infidum, ac perfidum incideris pro certo scias nihil tibi vnquam rectè cessurum. adeste igitur huc Veneti, atque ea fidei ex templa prodite, quæ ex hortari reliquos mortales faciliè possint ad eam retinendam summo studio semper esse contendendum.

De Dominico Michaelè duce.

OBSEDEBATUR terra, mariq; Ioppe Syriæ vrbs magna contentione, in continentique præerant Galloruni Duces, Hierosolymitanusq; varimundus Pontifex: Veneti vero Dominico Michaelè Duce suo, omni opera mari adnitebantur, ut eam expugnarent, verum quum Galli trepidi in castris agerent, quodd cum ingenti exercitu nunciaretur Sultanum Aegiptum ad futurum; tum vero multitudo palam voces in castris iactare cepit, esse sibi inde abeundum; soluendamq; obsidionem, quando ipsi soli grauissimo discrimini obijcerentur, venetos enim faciliè inde in pacatum abituros, quibus mare ad fugam pateret, id, quod quum Michaeli duci annunciatum esset, tametsi primò commotus animo, mox tam solertius cogitans, consilium id inijt, ut nauium remi omnes in Gallorum castra deferrentur (non desunt tamen, qui reuulsas trabes ex singulis nauibus prodant) id; quod varimundus aspiciens, & reliqui duces, maximopere sunt admirati, ad quos conuersus dux ipse, audiui, inquit frequenter penès vos iactatum esse, Venetos vbi hostes aduentassent à continentem statim obsidionem soluturos sine vllò periculo. ne igitur de fide nostra & constantia in posterum aliquid vereamini, quum ad vos hæc sũgæ instrumenta sint à me delata. agite igitur, ut decet viros fortes, & postea venetam fidem prædicate, quo dicto exclamantibus cunctis, venetosque summis laudibus extollentibus intrepidè cuncti ad obsidendam urbem redire, quæ non solum à nostris capta, expugnataq; est, sed & quanta semper ab initio venetorum fides esset, memorabili declarauit exemplo.

De Senatu Veneto.

ACCEPERAT Franciscus Sfortia à Philippo Mediolanensium duce Blancam eius filiam vxorem haud sanè legitimo thoro natam. Cremona

namq; vrbem, cremonensemq; agrum omnem in dotem acceperat. igitur celebratis nuptijs profecturus in Vmbriam, atq; Heturiam cū exercitu, Cremonam ipsam Venetæ fidei comendauit. illi verò per libenter curam eam susceperunt: nec dubitarunt bellum etiam cum Philippo gerere, qui iniquissimò ferebat animo, se socerum à genero suo contemptus esse, Venetosq; ipsos intra suos etiam fines sibi esse celebri tutela prepositos.

De eodem Senatu.

GESSERANT Veneti diuturnum graueq; cum Genuensibus bellum in Græcia. cæterum pace tandem inita, idq; Allobrogum ducis opera ita tamen, vt Veneti ipsi præsidium ex Tenedi arce reuocarent, eamq; Insulam omnino liberam relinquerent, qua in re datæ fidei memor Venetus Senatus, quàmprimùm iussit Ioannem Mutatium arcis præfectum inde cum omni præsidio Venetias redire, quod quum obstinatus ille minime fecisset, & Genuenses ipsi Venetam fidem in dubium vocarent, Florentinosq; pro hac re fidei iussores appellarent, non dubitauit senatus Venetus validam classem instruere Fantino Georgio duce, qui omni opera ac studio pulso inde Mutatio arcem eam euerteret, integramq; insulam eam Græcis restituere, cuius præcepti memor Fantinus Georgius non prius inde cum classe discessit, quàm dura obsidione plurium mensium ad deductionem Mutatium ipsum, præmente etiam fame, compulerit, quæ res, & Genuensibus ipsis, & reliquis omnibus memorabile fidei Venetæ exemplum esse posset.

De eadem ciuitate.

Sed quænam seruata fidei à Venetis exempla singularia iam referam? quum passim inter christianos Principes, eisq; subditos vulgatum placere esset, quidquid apud eos non faciliè solui posset seu publice, siue priuatim, id statim communi consensu remissum esse Venetias, vt bonorum Venetorum iudicio (sic enim appellabant) dissolueretur: huius rei innumera subiiciemus munimenta, iam vero quid dicam principum virorum ac sæminarum testamenta penes. d. marci procuratores hodie extare, qui bus illi supremas voluntates suas commendarint. sed & illud nunquam filucrim, in hodiernum vsque diem à regina Dantiæ, quæ barrum in Apulia præclarum oppidum dotis nomine possideat, ingentè pecuniæ vim Venetias transmitti voluit, quæ à sacris viris patritijsq; diligentius asseruetur.

De procuratoribus diui Marci.

EXTANT hodie. d. Marci procuratores, supremæ dignitatis penes Rempub. Venetam, qui ferè duces, vbi contigerit principem ipsum diem suum obire, declarari soleant, horum autem præcipuum est munus, vt ciuium testamenta summa fide tueantur, ac colant exequendaque in primis curent, quæ testamentis suis adscribenda vita functi mandarint, quorum fides tantum breui elluxit, vt etiam apud exterarum gentes plerique principes viri (quod diximus) & sceminae tutores eos esse iusserint. quare & Scalana viridis, quæ hoc nomine sic dicta sit, extat hodie celebre testamentum penes ipsos, Luchini vicecomitis, & Luciae eiusdem familiae, & Dominici Malatestae Ariminensis principis.

De viride Scalana.

NON possum huic sceminae, è Scaligerorum illustri familia ortæ non lubens testimonium summæ in Venetum nomen fidei, & benevolentiae perhibere, quæ quum supremum vitæ diem obiret, non parentis in se voluntatem, non mariti principis erga se amorem secuta, percuratoriam fidem, & Veneti nominis auctoritatem & patri & marito præposuit. Si quidem testamenti tabulis immensam auri viro procuratoribus ipsis annumerari iussit, quæ singulis annis pauperibus ab his distribuenda esset, id, quod hodie quoque ab eisdem summa fide seruetur.

De Lucia, & Luchino vicecomitibus.

FUIT Lucia Mediolanensis principis filia, quæ Angliæ regis filio nuptui data sit; hæc verò moriens, testamenti tabulas sui ita conscripsit, vt ab ipsa Britannia multum auri, & argenti mittendum Venetias curarit, quod singulis annis. d. Marci procuratorum fide præcipue certis locis à se descriptis, distribueretur, id, quod, & Luchinus vicecomes, & ipse supremis suis tabulis iusserit. Extant testamenta penes nos vtriusque, librique singuli, quibus iam tot annos constet distributæ pecuniæ, prout ipsi voluerant summa cura, & studio.

De Dominico Malatesta Ariminensi principe.

ERIS & tu Dominice princeps fidei Venetæ testis vel maximus, qui supremis tuis tabulis, non partium fundorum & agrorum manum diui Marci procuratoribus testamento moriens legaris, ex quibus diuendis, quicquid

quicquid pecuniæ cogi posset, (quæ sanè immensa fuit,) id totum partim sacris viris, qui lictatorium sacrum obirent; partim reliquæ egentium turbæ numeraretur. id quod procuratores ipsi præcipua pietate, & fide quoad per Pontificem Iulium licuit præstiterent.

EXTERNA.

De Genuensibus.

HABEBIT hoc in loco Genua ciuitas suum seruata præcipuæ fidei locum, quæ varijs diu iactata casibus, discordijsque, & intestinis bellis diu laborarit, naualibusque tamen clara rebus, à multis etiam principibus summo studio expetita, non dubitauit tamen in Carolum Neapolitanum regem, infestissimum sibi hostem memorabile seruata fidei exemplum posteris præbere. Nam inuitatus Carolus à Guelfa factione, quæ tunc in patriæ exilio agebat, vt in Genuenses bellum moueret, qui tum illi fædere iuncti erant, arma statim sumerret, quin etiam vt grauiore iactura Genuenses afficeret, regio, edicto iussit, vt quicumque Genuensis intra regnorum suorum fines inueniretur, quamprimum bona eius omnia diriperentur, publicoque carceri includeretur, quod tamen Genuensis populus præter omnem spem suam, sit passus, vt tamen idem fæderis cum rege obliti non esse viderentur, fidemque semel datam retinerent, pro mulgari ubique iusserunt, omnes qui sub regis imperio forent, qui intra fines suos ubicunque terrarum agerent, per quadraginta dies saluos incolumescque futuros, quo temporis spacio se, & sua seruari tuto possent.

De Gregorio Pontifice, & populo Romano.

TAMETSİ magni refert ad pietatem ipsam, cultumque vitæ omnem rectè obtinendum; quem pontificem populus aliquis sortiatur, id quod exemplo hoc Romani populi facillè comprobetur, qui Gregorium pontificem virum sanctissimum secutus, datam semel fidem constantissime retinuit, nam & Transmundum ad se confugientem per benigne recepit, & Luithprandum ipsum, cum magnis copijs aduentantem, Romamque ipsam acerrime oppugnantem forti animo sustinuit, donec pace inter eos inita, transmundus incolumis saluusque intra imperij sui fines rediret. vt certe hoc ipsum laudare vehementius in Romano populo possis, qui in tam graui discrimine, datam transmundo semel fidem, tam sæua tempestate seruare maluerit.

De Saladino Maurorum rege.

SALADINVS Maurorum rex, qui Hierosolymitanum regnum christiano nomini tandem vniuersum abstulit, multis animi dotibus excelluit: id, quod scriptores sermè omnes nostri testari studuerunt, in hoc verò principe fides maxima excelluit; quippe qui quum munitissimum castellum à Christiano homine eius præfide recepisset, qui diu ab eo obsessus, multaque pericula passus, tandemq; ingente fame coactus deditiōnem fecerit, ea conditione accepit, vt ipse cum suis omnibus inde abiret. Saladinus ipse sic amplexus eum est, sic vniuersos etiam fouit, (tametsi sciret necessitate coactum esse,) vt non solum incolumem, cum reliquis omnibus esse voluerit, sed, & castelli præfectum inter familiares asciuerit, eumque semper inter præcipuos amicos habuerit; quinetiam abiurare christianæ fidei sacramenta nolentem, magnus tamen præmijs, & amplissimis ornatum muneribus dimiserit, ad suosque redire sit passus, cum ijs omnibus, qui salui euaserant.

De Brixianorum fide in Venetos.

DIGNA est Brixia Cisalpinæ Galliæ vrbs præcipua, quæ seruata fidei nomine multum laudis, & gloriæ præter ceteras dotes mereatur. Nam quum à Philippo Mediolanensi principe diutius obsideretur, fameque, & peste intus etiam laboraretur, prætor Francisco Barbaro, & præfecto Christophoro donato, constantissime sese, & urbem tuentibus, tantum abfuit, vt de vrbe dedenda Brixienfès ipsi vnquam cogitarint, vt omnibus obsessis malis urbem tamen tutati sint, donec Catta melita imperator cum summa rerum omnium, difficultate, obsidionem soluerit, visitur, adhuc in aurea diui Marci æde oblatum vexillum à Brixienfibus tantæ fidei testimonium.

De Almenone Arabe Tolletano rege.

INCLUSERAT Sancius Rex Hispanus Alphunsum fratrem cœnobio, monasticamque vitam eum sequi iusserat, vti solus, mortuo patre, regnis Hispaniæ potiretur, eumque custodiri diligentius iusserat, ne forte inde effugeret. cæterum quum tandem Alphunsum inde clam absugisset, seseque fidei Almenonis Maurorum regis Tolletanique principis recepisset, tantum abfuit, vt christianum hominem reiecerit, regia stirpe iuuenem, vt eum sit imprimis amplexus, illumque præcipuo amore semper sit profecutus; & cum non multo post Sancius ipse rex sine liberis decessisset,

cessisset, peteretque Alphunsus ab Almenone, ut paterna, fraterna; regna reciperet, illum benignissime missum fecit, tametsi amici familiarésque omnes Almenonis dissuaderent, admonentes eum, ut totius Hispaniæ mauri quam facillime potirentur imperio, quando nullus superesset hæres, & timeri præcipue posset, ne Alphunsus ipse receptis regnis Mauros omnes expellere ex Hispania contenderet. Cæterum datæ fidei memor, cum ita dimisit, uti Tolleto perpetuo abstinere, paxque perpetuo inter utrunque foret. id, quod ab utroque seruatum esse constantissime prodatur.

De vxorum fide erga maritos. Cap. VII.

De Francisci Foscari Ducis clarissimi vxore.

DUXERAT Franciscus Foscarius dux uxorem secundo loco, priore mortua, ex Nana familia, cum qua diu dux uixit, & ex qua sobolem quoque suscepit, verum abrogato illi principatu, publico patrum decreto, (qua de re antea diximus) satis constat, in Foscareas ædes reuersum illum intra triduum diem suum obiisset; quem quum patres publico funere efferrî uellent, ad Minoritanum templum, ipsa uxor nunquam adduci potuit, ut factum hoc ipsum probaret, sibi esse dicens & opes, & uoluntatem optimam erga maritum, ut id ipsum præstet. Cæterum quum patres ipsi constanter in proposito essent, minasque illi graues intenderent, nisi illa cadauer exhiberet, nunquam flecti ualuit, ut ab eo discederet quumque exclamaret sese graui admodum a patribus atque Rep. iniuria affici, quod uiro suo, tam bene de patria ipsa merito, iusta soluere sibi uni non liceret, tandem per uim domi inclusa est, extractumque cadauer, summa pompa patres efferendum curarunt; quo facto tristis illa semper, & uehementius in dies plorans, nunquam quoad uixit, quieuit; indignabunda semper uiuentem illum, & sentientem tam graui iniuria affectum, nec mortuum tamen sine publica nota sepultum.

EXTERNÆ.

De Sarra vxore Habræ.

REVOCANT nos ad se in hac ipsa ueterum vxorum fide repetenda sacra literæ, reuocantque ita ut Sarra Habrahami vxori princeps tribuatur meritò locus, quum enim illa maritum iam senescentem, seseque grauem annis aspiceret, non dubitauit marito. Habrahamo persuadere, ut Agari ancillæ domesticæ, & adolescentullæ adiungeretur, ex qua facilius illi

illi soboles parare posset, quòd etiam facillime contigit, nam grauida factam Hismaclem filium habuit, quem cum matre lubens, uolensq; summo amore prosecuta est, uirum Habaahum suum in utroque semper respiciens.

De Liuia Augusti vxore.

N V L L V M sanè exemplum seruati erga maritos pietatis inuenies par Liuiæ Augustæ, quæ à marito transiens in Augusti Cæsaris potestatem, quando illam vxorem acceperat, ita illi indulxit, ut ipsamet puellas adhuc teneriores, quibus impensius oblectabatur Augustus, deduceret, non minus Augustum ipsum constantissime semper ad supremum usque diem amaret; ut meritò priuignum Tiberium suum plurimum interdum dilexerit, illumque imperij successorem habuerit: illud nos interim Liuiæ exemplum admonet, quòd còstanti omnium scriptorum fide memoriæ proditum est, in triumphali uidelicet proscriptione uxorum erga maritos fidem omnium semper fuisse, libertorum mediocrem, seruorum quâ paucissimam, filios uerò in parentes nullos omnino extitisse.

De Octauia. M. Antonij triumuiroi vxore, eiusdem Augusti Sorore.

F V E R V N T in Octauia Augusti principis sorore præclaræ, insignisque animi laudes, quæ nupta Marco Antonio triumuiro, quum sub belli ciuilis initia Romam ad fratrem ab ipso marito remissa foret, constanti in eum fide semper extitit, nec reuocari unquâ fratris autoritate potuit, ut Antonij penates defereret, quin etiam Antonium ad Cleopatram confugientem, semper est assecuta, ut non desineret tamen interim eum mone-re, ne ciuile bellum tanto studio gereret, nè patriæ excidium pararet.

De Giberti corrigiensis vxore.

N V N Q V A M mihi tantopere veterum illustrium fœminarum fidei in maritos probabuntur exempla, ut si qui patrum nostrorum ætas insignet aliquot exemplum rei tam præclaræ habuerit, ipsum illud huc non transferam. quis igitur ignoret Giberti Corrigiensis nomen? quis non eius uxoris fidem erga illum summopere admiretur, dignamque suprema laude non lubetissime legat? hæc enim ipsa Rosei Rolandi soror, quum maritum suum Gibertum Parma per factionem pulsus sciret, nunquam tamen fratris Rolandi precibus adduci potuit, ut maritum defereret, quin potius nudis pedibus, passoque capillo nesciente fratre, ad eum extra vr-

betem confugit, quem complexa adhortari non destitit, ut forti animo esset, nec fratrem suum respiceret, se enim eo animo ad eum confugisse, neque ab illo uel uestigio unquam discessuram, quæcunque illi fortuna immineret.

De mutatione morum & fortunæ.

Caput VII.

MIRABITUR fortasse aliquis quòd de seruorum in dominos fide nulla à me mentio, quando Valerij Maximi uestigia præcipue sequor, hæc in parte fiat, sed ille mihi aut ueniam lubens concesserit, aut re ipsa melius expensa consilium meum probauerit, quum animaduertet seruorum Venetis ipsis nullum unquam usum extitisse. transibimus igitur ad eos, qui in Rep. floruerunt uiri, qui tamen morum mutatione magnam sui posteris admirationem reliquerint.

De Petro Candiano Duce quarto.

ERAT is iam quartus in ea familia princeps, & uiuentis iudicio patris, & totius ciuitatis assensu, propter egregiam adolescentis indolem, in tantam dignitatem afcitus, qui tamen non multo post mutatis moribus, & fortuna tantum sibi conflauerit odium, & patris, & totius ciuitatis, ut non multo post in exilium sit missus, huic decreto fouente etiam patre. Cæterum eo non multo post mortuo reuocatus ab exilio uniuerso populo id ipsum exigente, iterum Reip. præfuit, magna eorum lætitia, qui ejus adolescentiæ annos meminerant, nec uero ille opinionem ciuitatis fallebat, tanta erat illius erga Remp. & reliquos ciues moderatio, atq; comitas. cæterum bis uertente anno mutato planè ingenio, primum uxorem legitimam, & filium ex ea susceptum dimisit, et Valdradam Guidonis Italici principis filiam, paternis bonis succinctam, sibi iunxit, quæ in paterna aula genita, diuque uersata maiores quosdam spiritus marito tacite ita substituit, ut iam ille tyrannus non princeps haberi posset. quum igitur omnes ueterum principum bonitatem, & prudentiam in eo desiderarent, tandem ita euenit, ut totius ciuitatis cōspiratione iure optimo sit oppressus, petitusque primum incendio, dum cum paruulo filio tantum discrimen euadere tērat (quod ipse sibi persuaserat) per uersam à tumultu partem fugiens, in infestiora multo turbam incidit, nullis ejus precibus flexa, & ipsum, & infantem sustulit, ejusque cadauer in macellum exportauit, quod canibus esca foret, quamuis Joannis Gradonici operâ in diui Hylarij ædem clam sit postea delatum.

De Boemundo Teupolo.

Nemo suis vnquam aut opibus, aut gratiæ, aut auctoritati tantum tribuat, vendicetque, vt sibi persuadere possit, vt si de ipsa patria male meritus fuerit, id illi consilium bene vnquam, feliciterque sit cessurum; legant hi sacrarum literarum volumina, legant Grecorum res gestas, euolunt Romanæ, ciuitatis monimenta, suorum quisque temporum memoriam repetat, neminem certe inuenerit tanti facinoris sibi conscium non grauissimas acerbissimasque persoluisse pœnas, id quod tibi quoque Boemunde in mentem venire debuerat, qui clarissima familia natus patre quoque duce genitus, atque ab adolescentia tua patriæ carus, nunquam certe tanto scelere inquinare te debueras, nisi sorte Sarmatici sanguinis mater notam hanc hereditariam tibi reliquerit. In hoc igitur vno homine fortunam mutatam, mutatosque mores pristinos facile videas, qui in patriæ libertatem penitus tolendam conspiraret, eo animo, vt duce patribusque interfectis, ipse sibi tyranidem altrueret, cum aliquot nobilibus, qui tantam eius amentiam, & insaniam secuti sint. dedit igitur meritò pœnas, dederunt & reliqui tanti furoris comites, quando alijs aut subitò securi percussis, aut in exilium missis, ipse quoque Boemundus exularit donec meritò sit ab externis hominibus interfectus, celebris est adhuc Venetijs tam nefandi sceleris memoria, multis patrum inditijs, vel quod primum inuisitur à principe patribusque, & ab vniuersa ciuitate diui Viti templum, vel quod ipsius Boemundi ædes, quæ in riualtina sede positæ erant, in publicum macellum sint conuersæ, in hunc vsque diem, vel quod decemuirale consilium, à quo publicæ dignitatis & libertatis fastigium penderat, tum primum institutum sit cautumque etiam ne in centum annos vni familiæ, quæ cum ipso Boemundo conspirat præcipue, aditus ad decemuirale esset, vel denique, quod familiæ ipsius insigne sit penitus immutatum, hoc etiam decreto addito vt nemo Venetijs, aut in albo, aut quouis, alio loco nomen ipsius Boemundi retineret.

De Marino Faletro Duce.

Cum vnquam persuasum esse poterit, Marinum Faletrum ducem ex clarissima familia natum, Reipubl. quæ ipsi longè gratissimum, quem sibi maximis honoribus ornandum vniuersa patria delegerat, vt eum optorem venetum apud Pont. agentem, ducem sibi in locum celeberrimi nominis Andreæ Danduli ducis creandum non dubitaret, & tamen ille, quum omnem ætatem cum summa laude transgisset, declaratus princeps non
f 2 dubitauit

dubitauit in patriæ libertatem conspirare, idque ipsum haud sanè iusta causa. quare illi meritò publicè abscissa est ceruix, & in maiori comitio, locus inter duces datus illi non est.

De Michaelè Steno, qui postea fuit dux.

FUIT in hoc adolescente vita aliquanto liberior, atque in luxum, & nimiam libertatem propensior, sed mox mutatis moribus & fortuna cum ipsa iuuentute. ita nimiam licentiam castigauit, vt summis honoribus, grandi iam ætate functus, Verona, & Patauio Veneto imperio adiectis, maritimisque etiam rebus auctis, principatu suo tertiumdecimum post annum ita vita functus est, vt Antonij Venerij ducis in eo iustitiam non desiderares, nec Tome Mocenici prudentiam, ac bonitatem, quem præcessit requireres.

EXTERN A.

De Augusto Cæsare.

POTERVNT ij, qui nostratia hæc aliquando legerint, ex hoc vno perspicere, quantum valeat, quamque varia sit hæc morum naturæque vis, in hac ipsa vitæ parte. nemo enim nescit ipsum Octauium, qui postea iure optimo Augustus est dictus, à primis adolescentiæ annis, postquam ab Apollonia, interfecto cæsare, redijt, bellis civilibus per viginti annos crudelissime esse versatum, non illum pietas in Patriam, non Senatus, non populi Romani authoritas continere potuit, nullæ illum leges, nulla iura, tam sancta, nulla hominum in se se merita, nulla religio inhibere potuit, quominus sæuissimus, maximeque immanis haberetur. Omitto nunc D. Bruti cons. insectationem, omitto Hyrcium, & Pansam cons. pari fato cæsos, Antonum in fugam conuersum, non pexime de se meritum, quis triumphatum eius, cum M. Lepido eodemque Antonio ictum non in primis hoc nomine excretur? quòd centum & quadraginta Senatorum proscriptionem scelestissimam fieri passus est? & in hac vnum Ciceronem optime de se meritum, vel vt verius dicam alterum parentem adscribi non dubitarit? sed quonam loco philippensem aciem, aut Sex. Pompeium in Cilicia, aut M. Antonium ad Actium promontorium, reposituro? in quem moués quum in Asinium polionem incidisset, Brandusij, adhorreturque, vt secum aduersus Antonium pugnare vellet, planè ita respondit Asinius, maiora esse Antonij in sese beneficia, quam vt eum pro hoste habere posset, interea daret Augustus sibi ocium, ne ingratisimi hominis subiret nomen. cæterum finitis postmodum bellis civilibus, attendamus quæso quanta in illo morum secuta sit mutatio,

sepulta

sepulta etiam externa, reuocata vndique pax, sopitus vbique armorum furor, restituta vis legibus, iuditijs authoritas, senatui maiestas, imperium magistratuum ad pristinum redactum modum, prisca illa & antiqua reipublici. forma reuocata, redijt cultus agris, sacris honos, securitas hominum, certa cuique rerum suarum possessio, leges emendatę vtiliter latę salubriter, senatus sine asperitate, nec sine seueritate lectus. principes viri triumphisque, et amplissimis honoribus functi, hortatu principis ad ornandam urbem delecti sunt, consulatus supra vndenos nullus vnquam illi placuit, domini nomen ne à familiaribus quidem audire vnquam potuit, nec dictaturam oblatam sibi à populo, sæpius admittere vnquam voluit, vt vnum planè sese ciuem esse perpetuò meminisset. bella vero quęcunque aut Oriens, aut Septentrio in Germanijs mouissent, nec non Hispanias præfens interdum ipse sic sedauit, vt quę per ducentos, & amplius annos Scipiones aliosque duces Romanos fatigarunt, quę tot consules, tot prætores fugarant, vt iam de summa imperij cum Romanis contendere viderentur, sic pacauit, vt nulla in hominum animis feritas iam superesset.

De Diuo Paulo Apostolo.

Nemo planè qui christianam pietatem profitetur, diui Pauli nomen cum ipso Petro Apostolorum principe, ignoret, cuius ingenium iam à prima adolescentia dum iudaicę superstitioni indulgeret, tam sęuum, atroxque in christianam pietatem fuit, vt quum Stephanus lapidibus peteretur, inter principes tanti sceleris gaudens lætusque adnumeraretur, mox verò mutatis moribus, mutatoque ingenio, sic de christiana pietate benemeritus vixit (vt reliqua nunc præclara eius opera taceam) vt Christum ipsum semper in ore & corde perferret, meritoque religionis nostrę princeps habitus Romę sub Nerone pro Christo mortem obierit.

De diuo Augustino Aurelio Episcopo Hypponensi.

POTERANT innumera à nobis exempla huiusce generis repeti, si christianos annales euoluere maluisssem, sed quoniam illustrissima quęque proponere in animo esse, nemini dubium, vt opinor, sit, quin inter antesignanos attingam principem Aurelium Augustinũ, qui postea Hypponensis etiam episcopus fuerit: hic vero Monicha matre natus christiana, parentibus obscuris, ingenio longè clarissimo. Manichęam hæresin quam tum à primis annis inbiberat, quã etiam acerrime defenderat, diui

Ambrosij

Ambrosij præceptis admonitus animo neglexit, & ad veram pietatem regressus, sic eam postea illustravit, sic tutatus est, adeò ornavit, ut meritò sibi inter omnes nostros primum locum vendicaret, ut enim omittam Hypponensem Episcopatum, invito illi demandatum, quotusquisq; hodie est, qui conferri illi iure possit? nam si tam felicitis ingenij monumenta, tam sibi constantis euolvas, neminem certè inuenias, quem ipsi Augusto præponas, siue ingenij vim, siue acumen, aut præstantiam rerum scriptarum æstimes; siquidem tam vera est in eo pietas, talis fides, tanta eius doctrina, & eruditio, ut nemo sit, qui vel transuersum vnguem ab eius sententia discedere ausit.

De Alphunso secundo Neapolitano rege.

EXTABANT immensa penè virorum, ac sceminarum agmina, quæ in hoc albo referri possent. Si hoc vnum in presenti opere tantum agerem. Quapropter recentiora patrum nostrorum exempla libentius sequar, & vnum Alphunsum secundum Neapolitanum regem attexam, qui Alphunso maiore natus, à sua iuuentute paternæ omnis virtutis emulatore, reique militari præcipue addictus. Hydruntin à turcis expugnatam suo inprimis studio receperit, præclaraque alia monumenta ediderit, mox in omnem desidiâ delapsus, sic regios omnes spiritus bene agendi condudit, ut ad primum aduentum Caroli Francorum regis trepidissimus regnum Ferdinando filio reliquerit, nihil regnum tam præclarum à parente Alphunso partum, nihil tot præclaros duces, quos secum haberet, nihil filiorum præclaram indolem posteritatis memoriam veritus, in Sciciliam insulam aufugit, fracto adeò imbelliq; animo, ut breui diem etiam suum obierit.

De sublimitate à statu humili. Cap. VIII.

ERAT superius de fortunæ morumque mutatione dictum, quod omnes perlibenter legerent, sed non minus iucundum futurum legentibus arbitror, quod in manibus nostris in presentia est. Perpulchrum enim erit & hoc ipsum legere, ut intelligant omnes virtutem ipsam, veramque laudem bonorum omnium causam, si quis rectè appeteret, cui vix ordini esse posse. sumemus autem auspiciû à ligustico bello, quod à maioribus nostris ad Clodiam gestum est, primumque locum vendicauerit sibi Raphael carsinus, qui scribarum per eam ætatem princeps (quem magnum appellant hodie cancellarium) humili sanè loco, plebeoq; natus propter eius egregiam virtutem, studiumq; patribus inpensum, in patritiorum ordinem

ordinem meritò est ascitus, cum suis hæredibus, si qui legitimo loco nati editi forent.

De Iacobo Caballo Veronensi.

SI QVIS diligentius Venetos annales euoluerit, ille verò secum maximè letabitur, quòd animaduertet neminem vnquam de Veneto Senatu benemeritum ab eo ordine fuisse neglectum, semper enim in optime meritos de se dux ipse senatusque omnis, vti pares gratias referret adnixus est, id quod faciliè hoc, quod subijciam exemplo comprobabitur. fuit igitur Iacobus de caballis patria Veronensis, Clodiensi bello tanta tamque præclara virtus eius in Rempu. Venetam, tantum bene de ea merendi studium, vt perfectò bello, quum domum rediisset, princeps patresque ipsi illum propter egregia merita, hæredesque eius in patritium ordinem ascisendos curarint; hoc etiam, quod nescio an vlli alij contigerit addito, vt ipse liberi que omnes perpetuo victigalibus omnibus pro rebus, fortunisque suis essent immunes.

De Bartholomeo coleoneo.

SED quis vnquam poterit obliuisci, vel potius non libenter meminisse Bartholomei Coleonei Bergomatis? qui sua virtute militari que scientia, ac fælicitate tantum apud Venetos valuit, vt illum gratissimi patres patritio donarint ordine, semperque propter egregiam eius fidem in magno pretio habuerint; quare ille testamento condito, & gratum se, ac morem Veneti nominis se ostendit, & ipse dux, ac Senatus, quod tantæ virtutis monumentum perpetuo foret, in Gemellorum æde marmoreum sepulcrum erexit, & statuam illi equestrem in eadem Gemellorum area, quæ hodie quoque visitur, erexit.

De Narsete Eunucho.

FRÆQVENS fuit in Oriente penes parthos, & persas Eunuchorum vsus, qui primum ad scemineam obolem tuendam, domesticosque parietes ab omni impudicitie labe seruandos haberentur. mox, ij quodam fato suo ad maiora ita contendere, vt omnibus priuatis publicisque negotijs, semper præessent, quin etiam gerendis grauissimis bellis, amplissimisque prouincijs præficerentur, quod hominum genus ad nostros etiam translatum, magnis rebus non sine magna sua cum laude interfuere, quare
Narsetem

Narfetem minime mirandum est ab Iustiniano principe in Italiam missum, qui incredibili felicitate, summaque uirtute Gothicum nomen uni uersa Italia expulit, clarissimi que Imperatoris nomen sibi uendicauit. Vtinam uero Imperatoris uxor modestius ad eum ex Byzantio scribens, quum Neapoli ageret, non iussisset illum ad texendam telam, ducendam que lanam reuerti, ne obliuisceretur ueterum Eunuchorum instituti. que uox inflammauit adeo incenditque Narsetis animum, ut iam de uocandis in Italiam langobardis consilium inierit, affirmans se iam telam texturum, cuius finem illa nunquam explicaret.

De Eugenio tyranno.

Nihil humilior, aut Sordidior fuit hoc ipso Eugenio, quippe qui primum pueros erudierit literarum elementa, paulatim uero à Theodosio principe delectus in eorum numero, qui à secretis agerent, uarijsque negotijs se immiscens, tandem ad tyrannidem euadendam animum adiecit, quod si occasio fortunaque melior illi aspirasset, haud dubium erat, illum diutius imperio potiturum.

De Francisco Carmaniola.

In nullo fortuna magis luisse uideri potest, quam in hoc ipso Francisco, quem passim omnes Carmaniola ab oppido, in quo genitus est apud allobrogas, nuncupabant. natus igitur rusticanis parietibus militiam mox secutus, sic breui enituit penes Philippum Mediolani principem, ut non dubitaret Philippus summa rerum illi tradere. cuius ductu maximas & amplissimas uictorias ex diuersis hostibus, sit adeptus, Mediolanenseque imperium auxerit. uerum non multo post, mutata Carmaniolæ fors est: siquidem inuidia in illum graui exorta, Philippus ita illum odisse cepit, ut ille coactus relicta Mediolani uxore, rebusque omnibus suis neglectis, vix ad Venetos transfugerit, à quibus benigne exceptus, Imperatorque copiarum ab eisdem dictus, præclaram uictoriam ad Macledium fuso profligatoque Philippi exercitu, superatisque præclaris eius ducibus primum sit consecutus, Brixia, Bergamoque, opulentis cisalpinæ Galliæ ciuitatibus, Veneto nomini additis, neque uero non sic confirmatis Venetorum rebus, ut inter clarissimos suæ ætatis duces haberetur. cæterum malo quodam suo fato, quum ad Philippum inclinare cepisset eius animus, proditionis conuictus iure optimo à Venetis supremo supplicio fuit affectus.

De Catta Melita.

N A T V S hic Narnie humilioribus etiam parentibus, qui fornariam artem exercerent, mox militiam professus inter Imperatores Italicos sibi prima vindicauit, Venetorum autem dictus Imperator, ea fide ac felicitate bellum contra Philippum Mediolani principem gessit, ut præclaras inde uictorias atque trophæa retulerit tandem uero a gratissimo senatu equestri status donatur.

De Nicolao Piccinino.

GEN VIT hunc Perugia ciuitas; sed ita genuit, ut obscurissimis parentibus ac penè ignotis natus esse prodatur, qui sub brachio duce militiam secutus, tam breui clarus, celebrisque Imperator in terra Italia effectus est, ut nihil illo clarius aut celebrius diutissime fuerit, fusi sæpe ingentes hostium exercitus ab illo, Venetum nomen illi præcipue infestum, seruatum Philippo nucecomiti planè imperium.

De Magno Sfortia.

F L O R V E R E in terra Italia complures, ex quo Alberici cunij militaris disciplina restituta Italiæ est, (nam sexcentos & amplius annos extorreo milite usi sumus) floruerè inquam præclari, illustresque duces Italici nominis, qui intermissam longo interuallo militiæ laudem, plenis suffragijs ita restituere, ut abeant Fabij, Camilli, & Scipiones, Marcelli, & cæteres, quibus iusto Marte conferri nostrates ij recentiores faciliè possint. Sed quis Iacobum attendulum Cotoniolæ genitum Attendula familia satis obscura, qui postea Sfortia propter insitam ingenio uim, quæ nulli cederet dictus est. unde Sfortiadum familia postea nuncupata sit longe clarissima. quis inquam non hunc cæteris omnibus præferat? Satis igitur constat hunc ab initio fortuna tenuiore æditus, ut diximus; statim militiæ clarum celebremque suis Imperatoribus exitisse, nam postmodum & Neapolitani regni diu assertor fuit, & quamuis interdum uaria fortuna sit usus, summa etiam fide, summaque liberalitate & reliquis uirtutibus excellens, omnibus carus, admirandusque etiam hostibus fuit, hic pontificiæ dignitatis uindex Romam ipsam in libertatem asseruit, magnos præclarosque duces acie sæpe uicit, Franciscum Sfortiam Mediolani ducem genuit, reliquorumque liberum sobolem præclaram reliquit, nisi Aterni annis ui abortus esset dum aduersus brachium properat Aquilam obsidentem, maximum, amplissimumque nomen summæ uirtutis, & felicitatis suæ Italiæ, suisque posteris reliquisset.

De Michaelē Attendulo .

E C Q V I S non Cotoniolæ togatæ Galliæ oppidulo non sese debere plurimum lubens, uolensq; fateatur, quum præter Sfortiam ipsum præclaramque eius sobolem, quæ uno Francisco Sfortia Mediolani principe gloriatur, Michaelē Attendulum quoque ædiderit? qui præter alias res præclare gestas dum Florentinos, aut Romanos pontifices tueretur imperator; nouissime uniuersis copijs à Veneto Senatu præfectus, dum aduersus Mediolanenses in Cisalpina Gallia bellum gereretur Philippo duce uita functo; sceleriter & summa fide sanè omnibus illis præfuit, quamuis ipse Franciscus Sfortia Mediolanensibus copijs præesset. Cæterum non possum non prius illud adscribere, fuisse scilicet ea tempestate uiros in primis illustres militari gloria non paucos, quorum nomina nunc repetere non indignum duxerim. erat in castris Venetis Michael Attendulus ipse princeps, erant in eisdem castris Ludouicus Gonzaga, Bartholomæus Coleo, qui non multo ante ad Venetos transierat, Gentilis Leoncius, Tyberius Brandolinus, Ioannes comes Romani sanguinis, Guido Rangonius, Albertus Bodienfis, Cæsar Martinengus, Nicolaus Guererus, & cum his ad duodecim equitum millia, ac uis peditum ingens, in Francisci uero Sfortiæ Attenduli castris uigebant & hi, quos nominare non pigeat, Alexander Bosius, & Corradus fratres Rubertus Seuerinàs, Franciscus & Iacobus Piccinini, Gulielmus Monserratenfis, Carolus Gonzaga, Aloysius Vermius, Ioannes Tolentinis, Christophorus Torellus, & Bartholomæus Quartarius. erantq; in his castris sexdecim equitum millia, qui omnes obscuro loco nati intra Italiæ fines militari uirtute clari, celebresque habebantur, dum uerò Franciscus ipse Carrauagium obsideret, uariaruntque sententiæ complurium an obsidione leuandum esset oppidum, Michael ipse auersatus eorum sententiam, qui nequaquam leuandam obsidionem aperte censerent, cum loci iniquitate, tum hostium numero ac robore, tandem ex legatorum sententia, & aliorum ducū, post diuturnam grauemque utriusq; exercitus pugnam uicti sunt Veneti memorabili acie, ut tamen Michaelē ipsum Senatus Venetus semper magni fecerit, eiusque consilio sit usus, donec ille supremum obierit diem.

De uarietate casuum .

Cap. IX.

POTERAM hic aliquod Heraclianos commemorasse duces; qui uarijs iactati casibus, posteaquam principes creati fuerant. luminibus demum partim excæcati, partim interfecti, supremum uite clausuerant diē. Poteram non paucos Venetæ ciuitatis principes fortunæ telis eiusmodi oppressos

oppressos. sed recentiora huiusce rei exempla plus ualitura reor, ne homines secundiore fortunæ aura plus nimio elati, aliquando amplius de se sapiant, sibi quæ tribuant, quam par sit.

De Nicolao Pisano.

Nihil hoc ipso senatore sua ætate clarius, nihil illustrius fuit, qui memorabilem uictoriam naualem classis imperator circa Corsicam insulam contra ligures retulerat: idem ad Caristum Eubœe eisdem summa felicitate oppresserat, qui tandem non multo post ab isdem Genuensibus circa sapientiam (quæ non longe insula à Methone est) ita oppugnatur, ut cum tota classe Venetus imperator opprimeretur, captiuusque Genuam duceretur.

De Andrea Dandolo.

PRAEBERAT vniuersæ Venetæ classi, quæ nonaginta, & amplius triremium numerum expleret, Andreas Dandulus publicæ rei negotijs multis cum domi, foris quæque celebris, tum nauallibus prælijs non paucis dux insignis. tâto igitur apparatu nauium instructus apud corecyram nigram liguri hosti cõgressus, iam uictoria in manibus habere uidebatur, quum ventorum aduersa ui iactatus, & quindecim ligusticarum nauium occursum improuiso ex insidijs oppressus est, quæ ex re iactati Veneti oppressi quæque ita sunt, ut uniuersa classis partim capta, partim mersa fuerit; ipse quæque etiam Andreas sit captus, qui dum captiuus Genuam duceretur, patriæ suum quæque casum ingemiscens, spiritum tandem emisit, suo capite sæpius prætoris puppi illiso.

De Victore Pisano.

QUOD memorabilis hoc uno totius rei maritimæ præfecto, qui Nicolao patre natus, quum præclaras uictorias ex diuersis hostibus patriæ peperisset, paterno quæque nomine illustris maxime censeretur (quasi fortuna ipsa uno, eodem quæque loco semper stare sciat) lygustico ad Clodiam bello exardescente uniuersæ maritimæ rei præficitur, omnium uotis, atque suffragijs. quare in Polensi littore cum tota classe quadraginta pene triremium agens. Lygurem ipsum hostem expectarent, ad omnem euentum animo constantissimo, paratissimo quæque, sic vel præfectorum quorundam ignauia, uel fortunæ uarietate, fato quæque subito est oppressus, ut uniuersam classem amitteret, Venetias quæque cum paucis ueniens carceri includeretur, qui mox totius populi uoto expetitus, classi uniuersæ præfici-

tur magna, certaqué omnium spe præclari alicuius facinoris, nisi illum, repentinus morbus, & ex eo improvisa mors sustulisset.

De Nicolao Canali.

RECENTIOR adhuc memoria Nicolai Canalis, qui turcico bello, quod cum Othomano gereretur classi præpositus: Petroque Mocenico maioribus comitijs antelatus chalcydem insulam diu obsessam acerrime tutatus est, mox nescio quo fato quum multa tentare posset, negligentior redditus, eam magno cum detrimento Reip. Venetæ & totius ferè christianæ pietatis excidio amisit, qua ex re domum reuocatus abrogato illi imperio, carcerique inclusus, in perpetuum exilium mittitur, & sanè fuerat iam tum à primis iuuentæ annis apud uniuersos gratiosissimus, ita ut semper præmaturè amplissimis honoribus sit functus.

EXTERNA.

De Romano Imperatore Constantinopolitano.

SUMMITUR exordium à tanta principis dignitate, qui imperatorio stemmate fulgens, ab initio statim cum magna sua laude Byzantinæ rei præfectus, quippe qui summa liberalitate, & beneficentia erga omnes uteretur, non multo post uictus à Sarracenis acie, captusque, quum redisset, magna auri ui. hostibus data, ingenium non multo post mutauit, auaritiæ præcipue studiosus, & in omnes odij plenus, sic igitur factum est, ut Zoæ uxoris insidijs, & Michaelis Paphlagonis adulteri dolo, imperio uitæque miserabiliter breui spatio priuaretur.

De Belisario.

NULLVM certè futurum exemplum, uel hac in parte, uel reliquo in opere magis memorabile reor, sæpiusque mortaliū animis uolèdum, quam hoc ipsum Belisarij, quod mox subijciam: cuius res bello præclare, gestas siquis accuratius cogitet, uitæque finem animaduertat, cui mendicata stipe uiuendum fuit, non poterit, nō statim cohorrescere, fortunamque ipsam credere nihil aliud esse, quam incertum, uariumque rerum humanarum casum: cui siquis unquam plus æquo tribuit, ille uero maxime, deceptus est. en igitur Belisarium tibi assero, qui deuictis persis ultraque Euphratis ripam deiectis, non multo post in Aphricam à Iustiano missus, Vandalos omnes, ex ea terrarum parte eiecit, Gilymeremque eorum regem cepit, deque eo postmodum triumphauit, hinc in Italiam ab eodem principe missus, Gothicum omne nomen contudit, Romam liber-
tate

tate donauit, de Vitige Gothorum rege apud Rauenam capto, Gothiſque iſſis omni Italia pulſis triumphauit, omnibuſque in prouincijs maxime inſignis ſemper extitit, & ecce fortunæ (ſi qua eſt) vim ſubitanè vixque credibilem: nam captus oculis, in Sophiæ templo panem mendicare quotidie coactus eſt, frequenter hac voce uſus, panem Belifario dato, quem nunquam virtus, ſed fortuna deſeruit. 2 3 4 5 6 7 8

De Othone ſecundo Imperatore.

SEQUETUR Belifarium ipſum Otho ſecundus Imperator Germanici ſanguinis vir, certè ſelicioꝝ fortunæ, ſed vario rerum euentu ſæpe exagitatus: hic igitur delectus à Germanis Imperator in patris locum, quum multa bello præclara geſſiſſet, in Italiam deſcendens, dum Calabriam recipere ſtudet, ab iſſis Græcis acie vincitur, proſtigatusque Scapham inſcendens, (quæ littori proxime aderat,) à pyratis incognitus capitur. ab hiſ tamen magna vi auri redemptus, Romamque reuerſus, ibi non multo poſt moritur, præclaro monumento in diui Petri ede extructo.

De Radagaſio Gothorum rege.

NUNQUAM omiſerim Radagaſi Gothorum regis hac in parte caſum, cum maxime memorabilem, qui cum ducentis Gothorum milibus in Italiam euocatus, Honoriij principis ætate, non in ſumma ſpe principatus Italici retinendi verſaretur, apud ſeſulas in Hetruria à Stilcone ita oppreſſus eſt, vt bello fameque coactus, & ſuos omnes amiſerit, & viuus in ſtilconis poteſtatem ipſe Radagaſus venerit, magno fortunæ ludibrio, vt qui ſibi totius Italiæ & orbis imperium vendicare poſſe videretur, tam breui ſpacio uinctus cathenis ad Stilconem inſeſtiſſimum hoſtem duceretur.

De Ludouico Sfortia Mediolanenſi duce.

LEGANT quæſo frequenter hi omnes Ludouici Sfortiæ Mediolanenſis ducis inſignem maxime caſum, vt erudiri poſſint omnes, nihil eſſe tam incertum, tamque varium quam ſit hominum vita. nam Ludouicus exemplo cunctis eſſe poterit certiſſimo, quantum credere rerum ſelicitati quiſque debeat. natus enim clariſſimo patre, fratremque Galeatium fortitus Mediolanenſem & ipſum ducem, ſato iniquiſſimo functus, dum ſeſe ſucceſſorem fratrem ambit, principatumque etiam armis ad ſe trahit Simoneta ingratiſſimo ſublato, nepotibusque peſſime à ſe habitis, dux tandem creatus, aliquotque annos rerum ſelicitè potitus, ſua ſtultitia, nimiaque ſapientiæ apetiæ cupiditate, à Gallis primum imperio pulſus, iterumque ab iſſdem captus, perpetuo carcere intra Gallias vitam finiuit, vt ne filij quidem iſſius ſuperſtites imperio ſint potiti.

Ioannis

De felicitate .

Cap. I.



ON deerant si fortunæ varietatem, & inconstantiam retulisse mallet, ideoque in magnis clarisque viris, & Imperatoribus innumeris præstare poteram, quibus doceri deberent mortales, quamuis illa sese læta iucundaque ostentaret facie, non tamen nos illi statim debere credere, quæ tam lubrico saxo immineat, assiduoque rotatu voluatur præceps. Quare omittatur hæc ipsa pars, & ad secundiorē fortunam, scilicet citatemque intendamus animum, quæ quidem parcior sit, & angustior, non deerunt tamen exempla præclarorum aliquot virorum, qui Venetum nomen longe, lateque illustrent.

De Henrico Dandulo Duce .

ET si nulla, usquam fuit tam solida felicitas, quam aliqua contumelia non violet, cuius rei Plinius ipse sit autor, solabitur tamen me hæc ipsa nostrorum commemoratio, quod nihil tale in Henrico Dandulo duce inuenire poteris, qui Dux in Aurei mastropetri locum creatus quadraginta virali suffragio, Veronensibus ipsis, qui Venetis impedimento erant, ne Athesim fluvium peterent, denunciauerit, ut urbis Venetæ posthac ne vterentur commercio, quare statim illis reconciliatis Veneti cuncta facile tribuere. Idem monetam argenteam, cui grossi nomen fecit primus excudi iussit, octonis taxatam assibus, in cuius altera parte Iesu Christi in throno sedentis spectatur imago, in altera quidem parte. d. ipse Marcus visitur, assistente illi duce. interim Pisani ipsis rem Venetam turbantibus, sic occurrit, ut ad methonem eos nauali prælio vicerit, recepta iam antea Pola vrbe, quam illi occuparant, captisque tunc eorum duabus onerarijs nauibus, quibus postea pacem auide petentibus dederit. successit postea non multo post maior quædam belli moles, quæ longe felicissimum ducem ipsum reddiderit Henricum, nam Galli duces aliquot Venetias cum ingentibus copijs appulerant, ut Syriam ipsam peterent, quos dux ipse benignissime excepit, & pecunia classeque ingenti iuuit, quorum

rum auxilijs Henricus, dux & Iaderam felicissime receperit, & Alexium puerum Yfacij Imperatoris filium, quem frater carceri incluserat, oculisq; priuarat, & Alexium, inquam, ipsum fuga in castra lapsum in imperium restituerit, fugato illius patruo, quin etiam interfecto puero Alexio, qui cum patre carcere educto rerum potiebatur à Murciphlo, qui imperij fasces clam inuaserat, iterum Constantinopolim bello recepit, Murciphloque ipso fugato, quum ipsum illum Gallorum omnes duces Imperatorem dicere vellent, constantissime renuit, ipsas Venetias rebus omnibus anteponeus, mox vero Balduino principe omnium consensu dicto, magnæque Imperij Constantinopolitani parte Veneto nomini quæsitæ, & Patriarchali dignitate perpetuo parta, Cretam quoq; insulam Veneto imperio adiecit, senioque confectus in atrio Sophiæ cum summa dignitate sepultus obiit. quem igitur tu mihi Macedonicum Metellum feliciorẽ dixeris? quippe qui clarissimam magnis domi militiæque muneribus iniuriam sibi grauissimam illatam ab vno tribuno plebis vlsissimum nunquam potuit, neque eius triumphales liberi. quem Cornelium Syllam felicitis cognomine gaudentem, qui tam sua in suos proscriptio sit vsus, commemorares? quid Augustum ipsum mihi objiceris, tot tantisq; domesticis calamitatibus oppressum, vt etiam hostis sui filium Imperij successorem relinquere sit coactus? quum ipse Henricus absens Rainerium filium publico decreto Reipu. præferit.

De Petro Lauretano.

GAVDERE sanè, ac potius letari Venetiæ poterunt, quod non vno Henrico Dandulo gloriari velint, in quo felicitatis exemplum summæ desiderari, expetique valeat. Nam statim nobis Petri Lauretani memoria nomenque occurret, hac in parte præcipuæ felicitatis, qui ad Calipolim turcicam classẽ rei maritimæ præfectus primus vicerit, idem memorabili nauali bello ad Rapalum Franciscum Spinulam egregium bello ducem in Ligustico mari congregi sibi ausum, insigni felicitate nauibus non paucis captis, Venetias captiuum adduxit, cum octo trirēmibus gubernatoribus, consiliarijsque tribus, quæ sanè victoria eo celebrior sit habenda, quod Genuensium ipse Imperator familiariter in summo honore sit habitus, curatumque postea ab eo, vt in patriam restitueretur. quid commemorem excitatam sedicionem in area Marciana à classiarijs remigioque, quod frequens ex Histria, Dalmatiæq; conuenerat, in supplementum padane classis, quã vnus ipse Petrus Lauretanus suo aduëtu compresit? nam quum proximas ædes aræ incubantes incoleret. d. Marci procurator, audito tumultu, licet ægrotaret aliquantum, in ipsum forum descendit, cuius audito nomine statim turba illa, quæ in paniceas tabernas,

bernas ; & olitorias , aliasque ædes impetum fecerat , dilapsa est , & quam nõ Ducis Imperium , nõ decemuirum autoritas , non satelitem copiarum avertere potuerunt , priuati viri gloria atque maiestas sic subito impulit , ut nullus superesset eorum , sed trepidi omnes in latebras confugerint.

EXTERNA.

De Francisco Sfortia .

POTERAM Carolum Zenum clarissimum in re militari ducem , Thadeum Iustinianum celeberrimum ad clodium , poteram quidem alios non paucos huc repetere : sed reuocabant me exempla recentia , duum precipue illustrium virorum , quos nemo non , qui hæc nostratia legerit , mortaliū felicissimos intra Italiæ fines fateatur . vendicet igitur sibi primum locum Franciscus Sfortia , qui Iacobo Attendulo genitus , qui postea Sfortia sit dictus , iam tum adolescens clarus militari gloria celebrisque fuit , victo enim Brachio ab Aquilam , eiusque exercitus profligato mox in Neapolitano regno semper victor , restituta re pontificibus Roman . magna sibi piceni parte addita , tum Philippi Mediolanensis principis dux optimæ de eo meritis , sed mox ab ingratisimo illo discedens , quod Blancâ filiam sibi in vxorem promissam negaret , Veneti nominis Imperator , amissum penè Cisalpine Galliæ Imperium Venetis suo ducto auspicijsq; restituit , inde imperij sui exacto tempore Philippo ob insignem eius virtutem reconciliatus ducta ea vxore Florentinis maximè laborantibus præcipuam opem tulit . iterum Philippo mortuo dum socii imperium repetit Veneto nomini aliquanto infestior (nam ad Carrauagium Venetas copias Mediolanensis Imperator fudit) Mediolano mox potitur tantumq; autoritate , felicitateque sua valuit , ut in summa concordia & pace Mediolanensem principatum diu Florens retinuerit , & filijs suis fruendum in summo otio reliquerit , si modo liberi Ludouicusque ipse paternas virtutes retinuissent .

De Laurentio Medice .

NON grauatè seret , opinor , Franciscus Sfortia Laurentium Medicem sibi parem in hoc genere laudis à me introductum , qui & ipse Florentiæ dum uixit principatum tenuit à maioribus suis sibi traditum , qui præterquam quod paccianæ coniurationem ab initio passus est fratris funere , & uulnere suo grauem imprimis , tamen postea claruit multis animi dotibus . Nam sapienter , moderateque sese gerens , bellum à Six . Pont . & Ferdinando rege illatum singulari prudentia à se repulit , quum non dubitasset ad Ferdinandum ipsum , sibi infestissimum solus accedere , ut eodem autore belli quoque suspicionem omnem tolleret . pace igitur parta singu-
lari

Iari sapientia sua reconciliatoque Pont. animo, sic litteras bonasque artis cepit excolere, ut princeps ille demetrius Calcondilem Græcarum litterarum professorem egregium publico stipendio conduxerit. Vnde egregij clarique litteris uiri tum primum floruerunt. qua re animaduersa ab ipso Laurentio, quod feliciter successisset, doctissimos quosque uiros Florentiam ad se euocatos, singulari beneuolentia est complexus, & in his Ioannem Picum Mirandulæ ducem uirum longè doctissimum, Marfilium Ficinum Platonis longè studiosissimum, & Angeli Politiani ingenium in primis admiratus, bibliothecam quoque Græcam, & latinam per insignem instituit, filio etiam suo, qui postea Romanum pontificatum est adeptus, felix.

Sapienter dicta aut facta.

Cap. II.

ADMINISTRANTVR, ut opinor omnes quicumque isthæc legent, & in primis Francisci Danduli, consilium laudabunt, ueluti sapientissimi uiri, patriæque amantissimi, qui legatus à Veneto Senatu missus in Galliam, ut iratum insectumque animum Pontificis Clementis in Venetos moliret, quod a multis frustra tentatum antea fuerat, quum omnes artes aggressus esset, nihilque omnino profecisset; nono consilio, & longe prudentissimus usus: praudenti pontifici quadrupedè sese obtulit, catena ferrea collo innexa, que res pontificis animum adeò commouit, ut statim illum re impetrata dimiserit, consiliumque uiri tam prudentis maximè laudarit, quod factum canis illi cognomentum, quum in patriam rediisset, recognita indidit, ut merito postea princeps sit creatus.

De Francisco Foscharo duce.

MULTA sunt, & præclara Francisci Foschari dicta factaque sapienter, sed illud imprimis, quod quum Franciscus Carmaniola summo mane ad eum uenisset, causamque quæreret, cur totam noctem Senatus habitus esset, qui paulo ante dimissus erat, ecquis alius, respondit, quam tu autor fui isti, sed quum statim cognouisset potuisse illum suspicari de suo interitu actum, qui secutus mox est, egimus, addidit, de tuis laudibus, deque tuo augendo stipendio, donandoque tibi oppido ubi malles, ita igitur nihil amplius suspicatus mali Carmaniola à satellitibus, qui iam conuenerant, retentus est carcerique inclusus, nec multo post supremo supplicio affectus.

De Thoma Mocenico.

NUNQUAM sine graui piaculo possum omittere quanta fuerit Thomæ Mocenici ducis sapientia, nunquam non libentissime meminero, idq; ipsum posteritati tradiderim, ut semper aduersatus sit Francisco Foscaro suadenti ut bellum pro Florentinis, proque augendis imperij Veneti finibus contra Philippum Mediolani principem in continenti susci- peretur: publicumque hoc studium rei maritimæ proponeretur, quod utinam & per ea tempora seruatum esset in nostram usque tempestatem, quis enim per immortalem deum hodie saltem non intelligit Venetias ipsas intra maris ambitum positas eo fato dei que opt. max. numine con- ditas, ut maritimas res omnibus alijs præferrent? extant adhuc conciones eius aliquot grauissimæ habitæ in senatu, hac ipsa de re tanta copia, tan- taque grauitate in hanc sententiam, quas si quis quandoque leget, hanc ducem longè clarissimum fuisse intelliget.

De eodem Thoma Mocenico.

AGG uerò quis non huiusce ducis memorabile factum perpetua me- moria dignum censeat? in quo summa sapientia, summaque bonitas, at- que in ipsam patriam charitas ellucescat: nam moribundus iam conuocatis intra cubiculum suum aliquot ciuitatis principibus, quos certò nouerat creando principi intra quadraginta uiros præfuturos, ad eos conuersus ita breuiter locutus est, ego inquit patres non multo post moriar, Franci- sco Foscaro in primis æquus, sed patriæ tamen ipsi multo beneuolentior, quare uos singulos seorsum rogatos uelim, ut ad me iuxta thorum adue- nientes, non grauemini clam sententiam promere uestram, quem mihi successorem daturi sitis; id quod certe in primis scire aucto pro mea in pa- triam pietate. quare singuli ad eum uenientes, quum maior eorum pars in Franciscum Foscarum pronior appareret, intellexi, inquit, patres opti- mi sententias omnium uestrum, ex qua re uideo facile plurimum sententias in Foscarum propeusiores, itaque in promptu est uobis omnibus perspi- cere, quo semper in Foscarum animo fuerim, nunquamque in illum odio laborauerim, sed pro patriæ charitate eius sententiæ de bello succipiendo semper aduersatus sum. quare deum immortalem precor iam moriens, ut opinionibus uestris faueat, patriæque dignitas, & incolumitas perpetuo, uobis heredibusque, nostris æterne extet.

De Matthæo Vicecomite Mediolanensi.

POTITI sunt diu rerum imperijque Mediolanensis Vicecomites, & potiti sunt quidem rerum satis feliciter, inter quos celebre nomen Matthæi fuit, qui principatu illo non paucos annos cum summa felicitate functus, postmodum à Martino Turriano pulsus, Veronam confugit, penesque Scallanos principes non paucos menses securus egit, postea uerò Benacum petens, frequensque in his locis uersatus, quum interrogatus esset, quid nam ageret in loco turrianis tam propinquo, neque satis tuto, quo animo ibi esset, eo, respondit, animo hic adsum, ut piscationi uacem, interea, dum id mihi contigit, quod quero, nec despero futurum, ut preuolente Turrianorum superbia studium hoc meum felicem in patriam reditum præster, quod non multo post illi successit. nam turbantibus omnia Turrianis prægrauanteq; eorum superbia, restitutus mox est Matthæus ipse Henrici imperatoris opera, quum Turriani ipsi inter se non satis concordēs agerent, decemque annis functus imperio Galcaſium filium successorem reliquit, & propter rerum magnarum gloriam, magni cognomentum in hunc usque diem tulit.

De Cosma Medice.

PARTI quoque fato, atque fortuna usus est Cosmās Medices vir longè sua tempestate clarissimus, qui & ipse à Strocianis quandoque in exilium pulsus, quum ad Benacum, & ipse ageret, à Pallantis nuncio quandoque requisitus, quidnam ibi solus ageret, prudentissime sanè respondit, sese gallinæ incubanti frequentem adesse, ut eius postea fructu potiretur. Cuius responso nuncius ille in risum conuersus, non animaduertit uiri prudentissimi responsum eò tendere, ut de reditu in patriam assidue cogitaret, quod non multo post senatus Veneti ope consecutus sit.

De Saladino Aegypcio.

FUIT Saladinus princeps Aegyptius (id, quod uix persuaderi possit) dum uixit longè clarissimus. nanque imperij sui fines in primis auxit, & felicissime diu rerum potitus, christianorum quoque opes ita in oriente oppressit, ut Hierosolymis captis christianum nomen in hunc usque diem ex Syria eiecerit, ille uero moriens in summa rerum felicitate testamento suo præcipue cauit, ut interula tunica linea, quam gestare solebat, uertici prælongæ hastæ affigeretur, exclamareque assidue, qui lanceam gereret, hanc unam esse reliquam tunicam, quæ illi ex tantis opibus

bus, tantoque imperio superfuisset. ò uocem præclaram dignamque in primis quam insolentissimi principes frequentissimè in animo repetant; nobis omnibus uita functis, nihil omnino superesse, nisi siquid bene, sancteque gesseris.

De Pio secundo Pontifice.

VACENT nunc mihi quæso sacerdotum, qui supererunt aures, uacent etiam reliquorum mortalium, ut Pij secundi Pontificis Romani uocem attendant, qui in mores præsentis seculi sui intendens animum, superiorisque ætatis disciplinam frequentissime recordatus, quod ad sacerdotes ipsos attineret, dicere solitus erat, iusta sanè de causa per ea tempora, interdictas esse sacerdotibus nuptias, sed iniustiore restitui nunc ipsdè posse. nouerat enim tunc sacerdotia liberorum copia consumi, perdi que, nunc uerò ita firma, stabiliaque reddita, ut nihil addubitandum sit.

Vasfrè, dicta aut facta.

Cap. III.

De Carolo Zeno.

NIL fuit Venetijs ea tempestate, qua Genuenses Clodium nobis ademerant, Carolo Zeno clarius, de cuius laudibus dicta sunt à me plura superius, & mox dicenda supersunt. illud uero nunc quomodo silentio inuoluam, in hoc genere multo celeberrimum, ubi honestissima eius Vafricies explicabitur? pace nanque inita inter Genuenses, & Venetos, quò ligures oratores Venetias uenissent, frequentesque ad Caroli Zeni ædes uenirent, quasi ad ciuitatis principem, admiratione summa affecti, illum omnia moderatissimi ciuis munera obeuntem, domi animaducebant, quod Carolus ipse animo sæpe uoluens in Vafriciem conuersus sapientie plenam: deduxit quadam die à Marciana area ad Riualtinum pontem magno sanè domestico comitatu, ut constare posset illis magnum Venetijs omnium ordinum esse consensum, neminemque esse in hac ipsa ciuitate, qui supra ciuis mediocri fortuna aliquid sciret. conuenèrat autem cum Riualtino magistratu, dedita opera, ut obuium ad se suum satelitem mitteret, cui pugionem ipse, uel inuitus traderet, quem gestare solitus erat, simulque ipsum euocaret ad pœnam, quasi supra ciuem sese gereret, qui ferrum per urbem secum deferret, quod legè iam pridem prohibebatur, tradito igitur pugione sateliti, à quo etiam ad magistratum euocabatur, conuersus in legatos ipsos rogare cœpit, ut secum proficiscerentur, quibus per benigne pollicentibus rectà tendit ad præsides, qui uiso Caro-

lo grauius, & penè acerbius in illum inuecti, præter pugionem ipsum penes se retentum, multam etiam illi grauem indixere, qui mox à Carolo legatisque exorati ægre concesserunt, ut Carolus tutus domum dimitteretur, quibus ille reuertens, multa in ea sententia connumerauit. nihil in urbe super esse, in quod non omnes uno ordine conspirarent.

De Petro Lauretano.

CONVENERANT iam quadraginta uiri, qui ducem in Thomæ Mocenici clarissimi principis locum sufficerent, nec dubium ulli erat quin Petrus Lauretanus senator longe clarissimus maritimæque rei celeberrimus iam multis victorijs Imperator, votis omnium crearetur, id, quod patricius vnus ex his considerans, qui Francisco Foscharo maximè fauebat, in concionem ascendens Petrum Lauretanum amplissimis extulit laudibus, dignumque in primis illum esse, qui huic dignitati præficeretur, quin etiam se vnum ex ijs esse, qui illum cunctis præponeret, sed eum esse temporum statum turcis ab Oriente instantibus, qui iam Constantinopolim expugnant, ex alia Genuensibus qui Philippi Mediolanensium ducis partes tuerentur, vt vno Petro Lauretano Respubl. maximè indigeret, qui maritimæ rei præesset omni, contra tot, tantosque turbines rerum, vt nisi vno eius præsidio tot mala sisti non facilè possent. differrent igitur hanc in Petro Lauretano hoc tempore sententiam, & alium, quemuis ducem declararent, cuius oratio & autoritas tantum valuit, vt Foscharus ipse, quod maximè optabat sit assecutus.

De Francisco Foscharo.

INCLINABANT non paucorum studia in hunc ipsum Foscharum, qui vniuersæ Reipubl. præesset, sed recentior eius ætas multorum vota retardabat (alterum enim, & quinquagesimum ætatis vix agebat annum) quæ res maiorem quadraginta virum partem ab hoc proposito auocabat, multis longè senioribus, qui Mocenico principi succederent, adhuc existantibus. effecit tamen prudens vtrique Foscharus, vt voti sui compos tandem esset, qui quum in quadraginta virum numero aliquot essent, qui illi vni præcipue studerent, effecit cum ijs, vt in suffragando minime sibi fauerent, nisi quum ille annuisset. quare conuersus in alios omnes hoc vnum sese ab illis petere agebat supples, vt suo tantum suffragio dignum illum censerent, qui summæ rei præesset, turpe enim & ignominie plenum sibi videri, si diui Marci procurator, semperque de Repub. optime meritis, vis tria, aut quatuor suffragia referret, quum in nomen eius iretur. quod si semel supra dena numerare posset, sese id exquisitissimo animo

laturum,

laturum; quod quum ille ex animi sui sententia obtigisset, nemo enim rem tam æquam negare ei poterant, nactus opportunam, vt sibi videbatur occasionem, annuit fautoribus suis ne deessent, sed omni opera, ac studio sibi adessent. euntibus igitur omnibus in Francisci nomen astu, & arte, id adeptus est, vt quinque & viginti suffragia sortiretur, qui numerus tunc temporis in eligendo duce satis esset. quapropter stupentibus omnibus dux salutatur, sicque Francisci versutia, & actus extorsit, quod vna illius ætas recentior negasse hætenus videretur.

EXTERNAL.

De Ioanne vij. Pon. qui fœmina inuentus est.

Vix adduci passum tantum astus, & calliditatis in puella vna Britanica inesse potuisse, vt patrijs laribus relictis, virenti adhuc ætate Athenas studiorum causa proficisceretur, virumque mentita, habitu, & omni vitæ ratione, sic postremo in literis proficeret, vt quicumque cum ea progrediretur, aut disputando, aut simul viuendo felicitatem ingenij, ac potius diuinitatem admiraretur, obstupesceretque. quare Athenis soluens, Romamque petens, ingenio callido, & vafro mentita semper se virum esse, tantum gratiæ apud omnes consequeretur, vt mortuo Leone quarto Pont. max. in eius sufficeretur locum, Ioannesque septimus diceretur: quod nisi biennio post grauida dum lateranensem ædem inuisit, victa dolore peperisset, quod iam omnibus scriptoribus constare uideo, quis crederet in vna fœmina tantum fallaciæ tamque constans mendacium simulati sexus tam diu perdurare potuisse?

De Nicolao Picinino.

RECENTIOR erit memoria, aliquantoque felicius Nicolai Picinini cuiusdam noui inuitatiq; astus consilium, quod ille sua etate rei militaris Imperator celeberrimus, Philippiq; Mediolanensis ducis studiosissimus, apud posteros reliquit, qua de re nequaquam addubitare possis, quum memorabile sit, vafrumque viri illius monumentum. victus enim acie à Francisco Sfortia Veneti Senatus Imperator, quum Gardam oppidum fuga circa Benacum lacum petijset videns nullam suæ salutis spem, quoniam saluus ad suos ire minime posset, nec Gardæ oppidulo satis fidere quiret, nouum facinus & ante eam diem inauditum est aggressus, vt sacco inclusus à Germanico milite per Sfortianorum castra ferretur, quasi is panem ad suos deferret, vt tandem euaserit. In quo sanè viro haud facile iicias, cui rei primas partes attribuas, Fortunæ ne plus nimio fauenti, an ministri fidei, qui vitæ suæ periculo saluum incolumemque illum edu-

xerit,

xerit, an potius nimix Picinini fiducix, qui dum Sfortiam plus æquo pertimesceret, non dubitarit quod vis discrimen subire.

De Stratagematis.

Cap. IIII.

EFFICIT summa, egregiaque Caroli Zeni virtus, ut in quamcunque partem stilum vertam, ille mihi statim occurrat, quem certe si alterum Ca milum dixerim, Venetæ urbis seruatorem, rectè sanè nuncupauerim; cuius opéra recepta clodia libertas ipsa Reip. constitit, sed quoniam veterum stratagemata in re militari maximè illustria sunt, & ea præcipue quæ pro patriæ libertatē geruntur: Caroli Zeni primum illud explicabitur, quod memoria maximè dignum habeatur. Siquidem is Robertum Reca natenfem qui in Venetis castris mærebat ductoris nomine, quiue etiam plurimos milites sibi fauētes haberet, ex toto piceno lectos, sic vltus est primum, ut nequaquam de eius fide dubitare videretur, quem passus est in Clodium ingredi adhibito ei comite, cui Carolus ipse crederet, cuius opē ra re ipsa planè percepta, & Robertum ipsum sustulerit, dolo in Venetos omnia peragentem, & Genuenses coegerit statim deditionem facere. quare effectum est, ut Veneti rerum potiti, gloriaque pleni domum redierint, contraque Genuenses ipsi in summa rerum desperatione addacti, pacem à Venetis oblatam magna cum sui ignominia acceperint.

De Nicolao Pisano.

NICOLAI vero Pisani stratagema, quis non maxima laude dignum censeat? qui in Caralitano Sardinia Insula sinu Antonio Grimaldo Genuensium Imperatori congressurus, nihil maiori studio, maioriq; contentione agendum sibi duxit, quam ut nauium suarum numerum dissimularēt. die igitur pugnae dicto Ioanni Sanuto mandauit, ut decem cum nauibus de industria abscerere uideretur longius, quod à Genuensibus ipsis conspici facile potuit, cæterum ut in occulto agens in ipso pugnae ardore instructus presto adesset. sic igitur re composita, hostes aggressus ipsos, qui non segnes prælium & ipsi ciebant. sic utrinque pugnatum est, ut tandem superueniente ex improviso Sanuto Genuenses memorabili acie sint uicti, ipseque dux Grimaldus uix euaserit, uniuersa ferè classe aut capta, aut sumersa, ut facile appareret, Bosphorana pugna lygurem ipsum non tam uirtute, quàm locorum opportunitate Venetis obtulisse. fuit ea pugna Genuensibus ipsis adeò infausta, ut tunc primum libertatem suam Viccomiti præfuli Mediolanensi tradiderint.

De Petro Lauretano.

MEMORABILI imprimis, & insigne stratagema Petri Lauretani fuit, quo primus ipse uniuersę rei maritimę præfectus Imperatoris nomine Turcicam classem ad Calipolim oppressit. Othomanus namque, capta Constantinopoli, classem ingentem ad Calipolim comparabat, in qua una spes omnem inuadendę Italię reposuerat. quare Petrus admonitus statim cō cum uniuersa classe sua profectus, sæpius Calipolim inuisens, nō multis cum nauibus, ut turcam ipsum in certamen traheret, tandem id assecutus est, ut instructissimus turcarum præfectus ad eum uenire proposuerit, quod intelligens Petrus instructam reliquam classem præcepit se sequi, ita tamen, ut turcæ rem intelligere non possent, congressus uerò quum paulatim reliquę naues adessent ueritus id turcarum præfectus, ne plures multo conuolarent, in fugam ita uertitur, ut uniuersa classis turcica, tūm primū aut caperetur, aut disiceretur, abrupta Othomani principis spe Italię reliquęque christianę pietatis classe inuadendę. quæ tanta res effecit, ut calendę Iulię celebres nobis & sacrę in hunc usq; diem habeantur, tametsi & Carariensis principis clade insignis, & Andreę Contareni ducis in urbem aduentu post receptam Clodiam grata memoria celebretur.

De eodem Petro Lauretano.

ITEM aliquot post annos aduersus Genuenses Imperator à senatu declaratus, quibus cum bellum erat gerendum, classe instructa in Ligusticam oram eo consilio profectus nauigauit, ut Lygusticam oram populabundus, Genuenses ipsos ad nauale prælium exciret, quod cum illi facile præstitissent, delecto classis principe Francisco Spinula qui aduersus Venetos clarus alioqui uir, rem gereret, ita planè accidit, ut ad Rapalitanum sinum utraque classis conueniret, quare quum prælij gerendi tempus iam imminere cerneret, simulata fuga retrocedere cæpit, donec insequentibus Genuensibus, secutus uentorum afflatum feliciorē, conuersis nauium proris sit pugnari ceptum, ibique partim uirtute suorum, partim consilio secundaque aura adiutus, ostendit suo quodam stratagemate pellectum hostem superare commode posse. quum igitur graue immineret certamen, iussis aliquot naualibus prætoriam Genuensium primum aggredi, sic planè effecit, ut & triremis ipsa prætoria opprimeretur, & ipse Spinula dux, cum aliquot egregijs uiris caperetur, id quod reliqui Genuenses quum animaduertissent, in fugam statim conuersi abeunt, relicto Spinula duce, quem captum, ad seque deductum Lauretanus, cum aliquot consiliarijs

consiliarijs perbenigne recepit, nec multo post Venetias deducendum ter-
restri itinere tutò curauit.

De Petro Mocenico Venet. duce.

NON possum certè sine scelere prætermittere Petri Mocenici claris-
simi Imperatoris aduersus turcas res gestas, tametsi virtute magis, quam
astu summa cum felicitate egerit. primum etenim turcarum omnem ma-
ritimam regionem cæpit, & Cyprum Insulam ab imminentis seruitutis
iugo eripuit, smyrnam expugnauit, Scodram in Epyro seruaui, multa-
que alia præsentis ui, & consilio, ita præstitit, ut meritò postea dux om-
nium suffragijs declaratus sit, ut interdù Cepionis coriolani, qui eius res
gestas conscripsit satis ornatè, non possim non mirari uel potius deside-
rare prudentiam, qui hæc ipsa, quæ plurima excidisse necesse est, non re-
censuerit stratagemata.

EXTERNA.

De Catta Melita.

Dabitur primus hic locus Cattæ Melitæ, qui quamuis infimo loco,
apud Narniam natus, inter egregios rei militaris Imperatores ætate sua
adnumerari meruit, cum propter eximias animi eius dotes alias, tum
propter egregiam summamque hominis fidem, qua quum semper eni-
tuisset, Veneto etiam Senatui, & Foscharo principi ad uitæ calcem exi-
miam præstitit, ut meritò illi equestris statua Patavij Ad. Antonij eodem
publico nomine sit posita. huius igitur stratagemata multa felicissimo
euentu recenseri possent, sed illud nunc tantum adscribam, quod Brixia
profectus cum copijs, ut Veronam contenderet, montano quidem itine-
re usus, memorabili astu euasit, nam quum in eum locum peruenisset,
qui nulla militum uirtute nullo robore superari posset, hostes sibi obie-
cto, nouo stratagemate fugæ simulatæ saltum penetrauit, ex quo tutò in-
de cum toto exercitu Veronam tandem re incolumi peruenit.

De Francisco Carmaniola.

Næc minoris censendum est laudis Francisci Carmaniolæ Veneto-
rum ducis facinus & astus, qui ad fallendum hostem, suum iussit mili-
tem in castris non contemnendi nominis, prouocare ex hostium copijs
unum, certa die ad singulare certamen, quod in frequenti usu tunc tem-
poris esset, futurum id suspicatus, ut hostiles copias nihil tale metuen-
tes eo tempore spatio faciliè id, quod euenit, profligari, quare inito in-
ter eos certamine, quum duces quoque ipsi ueluti ad spectaculum con-

I currisset

currissent, magnaꝓue turba militum ferè inermis præstò adesset, illè suis clàm intra castra instructis inopinantes hostes ita aggressus est, vt duces ipsos Sigismundum Malatestà, Nicolaum Piccininum, Franciscum Sfortiam, & Angelum Pergulanum insignes ca tempestate penè cèperit, certe ea clade affecti, vt sulo disijectoꝓue pàsìim hoste Philippi ducis res in manifestum discrimen totius imperij sui inciderit.

De Francisco Sfortia.

PRÆBERAT tunc Philippi ducis vniuersis copijs Franciscus Sfortia dux, qui iam pridem animum adiecerat ad Venetam classem, què tunc in pado ageret. vt igitur eùdem Carmaniolam astu falleret, militibus suis aliquot transfugarum ad eundem Carmaniolam missis, qui significarent paratum esse Sfortiam ipsum cum uniuersis copijs clam Carmaniolam inuadere, ut ille postea hoc nuncio in armis esset, nec auerti interim aliò posse. Sfortia verò noctu comparatis clam militibus classem suam in pado còscendit, improuisos Venetos ipsos adhortus classem vniuersam ferè dissipat, nec Carmaniola à nostris in subsidium euocatus, illuc contendere est ausus, veritus Sfortiæ insidias, ne imparatum se, in cautumꝓue ille aggredereetur.

Aliud Francisci Sfortiæ.

FVIT & eiusdem Sfortiæ astus in Francisco Piccinino Nicolai filio, quo cum in Picano bellum gerebat sanè memorabile quum enim Sfortia Piccininum superiorem & loco & uiribus timeret, ne in se còueris signis facile illum in fugam verteret, nouo stratagemate, lixas vniuersos, & reliquam turbam militarem intra proximum nemus latere iussit, quæ speciem ingentis exercitus præferret, id, quod Piccininum facta ab eodem Sfortia impressione celerrimè in fugam vertit, victoriamꝓue in primis opportunam retulit.

De christianis Ptolemaidam obsidentibus.

INOLVERAT Sarracenis ipsis mos quidem memorabilis, vt literas columbarum ventri affixas ad suos trasmitterent. quum igitur Galli, Veneti Duces Ptolemaidam obsiderent, quam mox deditionem futuram non dubitabant, ecce columba supra castra volans conspecta est. suspicati igitur aliquid inesse noui principes ipsi, sublato clamore ita eam exteruerunt, vt intra castra conciderit, inuentæque Sultani literæ, quæ significarent illum statim affuturum, alijs literis columbæ affixis Sultani nomine

nomine columbain dimisere, quæ adhortarentur Ptolemæitas se nequaquam venturum, quare dederent urbem, id, quod quamprimum effectum est.

De Grimoaldo duce Beneuentano.

NON deerit Grimoaldo Beneuentano duci hac in parte suus locus, qui Ticini agens, Arriperti quæ liberos langobardorum regis fouens, quum audisset Gallos magnis cum copijs Alpes transmississe, ipse simulata fuga castra sua commeatus omnis generis plena, & præcipuè vini reliquit, in quæ irrumpentes Galli circa vespertum, quum se largius epulis vino inuitalissent, in somnum conuersi passim sunt, quod nihil tale metuentes aggressus Grimoaldus magna ex parte cecidit, atque fugauit.

De Repullis.

Cap. V.

De Francisco Foscaro duce.

SÆPE ac diu mecum dubitauim qua ratione, quum de repullis agerem Valerium ipsum omni studio sequens nostratia hæc posteris traderem, sed utrunque sit, quanta fieri à me poterit cura, & obseruatione, veritate vnâ adamans rem exequar. obijerat diem suum postremum Thomas Mocenicus clarissimus dux, erat quæ ea tempestate viri patritij non pauci celebres, qui ad hanc dignitatem ciuitatis studio non paruo euocarentur, inter quos Franciscus Foscharus procuratoria dignitate insignis vnus erat, qui præstare cæteros videretur, si non ætas recentior illi obstaret, vicit tamen sua quadam beneficentia, & arte Petro Lauretano, & alijs senioribus repullis, præter multorum spem dux creatus est, quem certè principem magnificere debemus.

De Christophoro Mauro duce.

ERANT in Christophoro Mauro multæ præclaræque uirtutes, quæ dignum illum in omni sua ætate, quibusvis honoribus facerent. Sed illud præ cæteris maximè memorabile, quod Christianæ pietatis præcipuus, verusque cultor haberetur, nam & penates suos præter cætera sacro Cænobio extruendos dedicauit, id, quod hodie quoque non sine omnium admiratione spectatur, in quo Cænobio Diui Francisci religio in primis hodie eniteat, in qua sanè familia, cum semper alias insignes aliquot religionis viri præstiterint, Bernardinus tamen Senensis eadem tempestate floret, quæ Christophorus ipse iam diui Marci procurator insignis habetur,

retur, cui constanter affirmaret futurum vt post mortem Foschari principis ipse dux crearetur in eius locum, cæterum abrogato principatu, Foscharo ipsi, quum summa principis dignitas repulso Mauro, Paschali Maripetro demandata esset; admirabundus ipse tacitus secum Bernardini uaticinium irridere, quod tamen veritatis plenum fuit, siquidem Maripetro successor est datus, qui illo abrogato uiuenteque successerit. utinã uerò immortalis deus longiorem huic principi uitæ usum, & Romano Pontifici ad Anconem sedenti esse uoluisset, facile enim turcarum imperium eorum ductu, & auspicio in obscuro iacuilset.

De Petro Mocenico.

NON potuit non mirari vniuersa ciuitas eisdem comitijs Nicolaum de Canali, uirum alioqui clarum, & literis, & alijs multis animi dotibus, sed maritimæ rei haud sanè satis peritum præpositum fuisse Petro Mocenico, qui aduersus turcas imperator contenderet. quæ postea chalcide amissa, cum summa ignominia reuocarint, ipsumque postea Petrum Mocenicum in eius locum præfererint, qui multis præclarisque gestis domum reuersus, dux postea iure optimo declaratus sit.

De Bernardo Iustiniano.

NEMINEM hodie superesse arbitror literis aliquanto cultiorem, cui Bernardi Iustiniani nomen & uirtus ignota sit, qui Leonardo patre genitus diui Marci procurator literis Græcis atque Latinis ornatissimus, qui que patri ipsi omni uirtutis genere successerit, in Rep. ipsa magnis uariisque honoribus ornatus, nullamque unquam repulsam passus, procurator deinde diui Marci in locum clarissimi uiri Petri Mocenici creatus est. Marco igitur Barbadico principe uita functo, quum haud dubie omnis ciuitas Bernardum ipsum creandum acclamaret, tulit tamen repulsam Augustino fratre illi successore, uel quod breuissimus fuit ipsius Marci principatus, quòd præter omnium spem euenit, uel quòd, & ipse frater multis honoribus functus, & procurator etiam dictus, non indignus hoc tanto fastigio creditus est.

EXTERNÆ.

De Gabriele Condulmario.

QVÆ non fortunæ uim cum res humanas secum animo uersat, in primis admiretur, sic sæpe nobiscum agitantis uel (ut uerius dicam) nobis insultantis, ut nihil hæc nostra uita sortiatur, quamuis egregium, amplumque

plumque sit, quod ipsum magnificias, uel potius contemnere non de-
beas, id uerò tibi Gabriel Condulmarius facile approbarit, qui Romanā
curiam secutus, Senensisque Episcopus à Gregorio vndecimo Pontifice
Romano declaratus, ab ipsis Senensibus statim reiectus repulsusque est,
quem tamen non multo post eadem ætas Pontificem Romanum uidit, &
uenerata est in Martini locum suffectum, ut ridere interdum secum po-
tuerit, quum Senensium iniuriæ tantæ meminisset. fuit enim Pontifica-
tus ipsius uel maxime insignis, nam & Italicas res, cum suas, & pontificias,
& reliquorum Italiæ principum inter se discordias satis sceleriter sedanit,
tum quod Græcorum imperatorem Ioannem palæologum, & reliquam
Græciam in Italiam exciuit, ubi Florentino cōcilio peracto, & ipse Con-
stantinopolitanus princeps, & Patriarcha cum sacris reliquis uiris presen-
tes interfuere, subscriptioneque sua comprobarunt, quod ad eam diem
summa animorū obstinatione aduersati forent. Illud uerò etiam non præ-
teriero Bessarionem antistitem Nicenum propter singularem eius erudi-
tionem, & bonitatem in Cardinalium cætum ab eodem Eugenio ascitū,
in quo numero præcipua cum autoritate, & laude ad supremum usque
diem uixerit.

De Leontio Antiocheno Patriarcha.

POTERAM hoc in loco non paucos huius ordinis uiros, qui repul-
sam aliquando passi, non multo post maiores multò honores sunt adepti,
eisdem repulsis, atque reiectis, qui illos præcessissent antea, sed unus hoc
in loco mihi fatis erit Leontius sacerdos, qui priuati ordinis uir damna-
tus à Pontifice, non multo post non solum loco suo restitutus est, sed etiā
Antiochenum Patriarchatum est adeptus, magnum fortunæ exemplum,
quippe qui in ordinem reductus deinde in eam dignitatem sit euectus, ut
inter diui Petri apostolorum principis, & Egnatij successores adnume-
rari possit.

De Theodosio Saguntino Episcopo.

DETVR & hoc in loco par ferè exemplum Theodosij, qui sacerdo-
tij dignitate priuatus ab Eugenio Pontifice, mox restitutus à Gregorio
quarto, Saguntinæ præfuit ecclesiæ non mediocri sua cum laude, & cum
Saguntinorum omnium usu non vulgari.

De necessitate.

Cap. VI.

Vix certè adijcere animum potui, ut hoc in loco necessitatis trucu-
lentissima tela, quæ ciuitatem nostram penè contuderint repeteré, quip-
pe

pe quæ refrigerare memoriam superiorum malorum uiderentur, quæ etiâ si externi legant, non possint non animo cohorrescere. est quidem necessitas ipsa, quod diffiteri non possumus, sæuum, asperumque nimis interdum in rebus humanis telum, quam certè ut nunquam laudes aut probes, etsi felicior aliquando sequatur euentus. Deum igitur immortalem assiduâ precibus fatigemus, ne unquam uel publicè, uel priuatim hæc ipsa necessitas nos aliquò impellat. uel si semel etiam contigerit huiusce rei memoria quamprimum ex animis ellabatur, ita ut posterî gratulationem nullam sentiant deploratæ huiusce salutis. erat virginæi partus annus millesimus trecentessimus quadragesimus secundus, quum in Bartolomæi Gradonici locum subrogatus est Andreas Danidulus, idque præter constantem ciuitatis morem, iuuenis admodum, natus uidelicet annum xxx. id quod tamen, & ciuitatis probitatem & uirtutis cuiusdam admirandæ indolem in eo principe facile arguat, fuit enim & literis suprà penè quàm tempora illa ferrent, ornatissimus, & uitæ colore omni adeò florens, ut omnia eius dicta, factaque reuocari ad optima uitæ exempla possint. hic igitur dux facile demonstrat quanta sit necessitatis interdum uis, cui nulla uirtus nullaque bonitas queat obistere. quippe qui primum in urbe senserit grauissimum terræmotum, quo uno tantum coccussa est urbs ipsa, ut ex omni parte ferè corruerit, sacrarum certè ædium turres interdum inter se distantes testimonium dixerint, primum enim diui Syluestri magno intervallo fundamentis corruit, necnon diuorum Vitalis, & Iacobi, qui ad luprium esse dicatur, fastigium dimisere, & ad Angeli Phanum terribili specie acclinauit, Basilij leuam templi latus à culmine corruit, id quod non sine admiratione in hodiernum usque diem spectes, accessit ad hoc malum tam graue, & fames ipsa longè grauissima, nec postea desuit pestilentia, quæ sortita initium ab extremo septentrione, grassataque per uniuersum orbem cum magna terrarum uastatione, non multo post Venetias ipsas quoque irrepsit, ut à principio uis morbi sit cognita, multo se amore inuisentibus se inuicem opemque ferentibus prout usus exigeret, uerùm paulatim inualecente, sic desuijît malum, ut uix centesimus euaserit. quæ causa effecerit, ut lata lege promulgatum sit, ut quicumque Venetias per id tempus migraret, bienniumque perseveraret, ciuis Venetus haberetur. quum etiam dux ipse non multo post obiit anno duodecimo peractò, & ne quod malum deesset, Marinum Faletrum successorem habuit.

. II. De eadem ciuitate.

QUANTVM necessitas ipsa mali urbi intulerit facile quiuis hætenus percipere potuit, hic nescio an maiorem necessitatis uim irruisse dicam
ligustico

ligustico bello, quod ad Clodiam longe immanissimum est gestum, in quo sanè bello ita uexata Resp. est, ut & multiplex hostis undique instaret, & amissis omnibus ipsam denique Clodiam ligur hostis occuparit, in ipsisque aquis nostris & stagnis ligur hostis insultabundus ubiq; immineret, de urbis ipsius excidio penitus cogitans. quare coactus Senatus & ducem ipsum sæuiente hyeme septuagenario maiorem classi præfecit, ad uindicandam Clodiam, & triginta familias, quas populares appellant, in patricium ordinem asciuit, ut maiori constantiori que animo libertatem ipsam tueri quisque vellet. ad hæc famis valida sic urbem opprimebat, imminente vndique hoste, proximisque omnibus discissentibus, nihil ut iam superesset unde alerentur ciues, quæ tamen res feliciter ducis robore, & Senatus constantia postea cesserit.

De eadem Vrbe.

SENTIMVS intra hæc nostratia stagna hæctenus accerbissima necessitatis tela, quid illud non ne grauissimum dixerimus, quum Scodram ipsam iam pridem obsessam à Turcis, dedere eisdem coacti sumus? in qua vix vnus diei superesset cibus & potus, quadringenti que adhuc superessent cum ipsis sæminis, qui Venetias redacti, beneficijque ingentibus affecti, mori intra mœnia sua mallent.

De eadem ciuitate.

DIV multumque mecum tacitus animo agitavi, vtrū hoc ipsum, quod sequitur attexerem, quod utinam malorum sit postremum, quis enim adhuc non meminit Abduana clade nos ita afflictos Iulij Pont. in primis opera, ut nihil nobis in continenti iam superesset imperij: Vrbe etiam Patauio ab hoste oppressa, qua postea recepta, ingenti totius Reipubl. studio, Aloysij molini viri clarissimi ac sapientissimi consilio sic eam tutati sumus, repentina Maximiliani Imperatoris obsidione circumdatam, ut non multi superessent domi Patritij, & præcipue Principis nati, qui non eo conuenerint, tantumque eorum opera, & studio effectum est denique, ut Maximilianus ipse cum ingenti exercitu, re penitus desperata, domum discesserit.

EXTERNÆ.

De Balduino Imperatore Constantinopolitano.

VENDICAVERIT sibi primum locum inter externa Balduinus Imperator, qui vsq; adeo necessitate rerum omnium, & præcipue pecuniæ

niæ oppressus est, graui hostium obsidione intra Byzantina mænia compulsum vt primum sacra templorum vasa, tum reliqua ornamenta distraxerit, plumbum deinde, quo superiorum ædium sacrarum partes tegebantur abstraxerit, nouissime, ne quid mali deesset, vnicum filium Venetis etiam tradiderit opignorandum, id quod, vt opinor stomachum legentibus omnibus mouerit.

De fame Italica.

Sed vt redeam ad nos ipsos, intra Italiæ fines, quis nesciat Gotthicis temporibus Romam urbem ab ipsis Gothis sic euerfam funditus, ne vllus quidem ingredienti Bellisario illam reciperet occurrerit, sed nec occurrentem Gallum audieris, huc adde reliquam Italiam, & præcipuè Cisalpinam Galliam, tanta famis necessitate laborasse, vt mater filij carne à se interfecti vesceretur, id quod Darius Antistes Mediolanensis memoriæ mandarit.

De Barulana fame.

OBSIDEBANT Galli Gonsaluum Agidarium ab initio intra barulani mænia, quod Apuliæ oppidum nequaquam contemnendum sit, obsidebant autem tanta animorum obstinatione Galli Hispanum hostem, vt nihil omnino intra oppidum inferri posset, quare Gonsaluus, & reliqui milites de secutis suis pellem trahere sunt coacti, quibus excoctis accurratibus vterentur, frumenti reliquorumque ciborum loco.

De prætio Asinini capitis.

QUIS quæso lecto hoc exemplo summæ necessitatis primum non rideat, mox secum animo voluens quanta sit necessitatis huiusce tyrannis non tum demum ingemiscat? Asininum caput octingentis denarijs argenteis, quum sammaria Syriæ ciuitas grauissime obsideretur, veniisse, sed tandem reuocemus stilum hac in parte, & ad alia minus tristitia transeamus.

De testamentis quæ rescissa sunt. Cap. VII.

De Publ. Virgil. Maro.

AD MIRABUNTUR fortasse non parum ij, quibus nostratia hæc legendo occurrerit, quum Publij Virgilij Maronis exemplum hac in parte à me propositū viderint, in quo vates eminentissimus duodena Aeneidos

dos volumina comburenda testamento iusserit, quasi verò indigna posteritatis lectione censeret, quibus suprema manum non imposuisset. quod certè eninentissimi poetæ iudicium non posses non summis laudibus extollere, si integro animo extremam eius sententiam exquiras, tecumque voluas. quid enim Aeneide ipsa præstantius? quid excellentius? quid diuinum magis? ut merito Papinius poeta suam thebaidem admonet ne diuinam Aeneidem tentare auderet, sed longè eam sequeretur, eiusque vestigia adoraret. quod nequis vnus tantum poetæ testimonium negligere audeat, faciet Augusti principis longè maximi iudicium, ut qui delatas ad se testamenti tabulas, statim reiecerit, iusseritque diligentius, eas asseruari, nequis vnquam in huiusmodi sententiam transiret. non possum autem præterire hoc in loco Augusti principis carmen, quo supremum vatis iudicium omnino repudiet, quod tale planè est.

Ergo ne supremis potuit vox inuida verbis
Tam dirum mandare nephas? ergo ibit in ignes?
Magnaque doctiloqui morietur musa Maronis?

Et paulò post.

Frangatur potius legum veneranda potestas,
Quam tot congestos noctesque diesque labores,
Hauserit una dies, uiuat Maro doctus ubique.

De Ianuario presbitero.

TRANSEUNTIBVS nobis in presentia ad recentiora huius ætatis exempla, occurrit memorabile Augustini Episcopi in Ianuarij sacerdotis testamentum iudicium, qui in terra Africa natus, & alitus, quum magnam uim pecuniæ non satis honestè partam cœnobio cuidam supremis testamenti tabulis relinqueret, cui administrando Augustinus ipso præfesset, irritas omnino eas fecit, & ad geminos sacerdotis liberos legitime illi editos legatam pecuniam transtulit, iustius esse censens, ut paruuli filij inopes qualemque parentis hæreditatem potius adirent, qua sese sustentarent, quam ut opulentum Cœnobium, quæ sitam fortasse malè pecuniam caperet.

De Aureliano Carthagenensi Episcopo.

ADMONET nos Augustini memorabile decretum, ne Aureliani episcopi Carthagenensis obliuisci uelimus, qui Carthagenensis ciuis satis opulenti testamentum irritum fecerit. legauerat autem is Ecclesiæ uniuersa bona sua, seruato tamen usufructu sibi dum uiueret, cui post testamenti tabulas, filij nati fuerunt, quorum ille nequaquam meminisse uoluerat, quasi uero impium fore credidisset, si quæ bona sacra semel esse statuisset, ad liberos recens genitos transferret.

De Ludouico Patauino Cardinali ac Patriarcha.

FACIT exemplum superius Aureliani episcopi à me repetitum, vt ætati nostræ quoque fauens iudicium Pauli secundi Pont. Max. non aspersandum duxerim, Ludouici enim Cardinalis patauini testamenti tabulas ex parte ea irrita esse decreuit, in quibus ille magnam suorum bonorum partem, cum graui sæculi infamia reliquerat, siquidem Paulus Pontifex, & sibi qui testandi ius reliquerat, & ætati suæ consultum esse maluit, sacerdotumque hominum bona, quibus illi diu erant usi, dissipari nequaquã uoluerat. vtinam uerò exemplum hoc ipsum nostræ hac ætati perduraret.

De testamentis quæ rata manserunt. Cap. VIII.

De Ludouico Cortesio.

RIDICVLUM uideri poterit omnibus supremum Ludouici iudicium, qui testamenti tabulis suis, quum hæredes legitimè instituisset, is tamen hoc oneris imposuit, ut cadauer deducentes urbani omnes tubicines eum sequerentur, quod cum hæredibus suis graue alienumque à dignitate sua uideretur, non tamen adduci potuere, quin uoluntatem illius approbarent, ipsasque Cortesij exequias, magno longoque tubicinum cantu perpetuò celebrarent, sæpe animo uoluentes supremas hominum uoluntates, quoad eius fieri possit, sanctè esse seruandas.

De Antonio Leonio Genuensi.

VT accusare Ludouici Cortesij factum nequaquam possis, sic certè Antonij Leonini Genuensis ciuis prudens sanè consilium magnopere laudes, qui graui ualitudine iam senex laborans, familiam omnem suam seruilem ad sese euocans ita allocutus est (quando nemo domi esset, qui consanguinitatis uinculo illum colere studiosius posset.) Adeste huc omnes, & erectis animis attendite, quæ dicam, ego iam senex morbo etiam grauiore oppressus uos omnes admoneo, ut mihi diligentem operam adhibeatis omnes, nam si morbi uim euasero incolumis, uos omnes liberos esse iubeo. quod si aliter contigerit, ut mihi moriendum omnino sit, uos omnes eodem seruitutis iugo obnoxios esse uelim.

Qui aduersus opiniones hominum hæredes habuerunt
Cap. IX.

De Constantio Imperatore.

VENDICAVÉRINT sibi locum hunc principes duo, quorū princeps Constantius multo maior, Constantinique filius dum Arijs & grauius certaminibus grauatus; imperium obtineret, Iulianum fratris filiū apud Persas. tunc agentem Augustumque militari factione dictum, dum contra illum magnis copijs contenderet, grauique interiū morbo opprimeretur, apud Mopsucrenem ad Tauri montis radices moriēs Iulianum infestissimum sibi hostem, & de religione Christiana male meritum hæredem testamento instituit.

De Philippo Maria duce Mediolanen.

QVIS in hoc principe non eandem, paremque fortunam admiretur & habuerat is duces rei militaris clarissimos, & de se optime meritos, habuerat Franciscum Sfortiam Generum Blanchæ filix suæ maritum, eū semper uiuens fauere uisus est, & tamen moriens neglectis omnibus sibi coniunctissimis, nec filix suæ memor, infestissimum sibi antea Alphonsum Aragonum regem imperij totius hæredem reliquit, ut omittam alienigenam illum, nec Italici sanguinis satis amantem.

IOANNIS BAPTISTAE EGNATII.

LIBER OCTAVVS.

Rei quibus de causis absoluti, aut damnati sunt Caput I.



IX CERTE fieri potest, ut à Caroli Zeni memoria stilius discedat, si quid tandem occurrit, uel variantis fortunæ, uel præstantis uirtutis insigne aliquod exemplum. accipiant igitur posteri quod Carolo Zeno memorabile in primis contigit, qui post præclaras res domi, forisque gestas, accusatus quasi pecuniam à Francisco Carario accepisset, quam constabat ex illius libris, quòd ipse Carolus exhibuerat, non esse perfolutam, tametsi Carolus re ipsa probaret datam illi in exilium agenti ab se mutuo, non ualuit tamen tantum uel uiri ipsius autoritas, uel innocentia; uel Patauium ipsum sua in primis uirtute receptum, quin condemnaretur, & in carcere biennium ageret, procuratoria dignitate insuper priuaretur. fuit igitur ea constantia uir, ut per annos illos duos nūquam supplicis alicui fuerit, nihil sibi remitti de carceris pœna expetierit, totumq; illud biennij spacium in literis, doctorumque hominum consuetudine, qui frequentissimi ad eum uentitabant, consumeret.

De Victore Pisano.

FVERAT hic ipse victor varijs Reip. temporibus rerum maritimarum gloria, & laude uir sanè celebris, sed ligustico bello ad Polam quum imperator maritimæ rei præfesset, victus à Luciano Auria Genuensium præfecto. idque certè non sua ignauia, aut imperitia, sed quorundam præfectorum negligentia. statim carceri includitur Venetias reuersus, condemnandus quasi suo ductu, & auspicio nō aliena culpa uictus esset. Ceterum quum Genuensis hostis quotidie magis instaret, instructaque ualida classe, iam Clodiam, & proxima quæque loca occupasset, cœptæ sunt audiri in vrbe uoces, Pisanium ipsum in tanta rei necessitate unū qui summæ rei præficeretur, quod quum patres quotidie magis exclamari audissent, rei que necessitas id exigere præcipue uideretur, Victorem ipsum publico

publico decreto carcere soluendum censuerunt. in quo homine illud quoque maxime memorandum esse uidetur, quod in ipso carcere sacerdotem aduocarit, reumque se suorum criminum de more nostro professus est, ita tamen, ut & patriæ & priuatis hominibus omnibus ueniam tribueret, nunquam sese iniuriæ ullius memorem fore. qui mane sequentis diei carcere solutus, Nicolai inuisitædem, sacrisque rite litatis eucharistiam sumpsit, moxque hilari fronte patres adiit, pollicitus se & sua omnia pro patriæ dignitate, & libertate, memorem perpetuò fore. quare dux & patres mox illum summæ rei maritimæ præficientes, tanta lætitia vniuersos affecere ciues, ut uniuersi gratulabundi in Aream Marcianam cõuolarint, illumque domum deducerent, omnem suam operam pollicentes.

De Antonio Grimano.

IDEM, aut parum quidem diuersum a superiori videri legentibus poterit, quod de Antonio Grimano, qui postea dux fuit, exemplum mox referam, quod vnum nouum inusitatumque in Veneta Republ. nostra hac ætate contigit; is igitur cum bello turcico Imperatorem in Peloponneso ageret, ingenti classe nescio quo fato, & Methonem oppidum, & reliqua continentis Græciæ castella amisisset, classisque etiam turcica incolumis abiisset, domum reuocatus est, carcerique inclusus coactus est causam suam agere in maiori comitio, relegatusque intra Dalmatiæ Insulas, indicta pena, si fines violasset. cæterum ille, quum aliquot dies priuatus omni dignitate ibi egisset, mox ad filium Cardinalem transfugit, cuius etiam opera adiutus ab exilio reuocatur, dignitasque illi procuratoria primum restituitur, hinc defuncto Lauretano principe longe clarissimo, illi subrogatur dux.

De Iacobo Foscharo.

HUIC dicta dies est, quòd frequentius amplissima oblata munera recepisset, quæ recipere principis familia nequaquam poterat, quum negare non posset in exilium est missus, Cræteque Insulæ finibus inclusus. Verum ille dissimulata aduersa valetudine, quum apud tergeste diu subsistisset, tandem domum reuocatus est. idem postea etiam accusatus, quòd Hermolai donati autor interficiendi fuisset, quamuis tortus, nunquam id falsum esset, quod certe etiam falsum postea deprehensum est, graui tamen exilio iterum damnatur.

De Athanasio Episcopo.

VIDERI nostra hæc commentatio legentibus maioris certè momenti poterit hac in parte, quando ad diuum Athanasium nunc oratio propius accedat, vt non possis non uehementer admirari ea tempestate tam sceleratos, & impios non paucos extitisse, qui christianam pietatem profiterentur, & qui ausi sint hominè singulari pietate ac doctrina, ut omitam patriarchali dignitate insignitum falsi criminis nomine in iudicium vocare: tanta animi peruicacia, vt illum latere in cisternæ fundo non paucos annos coegerint. qui tandè Dei opt. max. auxilio re ipsa verissimo posita indicio cõprobata sic constitit, vt & illi scelestissimi sint deprehensi, qui Athanasij nomen detulerant, contraque diuus Athanasius celeberrimus euaserit. cuius cadauer ad nos Iustinianorum opera delatum Iudææ vico sanctæque crucis templo, penès vestales optimi nominis pietate colitur.

De Bricio Turonenli Episcopo.

QUIS non diuinam providentiam præesse in rebus humanis interdum non dubitet, quum tacitus secum admiretur Bricij Turonenfis Episcopi, qui diuo Martino successerat, casum? Accusatus enim à perfidis, scelestisque, quod seruam suam violasset, quæ domi suæ pepererat, quum ille constanter id negaret, neque illa tamen seruam delictum inficiaretur, in exilium tamen iudicum iniquissimorum sententia actus est, in quo septem annos ita vixit, vt tandem postea patefacta re duobus successoribus intra hoc spatium vita functis, pristinae dignitati etiam nollens sit restitutus, hodieque ad hæc, inter diuos nostrates colatur. viuat igitur apud nos diui Athanasij memoria, viuat & floreat Bricij Antistitis nomen, vt vterque auctoritate sua sanctissima innocentissimum quenque tueri possit, & valeat.

De diuo Ioanne Chrysostomo.

TERTIUS accedat diuus Ioannes Constantinopolitanus antistes ob auream loquedi vim Chrysostimus cognomento dictus, qui certe primum locum hac in parte meruisset, si non ætate posterior fuisset. is igitur conuocata Synodo Constantinopolim, principis etiã auctoritate, Theophilum Alexandrinum Antistitem euocarat, quem grauissimorum criminum in Christianam pietatem reum Synodi iudicio damnandum exhiberet, ille vero quum Constantinopolim venisset magna suorum manu

nu committatus, tantæ fuit audaciæ, vt & ipse intra urbem consilium celebrarit, ad quod ipsum Ioannem citare non dubitarit. cæterum quum nihil illi superesset, vnde Chrysostomo negotium faceret, vt inuidiam illi apud principem constaret, quasi Augustam vxorem eius Iezabellem in publica concione noncupasset, iussu principis in exilium actus est, sed quum grauis terremotus urbem ipsam statim concussisset, vniuersæ ciuitatis studio vir innocentissimus suæ sedi restituitur, quod tamen diu obtinere nõ potuit, prægrauante inuidia, quod populi consensu, non principis autoritate, non synodi sententia, in suam sedem rediisset. quare uita functus exul Chrysostomus diem supremum obierit.

De Narciso Hierosolymitano Antistite.

PLVRIMA sunt in te Narcisse, quæ nos admirari imprimis debeamus, sed illud præcipuum fuerit, quod falsò accusatus, triumque testium dictis falsis oppressus, iudicum sententiæ quam celerrime obtemperasti, relicta enim sede, quam per multos annos obtinueras, in tua deserta ita concessisti, ut non facile ab ullo inueniri posses, quo tempore diu dilitefcens aliquot successores habuisti, cæterum, conuictis mox testibus. grauibz suplicijs, ut primus ex his cum uniuersa domo conflagrauit, alter, regio morbo correptus obierit, tertius luminibus sit captus, quibus pænis sese singuli antea obstrinxerant, si falsum testimonium coram iudicibus dixissent. Narcissus tandem inuentus pristinæ dignitati restituitur, quam ita postea rexit, ut eius memoria apud posteros diuitiesime floruerit, insigni etiam miraculo honestatus, qui aquam sanctis pascatis die, quando oleo defecisset, infundi luminibus iusserit, quæ quamprimum in oleum uersa sic est accensa, ut omnibus spectaculo esset, cuius rei Eusebius in suis chronicis testatur, reliquias nonnullas ad suam usque ætatem perdurasse.

De priuatis Iudicijs.

De Gregorio Neocæsariensi Episcopo.

POSTquam publicis iudicijs priuata iure optimo subnectentur, unum hoc insigne in primis in fronte collocari debere nifum est, in quò sanè multa mirabilia contigerint. erat Gregorius Neocæsariensis Episcopus sua tempestate maxime celebris, uel uitæ sanctitate, uel rerum usu, atque prudentia. hunc fratres duo diu inter se contententes de lacu unde piscium copia sanè multa caperetur, iudicem delegere, qui suis discordijs finem imponeret, unde grauius inter se odia ad eam diem exercuissent mul-
tiq̃ue

tiq̃ue etiam interfecti essent, & ille verò non pauca frustra expertus, ut fraterna beneuolentia restitueretur. quum omnia in cassum tentari à se uideret, nec fraternæ gratiæ restituendæ locum esse, utrumq̃ue ad ipsum lacum deduxit, duobus igitur fratribus & multis præterea rei cumentum cupide expectantibus, Gregorius ipse erectis in Cælum manibus Deum precatus est, ut huiusmodi liti finem imponeret: quod statim subsecutum est, ut & aqua in lacu nulla superesset, nec piscis nataret amplius ullus.

De Aimō Sabaudix comite.

SUBNECTAM certè ea libentius inter externa iudicium hoc Aimō Subaudix ducis: quando Venetorum memoria in re tandem confecta intercedit. contendebant inter se fratres duo Manuel, & Andronicus ut eorum patri succederet, qui Caloianes dictus Byfantij tunc rerum potiebatur. & Andronicus quidem ad certam imperij Spem alendam Genuensibus præcipue fauebat, quibus Tenedum Insulam dono dari à patre omni ope studebat, contra Manuel in Venetorum gratiam maximè adnitebatur, qui arcem à se cõstructam obtineret, quumq; inter se in primis fratres dissiderent, Aimum sabaudix ducem supremum arbitrum delegere, qui prudenter omnia agens, fratribus quum persuadere nihil omnino posset, finem tandem suo arbitrio imposuit. ita ut Veneti arcem diruta domum recederent, nec Genuenses Insulam ullo modo retinerent.

Quæ mulieres literis & eruditione præstiterunt Caput II.

NEMO certè, nisi idem iniquissimus, me reprehenderit, quòd tantisper à Valerio nostro discefferim, ut quod caput inscriptum est ab illo, quæ mulieres apud magistratus pro se aut alijs causas egerunt. ego (quò nullum apud nostrates huius impudentiæ extaret exemplum) ita inscripserim.

De Cassandra fidele virgine Veneta.

NEMINEM tam audacem, tamq̃ue temerarium fore arbitror, qui Cassandræ fidelis Venetæ exemplo a me repetito, plus certè patriæ amori, quàm ueritati tributum putet, quum adhuc supersint, qui Cassandram ipsam uiderint in Gynasio Patauino, disputantemq̃ue audierint. hæc igitur puella præclari ingenij dotem præferens, non literis tantum sed musicæ studio delectata, cum summa omnium admiratione cytheram pulsans frequenter audita est, ingenio autem tantum excelluit, ut uersus etià improuiso

prouiso celebres caneret, Patauium quoque profecta sæpe disputationes publicas cum summa sua laude sit experta, quinetiam liber adhuc extat ab ea editus, cui titulus est de scientiarum ordine, qui certissimus testis ingenij, & doctrinæ esse potest.

De Rosuida Saxona.

C V R nostrum persuaderi unquam potuit, penes Germanos, inter Saxones fuisse Rosuidam, hoc nomine dictam, quæ adeo literis claruit, omnique literarum eruditione excelluit, ut uix inueneris etiam intra Italiæ fines, quem virgini illi conferres. floruit autem Ioanne pontifice maximo, qui postea scæmina deprensa est, Lotharioque imperatore huius nominis apud Germanos primos. & ne quis falsò suspicetur hæc tantam laudem illi attributâ id extabant apud omnes ferè comœdiæ sex, extabant orationes non vulgares. quid quod heroico cæmīneres à tribus Othonibus gestas summa cum laude est complexas.

De Elisabeta Germanica Abatissa.

V I N D I C A V E R I T sibi Germania in secunda hac scæmina alteram laudem, quæ Elisabet dicta, plura scripsit ad Vestales suas, de uijis quibus ad cælum ascendere possimus, legebantur etiam epistolarum aliquot libri, etiam à doctis non sine admiratione: quando terra Italia ea tempestate latinas literas penitus amisisset.

De Baptista Malatesta.

Q V A E Baptistæ nomen scæmina retulit, una ex Malatestarum familia, qui tunc pisauero imperitabant, Galeatium patrem habuit, qui adulatam filiam, & nubilem Guidoni Montefeltrensi Urbinate Duci tradidit, quæ assiduus disputationibus cum uiris doctissimis claruit, quæque ingenij sui monimenta reliquit non pauca, libros de humana fragilitate, & de vera religione, quos summo studio omnes legerent: quicunque intra Italiæ fines tunc literis excellere.

De Isota Nouarola virgine Veronensi.

N O N obscurabitur à me in presentia Isotæ Nouarolæ Veronensis debita laus, quæ Nicolao quinto, & Pio pontif. tunc floruit cum Theologiæ studio, tum etiam eloquentia, addita ad tam egregiam virtutem perpetuæ virginittatis propensione & cōstantia. scripsit autem ad ipsum Ni-

colaum quintum, Piumque secundum pont. max. non pauca, quæ illi cū summa commendatione lætarentur, posterisque tradere summo studio niterentur.

De quæstionibus Cap. III.

De Iacobo Foscaro Franc. Foschari Ducis filio.

MAGNA semper in publicis iuditijs quæstionum uis fuit ad ueritatem disquirendam criminum, improbeque factorum, ut tamen oporteat iudicem prudentem esse, neque semper eis credere, quod quidem hoc Iacobi Foschari exemplo in primis patefiet. interfectus fuerat ex decemuiris vnus Hermolaus Barbarus autoritatis summæ uir dum domum rediret noctu ex senatu profectus, qui quū seruum tantum à manu, qui lumen præferret comitem secū duceret, mox extincto lumine non procul ab ædibus suis interfectus est. huius autem tanti facinoris ex plebe fuerat, qui adolescentem amatum à se in carcereque diu habitum tormentisque grauiter affectum ipsius Hermolai sententiam decemviris præfecti iniquo animo tulerat, cæterum quū lateret facinoris tā scelesti autor, quodque in ciuitate tam pacis, & quietis cupida per molestum nimis esset, tandem uisum est nonnullis etiam deferentibus Iacobum Foscharum Ducis filium autorem fuisse patrati criminis, quoniam vniuersæ ciuitati cognitum, perspectumque erat, acerbis inimiciis, & pergraues inter ipsum Iacobum, & Hermolaum ad eam diem extitisse. ductus igitur in carcerem grauissimeque tortus etiam aliquandō sentiente patre, qui publicis negotijs præerat, nūquam adduci potuit, ut ne crimen quidem unquam cogitatum à se fateretur, ille uero publico tandem iudicio in Cretam insulā relegatus est, quo denique mortuo patrati sceleris autor moriendo confessus est, à se solū tam audax facinus esse patrātū odij acerbitate in Hermolai accenso.

EXTERNÆ.

De duobus adulterij accusatis.

QUANTUM iudex prudentia præstare debeat, uel hoc uno exemplo admoneri poterit, quod à diuo Hieronymo relatum mox accipiet. testatur enim ille Vercellis maritū fuisse, qui innocentem uxorem adulterij ream fecerit, quæ cōstantissime huiusmodi crimen nunquam confessa, in carcere tamē sic asseruata est, ut non facile illi crederetur, & præcipue quū tortus iuuenis criminis huiusce reus tormentorum uim non sustinens se

se criminis obnoxium fateretur, quare damnato à iudicibus iuvene, sceminaque, ut capite plecterentur. ductus in publicum iuuenis statim primo illato vulnere interfectus est. quū uerò ad sceminam uentum esset cuius collū tortor peteret, omnes illius conatus irriti fuere. postremo uero vulnere affecta, quū mortua crederetur, cadauerque eius efferretur, uiua domum deducta est, curatoque breui vulnere pudicitia innocentiaque suae superstes quoad uiuit testis fuit cui omnes crederent.

De Aretaphila Græca.

NON fortasse uni tantum testimonio credatur, quod tamen uir summe autoritatis Hieronymus memorie mandarit, par serè Aretaphilæ testimonium à me refertur. Fuit hæc uxor Nicocratis Cyrenensis tyranni, quæ iniquo aniuuo ferens patriam à marito oppressam consilium inierat eius de medio tollendi, quo crimine ad Caluiam matrem socrumque Aretaphilæ delato, quū sæpe tormētis etiam socrus ipsa ueritatem exquireret, nunquam tamen aliquid falsa est, quare marito restituta, eoque ueneno sublato, libertati patriæ tandem est consultum.

De testibus

Cap. IIII.

De Cicerone.

NUNQUAM possim sine graui flagitio tametsi repetitum à Valerio, prætermittere, quod Ciceroni Latinæ eloquentiæ parenti præter omne ius æquumque testi contra .P. Clodium accidit, qui incesti reus uiolataque religionis bonæ Deæ, quæ apud Romanos summa pietate coleretur, quum id omnino uerum esset, Ciceroque ipse, & consularis & Patriæ Pater, & Latinæ eloquentiæ parens testimonium hac super re dixisset, inuenti tamen iudices sunt, qui .P. Clodium facilius patrati incesti reum, quam Ciceronem patriæ patrem periurij crimine liberarint.

Qui quæ in alijs Vindicarent, ipsi commiserunt

Caput V.

OCCURRERUNT mihi Venetorum antiquorum exempla, quæ si cum nostræ ætatis conferantur. non possis non maxime admirari, quoniam huic loco in primis congruere uideantur, nam cum centum abhinc annis nostræ ciuitatis mores, & instituta tecum animo uoluas, & quæ re-

centioribus nostris cōpares, facile animaduertas, quæ maiores nostri præcipue vindicarunt odioq; in primis habuerunt, ea maximo studio ac præcipuo cultu recepta. quis enim nescit maiorum iudicio pro nefarijs ciuibus propè eos esse habitos, qui agros in continenti possiderent? extant adhuc aliquot conciones in senatu habitæ Thoma Mocenico duce clarissimo, quibus suadet abstinere omnino publice, & priuatim continentis possidendæ. ecquid illud dicam quod secundo loco subnectimus summo probro id passim fuisse, cum publice tum priuatim si quis domi haberet. quiq; sacris addictus esset, sacerdotiaq; expeteret impensius. hæc igitur duo sunt, vt cætera interim omittam, quæ à maioribus vindicata nostris hodie recentiores sic amplexi sunt, vt vix vnā, aut alterā familiam inuenias, qui non amplissima latifundia sibi pararit, quæque ex liberis vnum non domi habeat, qui amplissima sacerdotia possideat, nec maiore studio quotidie flagret ea augendi.

De Eleutherio Const. patritio.

QVAM tempestate Gyzantini principes magnam Italiæ partem Græco Imperio uendicabant, præerat Calabria, & Appuliæ Ioannes Campsinus magna cum auctoritate uir, qui postea ut sunt eorum ingenia quos principes sine discrimine fouent, breui ab imperio desciuit, quo accepto nuntio Eraclius, qui tum rerum potiebatur Eleutherium Constanti. patritium vt rebellantem Ioannem Calabria, Appuliāq; expelleret misit, ille uero Neapolim ueniens paratis copijs Ioannē acie uictū à se interemit. cuius beneficij mercedem persolvere cupiens Eraclius exarchatus dignitate illum ornandum curauit, quam adeptus ille usque adeo immemor, & fortunæ suæ, & Imperatorij beneficij fuit, ut regem Italię sese appellari uoluerit, id, quod milites ipsi iuste admodum ultri sunt, ipsoq; interfecto, Eraclio partem eam Italiæ statim restituere.

De Innocentio septimo Pont.

TAMETSÌ latè admodum uitium hoc in hominum genere pateat: quoniā in summis uiris plus aliquantulum admirationis afferat, Innocentij Pont. septimi libentius sanè factum recensebimus, qui Urbanum, & Bonifatium Pont. Maxi. quum ipse inter cardinales unus haberetur arguere sæpe solebat, quod de tollendo Schismate minus solliciti essent. Verum quum mox ipse Innocentius pontificatus fasces adeptus esset, uidebatur & ipse omnibus nihil omnino hac de re secum cogitare, admonentibus autem illum non paucis, Romani quidem ciues acrius instantes hoc ipsum ab eo exigere non dubitarunt, qui ab eo ad nepotem remissi, cum idipsum

sum exquirent, in cubiculum introducti, eius iussu præcipientes de senis iacti sunt.

De studio & industria. Cap. VI.

DABITVR nunc à me studio & industriæ locus, cuius uires in hominum uita longèq; patent, ut non solum militarem rem illustret, ue rum & forensẽ gloriam augeat, ut denique nihil sit in hominum uita, unde uirtutes excellât facilius, unde uitia expellantur, nisi hæc omnium rerum alumna, & parens statim accesserit, id quod subiecta à nobis exempla facillè probent.

De Carolo Zeno.

AFFVERE huic viro virtutes ingentes cum domi tum foris, quæ ab eadem industria profectæ clarũ & illustrem illum reddiderint, quod alijs in locis demonstratum à me satis esse reor, verum nũc quum de industria, & studio agatur, nũquã præterierim quem se præstiterit ducem in vrbe Patuio recipienda à Cararijs principibus, quantaque industria, & studio in ea asserenda vt Veneto imperio lubens illa pareret. quid dicam bichinio-
niam Genuensium nauim quo studio laboreque quauè virtute eam expugnarit, omittam interea qua sua industria clodiensi bello finem prope vnus ipse imposuerit, quo vigore animi Cyprum Insulam à Genuensi hoste ferè totam occupatam regi suo restituerit. ille vero præter militarem hanc laudem non prætermiserim, quo studio, quauè cura literis bonisq; artibus quotienscunque illi otium esset, vacaret, ut doctos homines amicitia sibi, quotcunque essent id temporis, & præcipue Paulum Vergerium Iustinopolitanum sibi iungeret. quinetiam, ne suæ deesset industriæ libros noctu sibi non paucos apponi in lecto iubebat, quos ubi à somno vacaret assidue legeret.

De Francisco Barbaro.

CAEPERANT Venetijs ex quo Andreas Dandulus dux vrbi præfuerat literarum studia, quæ nulla in terra Italia per centum, & amplius annos fuerat florere, & in his non pauci patritij ordinis viri excellebant. sed vnus mihi nunc occurrit inter principes. hic Barbarus, qui ab ipsa hac industria incitatus, & studio non literis solum Græcis & latinis excelluit, sed Brixiam urbem tunc temporis clariss. prætor missus accerrime à Gal-
lis Philippo Mediolanensium duce obsessam, suis vigilijs suisq; labore, & industria Veneto imperio seruauit, quæ quum triplici laboraret malo
hostis

hostis videlicet accerrimi obsidione, fame, & peste, omnibus hisce malis, sic suis consilijs, sic cura & vigilantia præfuit, vt nemo vnquam dubitaret eius vnus ope Brixiam vrbem seruata in incolumem. satis etiam constat præter egregiam Brixianorum fidem, præterquæ etiam matronarum præstitam, inter quas Braidæ Aduogare gentis primaria præstanti animo numquam defuit, operam, non interdum, non noctu Franciscum ipsum de fuisse, quin etiam si cibum sumeret, quum publice semper caperet, assuisset illi ciues aliquot, illumquæ semper modo pro mænibus, modo ad portas, semper in publico assuisset. quare quum domum rediisset procuratoria dignitate meritò, quæ summa est, donatus sit, relicto post se Zacharia filio Hermolai patre.

De diuo Augustino.

SED quomodo te diue Augustine hoc loco præterire potero, qui vnus tua ætate post receptam veram pietatem, & vitæ sanctitate, & singulari omnino eruditione ita præstitisti, vt quem tibi conferre possim industria præcipue, & studio certè non habeam. nam post receptum spiritum rectum à diuo Ambrosio Romam profectus, vbi decedentem matrem sepeliuit, in Africam contendens, à Valerio Hipponensi episcopo uel inuitus coactus est episcopatum recipere, quod Græci sanguinis Valerius latinæ orationis haud quaquàm particeps suo muneri non satisfaceret, quæ tua igitur hac in re industria, quod tuum diue Augustine fuerit studiū non facile consequemur. illud vere testari possumus te semper aut aliquid scribere, aut aliquid legentem fuisse ab omnibus inuentum, vbi à publica concione vacaret, testantur hoc ipsum infinita literarum monumenta partim contra hereticos, partim pro reliquorum institutione presertim verò viginti libri de ciuitate Dei conscripti, quos si quis legat diligentius non possit non in sententiam meam quamprimum ire.

De Origene Adamantio Alexandrino.

TAMETSİ varient veterum sententiæ de ipso Origene, quod alij in multis illi derogent, alij christianæ pietatis vnicum assertorem verè probent, nemo tamen hoc illi detraxerit paternas opes ab eo quibus satis abundaret, dum catholicam fidem constanter assereret relictas, nemo tamen negarit sena milia voluminum ab eo relictas, quæ diuinam quandam industriam & studium illi assuisset testentur.

De diuo Hieronymo.

NON possum sanè non vehemènter lætari scribendo, quum tuæ diue Hieronyme testimonium hodie perhibeam industriæ, qui vnus intra Italiæ fines Eusebio patrem natus, Romæque non paucos annos versatus relicta post vrbe summaque dignitate, quàm meritò fuerat adeptus, vt veritatem vnã retineret, in Egiptum Syriamque proficisci maluit, quibus in locis diu versatus hæbraicam babilonicamque linguam tanto studio, & industria consecutus est, dentibus anterioribus lima sibi abrasis, vt vtriufque linguae puritatem vnã præcipue retineret, quod studio & industria consecutus, iure optimo in vertendis sacris literis vnum sibi locum vendi caris, quæ hodie apud nos summa cura, & laude legantur.

De ocio. Cap. VII.

QUANTVM mortales ipsi industriæ, & studio debeant, superiora exempla faciliè declararint, nunc vero, quoniam industriæ & studio uita hominis semper vacaret potest, siquid ab honesto ocio consequi rectè possumus attem, ut planè constet nos si perpetuo labore uitam exauriamus certè non plurimum esse profecturos. sit igitur assiduæ contentionis nostræ laxamentum hoc ipsi otium. unde certe plus usus ac fructus in uita percipias, quum autem te ad otium adhorter, non tibi illud existimes adhibendum, in quo desidria, uiteque lasciuiã locum habeat, sed quod postea ad honestissima quæque accendere magis possit.

De Marco Cornario.

FELIX igitur auspitium dederit honesti ocij appetendi Marcus Cornarius, qui sublato Martino Faletro loco principis creatus, dum res ipsas publicas diligentius curaret, semper æquo uehebatur, non tam quod securiorem fore crederet, quàm quod ipso equitandi usu maxime oblectaretur, id quod Venetijs mirum esse omnibus uidebatur, namque eo ocio equitandi delectatus, grauiore omnino pro Republ. curas sustinere uidebatur.

De Francisco Foscaro duce.

FUIT Francisco Foscari, principatus uarijs curis, uarijsque molestijs publicis belloque in primis Gallico cum Philippo Mediolanensi duce plurimos uexatus annos, in quo certè & patres ipsi, & uniuersa ciuitas, & Foscarius

& Fofcarus ipfe dux præcipue laborarent. cæterum conftat ipfum ducem cum ocium ipfum non afpernaretur, intra publicas res quamuis maxime follicitum, pifcationi operam ubi liceret impendere folitum, proculque ab urbis ftagnis in eo ocio uerfatum. uidebat enim qua fapientia præftabat, non poffe publicæ rei tantos fluctus à fe fufineri, nifi priuato folatio quandoque indulgeret.

De Hieronymo Donato.

NON ab re instituta fore alienum puto, fi Hieronymi Donati hac in parte meminero cuius uitam, moreſque plerique adhuc ſuperſtites recordentur. hic igitur patre Antonio natus dum puer literis uacaret, otij tamen in primis amans habitus eſt, quippe qui, & domi sæpe cãtaret, & auiculis, fi forte in illas incurriſſet ſeſe oblectaret, quo animi aſſectu tantum tamen literis Græcis ac latinis excelluit, ut quum noctu dioc; libris cuoluendis operam daret, sæpe tamen muficæ cantilenæq; quæ otio caperetur, quum etiam ſi ei liceret ab urbe sæpe Patauium peteret ubi egregias condidiſſet ædes, doctiſſimorum hominum conſuetudine præcipue utebatur, cum iſſque colloquia iucundiſſime miſcere ſolebat.

EXTERNÆ.

De Ludouico vndecimo Gallorum rege.

GALLORVM vndecimus Rex Ludouicus, qui noſtræ ætatis Carolo uita functo ſine liberis ſucceſſit, iam inde à puero eam indolem præſtulit, ut omnibus iam tum regio ſaſtigio dignus uideretur, quod tandem adeptus eſt, ſuccedens enim in Caroli locum, plurimisque rebus, & admirandis geſtis. Nam & Neapolitanum regnum expulſo Federico uniuerſum recepit. Mediolanumque & alias Italiæ partes in poteſtatem ſuam redegit, ſed quum non multo poſt graui morbo laborare cepiſſet, iamque ſibi moriendum, ad leuandam animi moleſtiam laxamétum quærens mures in catellos impellebat, sæpe etiam auiculis inter ſe contendentibus decertabat, ut tamen poſt longum tempus uiu conualuerit.

Quanta ſit uis eloquentiæ

Cap. IX.

MAGNA certè exiſtit eloquentiæ laus, in qua noſtrorum maiorum ætas præcipue floruerit. quod tandem ex eo cognosci poterit, quod omnium iudicio maxime ſemper probata eſt. nemo igitur dubitet Franciſci Foſcari Ducis virtutem in primis celebrem. qui autor fuerit, ut Florentinis grauiter laborantibus à Venetis impetrarit, ut tandem Philippi Medio-

Mediolanensis Ducis opes frerit Brixiam, & magnam partem Gallie Cisalpinæ Veneto nomini tribuerit, semperq; ea dicendi ui fuit, ut quod ille semel proponeret, omnes etiam in senatu approbarent.

De Bernardo Iustiniانو .

Is Laurentij Iustiniاني filius Diui Marci procurator creatus, tantam dicendi auctoritatem penes patres adeptus est, ut quod ille semel approbaret, patres in eius sententiam transirent. quinetiam tantum in dicendo ualuit, tantum eloquentiæ studio uiguit, ut si forte graui ualitudine domi esset domum patres mitterentur, qui ex eius sententia de Rep. gerenda feliciter consuleret.

EXTERNÆ.

De Leone summo Pont. primo .

ELOQVENTISSIMUM fuisse Leonem pontificem primū hoc nomine nullus unquam ambiget, quum meminerit eum vrbe Roma profectum, qui Athilæ Hunnorum regi barbaris copijs Italiam omnem uastantibus, nulliusque miserentis sexus, aut ordinis, solus sit ausus illi occurrere, qui cum ita planè egit, ita plane dicendo ualuit, ut quem nullæ rerum difficultates, quem nulla dicentis uis, aut belli terror ante mouerat. ut qui urbem Romam unam præcipue peteret, id quod ille in manibus propè haberet in Scythiam Tanaimque Ripheosq; montes redire suaserit, relicto Italico solo cælique huius benignitate, speque potiundi Romani Imperij, quod unum ambiret, nisi si quis hoc ipsum summæ pietati tribuerit, Deumque ipsum tanti beneficij autorem fuisse malit.

De Laurentio Medices .

Vix quisquam credat hoc accidisse, quod proponam exemplum, & tamen nihil illo uerius dici potest. Præerat Laurentius Medices Florentinæ Reip. summa cum potestate, præeratque eo potissimum tempore, quo bellum longe grauius gerebatur inter Florentinum populum, & ipsum Laurentium ex una parte, interque Ferdinandum Aragonium Neapolis Regem: itaq; plane gerebatur, ut ad internitionem utriusque partis certaretur, ut iam nec legatis locus esset, non Pontificis Romani gratiæ qui contenderet sua auctoritate, ut belli uis omnis tolleretur, paxque inter eos conciliaretur, cum Laurentius ipse cernens quanto in discrimine uersaretur Florentinum nomen, tametsi sciret se unum præcipue à Ferdinando peti, quem de medio tolleret, constituit tamen ipsemet Neapolim nauigare

gare hocque ipsum patriæ salutis causa, quod cum effecisset ad Ferdinandum ipsum inexpectatus ueniens, primo quidem auditu ab ipso Ferdinando inuitus exceptus, paulatim tamen dicendo effecit, ut æquissimo animo auditus, (tanta fuit in illo eloquentiæ uis) sit etiam in calce cum complexus ultroque dimissus benignè in primis incolumis ad patrios penates redierit, impetrataq; pace Florentinum populum ab armis quiescere iussit.

Quantum momentum sit in pronuntiatione, & apto motu corporis. Cap. IX.

HABUIT semper habituraque perpetu est ipsa pronuntiatio maximam in hominum uita uim, quippe uox ipsa nunc suauis nunc horrida interdum etiam uehementer sonora mortalium animos permouet, ac flectit modo huc, modo illuc, ut te interdum ad risum, interdum ad lachrimas sæpe etiam ad commiserationem impellat, quum uero corporis motus decens accesserit, ipsumque oculorum lumen incenderis incredibile dictu est, quantum momenti res ipsa habeat, quantumque dicendo ualcat, & quamuis uetustiora exempla plura adhuc supersint, quæ hoc ipsum probent nostratia tamen & externa recentiora id in primis declarant, quæ mox subiiciam.

De Francisco Foscaro duce.

CARAVAGIENSIS Venetias nunciata clade, quæ longè grauiss. fuit. Siquidem fusæ ingentes Venetorum copię ita profligatæ sunt, ut & duces ipsi sint capti, castra ipsa cum ampliss. præda direpta. legatus Dandulus nunquam relictis signis adhortantibus eum ad fugam Attendulo imperatore nostro, & reliquis ducibus nunquam ea deferere sustinuit, ædita uoce insigni malle se ibi mori, quàm signa relinquere à Veneto Senatu sibi tradita. nunciata igitur hac tanta clade Foscaro Duci conuocato statim Senatu sic eum consternatum excitauit, ut quamprimum erecti patres eius dicendi uis, & eloquentia, nouoque celebriq; Ducis factio, qui priuatam pecuniam omnem suam in senatum transferri iusserat, qua ad bellum uterentur, ad hæc se legati nomine discinctum aliquantulum in castra profecturum pollicitum adeo omnium mouit animos: tum dicendi uis illius, tum profusa coram omnibus auri copia, ipseque ad hæc paratus ad omnia ut senatuscon. de bello instaurandum statim sit factum, ingentesq; copię paratæ, quibus, & Sfortia Mediolanensium Dux non multa post sit repulsus, paceque demum secuta Veneti Imperij maiestas in suo uestigio constitit.

De Gregorio nono Pont.

MEMORABILE fanè fuit exemplū hoc Gregorij noni Pont. Max. qui Friderici tertij potentiam non sustinens, fallaxq; hominis ingenium, populum Romanum sibi maxime infestum reconciliare studuit: partim longiori oratione usus ad populum, partim nouo cōsilio, quod recte initum fœliciter illi contigerit: siquidem Petri, & Pauli capita ornatissime instructa illi ostenderit, quantaq; vis religionis in eis fuerit ostendens, uni uersum populum in se conuertit, armaque in Fridericum ita sumpsit, ut eum uictum rebellemque animum gerentem perdomuerit.

De Laurentio Rodulpho Florentino.

CLARAM sui nominis memoriam relinquet apud posteros Laurentius Rodulphus in hoc laudis genere, qui orator apud Venetos sui populi quū sæpe Ducem & patres adhortatus esset, ut pro Florentinis contra Philippū Mediolani ducē arma sumerent, quumq; illi rem ipsam traherent, impetrauit tandem, ut in senatu præfens ipse causam ageret. tanta igitur primum fuit eius eloquentiæ uis, tanta rerum omnium copia: deinde uero etiam uehementia, ut habita oratione irato similis rostris descendens publicè affirmarit, nisi Veneti opem ferrent, fore ut ipsi Philippum Ducem amissa sua libertate Italiæ regem constituerent, ipsi vero Veneti mox aucto imperio, imperatorem efficerent: quod hominis factum ad eò Venetorum permouit animum, ut Florentinos ipsos in societatem receperint, paceque cum his inita opem ita tulerint, ut longo uarioq; bello iactati Philippum tandem ipsum oppræsserint.

De Philippo Calendario.

EXTABAT quidem aurea Marci ædes insigni opere absoluta, sed deerat huic Marcianæ aræ forum ipsum præcipua urbis pars, ut urbs ipsa, & templum maiore quadam admiratione ab omnibus uiferetur: quū Philippus Calendarius Marini Faletri principatu statuarius, & architectus insignis non dubitauit id opus aggredi, qui & forum ipsum columnis intercolumnijsque sic ornauit sic ab omnibus spectandum cinxit, addito etiam comitio maiore, in quo patres conuenire possent creandis magistratibus statis diebus, ut illi meritò ab uniuerſa ciuitate omnia deferentur. utinam uerò Marini Faletri coniurationem nūquam secutus foret neque enim illi ciuitas gratiſ. aliquod unquam premium negasset.

De impressione librorum.

VENDICAVERIT sibi duplici nomine famam Germania, duarum artium inuentione, quæ ad eam diem nullæ unquam in toto terrarum orbe fuere. quarum una sit aliquanto prior militarium tormentorum, quæ nunc apud omnes uulgatissima sit. altera imprimendorum librorum ars, quæ uniuersa pacis, & ocij sit altrix, & parens. utriusque uerò Venetiæ in terra Italia sibi uendicant primum, & de re quidem militare nunc, id tantum dicam Genuensi bello, primum à Germanis Venetias tormenta, hæc uero nomine appellata, importata esse: quæ defendendæ libertatis nostræ præcipua fuere causa quod uerò centesimum ab hiuc annum Venetij captum est Pasquali Maripetro duce, non possum non maxime celebrare, quippe quæ ueterem Italiæ gloriam ueluti post liminio restituisse uideri possit, siquidem sic Goticis, langobardicisque armis prægrauantibus laboratum est intra Italiæ fines, ut nullæ literæ nulla humanitas, nulla elegantia iam nobis superesset. gaudeant igitur Venetiæ, quæ à Nicolai Senfoni aduentu sortitæ primum felicissimo auspicio, sic capere, ut deinde per uniuersam Italiam, nunc uero etiam, & omnem Galliam, & Germaniam hæc ipsa ars auspicatissimè sit sparfa, huiusce autem inuentionis laus eò celebrior esse debet, quod omnis linguæ barbaries huius opera extra fines secesserit nostros, latinaque dicendi grauitas, & ornatus sit amplissima nobis reddita, ut iam nunc non desint nostrates homines, qui certare cum ueteribus in omni scribendi genere possint, non celauerim interim Ioannis Rauennantis nomen, & studium, cui primum restitutæ latinæ linguæ palmani merito tribuas.

De tormentis à Germanis Venetias primum importatis.

Non possum prætermittere, quod paulò ante de tormentis militari-bus egimus, quæ tametsi magnam perniciem uirtuti fortitudiniq; militari attulerint, est tamen cur Germanici hominis inuentum admireris, qui sulphureum puluerem, ferreaque tormenta, moxque ænea excogitarit, ut nulla sit murorum mæniumque hodie uis, quæ obsistere iaculantibus his crassissimas pilas possint, hoc autem hac in parte inter Veneta exempla libentius collocarim, quod Veneti primum intra Italiæ fines, non sine suo decore, & laude sint usi, qua de re copiosius aliàs ægemus.

De Guidone Boniāto astronomo.

I N V A S I T iam pridem mortalium animos astronomia, qua vna credant caelestia, terrestriaque omnia regi, ac gubernari, tametsi Picus ipse meus multa solenter in libris suis ostenderit contra astronomos, omnia diuina prouidentia regi, nec in astrorum motu eam in esse vim, quæ animos nostros flectere in quamcunque velint partem possint. obsidebatur Guido monseretrius ab hoste intra Foroliuij mœnia, obsidebaturque ea hostium spe, vt facile capi illum, expugnarique posse crederent, aderat vero illi inter familiares Guido astronomiæ peritissimus, qui persuadebat illi, vt ex vrbe erumperet, futurum. n. fyderum motu ita id approbantiũ vt victor euaderet, vt tamen victor vulnus in sænore acciperet, huius ingenio tandem fretus monseretrius, & persuasione clam erumpens victoriam ex hoste recepit, vt tamen vulnere sit affectus, quod facilius curatum est, quod Bonatus ipse medicamenta secum attulerat, quæ opportunè comparata ad motaq; sæmori minus grauem vulneris sensum fecerit.

De Christophoro Columbo.

Q V I S quæso fuerit ingenio tam deprauato, vt non Christophorum Columbum maximè laudet, eiusque industria in re nautica præcipue non probet, qui Ferdinando Hispaniarum rege patrum nostrorum ætate primus persuadere sit ausus à Gadibus in Indiam felicissi. cursu nauigare, vt possêt, quod rex ipse non parum primum miratus, tandem illi concessit, vt paratis nauibus omniq; alio comœatu nunquàm antea tentatam prouinciã aggrediretur. ille vero felicissime Gades relinquens id assecutus tandem est, vt & Indiæ littora præsserit intra non multos dies, & domum felicissimo auspicio ad regem redierit, quare sic hodie vniuersus Oceanus enauigatur, ut libentius iam tam longinquum iter Hispani, Lusitaniq; sua proximè littora remis legant.

Quædam nulla arte effici posse. Cap. X.

N E M O non nescit quantum vita hominum his debeat, qui diuersas artes, diuersaque instrumenta primi excogitarunt ad humanam hanc societatem tuendam, quibus perpetuo nexu mortales inter se felicioribus auspitijs agerent, & quum liberales illæ artes iure optimo antecelluerint, semperque antecellant, quæ tamen ea sequuntur nequaquam contempnere vt tamen in humanis rebus multa etiam inueniantur, quæ sine artium ope memorabilia in primis sint.

De Venetijs.

QUIS quæso nesciat quum primum hanc ciuitatē nunquam antea vi-
sam adierit, vnam esse quæ sine vilo artificio, casuq; potius vel diuina pro-
uidentia in medijs stagnis condita, centesimum supra millesimum abhinc
annum ita floreat? ut ab orbe condito tale nihil inuenias: falsis enim
aquis ita vndique alluitur, vt nullus ferè occurrat locus, in quo non tibi
aquæ obuiam veniant, quod si tu publica ædificia spectes, si forum si cu-
riam, si marcianam ipsam intueare turrim, si subiectam inambules arcem,
quis non obstupescat, tantas rerum moles in medijs aquis assurgere, at-
que ita plane stare, vt omnia tibi insultare videantur? quare desinant iam
artes hac in parte, & quum totam inambulauerint urbem mortales, riuos
aearum, qui faxeis iunguntur pontibus, vt iabirè commodius pos-
sit, quum tot diuorum templa uiderint totq; & tanta cænobia ueræ
pictati dicata conspexerint, tandem ad deum opt. max. conuersi ipsum
præcentur supplices, vt eam urbem, quam ipse diuina prouidentia con-
struxerit, cuique nulla unquam similis extiterit diurnam, ac per-
petuam esse velit.

De turri campanaria.

HVC addam tanta animorum magnitudine perstetisse semper Vene-
tos, vt in medijs aquis ausi sint campanariæ turris fundamenta, tam im-
mensæ altitudinis, quàm omnes videamus, iacere, sperareq; tantum opus,
tam graue tamq; onerosum iam quadragentesimum ab hinc annum feli-
citate assurgere eximia, ut celum cacumine petere videatur: cuius etiam so-
nitu urbis totius gaudia publicè, ac priuatim semper declarentur, vt ta-
men duci procuratoribusq; ipsis, atq; etiam templi canonicis quo-
tientscunq; singulorum funus effertur, assonent.

Sux quenque artis optimum & autorem esse, &
disputatorem. Cap. XI.

De Philippo Calendario.

FERVNT Philippum Calendarium de quo supra diximus extruen-
di fori tanto studio sæpe coram duce, & reliquis patribus disseruisse, vt
tandem adducti illum operi præfecerint, quo perfectò, inq; hanc formam
redacto, quæ hodie visitur, ita duci, reliquisq; patribus probatus est,

vt in summo ab omnibus haberetur præcio, vt dux etiam ipse non dubita-
uerit eum sibi affinitate iungere.

De duabus columnis in foro positis.

NON minori censendus est laude Architectus is, qui duas columnas,
alteram diuo Marco, alteram diuo Theodoro dicatam, præclara sui no-
minis memoria tandem erexit. ille enim ex oriente huc aduectæ, quum
non inuenirent autorem, qui illas rectas attoleret, cōstantesque sibi redde-
ret, tandem post aliquot annos, autorem inuenit, qui polliceretur sua ope-
ra erecturum se eas, quæ perpetuo starent, si digno premio sese donarent,
publicoque decreto statuerent, vt liceret quicumque vellent in earum ba-
sibus ludere. quare patres ingenti eum salario perpetuò donarunt, &
ædibus quas diu possiderit, stetitque diu etiam ludendi decretum, quod
tamen sit hodie abolitum.

EXTERNÆ.

De Origene Adamantio.

EST Origenis Adamantij cognomine celeberrimum adhuc nomen,
quod etiam monumenta ab eo ædita id approbent, ea si legas nescio an
post apostolorum scripta, & Augustini illum omnibus anteponas. certe si
quis accuratius sextum Eusebij ecclesiasticæ historiæ librum, & septimi
partem legerit facile cognoscet illum, sic patris Leonidæ auspicijs institu-
tum, sic apud Alexandriam multos annos scholæ præfuisse, sic per uniuersum
orbem terrarum uitæ sanctimonia, litterarumque insigni peritia flo-
ruisse, ut nihil per ea tempora quàmuis difficile, & arduum gestum sit,
quod non sententia Origenis comprobaretur, sed & ingenij eius moni-
menta adeo innumera sunt, ut planè mirari maximè possis, eo humano
ingenio tot & tanta cogitare potuisse. ille uero cum Esaiam prophetam
commentarijs illustrare studisset triginta in eum editis libris, non dubita-
uit, ad Triullum hebraici sanguinis uirum, & litterarum professorem per-
scribere, ut sese admonere, quæ nam urbs Arihel foret, quidue de ea peni-
tus sentiret, ut christianis hominibus ad plenum satisfieri possit.

De Ioanne pico Mirandula.

INGRATI planè futurum animi, & omni supplicio digni, si Ioann.
pici Mirandulanis ducis hoc in loco non meminissim, qui ætate nostra
uirtutibus omnibus ita claruit, ut quem illi iure conferas inuenies nemi-
nem. sic enim puer à parentibus institutus est, ut mirabili religionis, &
pietatis

pietatis effectu iam tum excelleret, literisque bonis imbutus ita est, ut omnibus qui eum audirent pro miraculo foret, mox adolefcens adeò literarum studio exarsit, ut latinis litteris, & Græcis, & Hæbraicis addo etiam & Chaldaicis ad ueram pietatem augendam penes omnes ornatisimum agnouisses: qui primis iuuentutis annis duodecim in astrologos libros conscripsit, quos omnes non sine admiratione legant. ille uerò sic philosophiæ operam dedit, sic sacrum theologium excoluit, eum poetam & oratorem egit, quod opera eius declarent excusa, ut neminem in terra Italia parem illi quocunque te uerteres esse dices: ea bonitate ut Marfilium ficinum, & Angelum politianum quorum uterque in suo genere literarum præcipue dilexerit, quorum & iuditio, & arbitrio frequenter uteretur, utrunque fratrum loco uideretur habuisse. sed de huius celesti ingenio nihil amplius hoc in loco dicam, locum enim in orationibus meis aptiorem, quas editurus sum si Deus opt. max. fuerit, expecto.

De Senectute.

Cap. XII.

HABET quidem senectus ipsa per se tacitam quandam sed præcipuam & non obscuram gloriam, quam quidem mortales omnes dari sibi à natura cupiunt, quum tamen non pauci adeptam accusare gratius interdum soleant, qui si veteris prouerbij meminissent, maturè & cum laude senem fieri, si diu senex esse uelis, sique diligentius secum expendere & Romæ senatorium ordinem summæ cuiusdam dignitatis fuisse, & omnes ferme qui sapiunt eos in primis reuereri. quare cum Venetijs semper in summo præcio adhæc usque tempora una ante omnes ætates floruerit, eius exempla sic ponemus plura, ut nihil magis honorificum, nihil magis gratum carumque fuisse appareat.

De Francisco Molino patritio.

POTERAM ueterum multorum exemplis, qui ad suprema usque senectutem felicissimi peruenerunt uti, qui patritij ordinis partim, partim plebei, & maxime hi qui ad diui Nicolai sedent, uerum ad recentiora quæ præ oculis mihi fuere suntque; hodie libentius stilum uertam principemque sibi uendicabit locum, qui me superstiti Francisc. molinus uixit, qui centesimum & amplius natus annum consiliarij supremam dignitatem in maioribus comitijs adeptus est, cunctis alij præpositus hoc præcipue nomine, quod animi sensu, & corporis robore integre ualeret.

De Thoma Contareno.

OMISSIS aliquot, qui ad diui Nicolai ædem degunt, quorū unus centesimum decimum septimum agit annum, alter tertium decimum & centesimum integris corporum membris, & sensu satis parato: clarissimi uiri memoriam Thomæ Contareni diui Marci procuratoris celebrarim; quem quotidie uidemus maximis & amplissimis honoribus sanctū scælas subeuntem, omniq̃ ex parte corporis & animi ualentem, bonitateq; in primis insignem, qui sextū & nonagesimum ætatis annum agat, quis igitur huius ætatem & plures in eo uirtutes non admiretur & laudet? Deus opt. max. faxit, ut superstes apud nos diutius agat.

De Francisco Donato duce.

QUOD uerò hodie Franciscum Donatum ducem quartum, & octuagesimum ætatis annum agentem, qui septimo sui ducatus anno superstes hodie cum summa totius ciuitatis gratia & amore non admiretur? qui in Landi locum suffectus omnium studio ea cū hominum opinione degit, ut unus Iustitiæ amator, unus de bonis optime meritus, unus reliquis uirtutibus insignis, & pacis præcipue cultor perstet. utinam illum superstitem hoc animo, & hac felicitate celebrem Venetiæ diu uideant.

De Gartio Aretino.

NECQUIS Francisci Petrarchæ non memoriæ hac in re præsertim faveat? ego uero huius uiri auctoritatem uolens secutus, non potui prætermittere Aretinum Gartium, qui Francisci ipsius (ut ipsemet fatetur) auus ad centesimum, & quartum nullo unquam morbo uexatus superuixit. utinam uerò hoc muneris nepoti ipsius contigisset, qui propter ingenij præstantiam, & literarum peritiam sua ætate præstantissimus dignus fuerat, qui immortalitatem adeptus esset.

De Ricardo Caroli magni milite.

NUNQUAM detraxerim Guidonis Bonati fidei, qui non dubitauit suo testimonio asserere uisum à se ricardum Caroli magni militem, qui quadringentesimum ætatis annum ageret, nec dubium erat sub Carolo ipso cum stipendia fecisse iam grandem, militasseq̃ sub ipso, ut ad miliesimum ducentesimum, & uigesimum tertium publicæ salutis annum peruenerit.

De Ioanne Tampe.

FACIT Ioannes Tampus miles Gallicus, ut supradictum à me Ricardi exemplum certius habeatur, qui, & ipse constanti omnium scriptorum eius ætatis fide proditus sit, ad trecentesium uitæ annum ualido corpore, integraque in primis mente. ut qui cum eo agerent, non sine admiratione semper uersarentur, optarentq; sibi quique tam diuturnæ tamque fœliciter vitæ spatia.

De gloriæ & famæ cupiditate Cap. XIII.

De Andrea Dandulo Duce.

CONSEQUETUR Andreas Dandulus Dux egregiam & ipse laudē sed tamen diuersam ab Vrscoli Ducis factō, hic igitur præstanti doctrina Dux iuuenis creatus, literarumque amore incēsus doctissimos quosq; in terra Italia cum præcipue coleret, tum unum Franciscum Petrarcham, ea ætate clarissimum ita complexus semper est, ut Venetias illi aduenienti publicas ædes semper parari iusserit. quinetiam si quando in publicum prodiret eum quoque prodire secum honestissimo semper loco non dubitauit, reliquumque uitæ tempus de literis differens libenter si quando posset consumeret.

De Carolo Zeno.

APPERE huic viro, quod suis locis testati sumus præclaræ animi virtutes, sed illa in primis, quod literas literatosq; homines maxime semper amarit, domique familiaris. habuerit, quorum unus. Petrus Paulus Vergerius Iustinopolitanus, qui ea ætate celebris inter literatos haberetur, cuius etiam hodie monumenta aliquot extant, & Petrus Thomasius Veneti sanguinis medicus, quem Blondus ipse memoret eloquentissimum etiam fuisse, præter singularem medicinæ peritiam.

De Petro Lauretano rei maritimæ Cl. Imp.

DEBELLAT primus ad Callipolim Turcicam classem. Genuensē ad drapalum memorabili prælio superarat, capto etiam eorum dūce Francisco Spinula. declaratus præterea Padanæ classis Imperator, quū studium omne suum in patriæ laudem, & gloriam uertisset, clarissimum longe facinus aggredi perficereque non dubitauit. ille igitur proximas aræ Marcianæ ædes procurator diui Marci incolens, quū grauem in eadem aræ tumultum exaudisset à Clasiarijs Dalmatici sanguinis excitatum, qui

qui rapinis omnia vastarent, quibusque neque ducis maiestas, neque reliquorum magistratum imperia obsisteret, licet adversa valetudine oppressus lecto decumberet arreptis statim uestimentis, quæcunque potuit in forum ita descendit, ut audito tantum eius adventu classarij ipsi statim recesserint, quorum nonnullos captos laqueo suspendi iusserit. non illum igitur unum tanta hominum multitudo deteruit, non Dalmatarum hominum in rapinam conuersi animi continuere, quin pro patriæ dignitate & salute illius gloriam, & laudem rebus omnibus anteponebat, ultimum etiam spiritum si contigisset pro patriæ incolumitate emitteret.

De Petro Motenico qui postea dux fuit.

LABORABANT Venetiæ diuturno difficiliq; turcarum bello longè grauissimo, quæ maritimæ rei imperatoris nomine præfectus ipse Petrus labantem Græciæ rem, Eubœa insula iam amissa sua prudentia, & animi fortitudine sustinuit, nanque & Naupactum dura obsidione à turcis obsessum erripuit, eosq; tota Peloponneso insultantes inhibuit, Cyprum insulam Veneto nomini asseruit, Scodram ipsam Epyri urbem quatenus in eo fuit seruauit, unde mox domum reuersus tanta cum gloria & felicitate dux creatur, quam dignitatem intra septem menses morbo affectus, quem in Boliano amne contraxerat sponte sua oppressus dimittere coactus est, turcas uniuerso mari ægeo ita exclusit, ut Helespontum superare nunquam sint ausi. usum Cassanum Persarum imperatorem ita adiunxit, ut turcis undique omni Cylicia eiectis, intraq; suos fines compulsis bellum Othomano inferre potuerit.

EXTERNÆ.

De Bellisario patricio Romano.

VTINAM vniuersæ terræ Italiæ manes ab inferis excitari possent, qui laudem & gloriam Bellisarij Romani patricij perpetuò decantarent, gratiasque illi pro tantis in se meritis agerent, qui Gothos sæpe acie uicit, urbem Romam à dura eorū seruitute liberauit, Italiæ fines iam omnibus ignotos obscurosque longo ueluti post liminio restituit. Aphricam ipsam, & cum ea Gilimerem Regem à se captum triumphatumque pristinae libertati reddiderit, inde uerò de persis à se uictis triumpharit, mox etiam crucem auream admirabili contextam opere diuo Petro donarit.

De Eugenio quarto pontifice max.

Nescio an satis recte Eugenij huiusce quarti Veneti sanguinis Pont. inter externa iure reponam, cæterum accipiant utcunque posterius, uix dicere ausim quantum huic uni pont. max. uniuersa christiana pietas debeat, quantumque illi gloriæ, & laudis attribuat, cuius unius studio diffidens Græcia inter se reconciliata nobis tandem sit, concilio œcumenico Florentiæ indicto, in quo palæologus ipse Const. imperator interfuerit, ipseque patriarcha cum uniuerso suo clero præsens affuerit, quare tunc expetita per tot annos contordia inter Latinos Græcosque homines felicissime successerit, Id, quod Eugenius ipse non literis tantum Græcis, Latinisque mandari curauit, sed reliquis etiam subministravit, foribus ex ære ad diui Petri templum fabricatis, quæ rem perpetuam etiam uulgo testarentur.

De Hieronymo Olgiato.

SUPREMUM locum vëdicauerit sibi in hac parte Hieronymus Olgiatus Mediolanensis, qui inita coniuratione cum Ioanne Andrea Lamponiano Galeatium Sfortiam Mediolani ducem Stephani luce dicata, in eodem templo interfecit, multitudine ingenti refertum, hic etiam cū tortor ipse quandoque aduersus illum torqueret, esto inquit bono animo, & huc te uerte, nam quam tu mihi grauē pœnam inurere putas, eam mihi maximo solatio est, quotiescunque memini interfectū à me tyrannum, patriæque libertatem restitutam, quod in me est.

Quæ cuique magnifica contigerunt Cap. XIII.

De Andrea Dandulo Duce.

Nihil esse in hominum uita sæpius appetendum semper existimaui, quam honorem ipsum, qui bonis artibus comparetur. nam ut præterquā, quod ipse præcipue omneis artes alat, quid tu amplius unquam alicui tribuere possis, quam ut honoris causa quempiam colas, qui præcipue in omni uitæ parte de uera religione, tum de patria ipsa & parentibus, tū de reliquo humano genere optimè meritis esse uideare. vnde tibi amplissimus honor, certissimaque, & æterna gloria etiam post ipsos cineres sit speranda. Laudet igitur urbs Roma suos Scipiones, celebret metellos, & Catones, quod certè optimo cuique sit perpetuū faciūdum, quem ego

unum

unum Andream Dandulum hoc in loco Ducem longe clarissimum nunquam prætermiserim; cui Veneti patres omnisque reliqua ciuitas propter summas, illustresque animi dotes iuueni adhuc; quippe qui tres, & triginta annos ageret, demandat summo cum hominum gaudio, & lætitia. & is quidem maxima animi uirtute, & præstantia aduersante etiam fortuna ipsa, sic principatum ipsum ministravit undecim annos ut Iaderam receperit, Genuenses ad Caralim Sardinia memorabili prælio vicerit, Archiepiscopum Mediolanensem flexerit, Iustino-politanos rebellantes domuerit, quum interim fors ipsa tamen contendens vrbe grauissima pestilentia terremotu aquarumque mole opprimere contenderet. ab hoc ferunt res Venetas duplici stilo conscriptas, quippe qui eloquentia excelleret, comesque semper existeret, vnde comisinus postea cognominatus fuit.

De Andrea Contareno duce.

SEQUITUR Dandulum ducem clarissimum Andrea Contareno & ipse dux, cui magnifica multa, nec volenti nec molienti contingere, primum enim quum patres illum ducem creare contenderent, semper reluctatus est, tum vero mortuo Cornelio duce quum omnium studio, & pene vniuersæ ciuitatis clamoribus, expeti se se vnum cerneret, statuit sibi ab vrbe discedendum, inque Patauinum fundum confugiendum, vbi ignotus delitesceret: sed nescio quo pacto ardentior ciuitas effecta, vnum illum absentem cæteris omnibus anteposuit: quod vbi ille rescisset, & de sua cogitaret cognatorum, & amicorum consilio Venet. reuifere tanquam priuatus statuit, quum bonorum publicationem & exilium illi interminati essent publico nomine, nisi Reip. obtemperasset, quare vix adductus in toto principatu sic Venetam Rempub. administrare cepit temporum iniquitate penè oppressam, vt & ipse ad recipiendam Clodiam seuient etiam hyeme accedere non dubitavit, qua tandem recepta triumphantis more in patriam redijt Iulij calendis, qui dies nobis sacer, augustusque est.

De Carolo Zeno.

Tota tantaque sunt, quæ Carolo Zeno magnifica contingere, vt vix satis scias, quid ex illis potissimum præponas sed rerum ordinem secuti addicemus, quod primum ad summam eius gloriam & magnificentiam accessit, Veneti sanguinis vir vniuersæ Cisalpinæ Gallia Imperium, cui vicecomites tunc præerant ita rexerit, vt integro quinquennio sine vlla omnino quærela cuncta gubernarit, cunquæ inde in patriam redire vellet vix à Galeatio duce impetrare potuit, vt suos videret, à quibus ita statim receptus

receptus est, vt rei maritimæ vniuersæ Imperatorio nomine præflet, Genuensique bello finem imponeret, quod Bucicaldo duce Francisci sanguinis Venetis intulerant ardente mox ligurum bello rei maritimæ præfectus bichinioniam nauim admirandæ magnitudinis armatorumque plenam trirenibus suis sic aggressus est, vt duplici vulnere affectus eam tamen incredibili virtute expugnauerit prædamque ferme omnium ducentorum, & amplius aureorum ad principem detulerit, naualibusque Ianuensium copijs à Clodia reiectis præcipuus autor eius restituendæ Venetò senatui fuit. peracto mox bello Hierosolymam inuisens dum regreditur ex itinere reuocatus à Cyprio rege ligusticum omne nomen inde sustulit suo ductu Cyprique Insulæ regnum vnus asseruit.

De Dominico Triuisano d. Marci procur.

Vix tantum gloriæ septem consulatus. C. Mariò attulisse crediderim, quantum Dominico Triuisano. D. Marci procuratori Memphica una legatio. tempore enim illo, quo Venetæ res undique afflicterentur (ne id etiam deesset mali) Veneti mercatores ab Alexandrinis pexime tractabantur. id quod Senatus ægre ferens Petrum Balbum, quem paulò ante rei maritimæ Imperatorem dixerat, ad Lasæraphum Sultanum legatum decernit, à quo non suscepta legatione (quod quidem tunc uni sibi licebat) Triuisanus ipse rei Venetæ procurandæ præficitur. quem quum ad se aduentantē audisset Sultanus, princeps alioqui ea tempestate longe potentissimus, tanti uiri publica fama excitus statim cum ingenti principum uirorum manu illi occurrit, moxque magnificentissimo regiōque apparatu exceptum penès se in summa amicitia per aliquot menses habuit. Sed Triuisanus renouato ex Reipubl. dignitate federe, rebusque omnibus compositis, regijs etiam literis commendatus, summa sua cum gloria domum redijt.

EXTERNÆ.

De Constantino Imperatore.

PRÆTERMISSIS hisce qui veram pietatem amplexi facinora ingentis gloriæ, & magnificentiæ sunt adepti, principes tantum viros admodum nobis aliquot, in quibus singularis egregiæque virtutis exempla spectari, probarique verè possint. quomodo autem Constantinum magnum non primo loco referam? qui præter aliàs animi dotes ingentesque victorias ex hostibus Barbaris parta, receptaque Italia Maxentio tyranno intra biennium uicto primus ex Romanis principibus Christianam pietatem est amplexus, Byzantiumque Imperij sedes transferens, nouamque Romanam appellari

appellari iubens, filijs relictis hereditibus vitæ finem feliciter sortitus est, cui certè magnificentius nihil accidere poterat.

I I T A M U S

De Ludouico Pio.

D E B E M U S & hoc memoriz tam illustris, tamque præclari principis, vt Ludouicum eius filium pium meritò cognomento dictum propter præcipuum eius in veram pietatem studium commemoremus, qui Dacicum bellum summa industria ex sententia confecerit, Bernardum res Italicas turbantem, cum multis sacri ordinis viris ex Pipino filio nepotem facile fufum vita priuarit. quò antistites ipsos intra monasteria tantum incluserit. Veræ pietati omnia tribuens, sed & illud non minus dignum admiratione fuerit, quod trium filiorum coniuratione, & aliquot procerum coactus Imperij dignitatem deposuerit, quam tamen non multo post ob memoriam summæ clementiæ benignitatisq; receperit, moriensque non multo post in filios, quos heredes relinquebat, tandem facilitatem nullius iniuriæ memor retinuerit.

De Luxuria. Cap. I.



AGGREDIENTES nos noni huiusce libri principium, mouit certe plurimum ipsa luxuries, & libido humani generis pestis: cuius si vim attendamus facile intelligemus, quàm sit turpe diffluere luxuria, ac delicate, ac moliter viuere, quamque honestum parce, continenter seuerè, ac sobrie. optare quidem solemus ferè omnes, vt fortuna nobis blandiens opes, & honores nobis largiatur, nec animaduertimus ferè, fortunæ hæc munera luxuriem libidinemque gignere, quæ si ab Adoleſcentia te inuaſerit, non facile honestæ ſenectutis commoda conſequere. paulatim enim effrenis hæc redditæ auaritiâ gignit, tantamque molitiem parat, vt ſemper qui huic vitio paruere, nec animo nec corpore ſatis valuerint. blanditur illa primum, & vbi nos illexerit libidinem ita inſigit, ut quamuis alij admoneant, quamuis in diſcrimen, periculumque agnoſcas eam ſequi vel inuitis cogare. recto igitur Græciam hanc ἀσώτιαν appellauit, ἀσώτοις luxuriosos dixit, quòd qui hoc vitio laborant ſeruari nequaquam poſſint.

De Petro Candiano duce.

PRAEFERET ſuo hoc exemplo Petrus Candianus dux omnibus mortalibus, quantum ſit luxuria hæc ipſa cauenda, qui donec patrem, & auos reſpexit, potuit meritò ab exilio reuocari, duxque in patris mortui locum ſubſtitui magno totius ciuitatis gaudio, dum vero ſuorum oblitus Vualdradæ vxoris mores, & ingenium ſequi mauult, quæ paternam Guidonis molitiem libidinemque intuliſſet, ipſeque luxuriæ, (& quod conſequi neceſſe erat) tyrannidi vacaret. ita quidem in populi odium incidit, vt ab eo cum paruulo filio interficeretur, cadauerque ipſius in macellum proijceretur, direptis, incenſisque prius principis ædibus, quo incendio aurea ædes D. Marci etiam conflagrarit.

De cena Venetijs data.

RELINQVAM interim si quæ alia vetustiora huiuscemodi exempla sint, & eò magis, quod iam à ueteri frugalitate sic descensum est, ut penè profligata temperantia, & moderatio uetus ipsa sit, prolapsa in recentiorem luxum: quem utinam patres nostri diligenter cohibeant, & sæucrius: quod quo lubentius faciant recentioris cenæ exemplum proponam, luxuriæ plenum unde parcimonia ipsa deterrita penitus aboleuerit. Nihil famosius luxuriæque plenius ea cena quàm patritij ordinis uir conuiuis centum exhibuit: in qua si numerum ipsum attendas, si ferculorum uarietates obserues, si septem horarum tempus insumptum expendas, si concentum instrumentorum audias, si denique centum gobiorum lactes triclinio illatos legas, qui à singulis conuiujs molissimi exorberentur. uerè luxuriam quicumque sapit detestetur, ab eaque tanquam à grauissimâ peste diffugiat. amplectamur igitur ueterem frugalitatem, & temperantiam, camque quo ad eius fieri possit retinemus: quæ uirtutis, & bonitatis omnis, ueluti à natura proficiscens, quæ modicis semper rebus contenta fuit mater, & nutrix certissima sit.

De Venetijs.

POTERVNT esse omnibus exemplo ueteres Venetiæ, quantum sit frugalitati, & temperantiæ tribuendum, in quibus quàm amplissimæ semper opes fuerint, uetus tamen institutum, si quis huc animum intendant, id extitit in omnibus, ut quicumque diuitijs etiam excelleret, millenos non amplius aureos dotis nomine ex legitimo matrimonio natis puellis tantum impenderent. ab omni continentis terræ cura penitus abstinerent, sacris sacerdotijs ut a re funestissima interdictum constantissime uellent. ijs qui patritij ordinis essent, mercatura cum reliquo omnis exerceretur, cum magna laude, à frumentaria autem re penitus abstinerent, præstitores alieni periculi, ut portenta quædam execrarentur. quare nil mirum si tantis opibus nunc ciuitas abundet ipsa. quæ ab ijs initijs ortum habuere, si tot ædificijs publicis atque priuatis, si tot cænobijs, tot diuorum templis exulta, exornataq; floreat: si publicis uijs, si areis & præcipue marciana abundet, si denique tantum multitudinis cum tanta felicitate, quotidie alat, & foueat. Vt si conferres huic ipsi Romanam urbem, non aliam inuenies, quæ tantas opes tantasque diuitias aluerit: tametsi iustius nostrates hæc laudes quæ non totius orbis præda sed industria, & studio comparatæ, & acquisitæ sunt, sed de hac ipsa satis.

De Gene Scotiæ rege.

QVIS crederet ipsam denique Scotiam luxum hunc ita inuasisse, ut Regem ipsum Genium suis blanditijs aliceret, ut geminas sorores, quas domi alebat, iustarum uxorum loco palam omnibus ostentaret, flagitiosamque rem tantam ita præferret, ut præcipue gloriæ loco tam graue facinus sibi duceret.

De Picente fabriani accola.

AVSVS est scdissime quidem sororibus suis Scotiæ Rex dum uerent, sed quis ferat æquo passim coitum exercuisse? sic enim eueuerat, ut Canelli exorta intra mænia seditione, non homines solum, sed fæminas quoque quam plures interfecerint, quæ passim iacerent, quod facinus facile ostendat, si quis luxuriæ sese dat nunquam saluum fore.

De crudelitate. Cap. II.

TRANSEYNDVM nunc mihi est à luxuria ad ipsam crudelitatem, quæ si immanis & horrida naturæque in primis aduersa in barbaris gentibus fuerit, haud sanè mirandum eas gentes quæ rarò bonis moribus abundent, quæque à natura ipsa dissideant, in cædes, sanguinemque mortaliū delabi, grauius, ac uarijs supplicijs delectari: in ipsa uero terra Italia, nihil est quod magis admiremur si exempla crudelitatis, aut immanitatis plena inueniantur, in qua homines certè alti ingenij excelluisse uideas, & in qua omnia plena humanitatis, & elegantiae cognoscas, nisi si uno alteroque C. Marij L. Syllæ exemplo capiaris, nec uero, aliquos fuisse principes sæuos immanesque hoc in loco negarim, qui nimium rerum licentia & copia huc quandoque deflexerint. Nam de Gothica tempestate, & Langobardica, qua uniuersa Italia diutissime est oppressa, quid interim dicam non habeo, quando Italum ferè neminem refferre possis ea tempestate celebriorem.

De Galla Duce.

CREDIDIT ille, quum Theodatum principem oculis imperioque priuasset, futurum ut ipse diutius illo potiretur: fuit tamen in illo par eademque fortuna, nequis nimium crudelitati studeat: nanq; altero ductus anno abrogata est illi uniuersi populi cōsensu dignitas, eodemq; oculorum supplicio affectus ab omnibus est.

De

De Dominico Monegario Duce .

INVALVEAT hic excæcandi principis mos, ut iam omnes in crudelissimum supplicium contra principes prolaberentur: id quod in Dominico Monegario principe quinto post sui Imperij anno miserabiliter etiã contigerit, nec uero duo annui tribuni illi primum additi, nec diuturnitas principatus obsistere potuit, quòminus quam ingenij sequitiã ipse præferret, eandem conspiratione vniuersi populi & ipse pateretur.

De Gradenſi Patriarcha ex turri præcipitato .

IAM ferè Langobardica sæcula in ipsa Italia desierant, Carolo Francorum rege in ea imperante, eaque fœlicius moderante, quum Ioannes Dux Mauricij Ducis filius auito suo pteq; ingenio in Fortunatum Gradensem patriarcham inuectus, non contentus leui mortis supplicio, summo crudelitatis exemplo captum illum præcipitem dederit, ita tamen ut non multo post cum nepote in exiliũ sit missus.

EXTERNA .

De Ecelino de Romano .

FACIT proximitas Patauinae vrbs ut Ecelini de Romano, qui tyrannidem aliquandiu in ea exercuit, obliuisci minime possim, cuius sanè uita, moresque crudelitate insignes ad hanc usq; diem referantur, ut si quando crudeliorem quempiam innuere uelimus, eum Ecelino persimilem esse cõtendamus. his igitur omisis, quæ in ipsa tyrânide diu exercuit, quis non crudelissimum omnium facinus detestetur? quod quũ Mantuæ ageret, multaquæ millia patauinorum ciuium secum haberet, audita patauij rebellione ad decem millia & amplius eorum crudelissimis prius affecta supplicijs interficij iussit. ut ne infantibus quidem nec pueris parcendum esse uoluerit. ò barbarum planè hominem, & nihil Italiæ indolis redolentem, qui non multo post tamen, & principatu & uita crudelissime mox priuatus interierit.

De Maumethe Othomano .

MEMINI certe mirum uideri debeat, si in barbara gente & præcipuè turcici sanguinis crudelitatis frequentissima exempla reperientur, unum tamen Maumethem Othomanum principem cæteris præferendũ in præsentia duxerim. qui potitus Byzantio, quũ die quadam intra suos hortos

ageret tribus tantum iuuenibus comitatus, uidens cedrum arborem pomi pulcherrimi matrem, eo est in primis delectatus, mox uero eo inde digresso, quum non multo post forte eò rediisset, nec pomum ipsum spectaret, conuersus ad adolescentes percontactus est, quis eorum pomum id decerpisset, quumque constanter omnes abnegarent, ut erat insigni sæuitia petus cladio iussit aperiri ex his uni, ut eo referato reliquias pomi cognosceret, & forte ita accidit, ut ille esset adolescens, qui pomum uorasset, quo statim extincto iratus domum redierit.

De eodem Maumethe.

PLVRIMA certe sunt insignia crudelitatis exempla in hoc principe tam magno, cæterum hoc unum præterire silentio non possum, ut quos iratus ad mortem damnalet, altiori palo infingendos curaret, ut tamen si quis ex his non statim moreretur cibo, potuque alendum uellet, ut quo longiore uitæ spatio frueretur, grauiore supplicio uitam amitteret.

De Ludouico Sfortia Mediolanensi Duce.

HABVIT, & ipsa nostra Italia. Vnde omnis uirtus, & uiuendi elegantia fluxerit recens crudelitatis insigne exemplum in Ludouico Sfortia, qui duos nepotes ex Galeatio fratre veneno sustulit, ut Mediolanensi principatu cum suis liberis ipse potiretur, nec hoc crimine contentus, eorum fidissimum tutorem, eundumque uetustissimum Franciscum Calabrum interimi iussit. ut etiam hanc fuisse causam euocandi ex Gallia Caroli octauæ regis in Italiam aduersus Alphunsum regem, uel præcipuam tradant, nequid moliri Alphunsus ipse aduersus ipsum posset. Deus tamen, & ipsum uiuentem captiuum Gallorum regis esse noluit, nec liberos suos diutius frui imperio passus est.

De Ira, & odio.

Cap. III.

NESCIAS certe quid tu iræ quātūmve tribuas, nisi illi iustas aliquas causas tribueris, præcipue si publicam dignitatem aduersus perditos ciues defendendam suscipias, aut malos improbosque supplicio afficiendos ita cures, ut non grauiores iræ fluctus interdum te oppriment. quin potius doleas tantum immortalibus improbitatis esse, ut iure optimo supremo supplicio sint afficiendi.

De Ioanne Mutatio .

NON potuit non Venetus senatus in primis esse sollicitus quū Tenedi arcem recipiēs pace cū Genuensibus, reliquisq; principibus inita, missis legatis ad Ioannem Mutatium præfectū iuberet, ut euerſa arce eam dimitteret inſulam . quādo id Allobrogum dux ita ſanxerat, quod quū ipſe Ioannes facere reuſaſſet, miſſos à Venetis legatos etiam contemneret, nō potuit ſenatus ipſe iracundiæ aliquo fluctu cōcitus nō claſſem decernere, Fantinoq; Georgio in primis mandare claſſis præfecto, ut arcem ipſam expugnaret, liberamq; inſulam dimitteret, Mutatiumq; ipſum inde abire cogeret.

De Carrariensibus principibus .

NON dubito, quin pleriq; quū hæc noſtratia legerint, grauem quandam iram acerbūq; Venetorum odium in Carrariam familiam, quæ patauio præerat, fuiſſe cogitent, id, quod uix inſicias ipſe ire poſſim, quū uideam eam gentem quæ diu patauina urbe potita fuerat Venetorum armis ſæpe petitam, tādēmq; pulſam ipſosq; Carrarios principes in carcerem coniectos ſupremoq; ſupplicio non ſemel affectos, ut tamen ſi quis fateri uera uelit, iure optimo id illis contigiſſe cōtendat: quippe qui magnis affectis beneficijs à Veneto ſenatu, paceq; ſæpius inita etiam donato illis aliquando principatu, nobilitateq; etiam ornati, debuiffent cū finitimis Venetis in ſummo ocio paccq; uiuere, nec ſolicitare externos principes, qui bello ad internitionem eos laſceſſerint, quorum armis nequaquam etiam illi deſſent.

EXTERNA.

De Totila Gottorum Rege.

VOCAT nos ad ſe Romanæ vrbis miſeratio, quū à Totila Gottorum Rege indignabundo, quod ſibi Iuſtinianus Imperator ſuis auſpicijs regendam inhabitandamq; concedere nollet eam ipſam, irarum plenus partim ruinis præclarum omnium operū, partim incendio conſumpſit. muris quoq; ac mēibus ita ſpoliauit, ut paſſim omnibꝫ ingreſſus vrbis & egreſſus pateret, æque ac ſi vicum pertranſires, quos ego hic Fabios, quos hic Camillos, & Marcellos, & Scipiones non aduocem? aut quid in ipſum Totilam Gotticamq; rabiem non deteſter? quæ vrbem eam, quæ caput orbis eſſet omniſq; elegantix, & humanitatis parens tam fædo exitu euerterit.

De

De Ioanne Andrea Lamponiano.

NESCIAS certe an vllum aliud exemplum literarum monumenta se cum referant par Ioannis Andreæ Lamponiani Mediolanensis ciuis, qui tantum iræ odioque indulfit in Galeatium Sfortiam Mediolanensem du cem, quod sibi haud satis fauisset, in ea rerū difficultate, quæ illi erat cum Episcopo comensi Branda nomine, ut furore præceps tribus additis comi tibus ipsum principem ausus sit in diui Stephani templo dum sacris inter resset aggredi, nullisque id spectantibus interficere, quem ubi postea prin cipis lictores insecuti in ipso templo vulneribus peterent, exclamabat pe tite, inquam, me & confodite sic enim perlibenter morior.

De Stephano vj. Pontifice.

INVITVS sanè transeo à profanis hominibus ad eos viros, qui chri stianis sacris imbuti iræ odioque adeo indulserint, vt Pontifices ipsi in cadauera pontificum lampridem sepulta incredibili acerbitate sæuierint. sed tamen Stephani vj. factum ita literarum monumentis celebre tradi tum est, ut iam taceri à me non possit. ipse enim Stephanus Pont. adeo Formosi pontificis odio flagrauit, vt eius cadauer effodiendum curarit, di gitosque manuum absciderit, quos in amnem tyberim proiecerit, quin etiam eius omnia acta ita rescissa voluit, ut eum ex albo pontificum sub latum vellet.

De Paccia familia Florentinorum.

PER libenter sanè transissem ad ea iræ, & odij exempla in quibus sa crorum mentio nulla haberetur, nisi pacciæ familiæ grauissimū, acerbis simumque facinus, quod patrum nostrorum memoria Florentiæ gestum est, occurreret, qua tempestate Ioannes Paccius sic in mediceos exarsit odio, ut ausus sit in diuæ Reparata templo Laurentium & fratrem medi ceos, quū sacris sacerdos lictaret ferro petere: quorum alterum interfece rit, alterum acerrime uulnerarit dum in sacrarium fugeret, sed tamen pac cius ipse Ioannes pænas meritas luerit: quamuis dignus, ut nominis eius nullus unquam meminisset.

De Mario Placentino.

ABSTINEBO iam nunc à rerum sacrarum commemoratione, idque perlibenter faciam, si Marij Placentini sacri alioqui viri uecordi animo conceptum

conceptum facinus memoriæ postremo mandauero, qui ætate nostra Adrianum pontificem nefandis. odio persecutus diutius eum è cubiculo prode untem frustra quum expectasset ira odioque in se unum inflammatus, se ipsum tandem interfecerit ad illius ianuam, ueritus ut opinor id re scisset, quod cum alijs communicarat, acerbissimas pœnas daret odij tam iniqui & impij.

De Auaricia. Cap. IIII.

QVAM, quantamue dicam esse auariciam, quæ certè non corpora solum hominum, sed animos maxime inficiat. hæc igitur alieni appetens quû semel inuasit animos tanta talisque est, ut non modo unum, aut alterum sed patriam ipsam, & Remp. opprimat, nihilq; sancti nihilque pij relinquat. caueant igitur mortales omni studio cum à reliquis uicijs, tùm uero ab hac una cupiditate, quæ secum omnia in unum trahat, & perdat.

De Rodulpho Imperatore.

PIGR certe me si quando in præstantissimi alicuius uiri mentionem, qui omne laude dignus esse censeatur, inciderim, ut eius quoque uita quædam referenda mihi sint, & tamen Rodulphi Auspurgensis non possum non hic repetere auaritiam (si modo hoc homine mihi notandum est) qui inter Germaniæ principes præcipuum sibi uendicet locum, qui Auspurgi comes haud sane loci celebris, tantum militari laude excelluit, ut magnum, amplissimumque principatum in hunc usque diem posteris suis reliquerit, qui quater & decies collatis signis cum hostibus suis uictor semper euaferit. Ottocarum Boemiæ Regem uictum acie in deditionem memorabili astu acceperit, pacis quoque artibus adeo insignis ut nescias, quem illi præponas, & tamen non desunt qui hunc auaritia lahorasse scribant: quoniam Luchinum uicecomitem eiusque heredes Mediolano, Cisalpinæq; Galliæ præfecerit, quodq; Hettruriæ urbis aliquot libertate donarit, magis id non prohibente Honorio pont. quam factum laudante, quod utinam beneficium uniuersa Italia tunc accepisset, hodieque retineret, pecunia etiam ingenti perfoluta.

De Petro Castulonensi Rege.

NON indignabuntur reor Hispaniæ si Petrum Castulonensem Regem non modo auariciæ crimine sed Impietatis accusauero, qui ad Maomadam Bethicæ Regem profectus, ut eum aduersus hostes suos adhortaretur

retur ad opem sibi ferendam, tantum absuit à retinenda beneficij præstiti memoria, ut illum primus iaculo percusserit, aurumque eius omne familiaribus adiuuantibus abstulerit, denique illum summa impietate, neglectoque omni humano federe interficiendum curarit.

De Superbia & impotentia. Cap. V.

De Laurentio Celfo duce.

NEMO non ab superbia, & animi impotentia ortum dicet in Laurentio Celfo filio, qui dux creatus est uiuente patre, qua ex re pater ad illum, cum salutandi gratia adiret, nunquam illi aperto capite occurrere uoluit quasi uerò patria autoritate indignum uideretur, filium salutare domi sedentem aperto capite. quod nec filius domi agens fortasse hoc plurimum exquirere debuisset, etiam si aliquid de sua dignitate adimi crederet. tandem uero, id adinuentum est, ut Cornu suo dux crucem auream asfigi in fronte iusserit, cui pater omnem honorem dicaret.

De oratore Veneto apud Iulium Pont. agentem.

AGGEBAT penes Pontificem Iulium Venetus orator, singulari prudentia, & probitate uir, qui tamen cum grauius Venetum nomen lacera ret Pont. de Imperioq; Veneto penitus à se euertendo minaretur, eo impotentia lapsus est, ut pont. ipsum uilem clericulum Venetorum opera euasurum diceret. quod superbe dictum usque adeo pontificis Iulij animum incendit, ut cameracense tandem sædus initum sit, quo totius Imperij sui clade Veneti sint affecti.

EXTERN A.

De Sapore Perfarum Rege.

HABET habebitque semper ipsa indomita superbia ex nimia felicitate aucta suas quasdam uires, quas nunquam laudaueris, id quod in Sapor perfarum rege manifeste deprehensum est, qui Valerianum Romanum Imperatorem à se captum, ita penès se habuit, ut non modo canis loco eum haberet: sed si quando equum cōscenderet, eius tergo semper abuti uoluit, quo facilius in equum ascensus foret, cuius tantæ superbiæ pænas mox luerit.

De Tamborlane Perfarum Rege.

V s v s est Tamborlanes in Baijsæthe Turcarum principe à se capto eodem superbiæ crimine, longe tamen acerbiore, qui non modo illum facile secum habuit, uerum inter captiuos habitum carceri tetro etiam inclufit, quem custodia eductum quū equum conscenderet prosternere sese illum iubebat, pedibusque suis terga illius premens equum ascendebat. ò effrenem superbiam, ò impotentes mortalium animos, quasi uero ita sibi persuadeant nunquā quidpiam sibi tale contingere posse.

De perfidia.

Cap. VI.

Q V A N T U M semper incommodi, quantumque mali secum afferat ipsa perfidia, quamque illa calamitosa funestaque humano sit generi, facile statim is intelliget, qui fidem ipsam uirtutum omnium alumnā, atque parentem, iustitiæque ipsius fundamentum societatemque omnem tolli penitus eueritque cognouerit, discant igitur mortales quæso ab hac una ipsa in primis abhorre, in qua tantum malorum lateat, ut reliqua omnia uitia huic uni conferri possint.

De Cretensium perfidia in Venetos.

F E R V N T olim Cretenses infames poetæ sui testimonio, tanquam mendaces forent, atq; utinā intra mendacijs fines constitissent, nec perfidiā ipsam, quæ tamē in mēdacijs hæreat amplexi in Venetos essent, qui ipsam insulam iam pridem adepti, floridamque undique illam reddentes, ut etiam nobiles suos, & reliquos ciues in ipsam insulam transferri sint passi, in summa pace & ocio eam regebant, quū statim Cretenses ipsi in Venetum nomen perfidi ab eo desciscunt, Venetosque aliquot patritios parum interficiunt, partim in suum scelus asciscunt, quibus tamen postea (quantū in ipsis fuit) minime postea pepercerint, quin etiam duodecim oratores Genuam miserint, qui ligures ipsos adhortarentur ad insulæ imperium recipiendum. donec tandem Venetis armis uicti, satis fœlice rerum cursu in hunc usque diem conquiescant, obliuiscētibz penitus Venetis eorum iniuriam atque perfidiam.

De Iadretinorum perfidia.

E s t Iadera hodie Dalmatiæ vrbs una princeps eius prouinciæ habitata prisca quoque temporibus Romano floreante Imperio satis florens,

quæ tamen postea Pannoniæ Regibus seruiens satis celebris haberetur, commutato imperio, Venetisq̃ue parens, nõ oblita veteris sceptri septies tamen usâ ingenti perfidia, Venetæ insignis bonitatis immemor rebellavit, qua tum in re, sic cum illis Veneti semper egerunt ut abolita tandem ueteri perfidia, multos iam annos ipsi summa fide, & charitate inseruiât.

EXTERNÆ.

De Manuele Imp.

QUANTVM sit in perfidia crimen Manuel secundus Impe. Const. facile docuerit Corradum imperatorem, & Ludouicum Francorum Regem Bosphorum traicere intempestiue coëgit, qui Hierosolymorum regnum stabilire contendebant, in quos Manuel ipse altero perfidiæ genere desæuijt, nam farinam laborantibus ipsis fame gypso plenam infecit, qua ex re magna pars exercitus confecta ita concidit, ut quamplurimi ex christianis militibus nouo morbi genere conciderint.

De Michael Palæologo imperator.

NEC minore perfidia laborauit Michael Palæologus Imp. Byzantius qua in Balduini filios sibi creditos usus est, nam recepto à se Byzantio quũ in Adrianopoli Imperatoris Balduini seruarentur filij, eos omnes occidi iussit, quamuis tutelam eorum à patre relictam gereret, qua ex re nemo non ipsum odio grauiss. semper habuit.

De vi, ac seditione

Cap. VII.

FACTVRVS ne operæpretium sim, si cum de ui ac seditione agendum hac in parte sit à primordio vrbs cæperim haud satis scio, illud certe Deo optimo maximo Veneti sese debere fatchuntur, quibus & reliqui gratulari in primis possint, quod ipsa uis, ac seditio tantum per ea tempora uiguerit, quum apud Heracliam, aut Methamaucum Venetorum Ducum nomina tunc florerent.

De Theodato Duce Methamaucem.

FVERE quidẽ alij, ante hunc magistri militiæ nomine qui dignitate annua Venetiæ ipsi præessent uniuersæ, quorum exitum nequaquam hic referre consilium fuit, nec res ab his gestas commemorare, exordiar igitur à Theodato Methamaucensi duce, qui concordia omnium ordinũ cõsensu dux apud Methamaucum dictus, tredecim annos cum innocenter in pri-

mis imperasset dum Brundulum oppidum munire summopere studet, à Galla circumuentus uiro primarij nominis ea tempestate principatu extruditur, utroque lumine ab eodem captus.

De Galla Duce.

DEBERAT certe dux hic interfecto Theodato huiusmodi euentum, quem & passus est expectare, siquidè anno expleto & mensibus duobus tyrannidi suæ unanimi Venetorum omnium consensu deiectus imperio, captusque & ipse oculis priuatur.

De Dominico Monegario Duce.

INVALVERAT iam in ipsis Heraclie Methamauci que principibus mos peximus, ut ipsos principes tamquam nimis uiolentos principatu extruderent; nec hoc facinore contenti iam unum ex his trucidauerant, duos reliquos oculis priuarant, cum suffecto illi Dominico Monegario duobus tribunis additis, qui illi perpetuo assisterent, quinto etiam post anno excæcarunt, ut mirum prope, ac incredibile dictu sit, superuisse homines, qui talem dignitatem appeterent.

EXTERN A.

De Romanis in Leonem tertium Pont.

NEQVAQVAM mihi deerant prouinciarum extra Italiam exempla huic in primis opportuna loco, sed quoniam Italia nos ad se trahit memorabili in sacrosanctum Pon. facinore, quum Leo tertius summus Pon. Romæ creatus omni que uirtute insignis Pasqualis primicerij, Campuli presbyteri factiosorum hominum conspiratione interceptus est, atque ita oppressus, ut affectum ipsum Leonem grauissimis omnibus malis carceri quoque incluserint, qui postea Caroli magni interuentu tandem liberatus, cum iureiurando publicè sese obstrinxisset Leo minime se consciu esse eorum criminum, quæ sibi obiecissent, quare recepto pontificatu ita se postea gessit, ut ne inimicos ipsos quidem ulcisci uellet, & religionem christianam quoad eius fieri posset sanctam, piamque magis redderet. Vnde meritò inter diuos nostrates hodie colantur.

De Romanis in Gelasium Pont.

QVI res gestas literarum munimentis tradidere, ex quo Romana maiestas imperij concidit, Romani populi ferociam in Pontifices ipsos, atque insolentiam frequenter recensuere, ut maxime admirari possis, quomodo hæc mala exorirentur in ea vrbe, ubi Pontifices max. rerum potirentur, qui pietatem ueramque religionem secum præferrent. quare quod Gelasio Pont. contigit, quis non maxime accuset, quod eum Frangipanes fratres Cincius, & Leo eodem die, quo creatus est Pont. acerbissimis malis affecere? nam, & calcibus & pugnīs in eum minime temperarunt, calcibusque insuper suis illum penè oppressere, in conclauī denique ipso sic stratum traxere, ut uix spiritus illi superfuerit, nec minore acerbitate in reliquum Cardinalium collegium usi sunt.

De Bononiensibus.

SUPERERANT adhuc non pauca populi Romani exempla, quibus ille in suos Pont. frequentius sit usus, cæterum nunc his relictis ad Bononienses ipsos transibimus, qui famuli cuiusdam lanij insaniam secuti, grauem seditionem in ea ciuitate in integrum annum exercuere, quo anno Ioannes vigesimus tertius pontificatum administrabat, ueruntamen nobiles, & qui de patriæ suæ libertate melius sentirent, coeūtes in unum, & Lanium ipsum expulerunt, & Mangolinum alterum factionis principem interemerunt, ueraque libertate recepta rem omnem Bononiensem felicius composuere.

De temeritate.

Cap. VIII.

EST quidem temeritas hæc ipsa, de qua nunc mihi agendum sit, grauem uisulentumque inter mortales malum, quæ subito correpta incurfu, neque sese, neque alios unquam respiciat curemus igitur subitum hunc in homine furem, ne repentino ictu percussus in grauissima quæque facinora prolabamur, unde nō facilis sit receptus, id quod Mauricius Ioannis Ducis Veneti filius, uel hoc loco facile declarauerit, qui impius adolescens Gradum missus impij patris imperio functus non modo Gradum facile recepit, uerumetiam Fortunatū Patriarcham temerario ausu ex altiore turri præcipitem dedit, quo graui facinore perpetrato pater, & filius in exilium acti, penas meritas sui sceleris persoluere.

De Saladino principe longe clarissi.

NON habet certe Maumethes inter suos principes Saladino clarior, qui audito christianorum principum apparatu ingenti, quo Hierosolyma ipsa recipienda essent, non dubitavit priuati habitu post habitum regio solio Gallias ipsas, & Germaniam, adde etiam & Hispanias obire, quæ quum omnia accuratius lustrasset, ad suos incolumis reddit. quod certe facinus nemo dicere possit non plenum temeritatis fuisse, si quis tamen Saladinum ipsum rectè satis æstimet.

De Alberto Brandolino.

SED EBAT ad Carauagium Francisc. Sfortia Mediolanensium Imperator contra Venetos, quum hic Albertus omni contentione Michaelem Attendulum Imperatorem, & reliqui Veneti exercitus principes per suadere nitebatur, vt Carauagio à Sfortia obsessio omnino opem ferre vellet, à qua sententia quum ferè omnes aborrebant, sed ille hoc vnum precipue sibi placere pertinaciter perseuerans, coloni tandem habitu vnamq; secum venalem ferrens, non dubitavit in Sfortiæ castra transire, omniaq; secum diligenter expendere, & ad suos incolumis reuerti. probato igitur eius consilio, dum Carauagium ab obsidione liberare contendunt, prælioq; Sfortiæ congressi memorabili eius ætatis pugna superantur Veneti, quæ adhuc prouerbij loco constat, vt meritò inter temeraria facinora Brandolinum hunc vnum numerari possit.

De Iacobo Paccio Florentino.

SVPERAT omnem temeritatem sæuissimum facinus Iacobi Pacci in medicos, vt iam impietatem illius in primis etiam accusas, qui non contentus Mediceos de medio tollere geminos fratres Laurentium & Iulianum obtruncare nequaquam veritus sit, quando intra templi septa quæ sacris litarent alterum iugulauerit, alterum graui vulnere affecerit, qui mox fugiens, captusq; à persequentibus grauis. mox temeritatis suæ pœnas luerit.

Quantum valet error. Cap. IX.

De errore in Carolum Zenum.

Nemo unquam dubitauerit temeritati proximum errorem esse, qui si animos nostros inuaserit, ut cæci dubijque in rebus agendis videamur cum publicè tum priuatim vitæ mortalium plurimum obfuerit, quare diligentiam semper etiam in re minima adhibebit ille, quando ex minimo quoque errato grauissima detrimenta gignantur: id quod in Carolo Zeno rectè sanè approbatum sit, qui cum Franciscum Cararium in Gallia Cisalpina agentem, pulsum à vicecomitibus quadringentis aureis adiuuisset, unde facile redditum non multo post sit adeptus, illeque Carolo postea in patriam reuertenti eos reddidisset, ministri culpa factum est, ut nihil ille in comentarios Cararij retulerit de numis superius à Carolo mutuatis, qui liber mox Venet. perlatus post pulsum Patauio Cararium, dedit maleuolis anam opinandi corruptum esse hac pecunia Carolum à Carario. quò verò grauiter animaduerti placuisset in eos, qui ab illo pecuniam acceperant, nec causam acceptæ pecuniæ publicæ apud magistratum profiterentur graui pœna afficerentur. Carolus ipse nequam sibi conscius alicuius sui erroris nihil omnino retulit penes magistratum, qua ex re non multo post accusatus, magnoque errore denique actû, ut & procuratoria illi dignitas abrogaretur, & in carcere biennium esset, numerata pecunia, quam apparebat illum ab ipso Carrario accepisse veluti dono.

De Antonio Grimano; qui postea dux fuit.

Nihil certè est magis admirabile, nihil quod maiorem admirationem posteritati afferat, quàm quod clarissimum virum Antonium Grimanum maritimæ rei Imperatorem redactum in ordinem nos uidimus. deinde abrogata illi procuratoria dignitate perpetuo etiam exilio multatum; quem tamen non multo post patriæ limitibus restituere, atque ei procuratoriam dignitatem addidere postremo vero legitimis etiam suffragijs principem renunciauere, qui certè si diutius vixisset bonitatis suæ monumentum posteris amplius reliquisset.

E X T E R N A .

De Turonibus.

Non possis non vehementer admirari, quod apud turones euenisse constar, in foribus enim cuiusdam sacelli quum impositum esset cadauer cuiusdam

cuiusdam latronis, vulgò illud summa quadam pietate coleretur fortè ita accidit, quod Martinus tunc superstes ibi adesset, qui re satis explorata cognita, nequid erroris subesset Deum precatus est, vt seriem omnem rei patefaceret, statimque vox de celo audita latronis suspendio necati ibi iacere corpus sicque exeso cadauere dissipatoq; omnis falsæ superstitionis error sublatus est.

De Rainerio Neapoli.

ADDA M postremo, & illud Regis Legati Napolitani longe calamitosissimum exemplum, qui quum Neapolim obtineret, falsò suspicatus est ab Alphunso Rege vrbs capta esset, quod Aragonius miles per cuniculum ingressus ipsi Rainerio sese ostentasset frequens, quare neglecto manum præsidio, in arcem confugiens, urbem ipsam hosti reliquit, Gallicis militibus vndique diffugientibus quum falso errore correcti sibi persuasissent Rege discedente nihil iam superesse spei.

De Vltione.

Cap. X.

INVITVS certè inuerti stylum aduersus veteres Venetos duces Methamaucenses, quorum vltio, & assidua nimis, & grauis mihi semper est visa, qua in parte immortalis Deo vere optimo maximo ingentes sepe gratias ago, quod in Riualtinis principibus reliquoque patricio ordine, nullum tale exemplum ad nostram usque ætatem inueniam præter vnum aut alterum in quo mihi immorandum in præfætia sit.

De Orleo duce.

VLTIO ipsa cum sæpe grauis molestaque sit, dignaque infamia summa, quæque certè ab omnibus iure accusanda sit, nescio tamen quo pacto in Orleo Heraclienfi duce meritò ab omnibus accusabitur, qui optimi meritis de Veneto nomine post receptam à Langobardis Rauennam suoque Hexarcho traditam auspicio ductuque suo, postque Aquilegiensem Patriarcham à Grado reiectum, exorto interim ciuili bello inter ipsos heraclieneses vndecimo post imperij sui anno, mensibusque quinque ab ipsis heracliensibus obtruncatur.

De Theodato Methamaucensi.

Nec magis felix theodatus Matamaucensis dux primus haberi potest, qui & ipse optime meritis de Venetis tertium decimum post annum

num sui principatus Brundulo extruendo vacat captus à Gallia excaantur.

De Gallo duce.

QUIS non hunc, qui Theodato suffectus est dignum duxerit eadem pœna eodemque supplicio, quo Theodatum ducem ipsemet affecerit? merito igitur vix anno principatus sui exacto, imperio deijcitur oculisque priuatus, non multo post moritur.

De Dominico Monegario duce.

INFELIX certe fatum, pessimumque sydus dominici Monegarij principis fuisse nemo nõ dixerit, qui quinto post Imperij sui anno, quum duo tribuni annui additi illi essent, vt nihil ille per se decernere in quenquam posset, tamen & ipse à Methamaucensibus honore, & oculis priuatur.

De Petro Candiano duce.

ACCUSARI Methamaucenses facile, & ipsi poterunt, qui tamen suorum principum crede contenti, non vltra amplius in eorum cadavera fræuerunt. sed quis quæso Venetorum acerbitate in Petrum Candianum ducem satis vnquam laudetquem principatu pulsum quintum decimum post annum incensaque simul ducaria xde cum. d. Marci templo fugientem cum paruulo filio, supplicantem etiam, vt ipsi saltem parcerent puero cum coniuge ipsa, & filio interemerunt, inuentumque eius cadaver in macellum usque pertraxere, membratimque laceratum canibus tradidere.

De Iustiniano ij. Imperatore.

HABERET forsitan Iustinianus Imperator secundus Constantino politanus iustas ultionis causas in leontium, & reliquos coniuratos, qui illi Imperatoriam dignitatem admissent, nasumque abscidissent, nisi grauius multo in eos animaduertisset, quippe qui domum reuersus, iterumque Imperij fastigium adeptus quotienscunque nasum emunget ex coniuratis unum, quorum multos in carcere asseruabat, iubebat occidi.

De Sancio Castulonensi comite.

QUOMODO vero sancium Castulonensem principem excusare iuste poterimus, qui matrem ipsam ab Arabe principe amatam eodem venenato poculo mori coegit? quod sibi genitrix ipsa ebibendum porrexerat, optabat enim illa filium mori, ut liberius in re Venerea vacare cum illo posset, mortuo filio.

De Bellisarij exercitu in vrbe Roma.

NUNQUAM accusari grauius merito poterunt Bellisarij milite quis Romam urbem eo imperante obsidebant aduersus Gothos, relictum Canonem praefectum ab eodem, qui in Siciliam necessitate cogente profectus erat, interemerunt, qui Canon insigni avaritia, ut sibi stipendia interciperet, ad seq; transferret, frumenta coemebat, quae quotidie aucto pretio illis uenderet, quod cum sepius faceret, re ab his explorata iure quodam suo avaritia in nimis graue, in praefecto ulti sunt, ienus acerbiore sato.

Dicta improba aut facta scelerata. Cap. XI.

De Petro Candiano duce.

EXORDIAR certè à Petro Candiano ducis filio, cuius facinus nemo unquam probet, qui ascitus à patre in principatum comes, multa in illum tentauit, ut eum Imperio deieceret, solusque rebus praeset, quod cum sepius Venetus populus animaduertisset, iure optimo filium in exilium egeret, ut pater incolumis domi ageret, filiusque sui sceleris penas absens penderet.

De Petro Laurentij Celsi ducis.

CUM hoc homine nescio quo pacto te geres, qui principem filium nunquam æquo animo adire salutandi causa poterat, quod grauius ferret se patrem iam senio grauem ad nouum exemplum cogi, ut aperto capite filio occurreret, qua re tandem à filio animaduersa, prudenter sanè exco gitauit, ut pileo suo crux aurea imponeretur, quam uisam pater non gra uato salutaret, quam crucem ad hunc usque diem principes reteneant.

EXTERNA.

De Henrico Henrici III. Imperatoris filio.

NOLLAM certe hac ipsa in parte tam scelerata exempla prodere, ut patricidia quoque hoc in loco mihi perstringenda essent. siquidem hæc mihi grauiora uidentur, quàm ut inter hæc dictorum factorumque improbe exempla annumerari queant, ut quumque tamen sit, non poteris non planè Henricum Henrici Imperatoris filium grauius accusare, & acerbe, quod patrem suum Imperatorem non solum imperio deiecerit, uerumetiam illum fugientem filij uim, Leodij diutius obsessum maturius mori tandem coegerit, quum tantam præ nimio dolore acerbicatem filij ferre æquo animo non posset.

De Ludouico Ludouici Bauariæ Ducis filij.

ACCEDIT ad superius exemplum illi fere par Ludouici Bauari Ducis filij, qui imperij audus nec paternæ maiestatis memor, patrem ipsum omni arte principatu deturbare conatus, ipsum graui obsidione oppressum mori miserabili fato coegit, ut sibi Imperium Bauariæ celerius morte patris demandaretur.

De Michaelè Constant. Imperatore.

HIC Nicephori filius Constantinopolitani principis, & ipse quum Alexio in patrem coniuratione inita, si uictores ex prælio rediissent deiecto patre perperium ipsi obtinerent, forte ita plane accidit, ut ad dyrrachium à Guiscardo Duce ipse interficeretur cum Alexio, sicque cogitati sceleris iustissimas pœnas luit.

De mortibus non vulgaribus.

Cap. XII.

De Andrea Dandulo præfecto rei maritimæ.

GEREBATUR ea tempestate graue cum Genuensibus bellum, quo tempore Reip. Petrus Gradonicus præerat Dux, electus igitur Andreas Dandulo clâssis Venetæ præfectus cû Carolo, spectabat quotidie ad Corcyram nigram, quidnam Genuensium clâssis moliretur, tandem uerò adueniente hoste congressus cum eo ligustica arte fortissime diu pugnans uincitur, & capitur, Genuamque captiuus cum traheretur tanto animi dolore affectus traditur, ut impacto triremi capite sæpius antequâ Genuam ingrederetur animam exhalarit.

De Orfato Iustiniano.

QUANTVM laboris, quantûmve doloris exhaustus Orfatus Iustinianus maritimæ rei Imperator, uel hoc ipsum mortis genus acerbissimû declarauerit, quippe qui mythilenem cum classe profectus, quû urbem ipsam magno animo inuasisset, acrique prælio oppugnasset, uix tamen ab oppugnatione repulsus, usque adeo grauius rem tulit, ut Methonem quû primum attigisset in littusq; descendisset, mœrore animi affectus in ipso Methones ingressu supremum obierit diem.

De Hiadano Gritto, & Petro

Mocenico.

QVO animos quosve spiritus erga patriam præstulerint hi duo rei naualis imperatores haud facile dixeris, nam Hiadanus Gritus iam senio confectus, morboque insuper inter nauigandum grauatus non dubitauit annem Bolianû ingredi, ut obsessæ Scodraæ opem ferret, quem cœli grauitate grauem in primis esse non nesciuerat. Nec minus Petrus Mocenicus, cui ipse Hiadanus successor datus erat, ueritus est ad eum nauigare, quem aliter in Peloponneso expectare poterat. quare uterque contracto grauis morbo non multo post decesserit, tametsi Petrus aliquanto me-

liore fortuna usus domum profectus duxque declaratus, & ipse diem non multo post extremum clausit.

EXTERNA.

De Theodorico Ostrogotorum Rege .

I V R E quidem optimo Theodoricus Ostrogotorum Rex hac in parte principem sibi uendicabit locum, qui quū Symachum, & Boetium in iustissimè iussit occidi, merito assecutus est, ut quū in cœna piscis ingentis caput appositum illi esset, constanter sibi uidere uisus est Symachi caput in labro piscis cultro sibi minantis interitum, quo spectaculo teritus, morboque statim grauatus ob scelesti sui facinoris memoriam, non multo post tremens semper expirauit.

De Arrio heresiarcha .

E C Q V I S non libentissime Arrij mortem Heresiarchæ retulerit, qui Constantinopoli agens dum se sceleratissimamque suam sententiam tueri studet contra Alexandrinum Pontificem catholicè sentiētem ventrem leuaturus intra cellam prodigioso plane exitu intestina omnia moriens effuderit. nec desuere tamen, qui diu postea nefariam hanc perditis hominis sententiam summa contentione defenderent.

De septem dormientibus .

I M P O N E N T finem septem, qui dicuntur dormientes, atque hoc propter nouum mortis genus, quam longiori somno similiorem dixeris, qui apud Turonas agentes, uitæ innocentia clari christianæ pietatis cū Martino Pontifice studiosi sectatores, quodam die dum sacris interessent, posteaquam Martinus ipse decessisset, multos iam antea annos summoque pietatis cultu cum Aicardo Abbate uitam transegissent, litatorio sacro perfuncti omnes emisso spiritu oculos clausere, ut quū omni carerent sensu, uno, eodemque monimento positi, ueluti cœlestia numina in hunc usque diem colantur .

De cupiditate vitæ . Cap. XII.

De Henrico Dandulo, qui postea
dux fuit.

AFFUIT certè iusta diu uiuendi cupiditas Henrico Dandulo, qui legatus ad Manuelem Imperatorem missus cuius iussu luminibus planè priuatus est, candente lamina ærea eius oculis obiecta, quam intueri continuo cogeretur, qui postea domum reuersus tanto accepto incommodo, princeps à quadraginta uiris declaratus est, in locū Aurei mastropetri uita functi, qui tamen ita se gessit toto uitæ suæ tempore, ut Venetum nomen recepta ladera Græciæque Imperio parto, Cretaque insula dono accepta, quam in hunc usque diem retineamus, quæ iam ingrauescente ætate uiue re diutius non posset, dignus tamen uideri posset, qui ad Veneti nominis gloriam & laudem longius uitæ spatio adijceret.

De Carolo Zeno .


FVERE in Carolo Zeno, quod sæpius repetierimus innumera placaræque animi dotes, quas alijs in locis iam sæpius explicauimus, qui tamen & ipse diutius uitam protrahere semper optauit, nam amisso Iacobo filio natu maiore, cum filium reliquisset Iacobi nomine ad maiorem animi sui uoluptatem Rainerium appellari iussit, moxq; cum filijs reliquis, & nepotibus ita uixit, ut semper iucundissime illis uteretur, qua ex re factum est, ut post annum quartum, & octuagesimum incolumis non multo post, fato naturæque concesserit, magno uirtutis summæ exemplo post se relicto.

De Francisco Foscaro Duce .

QUIS nesciat in Francisco Foscaro toties priuatim uaria fortuna affecto, summam fuisse uiuendi cupiditatem, qui nunquam adduci potuit, ut Ducis dignitatem publico nomine donaret, ut tandem coactus è ducario discedere, adiuuante uxore frustra tamen superuiuere diutius optarit.

F I N I S.

1012279



Ea est impressorum incuria, vt omnibus eorum erratis tollendis
 sexcenti Argi uix sufficerent. Nec tamen inficias ierim, plu-
 rima ob exemplar obscuris descriptum subrepsisse.
 quorum nonnulla annotauimus, alia verò, quæ
 diligentem lectorem minime offen-
 dere possent, omisimus.

ERRATA

	primus numerus cartarum secundus vers.			
disidentes	Car.	8 19	francisci	45 3
assequutus		10 25	expungendus punctus	46 3
grau		14 10	tota	86 39
Alexandrinum		14 17	asserere	48 17
quinimo		14 21	quadriuges	52 13
annulo		15 8	Iaderenses	52 29
imperii		15 15	Histriz	
Curci lacum forte legendum		15 27	expunge omni	54 29
iniuriam		16 1	francisci	54 29
sextum		16 33	concederint	84 16
gregorij		17 4	pater	120 7
numum		17 8	iniurię	120 9
infimæ		17 9	prestare	129 40
nostris		20 34	triplicis	170 27
principis And. expungendus punctus		21	redemptorem	146 22
30			Vlpio	147 20
phanum		24 27	Caietam	148 30
marciana		24 34	Chalcidensisibus	150 6
miraculorum	28	primo	preclaræ	169 13
terræ		28 17	ductu	175 17
tunc		30, 28	Iam	172 28
tres		31 25	dueem	193 15
terrę		34 7	deduxit	288 21
omnino		35 30		
sextadecima		38 14	Salutarunt	123 33
deduxerant		38 27	insinu	147 6
festus		38 27	frequentia	154 28
Macclodium		41 8	recepta	155 3
germanos		41 40	si natus	159 20

Venetijs, apud Nicolaum Tridentinum.





